

PAVLI IOVII
NOVOCOMENSIS EPI-
SCOPI NVCKERINI, DE
VITA LEONIS DECIMI
PONT. MAX. LIBRI
QVATVOR.

Hic ordine temporum accesserunt

HADRIANI SEXTI PONT. MAX. ET
POMPEII COLUMNAE CARDINALIS
VITAE, AB EODEM PAVLO IOVIO
CONSCRIPTAE.



FLORENTIAE.

Ex officina Laurentii Torrentini
MENSE FEBRVARIO MDXLIX.

*Cum Summi pontificis, Caroli V. Imp.
Henrici II. Regis Gallorum,
Cosmi Ducis II. Florenti-
norum Privilegio.*



68.14.F.6

PAVOLI 11746

ALL INFORMATION CONTAINED

HEREIN IS UNCLASSIFIED

DATE 11/11/01 BY 60322

1045 11/11/01

1045 11/11/01

1045 11/11/01

1045 11/11/01

TO THE PUBLIC INFORMATION

DATE 11/11/01 BY 60322

1045 11/11/01

1045 11/11/01

1045 11/11/01

1045 11/11/01

1045 11/11/01

1045 11/11/01

1045 11/11/01

1045 11/11/01

1045 11/11/01

1045 11/11/01

1045 11/11/01

1045 11/11/01

1045 11/11/01

1045 11/11/01

1045 11/11/01

1045 11/11/01

1045 11/11/01

1045 11/11/01

1045 11/11/01

1045 11/11/01

1045 11/11/01

1045 11/11/01

1045 11/11/01

1045 11/11/01

1045 11/11/01

1045 11/11/01

1045 11/11/01

1045 11/11/01

1045 11/11/01

1045 11/11/01

1045 11/11/01

1045 11/11/01

1045 11/11/01

1045 11/11/01

COSMO MEDICI,

DVCI FLORENTINORVM,

PETRVS VICTORIVS

SAL.



E S T hoc in more positum, consuetudineque agricolarum, ut, quos primos arbores studio domini satæ, fructus, ferunt, ad eum deferant: ipsumque antè alios uelint sapes pomorum gustare, ac suauitatem illam sentire. Nobis in

hoc officio sam nationem imitari, institutumque diligentium colonorum sequi, uisum est. Cum enim tu quoque campum hunc musarum studiosè colueris, stirpesque nobiles multas, ac peregrinas in eo diligentia tua seueris, uidentur ad te potissimum primitiæ ipsius pertinere: amplissimoque nomini tuo, ac tuorum, qui agrum hunc pararunt: incultum tamen, spinisque obsitum reliquerunt, consecrari omnino debere.

Cum enim (ut aliquando præclari operis principium ordiemur) magnus aceruus librorum sedulò a nobis euolueretur, incidimus in libros Pauli Iouii, quibus Leonis X. Pont. Max. uitam, resque gestas se perscripturum professus, omnem familiam uestram mira ubertate ingenii, copiaque uerborum ornauit: ac magnis, debitisque laudibus ad cælum tulit. Vt enim antiquis plurimis, & Græcis, & Latinis scriptoribus bibliotheca referta est, ita etiam monumentis nouorum ingeniorum abundat: nec parua inferioris ætatis auctorum copia illuc congesta est. Quod ab eximia liberalitate uestri generis, summoque amore in literas, cæterasque ingenuas artes, profectum est. Eos igitur placuit primos excusum dare, quòd lucem non paruam uestris rebus allaturi sint: quanquam domus tua per se clarissima est: & in summum iam pridem honoris, dignitatisque gradum peruenit. Sed eò etiam libentius hoc fecimus, quia Cosmus ille, cuius tu, quemadmodum nomen refers, ita etiam uirtutem imitaris: ac Laurentius nepos, qui in his libris

ualdè celebrantur, fons atque origo huius beneficii, quo tu perpetuò tibi animos studiosorum obligabis, fuerunt: certos enim homines, huic negotio conficiendo idoneos, in Græciam miserunt, atque huc magnam uim optimorum librorum conuexerunt: sed etiam adhibita summa diligentia Latinos multos ex hac nostra terra coëgerunt, exscribendosque ubique magnis sumptibus curarunt: Hoc enim quoque ab amatoribus literarum ignorari: patique longitudine temporis obscurari, æquum non erat. In hoc uerò opere, ut reliquæ maiorum tuorum singulares uirtutes illustrantur, ita etiam egregia hæc uoluntas, operaque erga studia literarum: excellentique liberalitas in studiosos earum, celebratur. Præterea (quod in omni negotio primum est) lætum, faustumque initium auspicari uoluimus, ut, quemadmodum honesta hæc familia ab his radicibus orta, diu floruit: semperque magis admirabilibus quibusdam, diuinisque rationibus statum suum auxit: nunc autem in primis uiget, ac maiora, præsentioraque bona, uirtute præsertim atque prudentia tua hominibus de se pollicetur, ita etiam ingens hoc beneficium, à maioribus illis tuis natum studioque eorum, qui sequuti sunt, retentum: à te uerò nunc noua hac ratione ualdè amplificatum, & in fines omnium terrarum prolatum; cotidie magis crescat, utilitatesque infinitas cupidis bonarum artium afferat. Quod & tota mente debemus optare: &, cognita animi tui alacritate, qua rem aggressus es, constantiaque in consiliis tuis ad exitum perducendis, licet sperare.

Vale.

PAVLVS IOVIVS EPISCOPVS NVCKERINVS
AD ALEXANDRVN MEDICEM

REIPVBLICAE FLORENTINAE

DVCEN MAGNANIMVM.

Q VVM vitam Leonis Decimi patris tui, efflagi-
tante Hippolito Cardinale, is enim me ad id munus
suscipiendum liberaliter inuitarat, ac demum cohort
tante ipso & cuncta ordine docente Clemente ponti-
fice, quatuor libris absoluissem, vtrumque magna
fortuna acerbis ate hora fatalis eripuit. Itaque or-
batu duobus longe maximis atque certissimis via
studiorumque meorum praesidijs, me recte peranteg, facturum existima-
ui, si ea vigilia, qua maiorum tuorum memoriam conuincerent, sub tutela
tui nominis ederentur, quum iure optimo successionis non modo principatus
fortunarumque omnium, sed etiam vera gloria, cuius Medicea gens audi-
disima semper fuit, hereditatem sis consecutus. Quando supra opes vetu-
statisque originis & domesticam disciplinam, qua incomparabili elegancia
cum laude maiores tui floruerunt, noua decora & augustiora quidem intra
penates inuuleris, nequaquam parua, ludentis fortuna temeritao, sed gra-
uissimis quaesita uirtutibus. Praebuisti siquidem vixidum pubescens non am-
bigua adhuc & incerta luce indolis, ueram spectatis operibus uirilibus & uiui-
da uirtutis opinionem, quum Caesaris armis recepta Florentia, rempubli-
cam popularium dira ambitione deformatam, ad optimatum auctorita-
tem ac que consilium reuocares, promulgareturque subinde illud generosum
& salutare Amnestia decretum, & quo nihil afflictis ciuicari salubrius
fuit, expeditis & incorruptis iudicijs per singula fora constitutis, aequalem
cunctis sinceri constantisque animi gratiam & studium pollicereris. Intra
enim quatuor tantum indomita insania capia, octiduis alius gladius leg-
egerat, ac eo seueritatis & clementia temperamento acerbissimis & veteri-
bus inimicu urbem repurgasti, eaque animi constantia tulisti patris ponti-
ficis interitum, & dum aduersus inquietorum ingenia, & externam vim
munissimam arcem erigeres, ea, felicitate insidantium vita tua, propin-
quorum tela, & machinas euitasti, ut in his asferrimarum rerum actioni-
bus, neque absoluta attaus Cosmi prudentia, neque proaci Laurentij d
praeco ingenio matura celeritas, neque Leonis praelara & ingens animi
magnitudo, neque clementia, moderatio & patientia, quibus Clemens ali-
quanto clarior quam felicior fuit, desiderari posse uiderentur. Hui nimirum

virtutes agnouit Caesar, filiamque tibi maturatis nuptijs coniugali in thoro
collocauit, Quo incomparabili facto & Caesar ipse singularem praestantis iu-
dicii eximiaque liberalitatis & inconcussa fidei laudem est adeptus, & opes
tuae aduersus omnem inuidiam firmissima constituta. Tu vero enixe contem-
des, ut ceretam harum opum et uirtutum possessionem non solum tua
re diligenter, uerum etiam promotis finibus fortiter extendas,
Dabisque subinde operam liberis, ut hic qui in te uno
viget, nobilissima stirpis sanguis felici Marga-
rita uxoris fecunditate propagetur.

Speramus enim te procreaturum
liberos Augusto socer-
o, & mater-
bus tuis
uir

tuae
per similes.

U A L E.

PAVLI IO VII EPISCOPI NV CERINI IN
VITAM LEONIS DECIMI PON-
TIFICIS MAXIMI

PRAEFATIO.

AD HIPPOLYTVM MEDICEM

CARD. AMPLISS.

L

AURENTIUM Medicem auum tuum magnani-
me Hippolyte, qui domum vestram in hanc, quam iusta reli-
gione veneramur, augustissima dignitati amplitudinem fe-
lici virtute prouexit, dicere solum accepimus, nullum ex ro-
to humana vita negotio opulentiū acque praestantius patri-
monium liberis relinqui, quā virtutis & gloriae harum alto-
ram diligenti educatione liber alique disciplina, & domesticis

maxime exemplis facile comparari; alteram veluti ab his certissimis seminibus pro-
creatam, enasci sua sponte, & coalescere in immensum. Qua praeclara voce, vir aca-
tissimae sapientissimus intelligi volebat opes prope universas, principatus, affluentisq;
Fortune caducas & instabiles; egregia vero virtutis & laudis possessionem, non modo
esse longe firmissimam, verum etiam in usum omniū posteritatis maxime diuturnam.
Neque id summū viri iudicium hactenus impotens Fortuna visa est vlla ex parte se-
fuisse, quum adeo insolenter ac acerbe, ereptis omnibus subsidijs ac ornamentis, fa-
miliae vestrae nomen affligeret, ut nihil omnino relinqueretur, praeter ingenuum inui-
ctis animis vestris eximia virtutis studium, quo illud pene extinctum reuocari ab inco-
ritu, pristinaque dignitati restitui, ad non dubiam salutem humani generis sepe vi-
derimus. Hoc profecto ardentis & rediuiuae virtutis lumen, Laurentius à Cosmo Pe-
troque acceptum, per manus, uti in cursu veteres Graeci lampada sequentibus dare
erant soliti, Leonis Clementique tradidit, ut tibi demum cunctis naturae fortunaeque
muneribus ornatissimo sacissima successionē traderetur. Itaque quod tibi vni iure opti-
mo debebatur, Leonis patris tui effigiem vera similitudinis, quantum fidei studio
praeitari potuit, sacissime expressi in hoc non inepte (ut arboror) pictorum morem se-
cutus, a decreto in eadem tabula, ambitiose vagantium, scilicet ut maiorum quoque
tuorum vultus, illam virtutem viuide spirantes, quam tu feliciter amulari, obtueri
conspicerentur. Quibus propositū augusta virtutis horreorum, facile sperauerim, ac
ab excessu flagrantisq; animi magnitudine non modo aequaturum gentilitias laudes,
sed multo altius atque felicius ad gloriam prouolaturum; siquidem in summa indole,
prima fere lanugine, quum singularum virtutum, quae in maioribus tuis enitueri sin-
gulos flores rara felicitate decerpseris, ita studia tua nobilissimarum disciplinarum
atque arrium spectatis operibus, & incredibili quadam ingenij secunditate ac prouolu-
isti, ut iam florentissima ingenia, quae domi liber aliter alii, non plus te uti admirabilis

beneficæque natura dominum obseruent, quàm ab erudita ingenij subtilitate, magi-
strum censoremque suspiciant. Sed hæc magna & mira fortasse in cæteris senatoribus
in te perfectio, minoræ angustioraque sunt illo pernobilis militaris animi tui vigore,
quo dudum in Pannonia Solymano, trahenti totius Orientis opes & copias armatus
occurristi, Quum tam forti quàm pio constantis animi decreto, ad non dubiam spem
inuisitata laudis te ipsum pro Christiani nominis salute deuouisses. Ab hac quidem ar-
dentis ingenij mirifica cupiditate, quando in oculis fortissimarum totius Eu-
ropa nationum, ad uberiorem victoriam sacratio dignus exercitum spectare
riu, eam nominis famam prætulisti, ut secundissimo quodam sa-
to in hanc lucem instaurati sæculi productus esse uideret
ad sacri ordinis amplissimum decus, & ad solidam
Clementi patris felicitatem, in cuius
tutela omnis iam Italia, di-
uino eius consilio par-
ta pace, con-
quiescit.
U A L E.

ANGELI CONSTANTII *NEAPOLITANI.*

Fleui Alexander tumulum quum uidit Achilla
Et dixi sanctas heu nimium cineres
Quorum Mæonij testantur sacra poeta
Carmine uictrici prælia gesta manu:
Idem uitales si nunc quoque carperet auras
Diceret ingenti luidius insidia
Salute o Decum felicia busta Leonis
Quem sui facundo Iouis ore canit.

VITA LEONIS DECIMI PONT. MAX. A
PAVLO IOVIO EPISCOPO NV-
CERINO CONSCRIPTA.

EDICEAE gentis nomen tamen multis ante an-
nis in Etruria admodum illustre fuerit, certam ta-
men ac stabilem magni COSMI virtute clarita-
tem cepit. Nam Syluester qui Vicecomitis Insu-
brum Ducis imperum in Apennino strenue retar-
dauit, & Auerardus atque Ioannes quondam opi-
bus ac urbana gratia florentes, nunquam vel eque-
stris ordinis dignitatem, vel ordinarios liberæ ciuitatis honores, inter-
multos æquales patrios exceleserunt. Fuit autem COSMVS Leonis
X. Pont. Maximi (cuius vitam scripturi sumus) proauus. Eum ab ineun-
te ætate adeo graui, excelsosq. ingenio extitisse ferunt, vt perspicacissi-
mi ciues (quorum ea ætas admodum ferax fuit) iuuenem COSMVM
ad omnia summa natum esse iudicarent. Excoluerat enim se pertinaci la-
bore cunctis iis artibus ac disciplinis, quæ homines vera virtutis gloriâ
perbeatos ac Diis similes efficere consueverunt. Pietate in primis exu-
mia, cum probatissimæ vitæ sacerdotibus certabat, vitæ quoque tempe-
rantia, honestate, doctrinâq. cum optimis philosophis contendere erat
solitus, magnitudine vero animi, magnificentia ac liberalitate, vel opu-
lentissimis regibus æquabatur. Quibus moribus tamen singularem ab
omnium ordinum hominibus gratiam maturè collegérat, inuidiæ ta-
men, tantarum etiam virtutum subsidio fretus, resistere vix potuit. Cir-
cumuentus enim ab inimicis, & ab iis qui specie honesti nimiam eius po-
tentiam formidabant, ceu mox ossuturam publicæ libertati, in carcerem
est coniectus. Verum in tanti viri capitis discrimine conseruata ma-
xima parte ciuitatis, aduersus paucorum potentium crudelitatem plu-
ribus sententiis atque suffragiis est impetratum, vt virtuti ac innocentie
parceretur. Inde cum exulatum Venerias abiisset, tanta animi fortitu-
dine ac industria apud omnes egit, ut nō modo famam ac fortunas suas
(quas inimici acerbissimo liuore inducti, cōturbatas ac penitus conuul-
sas uidere cupiebant) vbique terrarum egregie conseruaret, sed & suis
ciuib. & Veneris longe prudentissimis Senatoribus, multo quàm antea
sapientior ac admirabilior euaserit. Secuta demum est non toto ver-
tente anno in Rep. Florentina mira tranquillitas æquisimis hominibus
in magistratu succedentibus, ita vt COSMVS, qui Reipublicæ turbulen-
tissimorum ciuium ui atque audacia commotæ, sæuis fluctibus in alie-
nam terram eiectus fuerat, incredibili studio atque pudore totius ciuita-
tis in patriam sit reductus. Tum uero renouata constitutaq. Republi-
ca, perniciosus vel suspectis ciuib. Senatu amotis aut expulsis, probita-

ej, bonisque artibus dignissimus locus est patefactus. Ab eo enim tem-
 pore Florentini eiusdem diuini hominis consilio sæpe pro communi pa-
 ce, pro patria libertate, amplitudinēque imperij feliciter arma tracta-
 runt, priuatas opes auxerunt, urbemque suam eximjis eunctorum arti-
 um ornamentis illustrarunt. Ipse COSMVS, vt erat incomparabili iudi-
 cij grauitate, infinitaque prudentia, supra cæteras res omnes, studiosis
 egregijsque rerum scriptoribus fauendo donandoque immortalitatem
 literarum beneficio gloriosa quadam auiditate concupiuit: quod ciues
 quibus ipse per multa pecuniæ atque honorum beneficia contempsisset, uel
 inmemores aliquando futuros uel omnino uerituros diceret. itemq.
 prætoria, villas, templaq. ab se regio sumptu ædificata, haud multo post
 uel temporis uel hominum iniuria labefactari posse, ac absumi penitus
 arbitraretur. Erat priuatis in rebus suis domesticisque sumptibus nata-
 ra & consuetudine minimo contentus, utpote qui ciuili cultu uiueret,
 frugalique & munditijs potius referta quàm lauta mensa, uteretur. Ac
 cum clari hospites & præsertim aduenæ uirtute insignes occurrerent,
 nullis uel maximis sumptibus parcendum putabat, quin splendidissime
 excipiendo largiendoque totum pecuniæ usum facultatesque omaes ad
 splendorem & gloriam reuocaret. Vixit ad summam prope senectu-
 tem integra autoritate ac florenti semper gloriarecte atque feliciter ad-
 ministratæ Reip. & in ea quoque parte beatus, quod non modo Petrum
 filium probitate singularique prudentia præstantem, uerum & nepotes
 pueros auita summarum virtutum indole conspicuos relinquebat. Mo-
 riens COSMVS PATER PATRIAE decreto publico est appellatus;
 idq. sempiterni honoris causa marmoreo eius tumulo fuit inscriptum.
 COSMO vita functo Petrus filius regendæ Reipublicæ gubernacula,
 quæ pater plurima ex usu præcipiens de manu tradiderat, cunctis ab ini-
 tiō fauentibus cepit. Sed non multo post in eum intestina occultaq. odia
 è tenebris insensissimorum animorum eruperunt, quæ Medicorum
 æmuli autoritate & fortunis admodum potentes, uiuente COSMO
 varia dissimulatione compresserant, cum vim inueteratamque pruden-
 tiam cautiissimi ac excelsissimi senis pertimerent. Erat enim Petrus re-
 cto potius, constantiq. animo, quàm acri atque vehementi, ob idq. etiam
 eum opportunum iniuriæ putabant, quod ab diuturnis atque lauisimis
 articulorum doloribus se ipso hebetior factus, magnam partem innati
 vigoris amisisse videbatur. Itaque multis rerum nouarum cupidis, aut
 inexpiabili liuore flagrantibus, ad commutandum Reipublicæ statum
 intentis, dux ueluti per iocum ciuium factiones sunt excitatæ, eorum
 scilicet qui montana aut plana urbis incolerent. Quibus nominib. haud
 obscure Lucas Pittus paulo ante COSMI æmulus ueluti factionis prin-
 cepts indicabatur. Nam Lucas ad Romanam portam editiore in loco ad
 effigiem munitæ arcis ingentem domum extruxerat, ut COSMVM ma-
 gnificentiæ gloria superaret, qui suas ædes trans Arnun amnem plano
 urbis

urbis loco ex ueteris architecturæ præceptis elegantissimas ædificasset. Coniuratum est in Petri caput, quod aliter occupandæ reipublicæ negotium transigere posse desperabant. Constitutusque insidiis locus ad suburbanam ædem diui Antonii, ut redeuntem è Caregia villa illigatum fasciis ac vfu pedum carentem interficerent. Sed Dii ea die innocentissimi hominis salutem egregie sunt tutati. Nam Petrus de insidiis certior factus, diuerso itinere in urbem est delatus, detectisque inimicorum consiliis, ut Remp. malis ciuibus repurgaret, nouosq. subinde senatores deligeret, armatum populum ad concilium aduocauit, cuius studio atq. autoritate qui res nouas moliebantur Senatu ac patria exacti sunt. In iis fuere uiri nobilitate spiritu atq. opibus insignes, Angelus Acciaiolus equestris ordinis, Detefaluis Nero, & Nicolaus Soderinus, qui summum paulo antè in ciuitate gesserat magistratum. Ii cum suis consiliis perculsi atq. afflicti, Florentia profugissent, adirèntq. longo errore cunctos Italiæ principes, sollicitandis tentandisq. eorum animis, undiq. Petro Medici bellum concitabant. Sed ille Galeacio Sfortiæ & Ferdinando Aragonio arctissimo fœdere atque amicitia coniunctus, euocatis ad Erruriæ præsidium eorum copiis, facile inimicorum suorum consilia atque impetum fregit. Eo tamen anno, qui Petri uitæ ultimus & à morte COSMI octauus fuit, illi iidem exules Bartholomeo Coleone in Flaminiam cum ueteranis ac ingentibus copiis perducto, magnos belli motus excitauit. Qui tumultus repente exortus cæterorum principum animos Mediceorum periculo permotos ad tuendam communem salutem ac libertatem erexit. quod id bellum haud obscure Venetorum auspiciis geri videretur, qui iam pridem totius Italiæ imperium immoderata ac impudenti quadam auiditate concupissent. Quanquam ipsi ad eleuandam turbatæ pacis infamiam, se Coleonem (qui uetus eorum erat imperator) cum magna parte exercitus dimisisse, eique imperii militaris titulos abrogasse prædicarent. Galeacius ob eas res traiecto Pado Coleoni ualidas copias ac acerrimos duces opposuit. atq. ipse cum vxore ac ornatissimo comitatu ad tuendam firmandamq. Mediceorum dignitatem Florentiam est profectus. Venientem incredibili alacritate ac pompa ciues ordine obuiam egressi, ipsiq. Medicei iuuenes Cosmianis in ædibus exceperunt. Interim ad Ricardinam amniculum in Bononienfi collatis signis est dimicatum: & adeo pertinacibus animis, ut cum in noctem vehementissima pugna traheretur, armigeri pueri quiete extra ordines circumfusi, ueluti iudicio in spectaculo concurrentib. turmis funalia præferrent. Cæterum arte virtuteq. Federici Vrbinatis, qui hostem sub occasum solis, ab multo diei æstu fessum, positisque armis nihil iam de imminente pugna dubitantem adortus fuerat, & tum & in posterum Coleonis impetus fortiter est repressus. Nec multo post Borius Atestinus Ferrariæ princeps, qui se inter dissidentes pacis sequestrum obrulerat, composita omni controuersia Etruscarum rerum statum pri-

q. huiusmodi in ipso
 a. in nouis opusculis
 de illius effluuiis

stinæ paci quietiq. restituit. Ab ipso autem Petri excessu Laurentius & Iulianus filii eximio Sænatus ac populi favore munia gerendæ reipublicæ susceperunt. Duxerant illi naturæ ac studiorum similitudine concordēs à teneris annis uitam humanitate, modestia, literis, ac omni deniq. civili uirtute perpolitam. Vñ nanque Gentile Aretino præceptore longe doctissimo atque sanctissimo, ab ipsis maiorum suorum vestigiis minime abscedendum esse didicerant. Plurimum quoq. valuerat ad regendam puerorum indolem, ut in lubrica ætate, Lucretiæ Tornabonæ matris diligentia, quæ morum omnium erat moderatrix. ea enim grauitate uirilis animi, pudicitia studioque virtutis cunctas ætatis suæ feminas superabat. Nec in postrema eius laude fuerit Aloisum Pulcin nobilem poetam ipsius præfuit ingenio ac liberalitate adiutum, Morganti fabulosi herois admirandas uires Etrusco ac immortalis carmine celebrasse. Accessit quoq. togatis ac civilibus artibus exornatis armorum equirandique peritia, qua tantum vix dum pubescentes excelluere, ut Iulianus iuuenilis decoris auidus proposito ingenti præmio nobilissimos ac fortissimos quosq. equites è tota Italia ad ludicrum certamen inuirit. Cui spectaculo, apparatu, frequentiaque hominum valde memorabili Petrus pater præfuit, annotatumq. est Iulianum acclamantibus ac fauentibus cunctis, multo plures quàm quisquàm alius hastas triplici ferro præpilatas in aduersis concurrentium equitum pectoribus perfregisse. eius gloriosi laboris præmium fuit triumphus Politiani diuini poetæ carminibus celebratus. Nec multo post Laurentius, ut fraternis laudibus æquaretur, nouum spectaculum periculosissimæ pugnæ edidit: in quo non singuli equites cataphracti de more intermedia erectarum tabularum linea discreti concurrebant, sed conglobati confertis turmis ad ueri certaminis imaginem libero in campo dimicabant. Huius quoque speciosissimi certaminis memoriam Pulcius ipse Politiani æmulus periucundo edito poemate sempiternam fecit. Iis artibus atque animis cum haud dubie iuuentutis principes euassissent, tamen complures illustribus familiis orti gloriæ eorum ac potentæ inuidebant: vniuersæ tamen ciuitatis consensu, digni rerum fastigio, ac principe loco ferebantur. Nam ipsorum domus veræ munificentæ, iucunditatis, elegantiz, virtutumq. omnium officina cunctis patebat: superbia, libidine, audacia, simulatione, liuoréq. penitus exclusis. Nec multo post Laurentius, cum animi, tum consilii magnitudinem ueris operibus ostendit, quum forte Volaterrani occiso prætore propter imperii acerbiteriam, & salinarum controuersiam, à Florentinis defecissent. Nam plerisq. prudentiæ, opinionione clarissimis senatoribus, proposita uenia potius quàm vi ad officium reducendos esse iudicantibus, ipse contra magnifice disputando peruicit, ut ciuitatem quæ crudeliter atque superbe rebellasset, bello persequerentur: ne quodam inani ac pernicioso clementiz lenitatisque nomine, publicam imperii dignitatem amitterent. quam omnino, & fœde qui dem

dem apud cæteras essent amissuri, nisi in reos maiestatis, & nefaria arma tenentes, uim exercerent. Itaque eius ductu bellum Volaterranis illatum. Qui omni belli clade perdomiti, expugnatique tormentis, ac admirandis ingentibusq. ligneis machinis, ad extremum temeritatis atque scuritæ suæ pœnas dederunt: sic ut duplicem Laurentius, cum industriæ militaris, tum ciuilis clementiæ laudem tulerit, quòd summa cum dignitate rebellantem urbem recepisset, & hostibus quanquàm sanguinariis & maxime contumacib. vitam & libertatem ac magnam bonorum partem concessisse videretur. Cæterum inopina uis fati humana uirtute potentior, eos omni laude florentes, repentino sæuòque turbine inuoluit & obruit. Successerat Paulo Secundo Xystus IIII. Pontifex supra sacrarum literarum notitiam bonis malisque artibus instructus. Is pontificiam dignitatem augere, imperium armis proferre, Hieronymumq. præsertim sororis filium principatu urbium, ac amplissimis fortune honestate cupiebat, quando iam cæteros affines Petrum & Raphaelem in signibus sacerdotis ditatos cardinei pilei honore decorasset. His consiliis, quominus ad exitum perducerentur, Laurentii ingenium, insignisq. authoritas maxime officiebant: quoniam in eius manu consiliòq. reipublicæ Florentinæ opes sitæ erant, sensusq. is habebat à Pontificis cogitationibus penitus alienos. Nam Xystus antea Laurentium pro Iuliano fratre in petitione cardinalatus omni opè atque industria contendentem diu ac multum ludificatus, differendo ac demum negando, animum eius ac exultationem vehementer offenderat. Quamobrem Laurentius, qui tranquillitatis atque otii studio. potentiam principum in Italia exæquatam uolebat, nec Pontificis vires nimio plus crescere patiebatur, aduersarum se libidini eius immoderatisq. consiliis semper ostendit. Vitellios, quos Xystus ut Tiferno patria expelleret, bello persequeretur, pecunia omnibusq. auxiliis adiuuerat, & ne Pontifex Imolam Flaminiam urbem coëmeret (quam Regulus egestate atque desidia præceps uenalem proponebat) interpolitis per amicos mensarios rei numariae difficultatibus, impedimentum attulerat: ita ut iam Laurentio cum Pontifice apertæ similitudines intercedere uiderentur. Erat tum in urbe Franciscus Pactius nobilis trapesita, cuius familia Florentiæ uetustate, uiris, atque opibus erat insignis, ac ob id Mediceis admodum infensa. Is ingenio peracri & sæuo Mediceos fratres, quos rerum dominos ferre non poterat, maligne ac acerbissime eorum gloriæ obrectando, Pontifici facile commisit, operamque suam audacter pollicitus est ad eos interficiendos, si pontifex Florentinis in libertate educatis, qui graue seruitutis iugum fortiter essent excussuri, cum ipsa illustri authoritate, qua plurimum posset, tum præsentibus etiam opibus faueret. Xystus, ne tam atrox scelestumq. consilium sanctis auribus admisisse videretur, rem totam occulte tractandam perficiendamque Hieronymo demandauit, egique cum Ferdinando Aragonio, ut Alfonso eius filius cum exer-

citu in Etruriam mitteretur, ea spe, ut sublati aut eiectis Mediceis, Florentinos sibi eo beneficio obstrictos, solenni fœdere confociaret, quorum postea auxiliis nixus, maiore cum dignitate atque potentia summi pontificatus iura tueretur. Asciscuntur inter coniuratos archiepiscopus Pisanus è nobili Saluatorum familia, qui priuatas cū Laurentio simulates, eius sacerdotii nomine conceptas exercebat: Itémque Montesciscus vir militaris Hieronymo fidus, qui ut erat manu, ac ingenio promptus, parandæ cædis negotium susceperat. Itaque alius alia de causa simulante diuerso tempore Roma profecti, Florentiam perueniunt: eodem etiam mittitur Raphael Riarius cardinalis Hieronymi frater adolescens; ut si qui dubii ac timidiore forent, ob eius præsentiam maiore demum fiducia ad maturandam cædem inducerentur. Proinde omnibus consanguineis atque gentilibus, & amicorum clientumq. præcipuis scelerato consilio adhibitis, in templo diuæ Reparatæ longe omnium eius vrbs augustissimo, facinus patrare constituunt. Id uero temporis momentum pro tellera ad stringendas fidas cunctis est datum, quo mediis in sacris Eucharistia populo ostenderetur. Nec mora Franciscus ipse Paëtius, Bernardusque Bandinus Iulianum (quem familiarissime & committer fabulando medium tenebant) repente confodiunt. Alii eodem temporis puncto Laurentium adorti, eum supra iugulum in ceruice conuulnerant. Sed ille amicis haud impune protegentibus, in proximum sacrarium ab æditibus receptus, coniuratis subinde ianua prohibitis, seruat. In tanta trepidatione ac fuga omnis ætatis ac sexus hominum longe tumultuosissima, populus incredibili studio ac pietate erga Mediceos, arma capit, ac eorum nomen ingeminat, optimi quique eo immani execrabilique scelere permoti, coniuratos persecuntur, alios trucidant, alios uiuos ad supplicium in Curiam perducunt. Eodem quoque tempore Saluiatus antistes, qui officii specie cum magno comitatu ad Vexilliferum, Ostiuirosque reipublicæ præfectos de more salutandos ascendere rat, ut curiam occuparet, audito fremitu discurrentis ad arma populi, pauide suis ipse implicitus sermonibus comprehenditur, statimque ipse affinesque eius omnes comites, vulgata inauditi sceleris atrocitate è fenestris suspensi laqueis præcipitantur. Franciscus etiam Paëtius, coniurationis princeps, quem populus domi ceperat, ab eadem fenestræ columnella, è qua pendeat Antistes, deicitur, cæteri q. eorum satellites curia inclusi apparitoribus strenuè operam nauantibus, iugulantur. Nihil atrocius eo spectaculo fuit, nam cum frequentes Curie fenestræ deligandis capistris non sufficerent, ut sequentium suppliciis expeditior locus foret, laquei antè deiectorum ac morientium præcidebantur, ita ut Magistratus supremæ penæ loco parricidarum cadauera iratæ multitudini, vncis trahenda, ac in perfluentem Arnum præcipitanda relinquerent. Laurentius in tanta repentini casus acerbitate, de Riarii cardinalis salute maxime sollicitus, vix impetrauit, ut ei qui ad aram maximam confugerat,

gerat, parceretur; quòd propter adolescentiam, ac ingenii simplicitatem tantæ rei consilium ei minime commissum fuisse arbitrabatur, ac simul ut eius beneficii nomine, infensissimi pontificis voluntatem aliquando redimeret, biduo post pari studio ac diligentia montanorum hominum in summis Apennini iugis ex fuga retracti sunt Montescicus & Iacobus Pactius dignitate atque opibus eius familiæ princeps, qui ad questionis examen patefacta coniuratione, eandem sceleratissimi supplicii contumeliarumque omnium fortunam tulit: Solus autem Montescicus, qui ad Laurentii eadem fuerat destinatus, mitiorem supplicii pœnam, sepulturamque promeruit, quòd hominem diuina uirtute præditum in conspectu Deorum immortalium ante aras se percussurum omnino pernegasset. Siquidem Laurentius paulò antè Montescici animum perhumano liberalique sermone molliuerat, adeoque benigne industriam ac opes ei fuerat pollicitus, si quædam in Apennino castella quæ Montescicorum fuissent, redimere uellet: ut ille commutata voluntate mirum in modum ei deuinctus abierit. Vnde iam constat, ad præclarum in omni uitæ actione præceptum, nihil in principe salubrius esse, & ad laudem præstari, quàm humanioribus responsis vel infimæ fortunæ homines ab se dimisisse. Iuliani demum funus, maximo luctu totius populi, Pactiorum simul ac Saluatorum nomen execrantis, est celebratum. Fuit enim in eo iuvene singularis humanitas cum insigni liberalitate coniuncta, qua sibi ab omnium ætatum ac ordinum hominibus; incredibilem beniuolentiam compararat. Natus ei est, altero circiter atque tricesimo die filius posthumus nomine Iulius, non modo liniamenti oris, sed toto corporis habitu ei simillimus: Qui postea accepto Clementis Septimi nomine, mortuorum Hadriano, pontificatum maximum est adeptus. Ita ut diuina ratione atque iustitia potius quàm ulla ui uel iniqua sorte occultioris Fati, mortalium fortunam dispensari ac regi penitus arbitremur: Quando Dii ipsi non eos modo, quos nulla hominum potestas, nulla posteritatis verecundia, nullus denique sacrorum respectus à concepto nefario scelere retardarint, meritis supplicio pœnas dare coegerint: sed ipsorum etiam fratrum qui strictis pugionibus ante aras petebantur, liberos insigni providentia ad supremæ dignitatis fastigium nasci uoluerint. Nec multo post Laurentius obligato adhuc vulnere, ad ciues longam habuit orationem, qua innocentiam suam commemoratis erga omnes perpetuæ suæ lenitatis, modestiæ, ac liberalitatis officii, abunde est testificatus. De inimicorum uerò crudelitate atque perfidia, tanta animi grauitate moderationeque disseruit, ut plerisque lachrymas exciuerit: dubios uel ante infensos ciues traduxerit in partes: ac demum vnus iam plane princeps ciuium omnium factus, Remp. ad arbitrium administrare cœperit. Iam Alfonso cum Pontificis paternis copiis in Senensem agrum peruenerat: ab aliisque Pontificis ducebus in Flaminie sinibus arma parabantur, ut quod dolis, perfidia, sce-

leratisque insidiis patrare nequiverant, id uera ui ac aperto demum bello perficerent. Addit quoque Xystus profanis armis terribile religionis telum, ac Florentinos Christianis sacris interdicit, quòd Saluiatum archiepiscopum hominem sacratum indicta causa protinus enecassent; quando eius admisi criminis pœna ad ipsius Pontificis iudicium omnino pertineret. Porro Laurentius, inimicis ferè omnibus aut damnatis, aut supplicio affectis, firmissima hominum beniuolentia munitus, pecunias cogit, exercitum parat, à Sfortianis iure fœderis auxilia petit, Venetique Senatus fidem implorat, qui liberas ciuitates aduersus uim impotentium principum tueri, Sociorumque iniurias egregie defendere consueuisset. Ceterum Alfonso acri impetu in Florentinum agrum prouectus, priusquàm iustus exercitus cogi posset, aliquot castella tormentis cepit, magnas undique pecoris ac hominum prædas egit, totumque cum tractum uillarum, colonorumque frequentia insignem bellico terrore compleuit. Interea Federicus Gonzaga, & Hercules Atestinus, in Etruriam cum delectis copiis peruenere, conductusque est Carolus Montonius, qui veteranos Braccianæ militiæ, itémque Perusinos exules sub signis habebat, ut in Vmbria pontificias copias amittendæ Perusini metu distineret: Quibus de rebus uario, sed nullo memorabili euentu bellum pluribus in locis gerebatur. Nam & Robertus Sanseuerinus, qui Pontificis Ferdinandique auspiciis militabat, è Lunensi in Pisanum agrum populabundus excurrebat: & Tifernates à Nicolao Vitellio Pontificis hoste, quum patriam armis repeteret, maxime uexabantur. Iam multi menses transierant, bellumque maiore aliquanto apparatu questuque ducum ac militum, quàm uirtute vel gloria trahebatur, quum ad Trasimenum lacum Pontificis copiæ à Florentinis dubius sunt profligatæ, & Sanseuerinus in Lunensem agrum fortiter est repulsus. In castris autem ad Pogium imperialem, seditio militaris admodum cruenta, inter Gonzagæ Atestinique equites exarsit: Quæ res sicuti exercitum in partes diduxerat, ita postea Alfonso Federicoque Vrbinati pugnæ feliciter committendæ occasionem præbuit. Eorum enim repentino aduentu perturbatæ Florentinorum copiæ, singulari ignauia abiectis fœde armis terga verterunt. At Laurentius quanquàm belli fortuna partium uices, prosperis pariter ac aduersis successibus alternarat, maximis tamen curis angebatur, quum foris, maximi regis, acerrimi que Pontificis non modo uehementes, sed diuturnos impetus omnibus propè rebus impar, ægerimè ferret. In libera autem & maledicentissima cinirate, uix inuidiam quæ sibi passim in coronis ciuium & conciliabulis conflaretur, diutius integra dignitate sustinere se posse speraret. Exhausto enim ærario, necesse erat, ut fide quidem publica sed priuatis opibus, bellum gereretur: quod omnibus uel amicissimis graue erat & peraccerbum: quando id non ad conseruandam reipublicæ libertatem, sed ad tuendam potius alendamque unius hominis potentiam ominino suscep-
prum

prum esse videretur. Xystus enim & Ferdinandus, ut Laurentio inuidiam magis ac magis auerent, se nequaquam ad opprimendam Florentinorum Remp. quam non modo incolumem, sed florentem optarent, bellum intulisse prædicabant: uerum ut pristinam eorum libertatem Tyranno eiecto reuocarent. Pestilentia quoque ualde atrox ac repentina, quæ vulgatis minimo contactu morbis, cumulatq. subinde multorum funeribus urbem vastaret, magnas administrando bello difficultates afferebat: afflictis scilicet ancipiti periculo ciuibus, qui neque in agrum clementioris & liberioris cœli ad tuendam salutem euadere propter bellicum terrorem latè ac propinquo hoste circumlatum, neque in urbe exitiabili eius morbi contagione fœdata supremi discriminis metu consistere audebant. Spes quoque auxiliorum erant imminutæ, quæ sibi à fœderatis debebantur. Nam rem Mediolanensem, quæ tum Ioannis Galeacii pueri, & Bonæ matris imbecillo ac instabili ingenio regebatur, repentina defectione Ligurum & domesticis Sfortianorum fratrum contentionibus maxime perturbatam uidebat: & Veneri ut spectatores potius, quàm eius belli socii vel adiutores forent, inueterata eorum consuetudine, lentis admodum deliberationibus de mittendis auxiliis decernebant. Quibus de causis, cum in otii portum è tot bellicis intestinisque tempestatibus confugere uellet, ab animi magnitudine consilium sumpsit, cum patriæ & ciuibus salutare, tum sibi necessarium atque utile, & mox successu ipso maxime gloriosum. Induciis enim duorum mensium, facile per hyemem impetratis, Ferdinando regi significauit, se recte factorum conscientia fretum, continuo uenturum Neapolim, futurumq. in eius potestate, ut in componendis rebus nullo alio quàm regio iudicio, quod ab humanitate æquitateque minime alienum fore speraret, ueretur. Ergo cum paucis communicato consilio magistratus ex sibi fidissimis deligit, Thomæ Soderino vexillifero eximie prudētiae viro Rem publicam commendat, filium eius tamen secum, uti obsidem fidei futurum adducit. & Pisas per causam inuifendi prædii profectus, inde mari triremibus duabus Neapolim peruehitur. Dum oram solueret, ad Senatum scripsit, se publicæ quietis causa amoreque ciuium, propriam salutem in periculum deuocare non dubitasse, propterea se ad inimicum regem proficisci, ut aliqua tolerabili conditione, pace quesita, & sese inuidia, & ciuitatem bellico metu liberaret, aut certe, si Diis æquisimis ipsius consiliis infesti forent, patriæ belli finem postulanti, cum insigni pietatis laude, uel acerbissimo uitæ exitu satisfaceret. At eius profectio nis fama, sicuti clientium ac amicorum animos metu perculsit, ita inimicos incomparabili lætitia repleuit. Nam cum sarui ac impotentis regis, qui plerosque regni procures uariis suspicionibus inductos enecasset, sanguinarias manus nunquàm euasurum existimabant. Nec deerant Detestabilius Nero uetus hostis & exul, & cum eo pleriq. alii Florentini Mediceis inimici, qui regem, ad eum omnino capiendum, tollendumque,

omnibus maledicentiæ atque odii admotis machinis impellere conarentur. Cæterum Ferdinandus integra fide, regioque apparatu Laurentium excepit, admissumque in secretiora colloquia, tacitus ipse secum primo, ac demum palam propter eximiam animi magnitudinem, incredibilemque ciuiliū & bellicarum rerum peritiam, tanta sensuum omnium propensione est admiratus, ut cuncta ea quæ insidiosè in eius perniciem ab inimicis excogitata fuerant, paucis diebus, superata penitus inuidia, ad amplitudinem eius & gloriam verterentur. Adeo enim scitè ac sapienter, de Italicarum rerum statu, de Principum ingeniis, de facultatibus ac moribus liberarum ciuitatum, deque tota pacis ac belliratione disceptarat, ut rex ipse aduersarum pariter ac secundarum rerum usu longe prudentissimus, neminem eo, sapientia, iudicio, memoria, ac omni denique summa virtute præstantiorem esse fateretur. Nec multo post Ferdinandus humanitate ac ingenio eius hominis expugnatus, pacem haud iniquis conditionibus dedit, fœdusq. percussit. in quo discrete appositum est, ut Aragonii & Florentini, si bellum alicunde ingrueret, certa collata pecunia mutuis auxiliis iuuarentur. Laurentio Florentiam reuerso, vniuersa ciuitas eas laudes ac honores, qui salua libertate deferri poterant, studiosissime congersit, egitque publice gratias, quod non armis publicoque periculo, sed diuina ingenii virtute, propria etiam salute pro ciuib. fortiter proiecta, exoptatâ pacem affectæ patriæ peperisset. Sic enim liuorem eorum omnem qui Medicum nomen oderant, eius claris, facti gloria contriuerat, vt cunctos iam amicos pariter ac aduersarios, mediosque homines publico obstrictos beneficio, in sui admirationem conuertisse iudicaretur. Autoritate enim, potentia, opibus, haud dubie princeps euaserat, qui inter ciues cæteris omnibus cultu, modestia, humanitateque persimilis versabatur. Sed eius initi fœderis fama, & Xysti Pontificis & Venetorum animos vehementissimè pupugit. Nam qui modo belli focii fuerant, ipsa demum pace penitus exclusi videbantur. Aegerримè imprimis ferebat Xystus, quod tale de se suæque natura Laurentii iudicium extitisset, ut cruenti potius regis arbitrio, quàm sacrosancti Pontificis clementiæ, & tota belli causa, & sua ipsius salus omnino committenda uideretur: ita ut appareret Pontificem sacri imperii uim ambiciosius exercentem, & Venetos augèdæ ditionis auidos primo quoque tempore res nouas esse molituros. Sed tum eorum consilia discussit repentinus Turcarum aduentus, qui Hydrunte in Salentinis ui capta, opportunitate breuissimi traiectus freti, ab Aulona totaque Epiro accitis copiis, non modo Apuliam, sed cunctam Italiam incredibili terrore compleuerant. Oppugnabat eodem tempore Rhodum maximis uiribus Mahumetes ille Græciæ domitor, huius Solimani proauus, qui modo Pannoniam & Noricum uisito atque interfecto una acie Ludouico rege, cum ignominia Christiani nominis percurrit. Igitur eo tumultu, depositis impræfens priuatis odiis, Chri-

stiani

stiani principes aduersus publicum hostem coluere . Cæterum Turcarum pertinacia, morte potius imperatoris sui, quàm nostra virtute superata est . Siquidem Mahumetes, quum sibi ingenti spe felicitique audacia, terrarum orbis imperium destinaret, repentinò oppressus morbo, & siros in Italia fortissime repugnantes destituit, & hostes longe maximo metu liberauit . Per eos dies cum Xystus Turcico tumultu exterritus, multum de pristina ira atque odio aduersus Laurentium remisisset, Florentino populo conciliendorum sacrorum iura restituit: ita tamen ut uim exulcerati animi in irroganda pœna profusè ostenderet . Nam mulctæ nomine Florentinis impositum est, ut quindecim trirèmes ad bellum Turcicum exornarent . Hydrunte recepta, & Turcis in deditionem acceptis, Veneti Herculi Atestino bellum atrox ac maxime repentinum intulere, fauente Xysto, qui cum eis fœdus inierat, ut ex Herculis infelicitate, si uictor Venetus euasisset, Hieronymi Riarii ditionem amplificaret . Is rerum motus cæterorum Principum animos magnopere commouit: quum omnes Herculem ipsum qui Ferdinandi gener esset, incolumem uellent, nec rem Veneram carpendo aliena, in immensum crescere, occupataque Ferraria, ad totius demum Italiæ dominatum efferrî paterentur . Erant inter se fœdere cogitationibusque coniuncti Ferdinandus & Laurentius, Ludouicusque Stortia, qui pro tutore pueri Principis, Mediolanensi imperio potiebatur . Ii communicatis consiliis Federicum Vrbinatem, qui tum vnus in Italia erat & vetus ac felix imperator, in Ferrariensi Venetis opponunt . Alonsum Regis filium ab Truento amne per Picentes in agrum Romanum cum ualido exercitu maturare iubent. Ab Etruriæ autem finibus Nicolaus Vitellius euocatur, instruiturque pecunia & copiis ad Tifernum repetendum, unde Xysti iniuria paulo ante fuerat eiectus . Quæ omnia eo pertinebant, ut Xystus domesticò oppressus bello, Venetos iniqua uel immoderata cupientes, deferere cogeretur, ac tandem publicam Italiæ libertatem priuatis ipsius cupiditatibus anteferendam esse meminisset . Verum Alonsus qui ad Latinam portam infesto exercitu magnum Vrbi terrorem intulerat, nihil sese propterea animo demittente Pontifice, fortiterque armis rem gerente, in Veliterno collatis signis est superatus. Ea pugna egregie ab utrisque pugnata est, sed victoria penes Robertum Malatestam Pontificiarum copiarum Imperatorem stetit, ab insigni maxime opera sagittariorum equitum, quos Venetis de castris adduxerat . Cæterum Robertus in cuius virtute summum præsidium Pontifex collocabat, tri-duo post triumphum alui profluuio celeriter est extinctus . A deo ut Hieronymum eius gloriæ inuidia excruciatum, mortiferam potionem sumministrasse plerique existimarint. Ipse quoque Federicus Vrbinas, qui Roberti Sanseuerinatis acerrimi Venetorum Ducis impetu egregie sustinebat, in castris ad Stellatam, morbo ex fluuiali palutrique aura concepto, uir optimus ac inuictissimus est extinctus . Ab eius interitu Sanse-

uerinas acrior atque validior factus, orbatīs tanto ducē hostium castris, multa detrimenta intulit: moxq. ad Argentam interfecto Antonio Martiano impigro hostium ducē prosperē dimicauit, atque adeo secundo vbique rei Venetæ successu bellum gerebat, ut ad Ferrariæ usque nictia inlustras acies promoueret. Quas ob res fœderati principes Herculis ingenti periculo percussī, magis ac magis Pontificem armis premebant, ut eum ab Venetæ societate diuellerent, Alfonso enim copias reparabat, Vitellius expullis Iustiniis, qui in fide Pontificis erant, Tifernum receperat. Et cum Hieronymus Roberto Malatesta mortuo, occupare Ariminum, & Vitellios rursus Tiferno pellerē, reducereque Iustinos properaret, Laurentius auxiliis maturē transmissis, spes eius & conatus omnes infregerat. Quin etiam per Federicū Cēsarem egerat, ut Concilium cunctis sacerdotibus atque imprimis ipsi Pontifici Basileæ indice retur, Cuius nomen nō modo graue sed terribile auribus ac animis Pontificum semper extitisset. Monebant quoque iis rerum difficultatibus circumuentum, principum legati, ac idonei præsertim hominēs, quos Laurentius abunde instructos transmiserat, ut certæ quieti, honestoque ocio, quā dubio ac exitiali bello studere mallet, quando nihil ei, qui pacificatoris personam iure pietatis sustinere deberet, gloriosius accidere posset, quā Italiam pacare, & ex æquo & iure sublatis armis controuersias finire, ut quod ipse diu antè optasse uideri uellet, aduersus Turcas bellum communi concordia, singularique omnium Christianorum alacritate susciperetur. At si Veneti Ferrariā potirentur, in eorum mox potestate propinquantē vrbes Mutinā & Rhegium futuras, inde bella ex bellis ferentibus, & proxima quæq. maturē ac audaciter immortalī ipsorum imperio adnecētentibus, Flaminiam omnino cessurā, Italiamque demum omnem, conclamata communi libertate nouis hominibus qui audaciter ē paludibus in proximā continentem pedes extulerint, omnino seruiturā. His de causis adductus pontifex, cum cæteris Italiæ principibus, aduersus Venetos fœdus percussit, monuitque ut à Ferrariensi agro penitus abstinerent. Porro si quid in ea re antiqui iuris sibi esse arbi trarentur, id se protinus ex pontificiis legibus cogniturum. Quod si ab armis sibi minime discedendum putarent, & Ferrarienses nihilō secius bello persequerentur; & se & cæteros belli socios, eorum iniurias minime neglecturos. Cæterum tantum abfuit ut Veneti ea ingentis belli de nuntiatione terrerentur, ut multo maioribus quā antea animis atque opibus bellum omnino sibi gerendum esse decreuerint. Itaque quanto maxime studio atque apparatu fieri potuit, ad arma discessum est. Conuenereque totius Italiæ principes apud Cremonā, ut de bello consulerent. Quo in conuentu Laurentius Medices tanta grauitate atque facundia suscipiendi ac administrandi belli rationes explicauit, ut cum togatis omnibus humanarum rerum peritiā præstaret, in bellica etiam facultate, castrensibusq. consiliis, diuinæ prudentiæ laudem, admiranti-

bus

bus ducibus adsequeretur. Gestum est subinde bellum magna vi ac ingentibus copiis, non modo ad Ferrariam, sed in Bergomati & Brixiano, quo nullum grauius aut periculosius antea Veneti se sensisse meminerant. Iamque Alfonso ductu & contusa eorum vires, & fracti constantissimi gentis spiritus abunde videbantur, nisi Ludouicus Sfortia preposito & sibi demum exitiali consilio à sociis fœdereque discedens, uictis iam planeque perdomitis, exquisitam pacem peperisset. Ad eius confectæ pacis nomen, quæ maiorum motuum semina præferebat, Xystus interijt. Suffectusque ei est Innocentius Octauus pacis atque ocij suopte ingenio apprime studiosus. Natumque est repente bellum in Lunensi, repetentibus Sergiam oppidum Florentinis, quod Ludouicus Fregosius dolo captum Genuenibus paulò antè vendiderat. Ad id Ligures eximio studio, quantas pro decore vel salute gentis efficere poterant, cum terrestres tum nauales copias contulerunt, bellatumque est multis mensibus uario euentu. Concessere quoque in partes Ligurum Petrasanctenses, qui in Lucensi agro supra Fanum Feroniæ vetus oppidum incolunt. In eos propterea Florentini vires atque animos ab Sergiano conuertère, oppugnataque est aliquandiu Petrasancta, defensaque fortiter. Venit demum in castra Laurentius. Is prætorum & ducum errata opportunissimo tempore correxit. Nec multo post militibus partim præmiis partim pudore incitatis, ob idque acriter operam nauantibus, oppido per deditionem est potitus. Incubère exinde Sergiano Florentinæ copiarum, totaque belli mole & obsidebatur oppidum & tormentis maioribus oppugnabatur. Ad extremum, quum Ligurum exercitus subsidio laborantibus aduenisset, commissoque infelicitè prælio victoria penes Florentinos stetit, Sergianenses reliquas spes omnes, in vna admirabili virtute clementiaque Laurentii collocarunt, eumque ad aperta porta supplices præsentis oleæ frondibus exceperunt. Confessio Lunensi bello, cum Laurentius ad pacis munia transiisset, inter Innocentium & Ferdinandum bellum exarsit. Aquilani enim interfecto regio prætoris defecerant. Hos Pontifex imperitorum hominum consiliis impulsus, ut opulentam urbem imperio adiiceret, fouendos tuendosque suscepit: Rex quoque eo magis opportunus iniuriæ videbatur, quòd ab eo plerique regni procures inita coniuratione desciuissent. Itaque Ferdinandus grauissimis periculis implicitus, à Florentinis auxilia postulauit. Quæ non modo facile impetrata, sed transmissa celeriter, inexperti Pontificis consilia perturbant. Eum enim Florentini ualde oderant, quòd Lunensi bello Liguribus fauisset. Sed in ea causa Laurentii vehemens studium & mirifica voluntas enituerant, quum ea non modo fœderi publico, sed priuatæ etiam amicitie plenissime tribuisset. Erat Laurentius Vrsinæ familiæ, à qua Claricem duxerat uxorem, affinitate sensibusque coniunctus: Columnii vero in fide & clientela Aragoniorum erant. Quas ob res facile accidit, ut vtriusque factionis Romani procures, sti

pendio conducti,regiis in castris aduersus Pontificem militarent. Pugna batur ad Anienis pontes,cunctaq. suburbana oppida in Etruria & Latio pariter Aragoniis fauebant,nec pro uetere cum fidei , tum virtutis opinionone Robertus Sanseuerinas ad vrbis præfidiū accitus eorum imperū sustinebat. Quibus de reb. Pontifex bello temere suscepto necessariam potius quàm decoram pacem præferre coactus est: tantumq. absuit , vt ex earum offensionū memoria Laurentium odio persequeretur, vt eum tum maxime ab spectata virtute suspicere admirariq. cøperit. Eximia etenim fide,cōstanti studio,celeriq. ope socium Regem ab eo non modo adiutum,sed propemodū conseruatum fuisse conspiciebat:seq. propterea multo potentiorē ac feliciorē fore arbitrabatur , si eum virū qui tantum virtute,consilio,atq. opibus valeret,stabili ac firmiore aliquo amicitia vinculo sibi coniunxisset. Nec multo post in mutuum amorem nudatis vtrinq. animis, Magdalena Laurentii filia in matrimonium Francisco Pontificis filio collocata est, adiectumq. priuatæ affinitati publicū fœdus. Vnde mox ab certo veluti felicitatis gradu, fortuna Mediceæ familiæ ad meritum potius quàm speratum humanarum rerum fastigium ascendit. Nam triennio post Pontifex salutari benignitate , in honorem Laurentii patris Ioannem eius filium vix tum tertium decimum excedentem annum in cardinalium numerū cooptauit. Tanta enim Laurentius apud omnes gratia valebat,vt singuli cardinales pleno suffragio,maius quàm per leges liceret,summæ dignitatis honorem cū ipsis cocci nei pilei insignibus,sine vlla dubitatione demandarint. Optima pace parata ad eam tuendam in ipsis imperii finibus propugnacula crexit, à Senensi via opportuno atq. edito in colle, Pogium imperialem, vt eò Pogibonici oppidi incolas transferret. In Apennino autem, qua Bononiam itur, Florentiolam muro turribusq. muniuit. Finitimorum quoq. regulorum amicitiam perpetuis officiis liberalitatēq. parauerat. Ita vt Baleones Perusini, Vitelli Tifernates, Senenses Petruccii, Bentiuoli Bononienses, Fauentiniq. Manfredi vnum eum respicerent, atq. eius consilia maxime sequerentur. Domi autem in demandandis Reipublicæ muneribus æquabili temperamento semper est vsus, ut cum carissimis amicorum & clientibus honores deferret, nullus vnquàm antiquæ nobilitatis se præteritū esse quereretur. Opificibus autem ac infimæ plebi adeo populariter studuit, vt sæpe priuata pecunia annonæ penuriam subleuaret. Et cum studio ædificandi ductus in Caiana villa extruenda sumptu atque elegantia COSMVM auum superare decreuisset, magnam operarum turbam se alere potius quàm ædificare prædicabat. Edebātur quoq. statim temporib. hastatorū equitū decursiones, comædiæ, theatrales ludi, omnisq. generis spectacula. Quibus reb. fiebat, ut populus Florentinus quæstui pariter & iucunditati deditus, effusè lataretur. Numidicos etiam equos eximie pernecitatis domi alebat, qui in celeberrimis magnarum vrbiū certaminibus cursu contenderent, victoriarumq. præmia, aureos & seri

cos pannos singulari pietate vestiendis altarib. dedicabat, adeoq. in his rebus curandis exornandisq. sumptuosus erat & diligens, ut nullum vnquam popularis gratiæ decus, vel in maximarum rerum occupationib. neglexisse videretur. Optimarum autem literarum professoribus exquisitarumq. artium magistris, cū earum esset intelligentissimus adeo perhumanè ac liberaliter fauit, ut cæteri principes felici eo sæculo, quo vera virtus pro opib. censebatur, ab vno se Laurentio Medice superari indignarentur. Tum enim de paranda gloria eximii inter se studiis certabant Matthias Pannonius regum optimus ac inuictissimus, Ferdinandus Aragonius, & Ludouicus Sfortia: Ita ut mirum videri potuerit Laurentium ab ea ciuili potius quàm principali potentia, aliquanto longius nominis atq. familiæ claritatem munificentia ac literarum auspiciis extēdisse, quàm quisquàm alius æqualis famam vel militarium operū fulgore protulerit. Gymnasium quoq. percelebre, disciplinarum omnium doctoribus tota Italia magno ære conquisitis, Pisus instituit: ut nobilissimam quondam urbem ad solatium veteris amissæ libertatis, nouo decore, ac externæ iuuentutis frequentia recrearet, misisset. eò Ioannem cardinalem, ut in sacro ciuiliq. iure sub egregiis doctoribus erudiretur. Nec Florentiæ deerant Græcarum ac Latinarum literarum clarissimi professores, alique ingenio atque facundia insignes. quibus cum familiarissimè vivebat: In iis fuisse Picus Mirandula, Politianus, Marsilius Ficinus, Christophorus Landinus, & ex Græcis Ioannes Lascaris, & Demetrius Calchondiles, & Marullus Tracaniottes, qui præclaris ingenii operibus editis, cum immortalis laude in omnem posteritatem viuunt: Horum eruditione ac diligentia fretus bibliothecam, quam COSMVS inchoarat, nobilioribus peruetustisque codicibus, ac in ipsa præsertim Græcia conquisitis, referfit. Cuncta autem cum publicæ tum domesticæ vitæ munia, tanta ingenii altitudine peragebat, ut uir ad laudem natius amplissimis monumentis memoria nominis sui consecrare videretur ut qui præclarissimarum actionum suarum famam, non modo ciuium, sed cunctorum gentium oculis ac auribus expositam esse iudicaret. His enim virtutibus etiam apud publicos hostes, barbaros, ac remotissimos reges magnus & clarus euaserat. Nani & Bayazetes Turcarum imperator, Benardum Bandinum Iuliani fratris percussorem, qui in Asiam vsque perfugerat, dignitate hominis & sceleris atrocitate permotus, ad supplicium tradidit. Et Caytheius Memphiticus Sultanus, quod nemo tum bellica uirtute felicior fuit, studium suum atque beniuolentiam ingentibus admirandisq. muneribus Florentiam transmissis, eorum insigni Laurentii gloria testatus est. In his enim camelopardalis fuit, animal Indicum enormi proceritate & conspicua varietate mirabile, quod à multis sæculis Italia non viderat, atque eò etiam admirabilius, quod neque modo Lusitani, India perlustrata, neque Hispani inuento ac peragrato nouo terrarum orbe, eius generis animantem hæcenus inuen-

runt. At Laurentius publicis domesticisque rebus felici industria ac optima ratione constitutus, ad ocium philosophiæ, optimarumque literarum confugit, & cum eruditissimis viris (quos supra memoravi) modo in urbe, modo in Caregia villa & in Caiano procul à civilibus negotiis exercebatur. Adeoque his studiis flagranti cura incumbere erat solitus, ut modo seipsum veluti inertem, modo iniquam temporum conditionem incusaret, quod tam sero ad philosophandum accessisset. Sed non multo post, cum virum & cunctis secundæ fortunæ muneribus, & omni virtutis genere florentem, morbus inuasit, torsereque eum aliquandiu cæliaci dolores, subsequenteque mox lenta atque tabifica febre, tertio & quadragesimo ætatis anno consumptus est. In supremis autem vitæ momentis (uti religiosissimum decebat) incredibilem pietatem, singulariæque animi constantiam viuacissimis visquequaque sensibus ostendit; cavitque ne plusquam civili pompa funus esseretur. Sed qui eam inanis spectaculi gloriam spreuerat, ab publico omnium iudicio, multo ampliorem & speciosiores tulit, quam ei mox veluti custodi ac auctori pacis & ocii; non modo Florentia patria, sed totius Italiæ populi, externæque gentes incredibili cum dolore ac multis cum lachrymis iustissime parentarint. Mortem eius varia præcessere prodigia, uti magnis Regibus accidere videmus. Nam & crinita stella supra tectum Caregiæ villæ (ubi tum ægrotabat) deciderè est visa. Fulmen quoque subitam secum cæli serenitatem adducens; Pilam auratam Mediceæ familiæ insigne, & fastigium summæ testudine maximi templi, cum terribili ingentium marmorum ruina decussit; Leoque omnium qui tum in cauea essent nobilissimus, quod semper prodigii loco Florentiæ habitum fuit, aliorum scintilla læceratus est. Ita ut hæc quoque signa eas calamitates prænuñciasse videntur, in quas Italia prope omnis amissa libertate mox incidit, cum nunquam esset in terris optimi sapientissimique hominis ingenium cum summa auctoritate coniunctum, quo ille communis pacis & tranquillitatis apprime cupidus, cæterorum principum insanas mentes, peruersis implicatis consiliis, frenare omnino atque sanare facile potuisset. Paulo antequam Laurentius vita excederet, Ioannem cardinalem Romam cum insigni comitatu ad Innocentium miserat, dederatque ei præcepta summæ plenæ prudentiæ peculiari libello ad honestissimæ vitæ rationem conscripta, adeo gravi & salubri temperamento, ut quum in splendore atque elegantia actionum omnium, vnum maxime sacratæ dignitatis nomen tueri vellet, in filio tamen eius ætatis præterire nequamquam obliuisceretur. Ceterum Ioannes supra bonarum artium notitiam, ex eâ disciplina ab humanitate suauitateque ingenii omnibus iam charus, ubi de morte patris nuncium accepit, continuo Florentiam est reuersus. Abeuntem Pontifex, ut aliquid ad augendam studii gratiamque famam iuueni summæ iâdolis ac optimi viri patris memoriæ daret, totius Euræ legationis honore liberaliter honestauit. Qua vna exultationis

tionis amplificatione , magis ac magis ad confirmandum rerum statum ciuibus Florentinis natura commutandæ Reipublicæ percupidis omni no conciliaretur . Itaque paternis amicis præclare adiuvantibus , & Petro fratre ad Reipublicæ gubernacula constituto , non multo post ad Urbem redit , paucisque inde diebus Innocentius moritur . In comitali vero contentione , qua Alexander Sextus Pontifex est renunciatus , nihil sibi iuveni honestius duxit , quàm duobus præstantissimis cardinalibus adhæsisse , quorum consilia ac auctoritatem in ferendo suffragio se queretur . Ii tum erant Franciscus Piccolomineus , qui postea inito pontificatu , Pius Tertius est appellatus , & Oliuerius Carafa , inter Senatores eius ætatis maxime illustris . Qui tamen si in Republica graui pioque iudicio meliora prospicerent , turbulentis tamen comitiorum fluctibus abrepti , quos ab insana dissensione deducti plerique alii cardinales excitarant , quin de terrimis eius ordinis crearetur , resistere nequiverunt . Horum facile princeps extitit Ascanius Sfortia , qui cum cæca ambitione auaritiæque corruptus , de manu sacrosanctam Alexandro thiaram imposuisset , aliquanto post in ingrato pontifice perfidiam expertus , de bitas scelerati studii venalisque suffragii pœnas persoluit . Nec multo post , in Italiam ingruit Carolus Octauus Gallorum rex , exitiabili dissidio singularique dementia nostrorum principum euocatus , supra terribiles copias inusitato etiam currulium tormentorum apparatu cuncta prosterbens . Petebat is Neapolitanum regnum impellente Ludouico Sfortia , ut Alfonso regis spiritus , immoderata semper appetentis , immisso tanto hoste frangerentur . Erant cum Aragoniis amicitia fœdereque coniuncti , Alexander Pontifex , & Petrus Medices , egregio certe ingenio iuuenis , sed virtute fortunæque patri dissimilis . Itaque ei contigit , ut descendente per Apuanos Ligures Gallo hosti primus copias opponeret , quæ sicuti per se exiguæ , & nullo , vti in longa pace , belli usu exercitatæ erant , ita repente ab ala Gallorum equitum , circa Macram amnem protitæ fusæque sunt . Inde Petrus tanta belli mole incumbenti Carolo facile impar , ad eum , iam Sergianum oppidum tormentis opugnantem , suscepto legationis munere contendit , ut pace quæsitâ , acceptisque ad Regis arbitrium conditionibus , ciuitatis atque familiæ incolumitati mature consuleret . Fœdo etenim euentu Federicus Aragonius regis frater ornatissimam classem ad portum Veneris adduxerat , & Ferdinandus eius filius in togata Gallia ad Sapim amnem à regis Sfortianisque copiis retro fuerat compulsus . A deo ut dii atque homines in eo rerum motu à Gallis stare viderentur . Itaque deposcente Rege , opportunissimas Etruriæ arces continuo tradidit , Sergiani , Petrasanctæ , Pisarum , atque Liburni portus . Redempta per hunc modum pace , Florentiam reuersus , reperit ciuitatem indignitate eius pactionis maxime commotam , veterisque inimicos ex ea occasione erectos in spem asserendæ libertatis . Quibus de causis Petrus , insperati negotii

grauitate subito oppressus, quum ex antè delecto amicorum ciuium numero, alios nutare, alios dilabi, nonnullos planè deficere conspiceret, nullibiq. sibi certa fides aut salubre consilium præstaretur, ire in curiam, atque ibi ad magistratus concionari constituit. Sed dum ad limen intrat, à Iacobo Nerlio, audacissimo ex Tribunis plebis, fores occluduntur. Hoc leui rerum momento facile apparuit, nihil ea existimatione esse fragilius, quæ voluntati & studio hominum nixa, nullis armorum præsidis sustinetur. Petrus enim in ea offensionis acerbitate vehementi metu consternatus, deformi admodum regressu, ac indecoro comitatu per curiæ aream, domum se recepit: ibique inops consilii cum Paulo Vrsino vrbe excedere constituit, atque ita cum paucis, & antè ad Macram profligatis equitibus, Bononiam est profectus. Idem quoque faciunt Iulianus frater, & fidissimi familiarium: Ioannes vero ipse cardinalis in arripienda fuga nouissimus, exuta purpura cineream cucullam ad Serafici sacerdotis effigiem sibi induit, elapsusque inter tumultum occupatæ & discurrentis turbæ, ad diui Marci coenobium, vt ibi se tantisper conderet, ab impiis sacerdotibus non admittitur. Existimabat enim se in eo templo, quod à Mediceis esset conditum, in omni fortuna humanitatem & fidem inuenturum. Eius itaque refugii spe deiectus, ad sancti Galli portam recta perrexit, atque ibi (quod nondum ab inimicis erat occupata) conscenso equo, quem sors obrulerat, per Marinæ amnis vallem, & deuios Apennini tramites, Bononiam ad fratres contendit. Idem quoque itineris consilium Iulius est consequutus, qui cum tesseram tradendæ arcis Pisas detulisset, factusque esset in via certior, de Petri fuga, per Lucensium Alpes euaserat. Cæterum Florentini eiectis Medicis armati in ædes impetum faciunt, diripiunt nobilissimæ suppellectilis apparatus, insignia & monumenta gentis reuellunt, summæque crudelitatis in curia fit decretum, quo Petrus fratresque eius hostes iudicantur, iisque qui eos interfecissent, aut viuos tradidissent, præmia decernuntur. Creatisque nouis magistratibus, instituitur domi hasta, clausaque ad ignominiam celeberrima anteriore porta, à postico populus admittitur. Videre erat præter auleorum stragularumque & prætiosæ vestis incredibilem copiam, & multa cælati argenti pondera, antiqui operis statuas, signa ærea, tabulas pictas, minimo prætio addici impurißimis licitatoribus, quæ per sexaginta annos, viri perelegantes, vti omni auro cariora, ad ornamentum publicæ potiusquàm priuatæ domus tanto studio tantæque pecunia congersissent. Neque enim vlla unquam vel nuptialis, & festa fronde dies insignis, adeo cumulatæ regias Mediceorum opes detexit, quàm hæc ipsa calamitas, quæ plerisque lachrymas etiam in ipsa rapiendi libidine ex Cosmi Laurentiique memoria nequaquam simulanter exciuerat. Verum unus erat peracerbe feruendi prædandique non ignobilis prætextus, illa dulcissimi nominis, uti prædicabant, ab longo tempore recepta Libertas: quasi non mode-

ratos

ratos ciues, & ab omni uirtutis & beneficii genere, iure optimo princeps ciuitatis, sed sæuos impotentēque tyrannos aliquo periculoso certamine pepulissent. At Medicei his aduersæ Fortunæ fluctibus patria eiecti, quum Bononiæ haud multo tempore se tutos fore perspicerent, quoddam Ioannes Bentiuolus minus propense ac liberaliter acerbissimo casu afflictos respexisse uideretur, Petrus Venetias, ipse uero Ioannes cardinalis cum Iuliano fratre & Iulio patruele Petilianum, atque inde Tiferum ad Vitellios ueteres amicos confugerunt. Castigarat enim Ioannes eos primo congressu, haud quaquàm mollibus uerbis, secus ac recentis calamitatis casus postulare uidebatur, subagrestiore scilicet increpita ignauia, quoddam aduersus hostes nullo uirili edito facinore, nec in hostes districto quidem ferro, incruenti, dominatu, patria paternisq. laribus, ac exuti fortunis omnibus excessissent. Quibus sermonibus se Bononiæ frustra permanfuros facile intelligebant, quando ibi, uti pulsus profugisque sæpe accidit, Bentiuolorum neque certo studio, neque firma beniuolentia niterentur. Quæ res singulare incommodum rediuiuis prope rebus importune attulit. Nam Carolo Florentiam ingressu, plerique duces militares & procures, & ante alios Bressius Allobrogum principis frater, Medicei nominis studiosus, in fœdere conscribendo, prolixas & astutas togatorum consultationes fastidire ceperant. Ipseque Carolus in Medicea domo receptus, Alfonsinam Petri uxorem complorantem immeritam infantis filii & excisæ domus calamitatem, benigne uerecundę suscepit, & non mediocrem animo dolorem præferre uidebatur, quoddam Florentini præter ipsius uoluntatem Petrum, cui ipse dudum dextram salutarem dedisset, summis sæuissimæ proscriptionis iniuriis affecissent. Adeo ut consiliarii procures Petrum omnino reuocare, restituta & confirmata priore potestate cogitarent, quoniam regi multo commodius atque nobilius foret, cum ea ciuitate transigere, quæ unius principis libero expeditoque consilio regeretur, quàm in ipsis momentis tanti belli, quod in Aragonios pararetur, expectare decreta incertæ multitudinis, quæ concionibus atque suffragiis per turbulentas altercationes certare consueuisset. Verum Petrus, qui nimis celeri desperatione Venetias peruolarat, cum à regiis, ut eum in patriam reducerent, Bononiæ frustra quæreretur, illudente eadem fortuna, summæ spei occasione defuit: atque ita Carolus, eo nusquàm reperto, quando sibi Romam multis de causis festinandum esse iudicabat, ne diutius hæreret, cum Florentinis fœdus percussit. Interea Carolus, qui perpetuo uictoriæ cursu cuncta subegerat, cognitis principum consiliis aduersum se pro Italiæ salute conspirantium, è Neapoli cum expedito delectoque exercitu, magnis itineribus ad Tarrum peruenit, ubi accipiti dubbiæque uictoria, & cruento maxime prælio, cum Venetis ac Insubribus est dimicatum. Ea die Virginius Ursinus familiæ princeps, & uetere militiæ gloria insignis, qui pro captiuo in Galliam ducebatur,

hostium manus euasit, quum forte pedibus æger in proximo castris pagus substitisset. Is ubi in Romanum agrum rediit, euocare ueteres milites, familiarésque suos, paulo ante ad Nolam armis & equis expoliatis contrahere, arma conquirere, & denique exercitum parare cœpit. Medicei autem qui tum Romam se contulerant, pollicebatur se Florentiam eos celeri expeditione per hyemem facta, omnino reduciturum, si ad augendas ornandasque copias, ipsorum pecunia iuuarentur. Nec dubitauere Medicei, quin ei occasione mature occurrerent, ac amicissimi hominis ingenio atque authoritati multum confisi, multa milia aureorum nummum protinus numerarent. Nec multo post Virginium cum Petro Medice in Vmbriam proficiscitur, conscriptisque circum Perusiam aliquot subitariis cohortibus, & Nucerino Gualdo ex itinere frustra tentato, in agrum Clusinum ad Rapolanas aquas laborioso per niuos salus itinere confecto penetrauit. Eius improviso aduentu Florentini Pisano occupati bello multum perterrentur, cogunturque duces, ac exercitus partem reuocare, Aretium & Cortonam prædiis firmare, tueri agrum ab infestis populationibus, ac demum in urbe sedulo & constanter providere, ne qui uetere studio Mediceis fauerent, incertæ fidei ciues, libertatis nondum firmis radicibus stabilitæ, recentem statum omnino perturbarent. Quibus de causis fiebat, ut Petrus in moliendis nouis rebus, languidiores opinione sua, sequiretisque amicorum animos inueniret, ipsèque Virginium, urbani motus expectatione suspensus ignobiliter hareret, expugnandis ac incendendis uillis, ut earum præda milites alerentur, qui tenui cum stipendio eius nomen secuti, per magna præmia eo bello sibi animis destinarant. Sed dum Ranucius Martianus à Florentinis cum iusto propè exercitu circa Cortonam hosti opponeretur, Gimellus vir Gallus cum Camillo Vitellio ad Virginium in castra peruenit. Is cum regiis mandatis multam in stipendium pecuniam afferebat, hortabaturque Virginium, ut accepto auro, conductisque & instructis liberaliter copiis, in Apuliam maturaret, auspiciisq. ibi Caroli regis, Ferdinandum bello persequeretur, qui tum recepta Neapoli, cum Mompenserio Gallorum duce acerrime bellum gerebat. Id si alacriter egregiæque fide belli munus susciperet, breui cum regia liberalitate amplissima præmia consecuturum. Quibus pollicitationibus & præfenti maxime pecunia adductus Virginium, quanquam enixe improbantibus amicis, atque ante alios Liuiano, Gallicas partes Aragoniis prætulit, vel ob id etiam, quod ueteres hostes suos Prosperum Fabriciumque Columnas, qui à Gallis defecissent, apud Ferdinandum in honore haberi, hisque ipsius oppida in Marfis, dono data fuisse cognouisset. Igitur eo capto consilio, quod sibi maxime infelix, atque supremum fuit, quum Petrum in medio gerendarum rerum cursu destitueret, ac signa in Vmbriam retro uerterentur, hominem eius belli improsperè suscepti sædo exitu percussum miti alloquio solabatur: rogabatque

bátque ut æquo animo nouis ipsius consiliis, quæ non libido, sed ipsa necessitas expressisset, consentire vellet, ac in eius consilii felicitate certam spem repetendæ patriæ collocaret; quando ipse, nec veteris amicitia, nec affinitatis, nec communium studiorum, quibus eandem respicerent factionem, vnquam esset obliturus, quominus confecto Neapolitano bello, statim multo maioribus copiis, eius officii votique causa in Etruriam reuenteretur. Medicei hac prima spe fœde deiecti, alterum annum ita in exilio, ocioque fuerunt, vt nunquam intermitterent per fidos sibi, idoneosque homines occultis maxime artibus sollicitare in vrbe Florentia veteres amicos, atque affines, novos item parere, ingentiaque demum præmia, vel infimis hominibus polliceri, vt per eos creatis ex amicorum numero magistratibus, aliqua conditione in patriam reducerentur. Iam enim plerósque nobiles & opulentos ciues, eius Reipublicæ tandem cœperat, quum in Senatum plerique audaces semiplebei, egentisque homines irrupissent, qui patritiis despectis, nequaquam sententiarum pondere, sed suffragiorum numero, de maximis pacis ac belli muneribus decernebant, adeoque patefactus erat in Curiam aditus, ut sæpe ab officinis sellulariis, desumpta ad tempus toga in consilium iretur. Erátque tum maxime popularis Hieronymus Sauonarola, è diui Dominici ordine, literis & admirabili præsertim eloquentia insignis, qui in sacris concionibus; & in privatis colloquiis ita multitudinis animos opinione virtutis cœperat, ut illum rerum omnium, quæ imminebant, verum uatem, diuinumque deprauatis moribus censorem cælo missum crederent. Creperátque ei tantó assensu auctoritas, perpetuo omnis generis hominum sexusque & ætatis studio collecta, ut nihil priuatis in domibus, nihil in Senatu, sine eius uiri consilio recte geri posse uideretur. Is Mediceo nomini maxime lærat infestus, oppugnabátque cum Reipublicæ statum, quem paucorum potentium, uti prædicabat, vis & libido regere posset. Ob id ciuitatem in partes iam pláne diduxerat, ita ut à grauius sanisque ciuibus non ineptè reprehenderetur, quod à religione diuinarumque rerum contemplatione, ambitiosius quàm sacratum uirum deceret, ad munia regendæ Reipublicæ transiisset. Propterea fiebat, ut in turbidis rebus & uariis ciuium dissensionibus plerósque Medicei facile reperirent, qui damnata præsentí Republica aliam multo honestiorem cogitatione requirerent, in qua nobilitas, rerumque peritiam & probata virtus conspicuo in loco, nequaquam consensu imperitorum, atque infimorum hominum, polluta spectaretur. Gerebat eo tempore summum in Republica magistratum Bernardus Nerius, vir grauis & ciuili prudentia insignis, qui Medicis uehementer, occulteque fauebat, utpote qui oderat eius sectæ homines, qui Sauonarolam uanitate quadam, & religionis simulatione inducti, in eam existimationis amplitudinem extulissent. Cum eo sentiebant uiri ex prima nobilitate ditissimi, Nicolaus Rıdolphus & Lauren-

iactum prouectos, emitti cœperant. Quibus de rebus Liuianus & Petrus desperato suscepti consilii feliciore euentu, ita receptui cecinerunt, vt mirabili ordine conuersis equis, qui nouissimi in aduentu fuerant, agmen ducerent, & primi portæ periculôque proximi constanti regressu terga abeuntium ex modico semper intervallo sequerentur: neque quisquàm aut tum aut postea armatus erupit. At Florentini Mediceos nunquàm tantum facinus aggredi ausuros fuisse iudicantes, nisi clientes eorum aliqua intra urbem inita conspiratione aduentantibus præclaram ex occasione operam promississent, singulari cura adhibita inquirere cœperunt, an aliquis eius rei particeps inuitatione Mediceorum esset effectus: duobusque ferè mensibus, posteaquàm ea acciderant, prodente quodam Antellio, ex leuibus minutisque indiciiis accusati sunt, Bernardus Nerius, qui paulò antè magistratu abierat, & ii quos antea nominauit, Ridolfus; Tornabonus, Puccius & Cambius, qui in quæstione torti, conuictique demùm testibus, ita damnati sunt, vt multo maxima pars ciuium in ea iudicii seueritate, reorum exilio contenti fore uiderentur, nisi Franciscus Valorius in secta Hieronymi Sauonarolæ facile princeps, turbulento ferocique ingenio magistratus à mitioris poenæ decreto, totaque ciuili lenitate deiecisset. Erat is Bernardi Nerio maxime infensus ex uetere priuata similitudine: hunc quum omnino oppressum cuperet, vlla pietate adduci non poterat, vt cæteris parceretur, vt in eadem causa pari periculo implicitis: quanquàm hiis, & ante alios Ridolfo & Tornabono, amicitia & familiaritate maxime esset coniunctus. Tantum enim capitali odio, cæcæque libidini dandum putabat, ut quatuor eosdem nobiles, ac sibi aliòqui priuatim amicos ciues, qui inani voto tantum, nec dira quidem cogitatione peccauissent, supremo supplicio punitos conspiceret, quàm Nerium publicæ clementiæ beneficio, scruissimæ morti ereptum & incolumen. Itaque reis in tanta angustia octouiralis iudicii more maiorum à suspectissimo magistratu ad vniuersæ ciuitatis solenne iudicium appellantibus, unus Valorius, in ciues ad leniorem sententiam proclinator vehementer inuectus, peracerba crudelique oratione habita perucit, ut per octouiros inconsulto alio frequentiore senatu, de conuictis supplicium fumeretur. His eo modo in custodia securi percussis, quum cadavera ad funus tradita spectarentur, populus ea atrocitate supplicii adeò commotus est, vt liberrime obloquendo, Sauonarolæ imprimis, sectatoribusque eius, & Francisco detum Valorio summa, & ea quidem vtrique fatalis, inuidia constaret. Mediceis uerò tantum absuit, vt ea propinquorum calamitas, vetus studium autoritatæque minueret, vt plerique antea parum beniuoli, ultro in partes transirent, auidetque aduersus Hieronymi sectatores, à quibus Respublica impotenti quodam iure usurpata tenebatur, inimicitias ex professo, bellumque susceperent. Tantaque rerum atque animorum commutatio, non toto uertente anno his dissidiis Florentiæ

His ita res magis inuoluitur
 Saue. 1577. 1578. 1579.
 Sauonarola et Valorius
 in morte annu. 1578.
 hinc. Deo est glori. 1578.
 Sicut accidit in 1578. in
 mai. 1578. ut in 1578. 1579.
 quidam 1578. 1579. 1580.

consecuta est, ut Hieronymus, qui modo singularis sanctimonix, virtutisque nomine animis ciuium imperitarat, & in numerum diuorum ut uiuens referretur, publico consensu meruerat, concursu populi, Senatûsque decreto damnatus sit, & in area curiæ fœdissimo supplicio crematus. Oppugnarat enim liberiore censura è suggestu Alexandri pontificis actiones, quum antea etiam eius diras, quibus aqua & igni interdicitur, non omnino metuendas esse, tam impia quàm insana uoce pronunciaisset. Verum dum ad testificandam conceptæ diuinitatis opinionem, se piram ardentem ultro ingressurum, tutantèque numine impune euasurum esset professus, neque id denuo prouocatus periclitari uellet, ulterius diuinæ prudentiæ famam, & probitatis existimationem sustentare non potuit. Atque ita qui ab excellenti doctrina ac uitæ continentia & honestate facundiâque incredibili in admiratione hominum aliquandiu fuerat, omnibus contumeliis & cruciatibus affectus, miserabile & fortasse indignum tanta uirtute, incerto leuique populo spectaculum præbuit. In eo tumultu, quo templum diui Marci ferro & flammis est oppugnatum, ut Sauonarola caperetur, armati hostes in donium Francisci Valorii impetum fecerunt: qua direpta, atque etiam interfecta eius uxore, dum ipse à liſtoribus in curiam duceretur, à propinquis damnatorum ante proconsulis ædes fœde trucidatus, sæui ac insolentis ingenii sui pœnas persoluit. Interea Ioannes quanquàm in repetenda patria bis iam, & suâ consilia, & fratrum conatus omnes inprospere cecidissent, nouam fortunam Venetorum auspiciis tentare constituit. Fuerat enim antea cum fratribus Mediolani, spēsque omnes in una maxime prudentia atque autoritate Ludouici Sfortiæ collocarat; à quo etiam Iulianus in amicorum numerum honesto familiaritatis loco fuerat receptus: Erat enim tum Florentinorum hostis, cum insigni studio transmissis copiis Pisanos ad tuendam libertatem hortaretur. Sed postquàm Ludouicus non iniqua, sed infelici suspitione correptus nimix Venetorum potentiæ inuidere, conuersâque voluntate pro Florentinis Pisanos oppugnare cœpit, intelligebant planè Medicei nihil sibi illius amicitiam eo tempore profuturam, ipsosque subinde nulla cum dignitate frustra laboraturos, nisi alios principes, qui præclare Florentinorum hostes forent, omnino quæsiuissent. Defenderant Veneti iam tertium annum Pisnorum libertatem aduersus Florentinos, tantisque opibus terra marique studium suum in seruanda ea ciuitate declararant, ut nemo iam Italia principum dubitaret Pisanos extrema rerum necessitate, & magnitudine eius beneficii adductos, ultro in ditionem Venetorum esse confectos: quoniam ciuitas publice ac priuatim magnis & frequentibus incommodis fatigata atque oppressa multo ære alieno, diutius libertatem tueri posse desperaret: & propterea Venetis præpotentibus benignioribusque dominis, quàm Florentino populo multum rebellionis iniuria exacerbato, honestius seruitura videretur. Iam enim ueterem arcem,

quæ ad

quæ ad mare uergit, ut fidei pignus foret, Veneto præsidio custodien-
dam tradiderant, excedentibusque urbe Sfortianis militibus, omnem
prope administrandi belli curam Venetis legatis & ducib. reliquerant :
quibus de causis Ludouicus Sfortia nimiam ac sibi mox formidandam
Venetorum magnitudinem veritus, immoderatæ eorum cupiditati ob-
uiam eundum esse existimauit, ne præpotens terra marique populus ac
immortali consilio vigens, in diuerso Italiæ litore, copiosissima atque
opportunissima vrbe potiretur. Itaque in Florentinorum partes trans-
gressus, eos copiis contra Pisanos apertissime iuuuit. factumque est pau-
cis mensibus uirtute Vitellii, qui pugnacissimum exercitum in agrum
Pisanum adduxerat, ut cunctis ferme oppidis fortiter expugnatis, Ve-
netus exercitus intra urbem Pisas compelleretur. Ea res coëgit Ven-
tos maiora parare præsidia, ut & suis iam prope obsessis & Pisanis labo-
rantibus mature subuenirent. Hanc nactus occasionem Ioannes, quum
in Flaminia ingentes copiarum cogerentur, cum Venetis egit, ut ipse cum
fratribus in societatem gerendi belli reciperetur, docuitque propter
multas Alpinarum gentium clientelas, quas ipsi Medicei in eo Apennini
tractu habere consueuissent, facile Venetos exercitus in Etruriam esse
transcensuros, nec tum demum si ualida arma proferrentur, sibi omni-
no defuturos amicos atque affines, qui occasionem commutandæ Reip.
fortiter arriperent, seseque magno populi studio ad apertis portis in pa-
triam reciperent. Iis rebus constitutis, Veneti Guidonem Vrbinatem
regulum, & Baleones Perusinos duces stipendio conduxerant, magnam
que peditum numerum conscripserant. Petrus pariter & Iulianus, Iuli-
usque Medicei, sese & Liuium Carolumque Vrsum veteres amicos
cum ualida peditum & equitum manu Venetis in Flaminia coniunxe-
rant. Insinuatique per Apennini ualles quâ Aemo fluuius decurrit, Ma-
radium oppidum occupant. Ex alia parte Veneti per Cassentinates
Alpes in eos Apennini vertices, qui Aretinos & Cortonenses despectant
campos, perueniant. Gerebatur atrox bellum in Alpibus crescenti-
bus undique auxiliis. Nam Ludouicus Sfortia Fracastum Sanseuerinum
& Galeacium vicecomitem Florentinis auxilio misit : qui ductis ad Ma-
radium copiis, iunctisque cum Ranuccio Martiano uiribus, Mediceos
& Liuium arcem tormentis oppugnantes, in fugam coniecitant. Nec
multo post Liuium Lauerinam occupauit, quod est cœnobium in sum-
mis Alpibus ab diui Francisci, qui ibi stigmata diuinitus recepiisse dici-
tur, insigni miraculo celebratum. Inde Bibiennam oppidum singulari
ac felici audacia ingressus, ea iuga Apennini præfidiis firmauit : Castel-
læque aliquot ignobilia ui cepit. Nec Florentini ciues, qui eo tempore
in Republica principes erant, Mediceorum metu, ulla in parte belli stu-
dium remittebant : utpote qui non iam de possessione Pitarum, sed de
patriâ ac dignitate retinenda, salutemque sibi dimicandum uidebant.
Quum nullum sibi veniæ locum relinqui putarent, qui Mediceos pepu-

proditione

lissent, & propinquos amicosque eorum clarissimos viros crudeliter interfecissent. Igitur Paulum Vitellium recenti tum rerum feliciter gestarum gloria florentem ex Pisano agro reuocant, & ad summa Apennini iuga exercitum ducere iubent. Is nauandarum operarum, decorisque audus, vertices angustiasque omnes munitionibus praefidiisque praesepit, singularemque celeritatem atque peritiam, dispersos uariis in locis aggressus hostes, eos multis illatis detrimentis deiecit, Guidonemque & Iulianum intra Bibiennae oppidum compulso obse, tantaeque uirtute & perseverantia inter niuosas cautes, summisque locorum asperitates bellum administravit, ut nemo Venetorum ducum relinqueretur, qui non aliquam in signem cladem ab eo uel à Sfortianis militibus accepisset. Quibus de causis Veneti de suorum periculo certiores facti, Petilianum summam auctoritatis eorum ducem cum iusto exercitu in Caesariatum fines miserunt, ut inde subsidia suis in Apennino laborantibus ducere maturaret. Ceterum ire properantem tot nuntiata suorum clades, & difficillima itinera, quae toto Apennino praeterea niuib. tenebantur, maxime retardarunt. Interim Guido Feltrius absumpto omni comitatu, amisissis aut debilitatis, corruptisque macie omnibus equis, certa conditione à Vitellio imposita, ut abire liceret, impetrauit. Inde à Vitellio Bibienna arctius oppugnata atque obse, Nam Iulianus in Guidonis locum successerat. Sed Venetis ac Mediceis improspere Vitellianorum uim sustinere conantibus, Hercules Atestinus Ferrariensis princeps induciarum pacisque medium esse obtulit. Eumque exitum habuit id bellum, ut Veneti Pisum praesidia deducerent, Pisani in posterum aduersus Florentinos terra mariue ne fauerent, certamque pecuniam summam impensis belli nomine, à Florentinis acciperent. At Ioannes ter improspere tentata reditus fortuna, excedere tantisper Italia, & per externos populos, ut temporibus seruiret, peregrinari constituit. Cum dignitate enim Romae esse non poterat, nam Alexandrum Pontificem & Venetos, adscitis in societatem Florentinis, execrabile illud, ac Italiae funestum foedus cum Gallis percussisse cognouerat. Indeque Italiam omnem subito arsuram bello, non sine foeda rerum omnium confusione prouidebat. Itaque ab Alexandro comitatu facile impetrato, cum Iulio fratre, patruele, & duodecim equitibus, deposita purpura, pari cultu cum ceteris, à Venetiis in Vindeliciam transiit, peruagatusque est eum Germaniae tractum, urbibus florentem, singulari cum sua, tum comitum omnium hilaritate. Nam cum personam dissimularet, & unus singulo quoque die, qui specie domini ceteris imperaret, ex corona sorte crearetur, acerbiterque praesentis fortunae ingenti animo contemneret, nihil unquam se expertum iucundius atque festiuus ea vitae libertate praedicabat. In Ulmam demum Sueuorum urbem peruenit, ubi cum à magistratibus honeste retineretur, non multo post, ipso impetrante, sub custodia ad Maximianum Caesarem est deductus: Qui cum vir humanissimus

nissimus perbenigne suscepit. Erat enim Mediceum nomen ex insigni Laurentii Cosmique memoria omnibus in terris celebratum. Cæsar cum causas suscepti itineris cognouisset, consilium eius magnopere laudauit, quoddam domesticæ calamitatis casum sapienter ferret, spatiumque temporis censeret interponendum, quo ex bellicarum rerum successibus, ad repetendam patriam, Fortunæ benignioris occasio præberetur, quodque interea ignobili ocio, non modo honestam atque vtilem peregrinationem, sed erudito ipsius ingenio longe dignissimam prætulisset, qua haud mediocriter ad perfectam humanarum rerum peritiam adeundis tot nationibus erudiretur. Dedit insuper ei diplomata ad securitatem itineris, ac epistolas, quibus eum Philippo filio Belgarum regi obnixè commendabat. Inspectis itaque Circumrhenanis urbibus, peragratâque nobiliore Germaniæ parte, in Belgas ad Philippum peruenit. A quo planè regidè & luculentissimè est susceptus. Inde in Morinos ad Oceanum perrexit, in Britanniam traiecturus, nisi comitum ingentes tum forte Oceani fluctus formidantium hortatu in Galliam deflexisset. Quum Rotomagi ad ostia Sequanæ uersaretur, Galli suspicaces repentinque homines, exemplo Germanorum eum cepère, neque eum quanquam sese detegentem, ac cardinalem esse profitentem dimissuri erant, nisi Petrus frater, qui tum Mediolani Ludouico regi aderat, literas ad id impetrasset. Ab Oceano demum per totam Galliæ latitudinem Masi-liam delatus, conducto insigni nauigio Romam nauigare constituit. Aduersantibus autem uentis, quum Liguriam præterucheretur, in terram descensione facta, abiectoque nauigandi consilio, Saonam peruenit. Erat ibi tum Iulianus Ruuerus cardinalis, cum ultro conspectum Alexandri pontificis ueteris inimici defugeret. Is & longi itineris labore, & maris nausea vexatos, amicè liberalissimèque suscepit: ita ut tum in una mensa tres exules sint conspecti, uehementer inter se de priuata & publica rerum fortuna conquærentes: qui non multis inde annis, tam et si spe dispari, non dissimili tamen sorte, ad summum Christianæ dignitatis fastigium peruenérunt. Genuæ demum apud Magdalenam sororem, quæ Innocentii nurus fuerat, aliquandiu commoratus est. Ibi de infelicitate Ludouici Sfortiæ certius cognouit, quem è Germania, conductis inter auxilia Helueticorum octomilibus, dum Mediolanense imperium repeteret, & passim propensissima populorum uoluntate reciperetur, Heluetii barbara perfidia Gallis tradiderant, fraterque eius Ascanius cardinalis in fuga à Venetis fuerat interceptus. Quibus de causis inde profectus, quod tum is annus erat sacer secularis Iubilei celebritate, Romam contendit. Eo tempore Alexander Pontifex cunctas humanarum rerum ac diuinarum rationes in tota consilii summa, ad amplificandas statuendâsque opes Cæsaris Borgiæ filii contulerat. Galli ad id socii atque adiutores erant, utpote qui nihil interesse putarent, si Cæsar totius Italiæ minores regulos excinderet, modo ipsi in præsens ad

*Iulius ?
60. x. l.
Romans ?*

non dubias spes uniuersi principatus, duobus maximis imperiis potirentur. Sfortianis enim dominatu pulsus & in carcerem coniectis, aduersus Aragonios bellum parabant. Ipse interim Cæsar togatam Galliam in potestatem redegerat, Riariis primo pueris Catharina matre capta, Foro Liuii & Foro Cornelii uicinis; Fauentia demum expugnata, atque enecato Astore regulo: Malatestis subinde & Sfortianis Arimino Pisaueroque deiectis. Eodem cursu Guidonem Feltrium pepulerat Urbini principatu: Varanios Camertes regulos uetustissimæ nobilitatis Iulium Cæsarem & Venantium strangulat: & reliquos passim opibus illustres, in eo ambitionis æstu furens inexorabili crudelitate persequetur. Habebat tum castra ad Claternam decimo ab urbe Bononia lapide: territabatque Ioannem Bentiuolum, eius urbis potiundæ percupidus. Sed Ioannes suspectis ciuibz interfecit, aut pulsus, ita sese uti uetus & sagax tyrannus munierat, ut eius periculi vexationem pecunia facile redemerit. In tanto rerum motu, Medicei nullam omnino occasionem prætermittendam existimantes, qua patriam repeterent, ad Cæsarem supplices se contulerunt. In eo enim prope certam spem reponendam putabant, tantis scilicet copiis instructo, & cuncta impotentibus armis cum ingenti omnium terrore quatienti. Iuuabantur enim mirifica fide, uehementique officio Vrsinorum ducum, qui Cæsari militabant. Ii erant Paulus, Iulius atque Franciottus affinitate & beniuolentia Mediceæ familiæ coniuncti. Transcendebat tum Cæsar in Etruriam, Apennino supra Pistorium superato, ut Iacobum Appianum Populoniz, Illuzque insulæ possessione depelleret. Cæterum ad Campum oppidum quinto à Florentia lapide castrametatus, ita in his locis moram trahebat, ut Florentinis ostentando Mediceos exules, non obscure minitari videretur. Quod nequaquam eo tendebat, ut Medicei præclara eius voluntate ac illustri beneficio reducerentur, uerum ut ciuitatem ad eas quas ipse concupisset, nouæ societatis conditiones representata ueteri Mediceorum dominatione compelleret. Porro Medicei tamen si non inani coniectura iuducti, eius promissi fidem, apud fallacem Borgiæ animum minime constare prouiderent: nihil tamen intermittebant, quod in negotio semel suscepto opportunum foret. Erant inter Cæsaris duces, viri maxime strenui Raphaël Paëtius, & Marcus Saluiatus Florentini, quibus popularis Reipublicæ status erat inuisus. Ii fidelem fortemque operam Mediceis pollicebantur: neque enim ciuibz erant suspecti, quoniam utrunque familiæ nomine, propter ueteris & funestæ coniurationis memoriam, minime Mediceis opem allaturum apparebat. Per hos itaque Florentiæ, ueteres amicos sollicitare, cohortari, docere quo præsertim tempore, & quibus maxime artibus foret conandum, ut Curia occupata, popularisque Reipublicæ statu euerso, sua dignitas ordini patritio redderetur. Vrsini nanque per se soli copias suas, uel ignaro Cæsare, ad urbis portas adducturi erant, ea spe, ut Cæsarem (si fortuna coëptis con-

filiis

filiis arrideret) id facinus minime reprehensurum putarent : quando Medicei grato liberalique animo ad omne obsequium erga Borgiam familiam parati fore uiderentur . Id uerò facile fiebat, quoniam Cæsar milites ab omni maleficio adeò seuerè proposito supplicii pœna continebat, ut absque ullo belli uel iniuriæ metu, populus pariter ac miles, castra & urbem spectandi studio libera quadam commeandi licentia frequentarent . Interim dum in urbe Medicei nominis studiosi, consilia timide cunctanterque explicant, firmioresque uires ad tutiorem successum parandi facinoris quærunt, allatæ sunt literæ Alexandri pontificis, ad quem legati Florentini iniuriam deprecantes antea confugerant : Is ciuitatem omni metu liberabat, hortabaturque Cæsarem ex composito singulari astu, ut amicitiam potentis populi uel maximis exulum pollicitationibus præferre uellet . Quæ eò pertinebant, ut Cæsar dum se haud facile exorari posse simularet, nec sine aliqua decoris labe paternæ auctoritatis obtemperare posse uideretur, Florentinis trepidantibus, cum ipsas Mediceorum spes, tum & suam ipsius fidem ampliore aliquanto pécunia uendicaret . Itaque accepta aliquot millium summa à Florentinis, qui sæpe in magnis periculis salutem publicam auro redimere didicerant, finibus excessit . Medicei uerò, haud temere sibi cauerunt, ne & ipsi sub eius hominis fide, apud quem nullum unquam fuit iusurandum, per fraudem comprehensi, hostibus multo auctiore pretio traderentur . Sequenti anno, qui à sacro secularis iubei fuit secundus, noua spes repetendæ patriæ Mediceis adfulsit, utpote quibus ipsa necessitas in consuetudinem uerterat, in tanta bellorum uarietate nunquam de fortunâ desperare, consilia ad singulas rerum occasiones applicare, experiri omnium uoluntates, in urbemque præsertim Florentia, recenti semper fama infracti erectique animi, & præclaris apud principes actionibus existimationem tueri . Militabat apud Cæsarem Borgiam Vitellocius Vitellius bellica laude insignis . Is incredibili odio Florentinos persequebatur, quod triennio antè, Paulum fratrem ipsorum imperatorem Cassentinatæ & Pisano bello, de Republica benemeritum, falsis inducti suspicionibus, sæuo præcipitique iudicio necauissent . Ducebat Vitellocius alas cohortesque summæ uirtutis . Nam prius omnium Italos pedites in aciem contra Germanos ad Surianum felici uirtute produxerat, trahebaturque secum non contemnendam clientium multitudinem ex Tiferna te agro, proximisque Etruriæ oppidis . Paulus quoque Baleonus Perusiæ facile princeps, quem ab inimicis domo pulsum, paulò antè reduxerat, signa eius cum manu peditum atque equitum sequebatur . Nec deerant Vrfini cum Mediceis, tum ipsi Vitellocio uariis cognationibus adstricti . Cum hoc duce Medicei fratres percusso certo fœdere se coniungunt : adiuvante & pecuniam sumministrante Pandulfo Petruccio Senensium tyranno arma parant, & in Etruriam proficiunt . Per vnos enim Mediceos exules Florentia capi non poterat, quando ciuitas

magna & opulenta, nisi domi hostem inueniret, nullis externis uiribus celsura uideretur. Iam Cortona Aretioque recepti fuerant: oppugna-
bântque Aretii arcem, per totâmq; Arni uallem oppidis frequentem,
metum prouulerant. Quibus de causis Florentini trepidare, uix opem
in tumultuariis consiliis reperire, suspectare intus insidias, foris hostem
timere, & ante omnia plurimum uereri ne Vitellocius, iustissimo exa-
cerbatus odio, & Medicei, quorum amici cognatique fœde essent inte-
rempți, in ipsos, qui tum maxime Rempublicam tenuissent, crudeliter
fœuissent. Parum enim subsidii in milite, quo tum apud Pisas bellum ge-
rebat, uti sæpe fuso reiecto, reponebant. Nec deerant qui existi-
marent, Vitellocium nequaquam tantum bellum priuato consilio pri-
uariisque opibus suscepisse: quoniam eum uirum constaret, modicis do-
mi facultatibus, & Mediceos ex perpetuis superiorum temporum im-
pensis ære alieno passim contracto, minime tantos sumptus toleraturos,
nisi à Pontifice Cæsareque occulte subministrata pecunia iuarentur.
Neque enim erat credibile, eum qui mercede conductus, sub Cæsare
stipendia faceret, inuito aut ignaro duce suo tanti momenti bellum ad-
uersus ualidissimos hostes gerendum putare. Sed ea erat natura ingenii
Borgiarum, ut initia bellorum contestis auspiciis ambigua & incerta es-
se uellent, ut cum euentus cæptis respondere cœpisset, tum demum ex
tuto adapertis sensibus, ad certam præsentemque fortunam consilia
omnia uerterentur, ut tum accidit. Quum enim Vitellocio nequaquam
fauere uideri cuperent, dignum aliquem ipsorum uotis belli exitum ex-
pectabant. Interea Florentini, ubi se periculoso bello uehementer pre-
mi conspiciunt, nec quibus uiribus infesto hosti obuiam eundum sit, pa-
tres satis expedite deliberant, in communi consilio, ad Ludouicum Gal-
lorum regem confugiendum censent, authore Petro Soderino, qui in
concione deplorato Reipublicæ statu, ita spem in Gallorum auxiliis col-
locandam esse disseruit, ut nisi ea mature impetrata forent, perditas
& conclamatas res esse pronuntiaret. Aduentabat tum Ludouicus in
Italiam, secum adducens Federicum Aragonium, qui paulo antè Gal-
licis, Hispanicisque armis pulsus Neapolitano regno excesserat. Itaque
Soderinus, singulari omnium ordinum assensu commendatus, eius le-
gationis munus suscepit, plerisque id parum constanti animo detestan-
tibus, quasi orbatæ fortibus uiris Reipublicæ, nihil de salute sua sollici-
tus subueniret. Is uti erat egregie prudens, & industrius, apud Regem
tanta grauitate ciuitatis causam egit, ut planè demonstraret Regi magno
pere esse cauendum, ne uersa aut commutata Florentiæ Republica,
quæ antiquo recentique societatis iure Gallico nomini esset fœderata,
ipse demum amittendæ Neapolis, Cisalpinæque Galliæ periculum subi-
ret. Erat Ludouicus ingenio suspicaci & superbo, utpote qui in summa
regii nominis autoritate, se à quoquam principe, ulla in re contemni
aut lædi minime pateretur. Quibus de causis celeriter ad Alexandrum
Cæsaremq;

Cæsaremque perscribit, ut à Florentinis sociis suis abstineant, Vitello-
cium eiusque copias, Florentinorum finibus excedere, restituereque oc-
cupatas urbes continuo iubeant : id nisi fieret, se Florentinorum iniu-
rias non esse neglegendum, transmissisque copiis, quos armatos in Etru-
ria reperiret, uti communes hostes bello persecuturum. Ad has literas,
Himbaldum quoque clarum ducem cum ualido equitatu in Etruriam
aduersus Vitellocium proficisci iussit. Horum Gallorum aduentu, mo-
nituque Cæsaris, Vitellocii impetus statim est repressus : qui tamen in
eo uictoriæ cursu, priusquam Apenninum Galli transirent, flagitanti-
bus id magnopere Mediceis, facile ad Florentiæ portas prouehi potui-
sset. Sed præpostero impulsus consilio, eam coniciendi belli occasio-
nem prætermisit, quod nihil in tergo sibi relinquendum diceret : & pro-
pterea ad oppugnandum sancti sepulchri Burgum inepte regrederetur,
adè ut nequaquam obscure apud Mediceos constare uideretur, Vitel-
locium, ut proximum Tiferno oppidum ditiori suæ adiectum foret, pri-
uatæ cupiditati potius quam bellicæ rationi obtemperare uoluissè. Eo
interposito temporis spacio Himbaldus in Aretinos campos peruenit,
cui uti Cæsar præscripserat in regis gratiam à Vitelloccio certis condi-
tionibus urbes traduntur. Quibus demum receptis, Florentinus
populus, uti omni solutus metu, adè effuse lætatus est, ut in
credibili assentatione & studio, Petrum Soderinum,
uti patriæ parentem (quod nunquam antea per
leges in libera ciuitate tentatum fuerat) an-
tiquato bimestri magistratu, admi-
nistrandæ Reipublicæ dicta
torem perpetuum
creariat.

FINIS PRIMI LIBRI.

C iiii

VITAE LEONIS DECIMI, LIBER SECVNDVS.

SECVTVS est annus qui fuit à partu Virginis supra
 millesimum quingentesimus tertius, Vrsinæ domus
 clade, & opportuna Alexandri Pontificis morte in-
 signis. Cæsar enim cum antea patris potentia, sacris
 que opibus fretus, magnum sibi in Italia imperium
 sæuo ac impotenti animo destinasset, omnibus pro-
 pe pontificiæ ditionis regulis crudeli perfidia truci-
 datis, Romanos etiam procures ita afflixerat, ut Columni, exuti oppi-
 dis, ætque in exilium, per Appuliam atque Siciliam vagarentur: Vrsini
 uerò, qui in Borgiarum amicitia fuerant, principum suorum funestam stra-
 gem lugerent. Vitellocius enim Paulusque Vrsinus cum Francisco Gra-
 uinæ principe, Libero & q. Firmiano (qui in exercitu Cæsaris ordines du-
 ctabāt) apud Senogalliam in familiari ipsius colloquio comprehensi ne-
 catique fuerant. Baptista quoque Vrsinus cardinalis, qui uetere pontifi-
 cis gratia uigere uidebatur à pontifice captus, in custodia ueneno perie-
 rat. Rainaldus item Vrsinus Florentinus antistes ipsorum Mediceorum
 fratrum auunculus, & Aloisius Liuiani frater, in arce Molis Hadriani ad
 non dubium uitæ exitum seruabantur. Quibus de causis Ioannes con-
 quiescendum omnino, & uitam, quæ omni præsentis spe esset potior, uel
 sub ignobili silentio traducendam constituit. Nam Pontifex inopiæ me-
 tu rapax, atque illo immani ingenio sæuus, ut Cæsari filio magnos alenti
 exercitus, & regio luxu liberalitatem passim ostentanti, pecuniam suppe-
 ditaret, ditissimum quemque cardinalium ueneno sustulerat, haud du-
 bie in reliquos aulæ sacerdotiis atque opibus insignes, hæreditatis spe
 fruiturus, nisi admirabili Deorum prouidentia, homo in religionis cau-
 sa probrosus, & quod omnium fortunæ interfuit, ad exitum Italiæ na-
 tus, sibi mortem, supremam uerò Cæsari filio calamitatem peperisset: hi-
 lariore scilicet in cœna dum ad umbrosam Vaticanæ ruris fontem uene-
 num bibunt, lagena pocillatoris errore commutata, quam dira fraude
 opulentis aliquot Senatoribus honoris specie parauissent. Mortuo Ale-
 xandro, & Cæsare exquisitis antidotis uel in ipso iuuentæ robore ueneni
 impetum vix sustinente, comitia sunt habita, quibus Franciscus Picolo-
 mineus, cui Ioannes enixe studuerat, summus pontifex suscepto Pii Ter-
 tii nomine renunciatus est, eò admirabiliore omnium lætitia, quòd me-
 lior pars Senatus quamquam paucissimi mis nixa suffragiis, cæteros cum
 factionibus, tum Cæsaris imperio seruientes, ex longa contentione per-
 uicisset. Verum Pius senectæ uitiiis, & mortifero cruris ulcere uehemen-
 ter affectus, intra paucos dies interiit. Tum uerò instauratis comitiis, ran-
 to studio in unum Iulianum Ruuerum uota suffragiaque omnium sunt
 conuersa, ut pene priusquam conclaue ingrederetur, Pontifex sit dictus,

incredibili cum dolore Cæsaris, qui ad exemplum incertæ nutantisque Fortunæ, quum Hispanos cardinales uti clientes suos, iurare solenni sacramento coëgisset, se neminem nisi Borgiæ familiæ studiosum suffragio adiuturos, eum statim primo cominali die, sub tbiara salutari pontificem viderit, quem ipse paterque Alexander uti grauissimum hostem perpetuo decem annorum exilio multauissent. Nec multo post à pontifice, qui Iulii Secundi nomen tulerat, Cæsar Borgia, copiis urbibusque atque omni dignitate exutus, quum impetrata libertate ab Ostia Neapolim enauigasset, à Magno Consaluo capitur, & in Hispaniam transmittitur. Vbi cum ex custodia profugisset ignobili quodam prælio à Cantabris est interfectus. Cōtendebant tum opulenti reges Lodouicus & Ferdinandus de Neapolitano regno, quod antea inter se, pullis Aragoniis, contentiosa partitione diuiserant. Pontifex, uti sacrosanctum principem pacis atque oculi authorem deceret, in neutram partem sese inclinabat. Vrsini duces, quod à Gallis ut in uana spe uictoriæ Italiçi generis auxilia facile spernentibus, minus liberali stipendio inuitati fuissent, ad Hispanos non leui ad maturandam uictoriam memento transierant. Eius belli exitu, quo Galli ad Lirim profligati sunt, Ioannes grauissimi doloris uulnus à Fortuna suscepit. Nam Petrus frater, qui in procuratione, tutelæque Casinatis sacerdotii diu fuerat, & propterea, ut in Gallorum ditio ne eorum ducibus militarem nauando operam adesset, quum è strage consensu nauigio Caietam contenderet, in ostio Liris, fluctibus obrutus interit. Auctus est & hic domesticus dolor, Fabii Vrsini, Pauli filii preclari iuuenis immatura morte, qui ipse ad Lirim sagitta per galeam adacta, tumultuario in prælio ceciderat. Itaq. Ioannes, quum spei suæ rationes transuerso rerum successu conturbatas erigere uellet, cum Galeotto florentis ætatis atque fortunæ iuuenē adicitiam contraxit. Is erat Iulij pontificis ex sorore nepos, suauitate ingenii, forma corporis, uitæque splendore cum ipsi lubo, rum & uniuersæ aulae Romanoque populo iucundissimus. Hunc primum, traditō pileo, quem ipse antea gestasset, legerat in senatum, defunctoque Ascanio Sfortia Vicecancellarium crearat, qui est honos singularis in Senatorio ordine, amplissima ac opulentissima dignitatis. Per hunc Ioannes apud pontificem, ab elegantiæ eruditiorum morum auctiorem gratiam promeruit, clarioremque subinde nominis famā apud omnes est consecutus. Disputabatur enim inter nobiles & minus seueros sacerdotes, ex ipso honestarū actionum certamine, de beneficentiæ & pietatis officio, de præstantia nobiliorum artium, de finibus iucundissimæ uoluptatis. Quibus in rebus disserendis uel obcundis, nemo unquam Ioannem, uel ingeniū elegantia, uel temperie, uel humanitate superauit. Nō defunt qui affirmant Galeottum, ab his usque temporibus, quum de auunculi iam planè senis minus firma ualitudine dubitaret, consensu iuniorum cardinalium Ioanni uix tricesimum ætatis annum attingenti, pontificatum despondisse: ita ut dicerent, æquum esse,

ut iam tandem iuniores qui uigore animi senibus præstarent, summo rerum imperio digni uiderentur. Verum nõ multo post Galeottus in tanta arridentis Fortunæ felicitate, uix triennio terris monstratus rapidissima febre extinguitur. Eum solenni funere elatum quum populus nequa quàm adulanter luxisset, Ioannes ipse, qui in suprema usq. uitæ momenta erga morientem omnibus tenerioris amicitiae & Christianæ pietatis officiis erat perfunctus, ita desiderauit, ut quum lachrymas tardissime depofuisset, si forte eius rarissimi iuuenis memoria induceretur, uel lætiore in sermone ueterem tristitiam & lachrymas ad oculos reuocaret. Sequentibus uerò annis dum Iulius pontifex Bentiuolo Bononia pulso, & Venetis aqua & igni interdictis, arma tractaret, eundem semper cum pontifice iunioribusque cardinalibus studii atque amicitiae tenorem est secutus. Florentiæ quoque interea assidue dabat operam, ut magis ac magis potentibus in Republica patriitiis iungeretur. In superâdis autem difficultatibus, promerendisque ciuium animis plurimum ualebat Lucretiæ sororis ingenium, quæ singulari prudentia, uirilq. officio, nulli unquam uel tenui rerum occasione deerat, qua excitari familiæ nomen, & uetera hominum studia accendi posse uiderentur. Nupta hæc erat Iacobo Saluiato nobili opulento, & in Republica admodum potenti. Qui tamen antea Sauonarolæ doctrinæ & religionis admiratione fuerat studiosus, & libertatis nomen obnixè coleret, æquabilique ordine liberæ ciuitatis magistratuum iura tueretur: semper tamen Medicearum partium erat habitus: & tum maxime in Soderino illam perpetuæ potestatis imaginem ferre non poterat. Siquidem Soderinus popularem sese conuerſa Reipublicæ ratione præstebatur. Accidebâtque propterea, ut quanto maiorem gratiam apud mediocres infimosque homines parare conaretur, tanto ipse apud nobiliores ciuium ordines uiuidiore, & (ut postea præclare docuit euentus) perniciosiore inuidia deflagraret. Erat enim ualde onerosum, & molestiæ pariter odiiq. plenissimum perpetuæ dictaturæ nomen, adeò ut cum in senatu de bellicis, ciuilibusque negotiis ageretur, Patritii Mediceorumque studiosi contrariis suffragiis illius semper consilio atque sententiæ obuiam irent, quasi ei ad eleuandam minuendamq. authoritatem conspiratione quadam illuderetur: quod tanquàm prudentia longe potentissimus, ad Reipub. gubernacula sedens, cuncta iudicio suo regere, cæteris ueluti nutum sequentibus, existimari uellet. Sed uir patientia æquitatēque naturæ incredibili, eas indignitates Reipublicæ causa ita deuorare cõtemneretq. erat solitus, ut quum modè rate atque abstinentèr omnia cotidiani durissimique laboris munia obiret, angustiores in dies spes commutandæ Reipublicæ Mediceis facere uideretur, Ioannesque ipse aliquanto ægrius atq. languidius in tam longa expectatione cõsisteret. Iam enim quinquies per decem & octo annos magnis conatibus repetere patriam fuerat adnixus, semperque inde repulſus abſcesſerat, ita attritis opibus, ac amissis aduerso exitu ueteribus

bus clientelis, ut insignis cardinalis personā haud diu tueri posse uideretur. Sed tanta erat in eo uis ingenii liberalis, eruditi, & quo mortalium animi facile capiuntur, alienis moribus obsequentis, ut lectissimi totius aulae cardinales & antistites eum obnixè colerent, & literati ante alios ad bibliothecam summæ uetustatis, quam Laurētius pater Latini & Græcis uoluminibus cumulate refererat, assidue frequentarēt. Nec deerant Romani nobiles, propter insigne & plane regium uenādi studium, quo postea pontificatum adeptus, omnes haud dubie superauit. Domus quoque semper plena erat phonascis & musicis, quum in ea arte usque ad fecunditatem ingenii peritissimus euasisset. Conspiciebatur etiam officina nobilium artificum, quando nullibi libentius pictores, statuarii, scilicet protoresque gemmarum, & antiquitatis studiosi, monumenta artis deponerēt, quàm apud Mediceos, qui gentilitia quadam hæreditate, cæteris omnes argutia & subtilitate iudicii præcellere dicerentur. In his enim dignissimarum artium studiis, multus erat Iulianus frater cognomento Magnus, à quodam uirtutum omnium concentu, mortalium iucundissimus: & Iulius patruelis equestris ordinis à Rhodia militia: qui propter eximiam animi moderationem, rerumque peritiam postea pontificatum est consequutus. His egregiis artibus Ioannes quanquàm existimationem (cuius cura in exule debet esse potissima) mirifice sustentaret, sæpe tamen accidit, ut in mediis conuiuiorum apparatus, obsonatores pecunia deficere. Et quoniam à nimia liberalitate exulantis fides ubique suspecta redderetur, necesse aliquando fuit, exposita in ornatum abaci argentea pocula, in macellis & foro piscario reliquisse. Hæc ingentis & regii spiritus uiri principalique uitæ deditum uehementer angebant: quod aut remittenda foret splendidiore uitæ consuetudo, unde nominis famam abunde tueretur, aut creditoribus tam benigne de se meritis omnino decoquendum. Verum tanta erat à uultu semper læto præsentis inopiæ dissimulatio, & aperta contemptio, ut certos eum semper crederes à cælo prouentus expectare, quibus omnino præstanti fide debitæ pecuniæ soluerentur. Et certe Fortuna, quæ ei summum in terris imperium struebat, eius egestatem miris ac inexpectatis subsidiis sæpissime subleuauit. Quum uero à frugum monitoribus aliquando repræhenderetur, dicere solebat, insignes uiros celesti sorte fieri magnos, propterea nihil eis unquam posse deficere, nisi ipsi animis omnino deficerent. Eo modo inique cum inopia colluctantem illa ipsa Fortuna, quæ spes eius & conatus omnes eluserat, ueluti pudore adducta feliciter erexit. Factus enim est inexpectata Iulii Pontificis liberalitate Bononiæ legatus, atque ei simul magnus exercitus, quo bellum aduersus Gallos gereretur, attributus. Is honos opportuno tempore collatus, & ad recuperandam patriam, & ad parandum pontificatum, & denique ad plenissimam rerum omnium felicitatem, ianuam pandentibus Fatis aperuit. Discesserat tum forte (ut altius repetamus) Iulius à sordere ac amicitia

Ludouici, specie quidem, quoddam Alphonsum Atestinum, qui à Romanis pontificibus Ferrariam beneficiario iure optinebat, aduersus se tuendum defendendumque suscepisset: quum ille terra à Gallis & Pado anne ab se profligatis Venetis in Padula salinas maximi prouentus vsurpasset, neque in his rebus uoluntati pontificis obtemperaret. Caterum in præaltis animi recessibus grauiores causæ pōtificem cunctis sensibus peracrem, strenuum, indomitum, uehementer excitabant, ut salutem Italiæ mature prospiceret, diligentissimeque caueret, ne deletis Venetis impotenti demū barbaro foret seruiendum. Nanque Ludouicus ubi uno sacundo prælio Venetas opes contriuit, ac ademptis tot urbibus continentis gentem aduerso rerum successu cōterritam, intra plaudes, ipsasque Venetias circumflui maris beneficio permunitas compulsi, cunctis formidandis euaserat: præsertim quum ad id bellum Maximilianus Cæsar nihil ferè præter legatos & Augusti nomen attulisset. Nouerat Iulius Galli regis ingenium proferendi imperii maxime audum: nouerat inextinguitas Gallorum opes, videbat florentissimum Mediolanensium imperium exactis Sfortianis Galliarum attributum: Liguros uerò suos, armis plane domitos, ac arce ceruicibus imposita in seruitutē redactos. Porro Venetos, quorum toto orbe terrarum, paulò antè summa & inueterata fuisset auctoritas, unius horæ momento, copiis, imperio, ac dignitate penitus esse spoliatos. Quibus rebus adductus (uti pium æquissimumque & uere Italum pontificem decebat) Venetos, ne se tantis fluctibus obrutos, planè demersos, ac penitus extinctos uellet, suppliciter deprecantes, subleuandos censuit: Legatos eorum in Vaticano adiecta solenni precatione pro templi foribus expiauit, urbi eorum sacra restituit, iactoque subinde foedere, quo illi maris imperium eiurabant, & sacerdotia sancto pontificum arbitrio conferenda relinquebant, in amicitiam fidemque recepit. Conatus quoque est pertrahere in partes Alphonsum, ut eum à Gallis omnino diuelleret. Sed ille uti Veneti nominis uetus hostis, & diffusus ingenio pōtificis cum sese Ludouico regi persoluta pecunia, & iactis foederibus applicasset, ne quid per uim sibi impostum à quoquam foret timendum, adhortationes simul ac minas pontificis, sub tutela Gallorum longe tutissimus semper contempsit. Ab his initiis nouum bellum protinus exortum est, quo nullum uel atrocius, uel diuturnius in Italia post exactos Gothos, maiores nostri, uel audiendo, uel legendo fuisse meminerant. His de causis, quas memorauimus, Iulius pontifex Alphonsum Atestinum, quoddam ad alieni externique regis auctoritatem se contulisset, quod sprete pontificia maiestate, dicto audiens non esset, quanquam ab ipso summi honoris causa Romanæ ecclesiæ Vexillifer fuisset appellatus, uti contumacem & plane ingratum, hostem iudicat: in eum diras exercet, & hostiliter in eius fines copias inducit. Ipse constitutis urbanis rebus, multa que coacta pecunia, ab urbe proficiscitur, Bononiamque contendit, ut in urbe copiosissima in-

tertus

tentus in omnes occasiones ex propinquo bellum administraret. Ex itinere autem ab eo discedunt Bernardinus Caruial, & Federicus Sanseuerinus, & plerique alii Hispani & Galli cardinales deprauati à Gallis, & ab amicitia pontificis diducti: qui quum Cassia uia per Erruriam se ituros (uti commodiore itinere) prædicarent, contra uoluntatem reuocantis Pontificis, per Apuanos saltus Ticinum usque delati sunt, animo agitantes quibus rationibus indici conuentus posset: ut lacerata & conuulsa multis criminationibus pontificis dignitate, alius uti optimus atque sanctissimus Christianis sacris præficeretur. Nec malignis & exitiosis eorum consiliis deerant Ludouicus & Cæsar, qui huiusmodi concilio præter auctoritatem, summam etiam uim tantis instructi copiis adhiberent. Porro Iulius, uti uir acutus & impiger, ratus id quod erat, Ludouicum Alfonso nequaquam esse defuturum, ut undique magnis præsidis res gereretur, Ferdinandum Hispaniæ regem nouo isto fœdere sibi coniungit, ea lege, ut ipse ei iura Neapolitani regni auctoritate pontificia confirmaret: ab rege uero in auxilium cum quadringentis equitibus cataphractis Fabritius Columna mitteretur, qui tum erat præstantis animi & spectatæ uirtutis imperator. Heluetios quoque ferocissimam gentem, unde sibi sumperat prætoriam cohortem, agro Comensium finitimos mercede conducit: ut cum duabus legionibus in fines Gallorum Insuorum irrupiant, & ab ea parte, quam maxime possint Ludouici copias distineant. In Thyrræno quoque mari parat classem, & cum ea Veneti Grillum Contarenum cum duodecim triremibus coniungunt. Huic Octavianus Fregosius, cuius pater & patruus Genuæ tenuerant principatû, præficitur, ut Genuam patriam reperat, & eiectis Gallis uindiceret in libertatem. Additur Fregolio M. Antonius Columna, qui cum ala equitum, & cohortibus à Lucensi agro terrestri itinere procedentis classis cursum adæquaret. His rebus constitutis, decretum est, ut eodem quoque tempore circiter nonas Septembres Veneti summa uiri & celeritate copiis aduictis Cæsarianos inuaderent, qui ab Verona in Vicentinum & Patavinum agrum cuncta uastantes, sese effuderant: Pontificius uero exercitus, cui præerat Franciscus Urbinas fratris filius, in Mutinensem agrum induceretur. Nec miora, ea urbs adinuantibus Rangonis à pontificiis occupatur. Sed cæteros conatus omnes, & tot diuersi belli apparatus Fortuna, tum Tullio infesta & Gallis plurimum arri-dens, protinus eludit. Heluetios namque uti homines uenali militia gaudentes, quum in agrum Comensem descendissent, Carolus Ambosius cum equitatu aduersus eos profectus, essentatâ acie, & præbita pecuniâ facile repressit in patriam. Fregosius uero & Grillus, quam multis rebus superiores ignaua cunctatione nauali prælio cum Preiæque Gallorum arripitata contendere dubitassent, summa spei uictoriam fœdisime corruerunt. Pari quoque exitu Venetus exercitus Gritto legato, & L. Maluetio duce post summos & intra Veronæ mœnia compulso ho-

stes adeo temere urbem oppugnauit, ut aliquot ibi amissis fortissimis cohortium præfectis, cum ignominia recesserit. His aduersis rerum succelsibus commotus Pontifex (qui propter imperum æstuantis ingenii, ira ac dolore extimulari facilius quam animo frangi poterat) dum vehementibus consiliis bellum renouat, in morbum incidit ab ipso graui autumno in exacta ætate, multa uitæ intemperantia ualde suspectum. Ex aduerso autem fremere Ludouicus, qui secundis belli initiis animum natura ferocem aperte sustulerat: lacerare famam pontificis: & palam dicere, se, qui uti optimo pontifici eiectis Bentiuolis tyrannis Bononiam tradidisset, eam protinus expulso pseudopontifice Bentiuolis uti optimis ciuibus esse redditurum. Nec mora, Carolus Ambosius cum ualido exercitu traiecto Pado, ad Mutinæ portas delatus, quum nihil ibi proficeret, quod ea urbs magnis Vrbinatis & Baleoni præfidiis tenebatur, ad tertium usque ab urbe Bononia lapidem uastabundus copias promouit, præmisitque Bentiuolos, ut ad portas nouandi rebus studia ciuium excitarent: haud dubie impotenti illa ac immani audacia sacrosanctum pontificem oppressurus, nisi eum qui armis defendi non poterat, Hispaniæ & Britanniarum Regum legati in castra ad Ambosium properantes, minis & grauissimis contestationibus protexissent. Denunciabant enim conceptis uerbis & rogatis tabellionibus reges suos Ludouico, nisi à uexando pontifice protinus abstineret, ruptis antiquis fœderibus hostes futuros. Eo quoque die ex Venetorum auxilii equitatus traiecto Pado, & in his ualida Turcarum ala Bononiam peruenit: & Fabritius Columna, qui Fauentiam citato agmine præteruectus festinabat, adesse nunciatur. Quibus de causis Ambosius nefario incepto destitit, in quo fuit occasio conficiendi belli longe pulcherrima, si audax & impius, quàm grauis & Christianus imperator esse maluisset. Verba etenim legatorum magnificiende esse iudicabat, ne temere suo regi tantum bellum undique concitare uideretur. Audiebat etiam auxilia undique conuenire, & exercitum Vrbinatis, qui comæatus intercluderet, in tergo esse meminerat: ac simul certior fiebat Bononienses, qui uerecundia & maiestate præsentis ægrique pontificis adducti, Bentiuolos à porta repulissent, in officio & fide mirifice confirmari. At Iulius uno tempore animi simul & corporis ægritudine subleuatus, nihil sese animo demittit. Ambosium omnesque minores duces nominatim sacris interdicit, exercitum auget: & quanquàm durissima hyeme (qua gelatus Padus curru lia tormenta sustinuit) ad bellum proficiscitur, feruidiore quidem animo quàm deceret senem inualidum, & summæ sanctitatis personam sustinentem, nisi eos imperus in optima causa religionis arroganter à Galis uexata dignitas excusaret. Caterum quum nobiliore consilio Ferrariam haud magnis eo tempore præfidiis atque munitionibus firmatam inuadere debuisset: inde auersus perfidiosis artibus Alidosii cardinalis, Concordiam & Mirandulam ad Gabellum annum expugnauit: haud

fatis

faris decora præmia pro tantis apparatus atque laboribus : nihil præferim Ambrosio sese ex hybernis explicante : qui importuno tempore amoribus & luxui deditus, paulo post inertia apud Ludouicum accusatus, defensionem præoccupante morbo, Corregii moritur. Capta Mi-
 randula, Iulius haud dubie frigoris duritie superatus, uti uictor Bononi-
 am est reuersus. Nec multo post eius copiarum apud fossam Giholam ab
 Alfonso, qui eas dissipatas in hybernis, & securius epulantes adortus
 fuerat, caesæ fuisseque sunt. A parte alia Ambrosio mortuo Gallici belli
 curam suscepit ipse Triuulcius uetus & summus imperator. Is singulari
 peritia, grauitate, fortunâq. ad conficiendum bellum progressus, semper
 opportune castrametando, semper firma acie ducendo agmen, ita Iu-
 lium exterruit, ut retro Rhauennam recedendum putarit. Vrbinatem
 uerò adolescentem, quod Fabritius finito stipendio discessisset, in eas
 difficultates compulit, ut reiectum ad Bononiæ mœnia, instando pre-
 mendoque tormentis, castris, magnâque parte exercitus exuerit. Ea
 uictoria, admirabili ducis consilio parata, sine uulnere militum Gallo-
 rum, Bononiæ portas Bentiuolis aperuit, quum Alidosius legatus neque
 præsidia ex fidelibus parasset, neque comiteatu munisset arcem, & ipse
 ex conscientia scelerum inuoluto capite profugisset. Fuit ad eam fœda fu-
 ga pontificii Venetique exercitus, ut si Triuulcius uestigiis inhaerere uo-
 luisse, haud dubie pontificem cum imbelli turba sacerdotum esset op-
 pressurus. Sed uir pia grauitate, uictoriæ modum imposuit. Alidosium
 uerò ex fuga Rhauennam delatum, quum in sago militari, abiectis ho-
 noris insignibus munda uectus, ut se expurgaret, ad Iulium in arcem per-
 geret, fors scelerum ultrix, Vrbinati prætereunti forte obtulit. Et ab
 eo confestim nihil contra molientibus custodibus corporis, trucidatur.
 Impurus certè sacerdos, & mortalium nequissimus, quique eam Iulio &
 Vrbinati, infido peruersoque ingenio, cladem peperisset. Iulius & fra-
 tris filii facinus, quamuis ab omnibus probaretur, & alumni sacrarique
 uiri cædem ægerrime ferens, magnis itineribus Romam contendit.
 Tum uerò Ludouicus & cardinales qui à Iulio discesserant, successu re-
 rum elati, quin concilium indicerent, minime dubitarunt. Nihil enim
 in affectibus mortalium magis spiritus efficit insolentes, quàm ipsa ui-
 ctoria. Nomine igitur Ludouici & Cæsaris atque item cardinalium ui-
 ctus pontifex ad concilium, quod ad Kalendas Septembres futurum es-
 set, euulgatis super ea re tabulis, euocatur : Pisæ sedes deligitur. Vbi
 censoriis legibus descriptis, sacerdotum omnium mores essent corripi-
 endi & statuenda multa quæ ad dignitatem Christiani nominis perti-
 nerent. Erat concilii princeps Bernardinus Caruaial inter cardinales
 genere, literis & multis legationum honoribus clarus, cæterum natu-
 ra admodum uentosus, & perditus ambitione. Huic Sanseuerinus uer-
 surus ingenio, pontificatum desponderat, adulandoque & propinquas
 spes ostendendo, cum gloriæ & summi imperii dulcedine prorsus in-
 fra-

ueller: ne qui sedem locumque inimicis suis incaute fortasse præbuisset, ab sera demum poenitentia contumeliosissimi & execrabilis facti, quo cuncta plane essent ruitura, author extitisse diceretur: sed ingentes Gallorum opes, atque ea præsertim recens uictoria, aures Soderino præcluserant. Itaque acuti uehementisque ingenij pontifex, uti erat in ulciscendis iniuriis acriter exardens, excidium ei comminatur, & ad declarandum odium, Ioannem Medicem legatum Bononiæ constituit, Soderino maxime metuendum, ut pote qui unus amplissimas haberet facultates ad euertendum eum statum ciuitatis, quem Soderinus ex inimicissimis Mediceo nomini, clientibusque suis antea constituisset. Optimates enim (ut diximus) aut magna ex parte ex propinquis Mediceorum censebantur, aut ex his erant, qui propter dictaturam, inimici Soderino facti, eius decretis atque sententiis in Senatu aduersari, eiusque potentiam haud obscure labefactare consueuerant, dulcissimaque erat apud populum memoria Medicei principatus, & Laurentii præsertim, qui singulari uirtute atque modestia ad clauum reipublicæ sedendo, ciuitatem in maximam authoritatis & rerum omnium amplitudinem perduxisset. Interea cardinales ad concilium Pisas peruenere, quibus aderat præsidio Odettus, cognomento Lotrechius quadringentos equites cataphractos secum trahens. At Florentini optimates, ubi nunciarum est aduentare Gallicum equitatum, qui Pisas hyemaret, uti de retinenda ea urbe solliciti, Soderinum adeunt, imprudentiam eius incusant, qui eam urbem uix per quatuordecim annos ferro famæque domitam dudum recepisset, incaute admodum incertæ fidei cardinalibus externisque hominibus esset concessurus. Nec mora coacto senatu, omnium fere suffragiis legati ad Lotrechium, & ad cardinales decernuntur: qui denuncient, nequaquam placere populo Florentino, ut copiarum militares intra fines recipiantur, propter acerbissima in se Pisanorum odia, qui nulli omnino occasione, ut amissam libertatem recuperarent, defuturi esse uiderentur, sacerdotes enim Pisas Florentino præsidio satis tutos & incolumes & liberos futuros, si tranquille ac religiose de diuinis rebus, potius quam de humanis contentionibus disputare decreuissent. Id decretum Soderini exultationem, qua plurimum apud ciues ualere Gallis uideri uolebat, uehementer imminuit. Quam ob rem conatus est & fœdiore quidem consilio, ut magis Gallis faueret, eum conuentum Florentiam omnino reducere, ubi ceu in amplissima urbe nihil esset necesse armatis præsidiis tueri sacerdotes, quando nulla à quoquam timenda iniuria uideretur. Id à Gallis probabatur, & cardinalibus etiam mirifice placebat: utpote qui propter urbis dignitatem concilio clariorem famam acquiri facile intelligebant. Sed iidem optimates amici Mediceorum qui de præsidiis impedierant, & huius quoque consilii, uti inutilis & importuni mentionem uno subselliorum strepitu sustulerunt: quasi ciuitatem cum omnibus Christianis fœdere coniun-

etiam, & pontificio nomini semper amicissimam, si dissidio sacerdotum & Schismati in ea locus præberetur, & nouo simul bello, ac diris mox & execrationibus iure alienati iratiq. pontificis obiectaret. Itaque quum Pisis sine præsidio septem cardinales cum paucis episcopis desertissimò conuentu habito cuncta infaulte aduersus Iulium molirentur, grauis etiam tumultus in ponte Arni (casu an consilio incertum) inter Gallos & Pisanos, gladiis utrinque districtis exortus est. In quo nonnullis utrinque vulneratis, ipse Lotrechius summum uitæ periculum adiit, seruatus haud dubie adcurtu filii prætoris, qui ad dimouendam turbam in conuersum equum adegerat. Qua ex re tantus repente timor omnibus est illatus, ne per prodicionem Iulio dederentur, ut mox Pisis excedendum putarent, atque inde continenter Mediolanum ad renouandum ibi concilium effuso cursu se receperint. Fuere qui existimarent Soderinum non sua uoluntate locum dedisse concilio, sed uehementi impulsu Francisci fratris cardinalis, qui erat Gallicæ factionis: & præclara simulatione ab his qui discesserant impetrarat, ut ipse apud Iulium relinqueretur ueluti consiliorum omnium certissimus speculator. Erudito nanque uersutoque ingenio propter incertos rerum exitus, pilei dignitatem grauius periculis implicare noluerat, sed tacitus callido sensu quorsum uis conuentus euaderet, in utrunque casum consilio paratus expectabat. Non absurda etenim ratione ad pontificatum poterat aspirare, si forte Iulio sede pulso, ipse ueluti medius Iulianorum simul amicitia, & Gallo rum ope, & totius demum Etruriæ studio subnixus, sese candidatum dissidentibus cardinalibus ostendisset. Hic uir enim acutus & excellent, nisi insignes animi uirtutes incredibilis auaritia defoedasset, dicere erat solitus. Nihil homini petenti excelsa, & præsertim in hac aulæ fortuna uersanti, uel usu melius, uel expeditius esse, quàm dualis omnino sellis sedere, si absque certa offensione fieri possit: quoniam: nihil unquam ex toto in alterum alæ euentum sapienti periculandum esse uideretur. Suscepta legatione Ioannes, & amici pariter & clientes eius, in spem haud dubiam recuperandæ patriæ cogitationes exercebant. Ipse cum exercitu longe omnium ornatissimo initio hyemis ad oppugnandam Bononiam est profectus. Imperii nomen penes Raymundum Cardonum fuit uirum hercle nobilem: sed ciuili potius quàm militari gloriâ florentem. Cæterum uires & consilii summa in Fabritio Columna, Petro que Nauarro plurimum eminebant, quos uti militiæ magistros Cardonio Ferdinandus addiderat. Quum in Galliam togatam ex Piceno Vmbriaque esset peruentum, Nauarrus à uia Flaminia dextrorsum in Ferrariensium fines diuertit, & Bastiam hostilis agri propugnaculum ualèdissimum tormentis adortus expugnauit, fortissimis defensoribus cum duce Vestidello ad unum interfectis. Inde ad Bononiæ mœnia exercitus est perductus, & à porta quæ Florentiam ducit, oppugnatio cœpta. Erat in fama terrorq. hominum Nauarrus, qui ab admirandis artibus

turrium

turrium atq. arcium euerfor esse dicebatur; quoniam Neapoli duas arces excauatis subter cuniculis, & succenso intus tormentario puluere stupentibus cunctis vi furētis ignis in altum eiectas radicibus excidisset. Is ad eam muri partem, cui coniunctum erat Baracani sacellum Mariæ uirgini dedicatum, cuniculos agebat: non longe uero cum è summis colibus, tum productis ad uineas tormentis micenia quallabantur. Contra Bentiuoli ualidas Germanorum & Gallorum manus introduxerant, elientes armauerāt, & apertis occultisq. præfidiis tota urbe collocatis, sese aduersus hostium uim & ueterum inimicorum egregie tuebantur. Erat populus Bononiensis ingenti metu perculsus, & in primis uiri patritii periculo uehementissime terrebātur, quod aduersus sacrosanctum pontificem, atque eundem quidem qui paulò antè ab omnibus ciuitatis liberator fuisset appellatus, ingratisime & scelestissime rebellassent, arcem ab eo conditam euertissent: & denique statuum ipsius æneam templi fastigio derraçtari, & uariis fordaram ignominis, ad extremum in tormenta confluissent. Quibus de causis Ioannes legatus ne Bononienses ueluti desperata uenia animos desponderent, & propterea obstinatius defensionem pararent, ubi per occasionem poterat, optimis ciuium significabat, pontificis animum egregie delinquitum: omnibusque ueniam esse propositam: quoniam pro comperto haberet, nihil earum contumeliarum publico factum cōsilio, sed temeritate potius ac impetu plebis cum semper imperitæ rum in omni nouarum rerum motu absq. ulla iudicii ratione gestientis, omniâque proinde probe excusata atque expiata fore, si uel oppressis uel eiectis tyrannis, externarumque gentium omnino pulsus præfidiis cum certissima etiam spe præmiorum ad ueterem bonisq. omnibus exoptatam libertatem rediissent. Erāt enim apud legatū plerique uiri nobiles, qui à Bentiuolis capta urbe & occupata republica, in castra se contulerāt; & in his Alexander Populus, Hercules Marefcotus, & Camillus Gozadinus, qui propinquos & pontificio nomini amicissimos, ut se à fauissimo dominatu quatuor tyrannorum in tanta diuinitus oblata occasione liberarent, hortabantur. Siquidem quatuor liberos Ioānes exilio moriens reliquerat: Hannibalem, Alexandrum, Galeacium & Hermetem. Sed Alexander sicuti religione ciuiliq. humanitate maxime erat insignis, ita Hermes uti uir militaris crudelitate ceteros anteibat. Quallabatur maioribus tormentis murus ab ea parte qua à propugnaculo & porta sancti Stephani dextrorsum sese inflectit, & in eo quoque tractu ad Baracanum (ut diximus) sacellum cuniculos agebat Nauarrus, quibus Galli & Germani pari conatu & diligentia excauatis subter domos cōtrariis cuniculis occurrebāt. Præerat præsidio Alegria dux uetus & impiger, & cunctis Italiæ bellis exercitus, aderantque fortissimi alarum legati Faieta, & Vicontius, cui à terribili audacia magna diabolò cognomen fuit, & cum his duo Bentiuolorum clientes summæ fortitudinis, ac ingentis corporis centuriones, Spinacius & Agamem-

non, qui cum audacium gladiatorum cohorte in periculosis muri locis ante alios uerbantur. Forte ad propugnaculum dilacerato muri latere, haud difficilis uisus est Hispanis militibus ascensus. Itaque repente expectati nonnulli priuato consilio ignaris ducibus superata fossa, locum subeunt, & celeriter in propugnaculum euolant, occurrentesque Gallos cataphractos egregie sustinent: & mox repulso adempto alae uexillo praecipites agunt. Erat iam in summo Hispanicum uexillum focis pariter atque hostibus conspicuum: eratque propterea in urbe tumultus ingens, & magnus fiebat undique in eum locum ab omnis generis hominibus concursus. Foris uero ita alacritas inopinata cunctorum animos ceperat, ut spes occupandae urbis non modo militi, sed ducibus ipsis oblata uideretur. Sed quoniam coepta sine certo consilio fortuna plerumque destituit, non multo post inde Hispani impetu maioris tormenti, quod ab Alegria in propugnaculum ab idoneo loco fuerat directum, cum miserabili caede exturbati, & in fossas praecipitati sunt. Neque foris tum paratae erant legiones, ut murum invaderent: quoniam neque duces iusto praetio quicquam eo tempore tentandum censuerant: ut pote qui iam prope perfectis cuniculorum operibus tutiorem occasionem expectarent: & pro comperto haberent tales intra quaslatum murum ab hoste erectas esse munitiones, eoque ordine militari cohortes in acie cum tormentis ad tuendum locum esse constitutas, ut nulli perito rerum bellicarum dubium esset, quin uel semel per ruinas ingressis multo maxime peruadendi in urbem difficultates relinquerentur. Igitur multis rebus frustra tentatis, reliquae spes omnes ad cuniculos reciderant: in quorum opere adeo multus erat Nauarrus, ut propter felicem & spectatam multis in locis industriam caeteri duces, & ipse praesertim Ioannes legatus urbem aut nullo aut uno maxime eius uiri consilio atque artificio capi posse existimarent. Nec defuissent mirificis operibus euentus, nisi omni humana ui potentior Deorum immortalium uoluntas ab ea insigni urbe presentem cladem auertisset. Factum enim est Deiparae uirginis praesenti auxilio, quum suum sacellum egregie tueretur, ut subditis ignibus, exardentem intus repente tormentario puluere, totum Baracanum radicitus conuulsam, flammarum uiolentia in sublime iaceretur: sed adeo compositae concideret, ut directis & exaequatis ad libellam angulorum lateribus, Deae manu repositum esse crederetur. Mirum enim dictum, miles inter fumum & ruinas procidentis propugnaculi irrumpere paratus, interiora urbis & positas in acie hostium cohortes, per hiatus effractions & patentis muri, in eo subita rei momento late conspexit: & mox tanto miraculo tardatus exclususque est. Ab ea die Bononienses magis ac magis captis religione animis sacellum collatis undique donariis in luculentiorum formam exornare, adiectaque testudine & sacra porticu proferre coeperunt. Dum haec ad Bononiam geruntur Heluetii hortante pontifice, & magna pecuniae praemia stipendii nomine summitente,

bellum

bellum (uti superiore anno fecerant) in Insubria renouarunt: à Verbanò que lacu descendentes, fugatis undiq. Gallorum præsiis ad Mediolani usque mœnia delati sunt. Hisdem quoque diebus Veneti Brixiam recepere opera Aloisii aduocati militibus per Garzette amnis fornicem, qui urbem illabitur, introductis. Nec desuere Veneto populi studia: statim nanque equitibus Gallis cum Aluda præfecto interfectis, aut captis, lilia gallica ubique derasa, & Veneti leones tota urbe repositi: corporaq. profferri munitiones ad arcem, ut egressus in urbem venturo hosti ab ea parte præcluderetur. Tantis undique circumiectis & prementibus ex propinquo hostibus, Galli diffusi opibus suis haud dubie Cisalpinæ Galliæ imperio celsissent, nisi eos in ipsi belli consiliis hæsitantes ad spem ingenitum victoriarum unius iuuenis ducis inuictus animus erexisset. Hic est ille Gasto Foiseius imberbis adolescens, antè imperator quàm miles, antè triumphator, quàm à victore exercitu acclamatus imperator. Cuius uirtutem adeò intemperanter Fortuna extulit & extinxit, ut cum nullo mortaliũ utroque uultu uelocius atq. vehemētius luisse uideatur. Gasto cōiunctis undiq. copiis contra Heluetios profectus circa Mediolanũ ita eos equestribus præliis fatigauit: ut ab agmine vexillisque discedere nõ auderent, quum inermes & dispersi pedites, à cōfertis cataphractis equitibus facile cæderentur. Quibus præliis Baiardi & Baronis Contini singularis uirtus enituit. Sed Continus quum maiore animo quàm consilio hostes persecutus in villam irrupisset, circumuentus ab hostibus interiit. Cæterũ Heluetii uicti asperitate hyemis, annonæ penuriæ subacti, & frequentibus equitum præliis sæpe cum incōmodo lacepsiti, quum neque tormenta, neque equites, neque ullum omnino iustæ expeditionis apparatus attulissent, uti superiore anno fecerant, cuncta in reditu diripientes, uexillo domum uerterunt. At Gasto Foiseius repressis Heluetiis nihil cunctandum ratus, ut Bononiam obsidione liberaret, nulla interposita quiete, quum nullam à milite uel duræ hyemis, uel difficilium iterum, uel pristinæ defatigationis excusationem reciperet, eò magnis itineribus contendit: tanta celeritate incitatus ad festinandum omnibus copiis, ut neq. uia: militares admodum lutulentæ, neque inflati amnes, neque longissimæ noctes quicquàm impedirent, quo minus tormenta ænea, non modo legionibus in cursu, sed ipsis etiam equitibus æquarentur. Accidit autem id quo nihil ætate nostra admirabilius in re bellica fortasse contingit: ut nihil prorsus sentientibus Hispanis interdum instructæ acie uiginti amplius cohortes, & sex mille equites, & magnum tormetorum & carorum numerum trahens, Bononiã sit ingressus: quum Fabritius & Nauarrus uigilantissimi homines, tot sæpe equitum turmis per agrum Transrhenanum emisissis, nihil de eius aduentu unquàm præsensissent. Etenim Foiseius nuncios omnes & literas, & totam denique sui famam incredibili celeritate præcurrerat: & tantus erat amplissimæ urbis ambitus, ut uix à tribus portis sine periculo unis castris posset obsideri. Postero igi-

tur die Græcus eques à pontificiis exceptus, quum interrogaretur, ex cuius ducis ala esset, & quæ Gallorum, Bètiuolorumque consilia & apparatus in urbe essent, dixit se cum ala Biarner (qui ipsius Gastonis erat legatus) pridie cum exercitu urbem ingressum, nihilque propterea, utri nouum militem de Bononiensibus rebus habere compertum. Quibus uerbis ad duces Ioannemque legarum sedulo delatis, & subinde emissis inquisitoribus, cognitum est per agrestes Foiseium cum magnis copiis aduentasse: & perpetuo cursu intrasse urbem, ut cum Hispanis absque ulla dubitatione prælio decertaret. Itaque in consilio decernitur, retro castra ad forum Cornelii esse reducenda, ne cum ualidissimo exercitu ante mœnia populosissimæ urbis contra disciplinam iniquissima loci conditione dimicare cogerentur. Fuere qui existimarent Foiseium omnium longe pulcherrimam potiundæ uictoriæ occasionem, quam insigni celeritate peperisset, eius diei mora corrupisse: quâdo ea tantum nocte fuerit quietendum, & in albescente statim cælo tribus portis erumpendum in hostes, qui ignari ipsius aduentus à multa niue tum forte cælo delapsi, in tentoriolis torpentes & gelidi, nequaquam tantarum copiarum impetum lauri fuisse uiderentur. Sed Foiseius suadente Alegria nequaquam præpropere, sed graui admodum consilio ante omnia cognoscenda sibi hostium castra, consilia, vires, ac incitandos Bononiensium animos, & nouum quem aduxisset exercitum, tantis interibus fatigatum, bidui quiete omnino recreandum esse iudicarat. Itaque Fabritius atque Nauarrus, cura primi & magis impediti agminis Cardonio attributa, tormenta sine tumultu reducunt, atque omnibus belli artibus dissimulato metu, & ostentata ultro cupiditate conferendæ manus, retro abeunt, ita utrinque à uia media militari cōplanato itinere, ut instructa acie, & equitatus pediti, & uterque tormentis in medio receptis, præsidio essent. Erupere in abeuntes Galli equites, cibariaque relicta in tabernaculis diripere: quos intemperantius secutus, & postremis imminentes, Malatesta Baleonus impiger adolescens, qui nouissimum cogebat agmen, subito adortus late cæcidit & repulit. Foiseius hoc uno contentus, quod Bononiam obsidione liberaffet, repulsosque hostes tota pene illa ueteri bellicæ uirtutis extimatione spoliaffet, multis de causis Hispanos sibi in præses relinquendos, & Brixiam omnino conuolandum esse existimauit, ut per arcem urbem reciperet, priusquam ea uel oppugnata uel obsessa dederetur, uel urbs ipsa maioribus Venetorum præliis confirmari posset. Ergo eadē alacritate raptato exercitu, propositis ad excitandos milites ingentibus præmiis Pado superato Brixiam contendit. In itinere autem admirabili quadam felicitate, Fortuna, quæ in Foiseio adiuuando ornandoque una maxime celeritate gaudebat, Paulū Baleonum obtrulit: qui cū aliquot cohortibus & ualido equitatu Brixianis rebus præsidio ire maturabat, ignarus earum rerum quæ Bononiæ acciderant, & nihil minus timens quam Gallorum occursum: quos è superiore Insubria profectos, uix dum Bononiam

noniam peruenisse crediderat. Itaque ad turrim quæ Magnanimi dicitur, non longe ab Atheli tumultuario atque inopinato congressu antecessentium equitum pugna committitur, ita ad tubarum cantum euocatis & coactis utrinque militibus, ut ardentius pro eo numero concurrere dimicarique nequiverit. Sed Gallis cessere Veneti, nequaquam animis ac uiribus pares, ut pote qui nihil tale timentes, ueluti in insidiis præcipitati, armatis instructisque hostibus occurrissent. Capitur Guido Rangonus, cæteri ferme omnes terga uertunt. Paulus tamen intrepide à tergo instantes prementésque sustinet, præbetque spatium suis sese explicandi, qui per nota uada fluminis Athelis euadebant. Superuentu vero Foisei & recentis alæ, Paulus cum globo suorum ad amnē se proripuit, eoque tranato seruatus est. Hic insperatus nouæ uictoriæ prouentus (ut est natura mortalium, quæ improvisis uehementius afficitur) Foiseio incredibilem attulit uoluptatem: simulque iuuenem gloriæ audum magis ac magis accendit, ut interceptis his auxiliis ad opprimendos Brixie Venetos maiore adhibita festinatione maturaret. Nec feroci ingenio alta atque ardua meditantem Fortuna defuit. Nam ubi Brixiam peruenit, aduocata militum concione, eos alacriter est cohortatus, ut postquam ad locum præmiorum secundissimo successu peruenissent, secum paululum adniti uellent, impigrèque pugnare, ut mox tantorum itinerum incommoda ditissimæ urbis spoliis refarcirent: his magno studio acclamantibus, & quod uellet se irrupturos sublata manu significantibus, cataphractus dimissis equis ante pedites in prima acie collocat, hos iūctim subse qui Germanos & Vascos iubet, atque ita arce torrenti similis in urbem prorumpit, stratoque Veneto præsidio, quod sese obiecerat, ac ingenti omnis generis hominum multitudine crudelissime trucidata, urbe potitur. Tum uere uidere licuit quanta feritas atque sæuitia auarissimis uictorum militum animis esset insita, nulli nanque ætati uel sexui, nullis templis, nullis uel sacratis corporibus crudelis ira pepercit. Captus est Andreas Gritus summæ uirtutis ac authoritatis Venetus legatus. Ipsum uero Aloisium aduocatum, qui ad Venetos defecerat, ex fuga retractum & carnifici traditum Foiseus audis oculis in frusta dissectum spectare sustinuit. Septem diebus in eius urbis direptione consumptis, Foiseus ad hostes feroci citatoque agmine in Bononiensem agrum est reuersus. Terruerat iam omniū animos cum felicitate rerum gestarum, tum una maxime celeritate, qua uehementer usus, ubique hostium consilia præuerterat, ita ut hybernò tēpore geri posse bella docuisse dicebatur, quum antea milites semel in hyberna deducti, ueluti sacris occupati feriis, nunquam inde, nisi iam plane adulto & florēte uere, educi cōsueissent. Habebat tum castra Medices legatus ad Butrium, & quum Foiseus Brixiam contenderet, in consilio fuerat agitatum, an traiecto Pado cum parte copiarum Brixianorum periculo foret occurrendum. Sed cunctatius deliberantes festinantis Foisei geminata uictoria ab ea dubitatione

& Gallicæ militiæ peritissimos duces, temere ex iniquo loco minime in uadendos esse prædicabat. Dirempto equestri leui prælio Foiseius directis itineribus sub Foro Cornelii ad læuam promouit castra, eo consilio ut ad expugnandam Rhauennam maturaret, ratus aut cessuram urbem non multum nuro ualidam magnis uiribus oppugnanti, aut si hostes auxilio ire pergerent, adfuturam occasionem uniuerso prælio dimicandi, quam sibi cunctis artibus parandam arbitrabatur, quando collatis semel signis nihil omnino de uictoria dubitaret. Erat enim rebus ferè omnibus superior, tormentorumque præsertim apparatu, quæ non uti apud Hispanos tardissimis boum iugis, sed insuetactorum ac agilium equorum ceruicibus trahebantur. Habebat & leuem armaturam equestrem dimidio ampliorem, & multo etiam exercitatiorem. Sed præcipuum robur erat in Germano pèdite ueterano, omni armorum ornatu conspicuo, qui duodecim quingenariis cohortibus, & exercitus & castrorum frontem obtinebat, cuique nulli milites stabili & campestri in acie pares futuri viderentur. At legatus & pontificii Hispanique duces de itinere & de toto Foisei consilio coniectura iudicantes, M. Antonium Columnam summæ spei Romanum ducem Rhauennam mittunt. Eius alæ equitum adiungitur Petrus Castrus leuis armaturæ equitum præfectus, & cum eo fortissimi centuriones cum cohortibus Paredes & Salazarius. Quibus ire dubitantibus singuli duces & ante alios legatus iureiurando pollicentur, se quum periculum urgeat, neque eam urbem neque ipsorum præcipue salutem esse neglecturos. Porro Foiseius Rhauennam delatus, prolatis statim tormentis, tanta ui quassare moenia est adortus, quanta maxime ab ullo alio duce, qui interfuerant, ullibi factum fuisse meminissent. Dirutis nanque muris, & nonnullis hostium in opere & defensione uersantibus ad ingeminatos tormentorum ictus interfectis, triplici acie instructa murum subiit, tanta alacritate & contentione militum, ut quisque, quo magis in oculis ducis esset conspicuus, ante alios efferendo sese prægredi conaretur. Diuisus enim erat labor inter nationes, ut sublata penitus inuidia, omnes honore simul atque periculis æquarentur. Denos quoque equites cataphractos singulæ turmae ex fortissimis iuuenibus tribuerant, qui ante pedites dimissis equis grauioribus protecti armis subibant. Certatum est aliquot horis utrinque uehementissime. Non deerat enim sibi in tanto rerum discrimine Antonius & ceteri duces, qui ab idoneis locis tormenta maiora minoræque incessanter emittebant, & è summis ruinis sulphureos globos saxaque & ingentes trabes prouoluebant. Sed magno usui erat eximiae magnitudinis ænea colubrina, quæ ab angulo propugnaculi in laetus subeuntium agminum sæpius emissa, multos miserabili strage edita uiolenter abripuit, & fossam foede laceratorum militum cadaveribus repleuit. Desiderati sunt plerique uiri fortes, & in his Spineus tormentorum magister, uir summæ auctoritatis ac industriæ, & Satillonus inter

præfectos equitum clarissimus. Ex his uerò qui in muro propugnabant, perièrè duo Dentitii fratres Neapoli honestissimo loco nati, quum alter in locum tormento interfecti & iacentis ad pedes fratris, ad non dubiam mortem ac laudem intrepide successisset. Foiseius cum detrimento repulsi, ubi didicit Fabritium atque Nauarrum cum omnibus copiis aduentare, qui exaudito tormentorum frequenti reboatu, & animaduerso Rhauennatum atque præsidii periculo castra promouerant, à Rhauenna propere discessit, ne interclusus, si diutius hæreret, sibi necesse foret ancipiti prælio decertare. Fata quoque quæ omni humana ratione uehementius impellunt, tum haud dubie uel inuitum in eos campos pertrahebant, qui essent & ab eius interitu, & ab inusitata, cunctisque prope gentibus funesta clade nomen habituri. Educto exercitu validam manum in tergo constituit, quæ erumpentes è Rhauenna hostes conuersa fronte sustineret. Peruenerant pontificii ad Roncum usque amnem, qui Vitis antiquitus fuit, quum biduo ferè continenter & in agmine & in ponendis castris equestri prælio decertassent. Erat in fronte amnis, iuxta cuius aggerem Nauarrus peditatum omnem depresso loco collocarat, eumque præseperat paruis curribus, quibus ingentia uenabula erant præfixa. Equitatum in tria diuisum agmina Fabritius Padulius, & Caruaial idoneis in locis instructa acie conglobarant. Toni uerò leuis armaturæ equitatu præerat Daualus Piscarius Fabritii gener, qui ab his infausæ militiæ primis stipendiis, summorum postea ducum gloriam æquauit. Relinquebatur Foiseio exigua spes parandi comeatus, quum magis ac magis à Ferraria Padoque discederet: propterea uel ob id etiam maturius configere properabat. Venerat ad eum Alfonsus Ferrariæ princeps præcipua belli causa, ut quam debebat regi de se bene merito præsens operam præstaret, ornatissimamque alam & magnum tormentorum apparatus adduxerat. Huic & Senescalco Normanniæ cura primæ aciei fuit demandata, secundæ & tertiæ præfuerè incliti duces, & ante alios Alegria atque Palicia, qui erant omnium & ætatis honore & rebus gestis longe clarissimi: Ipse Foiseius, ut imperatorem decuit, nullum sibi certum locum desumpsit, sed cum turma nobilium prouectus ad singulos ordines animo maxime excello & sermone alacri modo Germanos & Italos, modo Gallos & Vascones hortabatur, ut intrepide cum his congredi uellent, qui tantum cum Pœnis & Mauris inermibus in Africa pugnare assueti, uix primum ueteranorum militum impetum essent laturi: peruentum iam esse ad laborum finem, & parata esse præmia, quæ non modo meritis, sed ipsorum etiam uel immodicæ cupiditati ad facietatem æquarentur, si opinionem quam ipse de omnium uirtute, factò sepe periculo cumulatissime concepisset, uti uiri fortissimi minime fefellissent. Erat Foiseius imberbis adhuc, & præclara facie maxime decorus, sed micantibus oculis à generosa militarique ferocia ualde terribilis, & quod spes ipsas & studia militum ue-

hementèr

hementer excitabat, dux etiam fortunatus ab omnibus habebatur. Incitatis ad prælium militibus, tormenta unius præcipue Alfonsi consilio amnem, loco mare uersus à castris hostium inferiore, sunt traducta, quæ mox ille ita magno in obliquum circuitu prouexit, ut in latus & terga hostium citatis iumentis nerterentur. Interim Germani subitatio ponte, Vascones & reliquis peditatus humilibus uadis amnem transibant; equitatus turmatim ab omnibus locis in aduersam ripam absque ullis in commodis euadebat. Leuis autem armatura equestris, utrinque latus effusa ita pugnam ciebat, ut prospectum, uti planis accidit in locis, speculantibus ducibus adimiret. Iam pilæ Gallicæ ingenti strepitu maioribus tormentis emissæ, multa strage equorum atque hominum edita, per medias acies prouolabant. Iam Gallicus equitatus ferme omnis, peditatus uero magna ex parte, flumen transierat. Iam denique prope ipsum ardentis prælii discrimen erat peruentum, quum Fabritius acri iudicio uictoriæ diffusus, Nauarrum uehementer est obtestatus, ut sese tandem inde expediret, & cum dimidiato hoste potius quàm cum integro congrederi uellet, neque amplius cunctaretur, sed peditatum confestim uersus amnem in hostes educeret, se quoque statim eò cum uniuerso equitatu illarum signa, atque ita disiunctos & in transitu hærentes ac imbeditos in flumine facile concisuros. Sed Nauarrus fatali pertinacia, salutaris consilio nequaquàm animum inflexit, utpote qui sub aggere depresso tutoque loco constitutis legionibus sibi omnino expectandos hostes, non ultro inuadendos importuna ratione decreuerat, ita ut exitiali proposito deseruiret, nihil tanta & miserabili equitum clade commoueretur. Confusus etenim mirifice militum uirtuti & carrorum item munitis, in animum cæca obstinatione peruersum induxerat, se deletis etiam equitibus, uno incolumi peditatu uictoria haud dubie, nequaquàm communicata cum sociis laude, potiturum. Aduiuit etiam obstinati hominis insaniam suorum tormentorum respectus, quæ perite collocata, emissæque strenue Gallicum peditatum, ueluti clades alternante fortuna, perquam effuse prosternebant. Fabritius fremens & gemens, ubi totum equitarum animaduertit ingenti ea clade perturbatum, & multos duces in oculis crudeliter interfectos, ne inglorius caderet, cum globo reliquorum equitum in confertos hostes incurrit: ubi cum ad interitum suorum aliquandiu pugnaisset, ab Alfonso captus est, & à Gallorum iniuria, id ipso obnixè deprecante, egregia fide seruatus. Eadem consilii fortuna Padulium excepit, quum alas secundæ aciei per campum sosis & uerbis impeditum nequaquàm conferto, sed dissipato agmine, ueluti desperato meliore exitu, protinus induxisset. Captus est & Daualus Piscarius fusa uniuersa leui armatura equestri, multis susceptis vulneribus egrege repugnans. Cardonius uero ipse inusitata tormentorum clade confestus, uix mentis compos inauspicati imperii relictis insignibus, & cum eo Caruaial tertia acie ferme integra, & Antonius simul Leua, qui

postea raræ felicitatis dux euasit, continenti cursu profugere. Tum uero appropinquantibus Germanis Nauarrus insigni quidem, sed nimis serâ uirtute, legionibus suis prælii signum propoluit. Strauerant solo pro na corpora suo pro ingenio milites, ut præteruolantes ferreas pilas euitarent. Itaque sese atque hastas protinus erexere, tantæque animorum alacritate Germanos inuasere, ut nunquam ab ulla hominum memoria aut ferocius aut acrius sit concursum. Accidit autem ut ante ordines progressi duo longe omnium nobilissimi duces, armis cristisque conspicui inter se ex prouocatione decertarint, Iacobus Empser Germanus, Hispanusque Zamudius, sed cadentè Germano utraque acies statim procurrit, cæsisque sunt utrinque ferme omnes noti Centuriones, uixque Germanus confertissima sua phalange; Hispanorum uim ac audaciam sustinebat, quum inclinati plerique scutisque protecti, subter hostium hastas inermia femora breuibus gladiis fodiendo, cædendoque ad mediam ferme aciem peruenissent. Non procul inde Vascones occupata uia, quæ inter aggerem ac ipsum flumen intererat, Italicas cohortes, iam multo à tormentis detrimento accepto perturbatas, clamore edito sunt adorti. Sed ubi emissis sagittis ad manus est deuentum, uti hastatis & densa acie præmentibus impares, facile sunt repulsi. His opem tulit Alegría cum recenti ala equitum supra insitam uim domestico etiam dolore concitatus. ardebat enim incredibili cupiditate sumendi supplicii de Ramazotto eiusque cohortibus, à quibus superiore anno ad Ferrariam Melious filius pugnacissimus iuuenis seditione militari fuerat interfectus. Sed irrumpentem & cohortes lata strage edita prosternentem, Fortuna maligno omine persecuta, nouo & acerbiori quidè dolore obruit, quum in eius oculis Viuerroës alter filius suo impetu transfixus hastis hostium fuisset, & exanimis in profluentem præcipitatus. Nec multo post & ipse fortissimus & infelix senex in lugubri uindicta funestaque uictoria confossus interiit. Ramazottum ingenti securis ictu prostratum & semianimem seruauere proximi Hispani, qui ex secunda acie, duce Samaneco ab alia parte Gallos Italosque pedites reiectos usque ad tormenta ita cæciderant, ut illi pauentes & saucii in latas Germanorum fœde perturbatis eorum ordinibus uerterentur. Iam Germani à fronte cum hoste pugnautes, iusta quidem ira sed tam exitiali quàm necessaria cum sociis auertendo pellendoque ne eorum incurfu acies laxaretur, in latas certabant: eratque ob id incerta adhuc & dubia Gallorum uictoria, nisi Foiseus uniuersum equitatum iam undique plane uictorem, Hispano pediti circumfudisset. Nec in tanta rerum asperitate sese deserunt Hispani, uti decuit summæ fortitudinis ueteranos, quanquam continenti cum Germanis prælio fatigati, non modo promptissimum quenque militum & Centuriones & vexilla, sed quod maxime uires debilitat, & spiritum intercipit, uictoriæ spem ipsam amisissent. Admirabili etenim consensu & singulari pugnandi peritia, ordines atque animos conser-

uant,

uant, delatque in uiam hinc aggere perpetuò, illinc flumine permunitam acerrime depugnando sese recipiunt. In ea receptus difficultate Nauarrus, sese ultro telis obiectans, ne tantæ cladi superesset, uti postea dicere solebat, intercipitur. Eo capto, & iam undique parva uictoria Foiseius profligatis & fugientibus instandum esse clamitans, & undique ad delendas reliquias equites cogens, dum intemperantius cum turna nobilium abeuntes persequitur, à nouissimis circumuentus, & ab equo de turbatus iugulatur, neque se Foiseium & Hispanæ reginæ fratrem esse profiterenti barbarus & iratus miles pepercit. Stratus est & iuxta Foiseium amplius uiginti vulneribus illatis, eius patruelis frater Lotrechius, qui postea inter Gallos cum imperio militari summam auctoritatem est consecutus. Foiseii importuna mors, haud dubie infaciabili cædendi hostis cupiditate quæsit, sicuti plenissimam de hoste uictoriam corripit, ita Hispanis angusta & ob id firma fronte insequentes Gallos facile repellentibus, euadendi spacium dedit, uictoreque simul à difficili pugna ad paratam prædam protinus auertit. Cecidère utrinque fere æquata clade, cum calonibus & lixis ad uiginti milia, sed in primis flos militum & ducum fermè omnis interiit, quorum fortunæ uarios euentus sigillatim in historiis diffuse retulimus. Interea Medices cardinalis haud dubie providentia Deorum ad pontificatum reseruatus, quum multis circa eum interfectis, turpi fuga minime saluti consulendum esse iudicaret, postquam cohortando, & cadentium animas superis commendando, cum pii, tum constantis legati munus impleuisset, in Gallos equites duos incidit, quorum alterum purpuræ & pileo superbe insultantem Plateus eques Bononiensis, qui lateri comes hæserat, tragula per iugulum transfodit, alterum pauentem eodem telo fauciarum, equo deturbauit, his mox succellere Epirotæ equites, è quorum manibus superuentu Federici Gonzagæ Bozoli statim eripitur, cui demum honestiore nomine tanquam nobili duci atque Italo protinus est deditus, & ab eo adiecta custodia deductus ad Federicum Sanseuerinum, qui concilii nomine pro legato in castris & in acie armatus, & proceritatem ingentis corporis, & præclarum in ea causa studium ostentarat. Ab hoc Medices quum honestissime tractaretur, & propter uetèrem familiaritatem omni cum uerborum honore ac officii pietate coleretur, facile impetrauit, ut Iulius Medices qui ex prælio cum Antonio Leua Cesetiam profugerat, tuto ad se ueniret. Erat enim prope solus, tot familiaribus uaria sorte profligatis. Iulius ubi accepta fide in castra peruenit, Sanseuerino etiam concedente, continuo Romam ad Iulium Pontificem est transmissus, scilicet ut patruelis legati, qui ex publica clade in hostium esset potestate, salutem ac dignitatem pontifici & cæteris cardinalibus obnixè commendaret. Iulius cunctis rebus & consiliis detrimentisque hostium sedulo exploratis, non tantum ut domesticæ officii munus impleret, sed ut certiora de hoste ad pontificem deferret, mutatis ad celeritatem iussentis

sibi properandum esse existimauit: statimque ubi applicuit, à pontifice in senatum est introductus, ut cladem utrinque cum caesorum numero, tum magnorum etiam ducum funeribus haud dubie æquatam esse testaretur, & propter aduersos falsosque rumores, utpote qui facile primum ex hostium castris ueniebat, totius pugnae euentum recensendo eo rum qui ex hostibus periissent sigillatim, & ex sociis qui se fortiter atque seleciter receperant, nominibus recitatis, multorum animos abunde confirmaret. Erant enim plerique adeò mente consternati, ut Iulio ueluti de speratis rebus ab Ostia trirēmibus fugiendum esse trepide suadarent. Quoniam non solum à Gallis uictoribus, qui adhuc sine certo duce procul abessent, sed ab intestino hoste, cum toti sacerdotum ordini exitium, tum urbi direptionem, & inquilinis omnibus perniciem timebant. Robertus enim Vrsinus & Petrus Marganus summæ nobilitatis & opinio- nis Romani iuuenes, à pontifice scelerata conspiratione defecerant, pecuniam à Gallis acceperant, ut urbe sacrosanctum pontificem exturbarent, quando facile ab his utriusque factionis periti seditiosique homines ad patrandum facinus concitari posse uiderentur. Quæ omnia uel ob id magis ac magis erant metuenda, quoniam paulò antè grauius ægrotante pontifice, Pompeius Columna Reatinus episcopus, & Anthonius Sabellus turbidiore consilio Romanos ad libertatem uocant, cori- cionatique in Capitolio aduersus sacerdotum imperium uti seuum ac impotens, nulloque iure legitimum: ita plerosque nouarum rerum cupidos & ueteres tantum Romanæ uirtutis spiritus gerentes inflammarant, ut nisi conclamatus ferè pontifex repente reuixisset, omnia crudeli tumultu conturbari manifeste potuerint. Cæterum Iulius in calamitate semper seipso maior & excellior inmixto animo ingenti liberalitate copias reparat, Cardonium per agrum Picenum euadentem hortatur, ut reliquias colligat, inermes spoliatos & equis exornet, præbitaque pecunia copias in vnum cogat. Porro Vrbinate in gratiam recipit, & scribere milites iubet, qui propter Alidosii cædem à patruo, eoque pontifice diductus, deprauatusque à parum sanis familiaribus, sese Gallo regi certa stipendiorum conditione applicare cogitarat. Ante omnia quoque Venetias ad Sedunensem Heluetium cardinalem scribit, ut non amplius sex tantum millia, uti antea esset decretum, sed quantam possit eius gentis multitudinem pecunia conducat. Adiuvant rem Veneti consilio, opibus, ingentique studio, ut mature in Italiam deducantur. Interim Galli ad Rhauennæ mœnia reductis castris, atque urbe in deditionem accepta, ut Foiseio & amisiss sub muro sociis parentarent, contra fidem barbara feritate miseros Rhauennates inuadunt, inermes ubique trucidant, domos templaque diripiunt, & in primis diui Vitalis templum, quod erat perantiquis Ghotorum donariis ex auro & argento sumptuosissimè exornatum. Ipse uerò Medices legatus Petrusque Nauarrus captiui Bononiam mittuntur. Nauarrum transeuntem pueri & multitudo opificum

opificum spectandi studio effusa, indignis uerborum contumeliis affecte re. Nec legato ipsi defuere improbi noti ciues, qui atrocibus uerbis insultarent, quibus tamen omnibus rediens facile postea summa illa narum lenitate pepercit. Sed Bentiuoli fratres eum propter ueterem amicitiam, quæ cum Mediceis Ioannis ipsorum patris, & magni Lauræti tempore floruerat, ita suscipere ut nihil præter libertatem deesse uideretur. Non multo post Foisei funere a Bononiensibus regio sumptu ac apparatu post longam pompam, extructa in templo insigni pyra, celebrato; Medices legatus cum Nauarro, & plerique alii captiui nobiles Mediolanum perducuntur. In itinere autem cum esset Mutinæ, Blanciæ Rango-næ benignitatem sensit: ea erat Bentiuolorum soror, eximie liberalitatis femina, quæ omnibus ex mundo muliebri necessariis ad cultum ornamentis sumptuose eum repleuit. Vnde ipse mox effectus pontifex, uti in referenda gratia plane gratissimus, eius liberos & honore pilei & prætorii præfectura, & magnis militiæ stipendiis exornauit. Mediolani uerò exceptus in Sanseuerini cardinalis ædibus, à Vicecomitibus, Pallauicinis, Triuultisque patritiis ita colebatur, ut uix uictor in præalta Fortuna uel humanius uel liberalius nullo prætermisso humaniore officio tractari posse crederetur. Quum esset Mediolani, atque ibi cardinales concilium à Præis reductum, uti inflati uictoria criminosis celebrarent, & sæpe solum pontificem pro templi foribus ad dicendam causam citarent, sanis hominibus pariter imperitis effulse ridentibus, ea pseudosynodus ludibrio haberi est coepta, ita ut Bernardinum Caruazalem ambitiosus ad pontificatum anhelantem, pueri subannando per iocum papam uocaret, nec ab armatis Gallis, & irate persequētibus, quo minus sacerdotibus illuderent, omnino terrerentur. Ad labefactandum autem reliquum eius concilii nomen forte Iulius Medices ab Roma superuenit, qui legato patrueli breues epistolas & diploma pontificis deferbat, quibus præclara concessa facultate, expiare milites rite posset, qui, uti erant, quoniam in acie contra pontificem sterissent, sacris interdicti, & omnibus diris ad inferos deuocati, sese lustrare Christiano ritu & ueniam à pontifice petere malebant, quàm obtemperare paucis ac ambitiosis sacerdotibus, qui priuatis odiis & parum honestæ cupiditati improbe seruientes, & exercitui falsa specie religionis decepto, & fortissimis simul & incautis ducibus singularem calamitatem peperissent. Itaque prolato euulgatoque diplomate tantus præfectorum & signiferorum, militumque omnis generis, qui certatim à diro crimine absolui cupiebant, ad legatum factus est concursus, ut uix conficiendis tabulis scribarum manus sufficerent. Quæ res & familiarium egestatem mirifice subleuauit, & prædamnata concilii causa, Iulii pontificis authoritatem latissime confirmauit. Ob id factum, quod omnium concilii sanctionum fidem penitus eleuabat, grauiter commoti cardinales, de Medice uehementissime conquirebantur, quoniam maximi regis, qui iure optimo concilium indi-

xisset, dignitatem despiciere uideretur, quum priuatis actionibus & syngraphis in aliena potestate constitutus, uti capite diminutus, captam præclaro ordine synodum oppugnare contenderet, nec ueretur eorum iram adeo insigni iniuria prouocare, in quorū esset potestate, quicquid capitiui duriores conditiones imponere facile possent, & ex arbitrio totam eius rei contumeliam uindicare. Sed ab insigni pietate uehemens Gallorum militum consensus legatū uel tacentem egregie defendebat, ii enim ultro cardinales ipsos elatis uerbis obiurgabant, tanquā minus religio se Christianorum & simplicium omnipium mentes votaue sanctissima, falsis persuasionibus turbare niterentur. Interea Galli duces quum omnem futuri belli metum una ea insigni uictoria sustulisse uiderentur, adnitente quæstore Normanniæ, sed contra nequicquā reclamante Triuulio, peditatum ferme omnem dimiserunt. Quæ res sicuti ab exitiabili auaritia initium cepit, ita luctuosum admodū bello finem parans, Gallos ab Italia nullo prope negotio exegit. Namq. Heluetii à Julio pontifice & Venetis multis obsecrationibus atque stipendiis ad arma excitati, sublati repente signis per Rhætiā ad Tridentinas Alpes properabant. Erant enim tum uicatim Gallo regi maxime infensi, quod ille post paratas (uti dicebant) ipsorum sanguine uictorias, ingrate atque auare stipendia solita sustulisset, despectūq. uirtute Heluetia, Germano pedit ad suæ gentis ignominiam uti cœpisset. Nouo quoque ab his suscepto bello impense fauebat Maximilianus cæsar Gallorum opes tantis partis uictoriis haud dubie reformidans. Nam super inducias Venetis concessas, à concilio Pisano abrogata omni sua pristina procuratione discesserat, & edicto monuerat Germanos, qui in partibus Gallorum erant, ut domū in Germaniam redirent, itēq. Heluetiis & comeatum per agrum Rhætici amice præbuerat, ac demum Tridenti & Veronæ omnem eorum multitudinē absq. ulla dubitatione receperat. Quo terrore Palicia percussus, ad quem interfecto Foiseio militaris imperii summa redierat, aduocare duces, cogere undiq. ad signa milites, à Florentinis auxiliares equites postulare, & parare undique præsidia maturabat. Sed alæ & cohortes tot præliis uehementer attenuatæ, & peditatus Italicus quæstorū auaritia, togatorūque iudicio importuna dimissus, reuocatiue edicto Cæsaris bona ex parte Germani, & dilapsi undique Epirotæ, Galli, Vascones, & qui uno nomine Volones dicebantur, infrequentia signa reddiderant. Cum his tamen copiis Palicia non tam uiribus quā tamen rerum gestarum confusus, ad hostes in Mantuanum agrum contendit. Interea cardinales quum nihil de Heluetio Venetoque bello in amplissima recentique uictoria dubitarent, propter inusitatam aduentantium hostium celeritatē timore præpediti, cōcilium repente dissoluunt, ut illud inauspicato Pisis cœptum, & tum Mediolani prospere renouatum, in ulteriorem Galliam transferrent. Mediolano itaque profecti multis de causis, & iubente Rege, secum Medicem legatū in Galliam ducunt. Ven-

tum

tum erat ad Carium uicemin Ticinensi non lōge à Pado ad eam ripam quæ ex aduerso pertinet ad Bassinianam, ea Augusta Battienorum antiquitus fuit. Ibi Medices forte oborta uel simulata leui ægritudine facile à custodibus impetrauit, ut ea nocte Carii cōquiesceret, dum cæteri cardinales, magnique eorum comitatus cum turba omni ministrorum & militum nauigijs pertransirent. Id spaciū nactus Medices per abbatē Bon gallum familiārē suum, qui postea Nepesinus fuit episcopus, perquisiuit an in eo vico aliquis esset uir nobilis, cui tuto salutem suam commendaret. Huic diuinitus forte oblatus est Raynaldus Zactius miles teteranus equestri natus familia, qui magnas in agris paternis agrestium hominū habebat clientelas. Itaque abbas hominē secrēto cum lachrynis suppliciter est cohortatus, ut summæ nobilitatis, summæque spei cardinalem, cōiectum in eas miseras & qui haud dubie ad perpetui carceris penam in Galliam traheretur, è manibus barbarorum eripere uellet, qui te molenti aut intempestiue uagari, aut somno oppressi custodias negligeret obire confueuissent. Raynaldus qui suoapte ingenio Gallico homini erat infensus, propter memoriā magni Laurētii & Medicæe familiæ, quæ apud omnes erat uenerabilis, facile liberandi hominis negotium suscepit: tamen conditione ut nihil se perficere feliciter posse fateretur, nisi eius uicinæ Visimbardum aduersæ factionis, sed tamen ab se nequaquā alienum iuuenem, in partes patrandi facinoris adduxisset. Id si ab illo impetraretur, ad eum in hospitale diuersorium se unum ex pueris statim missurum, qui pro testera cuncta parata esse renunciaret. Cum hac spe abbas ad Medicem est reuersus. Nec mora Diis bene iuantibus obsecranti Raynaldo, quanquā ægre & cunctanter, annuit Visimbardus. Itaq. ad abbatem nuncius propere mittitur. Verum ei abbatem in turba quærenti, non Medicus, sed alter genere Gallus abbas custodiæ præpositus ostēditur, cui ille in eodem nomine deceptus miserabili errore cū ea parata esse denunciat, adeo ut tam probe conceptis cōsiliis Fortuna immitis inuidere uideretur. Sed Gallo contracta fronte & sua lingua se nihil parari iussisse extemplo respondente, errorem puer agnouit, & præsentī quodam commento inducto inde sese protinus explicuit, ita tamen, ut suspicionis aculeum relinqueret apud eum, uerba & uultum pulchri cogitatione reputantem. Ob eam rem abbas non multo post maturius quàm statuerat profectioe indicta, e ductoque agmine ad Padum contendit, frustra moras alias atque alias neſtente cardinale, ut Raynaldo spacium cogendis agrestibus opportuna præberetur. Iam totum agmen ad flumen peruenerat, multisque transmissis, ipse planē inter postremos anterioribus mulæ pedibus nauigii prorām attigerat, quum à tergo exauditus clamor, & aduentantium conspecta acies mulam auertit. Ita superuētū Raynaldi penē sine uulnere fugatis Gallis, legatus eripitur. Nec multo post abiecta purpura, militari sago indutum, traiecto noctu Pado, ad castellum Ligurum deduxēre. Id erat Bei abouis Maleſpi-

nã Visimbardo sanguine coniuncti Ibi novum quoque discrimen adiit.
 Nam uir ille uti erat Gallicæ factionis ne fortunas suas in discrimen de-
 uocaret, monendum & consulendum super ea re Triuultium existima-
 uit, fremente frustra & fidem implorante Visimbardo. Tum uerò lega-
 tus in peristerio fœde custoditus de salute libertatêq. desperare cepit,
 & uehementer Fortuniam incusare, quæ tantâ acerbitate spes omnes elu-
 deret, & sibi immerenti alios super alios insatiabili malignitate laqueos
 pararet. Sed Triuultius grauis & uere Italus imperator, quum iam Galli
 à ponte Mincii tanta præmiente hostium multitudine essent deiecti, & in
 effusam fugam planè coniecti, Malespina rescriptis res eò esse deducas,
 ut non esset de cardinale, qui Fortunæ beneficio semel euassisset, magnol-
 pere cogitandum. Itaq. Bernabos se ipso factus humanior legarum no-
 ctu dimittit, eumq. seruorum perfidia simulat effugisse. Ille ad uicū Iria
 adiuuante quodam sacerdote, & coëmpis per eum pernicipibus iumen-
 tis, Placentiam peruenit: atq. eo tutius, quòd tum forte Placentini, perdi-
 tis Gallorum rebus, Iulio pontifici deditione faciebant. A Placentia de-
 mum traiecto Pado Mantuam est profectus, ubi in Andina uilla, summa
 benignitate eū Franciscus princeps cōgestis opportunis munerib. abun-
 de recreauit. Interea Palicia ad Vallegium Mincii ponte depulsus, co-
 pias omnes amissa Cremona Ticinum reduxit: affuerêque illico Helue-
 tii, & cum his Paulus Baleonus, qui optime instructam legionem & qua-
 dringentos cataphractos, bisque totidem leuis armaturæ equites & ma-
 gnum tormentorum apparatus adduxerat. Itaque moenia ad arcem
 tormentis quati cœpta, Sed nihil magis Gallos exterruit, quàm cohortes
 ratibus in proximam & cōiunctam urbi insulam traductæ: per eas enim
 intercluso ponte lapideo, eundem Gallis facultas eripi uidebatur. Itaque
 Palicia nihil sibi amplius Ticini morandum arbitratus, ut equitatum in
 quo totius Galliarum salus & decus spesque omnes sitæ erāt, ab omni diseri-
 mine conseruaret, ponte lapideo ligna educit, statimque hostes à portâ
 noua simul & ab arce deserta irrumpunt, & cum Germanis per totam
 urbis longitudinem, ad pontemque maxime dimicant, eos enim Galli,
 ut ipsi sine periculo abirent, omnium postremos reliquerant, haud du-
 bie à tanta multitudine trucidandos. Sed Germani admirabili constan-
 tia sese recipientes, quum egregie sustinendo haud magnis accepris de-
 trimentis, ad alterum Graualoni pontem, qui erat ligneus, peruenissent;
 diffractis asseribus equorum pondere ad multorum exitium pons est in-
 terruptus, atque eo modo Germani Gallique omnes, qui transire nequi-
 uerāt, cæsi captiq. sunt. At Palicia Pado ponte superato quem Triuultius
 cautissimus senex opportune construxerat, rectis itineribus in Galliam
 contendit, quoniam Henricus Britanniarum rex, suscepta defensione Ro-
 mani pontificis, ingentem classem cum ualidis copiis in Aquitaniam trans-
 misisset. Eo modo paucis diebus Mediolanense imperium Gallis est ere-
 ptum, & Maximiliano Sfortiarum uti legitimo principi, Iulii pontificis Ve-
 netique

netique senatus auspiciis, & una maxime Heluetiorū uirtute restitutum. Ab hac uictoria Cardonius excitus, collectis undique Hispanis, & reparato equitatu in Galliam Togatam redire maturabat, Urbinasque ipse præmisso Troilo Sabello, qui oppida atque arces reciperet, cunctis propensissima uoluntate ad pristinam fidem redeuntibus Bononiæ appropinquabat. Quibus de rebus Bentiuoli omni spe præsidii, Gallis Italia pullis, omnino destituti, magnopere sibi timere cœperunt, Bononiensēque ipsi à pontificiis copiis singularem cladem expectabant: Nam maturæ segetes erant in agris, & iam frumenta succidebantur. Quibus amissis si obistere & Bentiuolorū in fide permanere uellent, nulli erat dubium, quin breui populus omnis inopia commeatus & dira fame cōficeretur. Gerebat tum summum in urbe magistratum Franciscus Elephantius. Is animaduerso rerum discrimine amice & grauitè Bentiuolos in senatum uocatos est cohortatus, ut prudentium more Fortunæ cedere potius uellent, quàm obstinate persistendo his periculis ciuitatem obiectare, quæ suprammam omnibus calamitatem essent allatura: Posse ipsos spe integra, si patriam incolumem seruarent, alio tempore conuersis rebus ab ea ipsa, quæ tum deprimeret, Fortuna subleuari: At si patriā perdere pergerent, eos non modo reditus spem, sed fortunarum omnium & salutis protinus amissuros. Iam enim Castellii Bentiuolorū inimici ædes suas prætorio propinquas armatis compleuerant, & maiores tumultus in diēs propter multorum simuleates in urbe timebantur. Ob eas res & propter Elephātii orationem, quæ ex ore totius populi & patritiorum emitti uidebatur, Bentiuoli tutiore ac honestiore consilio suscepto necessitati parent, pacatōque agmine cum omnibus impedimentis & clientibus suis urbe excedunt. Quibus rebus cognitis Medices legatus Bononiā, ut ibi rempublicam, sicuti sui erat muneris administraret, propere se contulit, & cum singulari omnis generis hominum gratulatione receptus exulibus est receptus. Nec multo post in urbe Mantua ad constituendam in Italia pacem conuentus indicitur. Ibi affuere duces, principumque legati, & ante alios Matheus Langus Gurcensis cardinalis pro Cæsare summæ authoritatis in Italia procurator. Quo præcipuo disceptatore de conditionibus belli & pacis, & de toto iure imperiorū & fœderum agebatur. Proinde legatus Medices eò Iulianum fratrem misit: actumque est propensissima omnium uoluntate de reducendis Mediceis. Quoniam Florentini authore Soderino Lucam Sabellum Alexandrumque Triuultium duces suos cum alis equitum auxilio Gallis misissent. Aderat pro Florentinis Ioannes Victorius Soderini frater, qui negabat ut fœdus, quod cum Ferdinando rege antiquitus esset, ulla in parte à Florentinis fuisse uiolatum, Abunde id demonstratum esse recenti Rhauennati bello, quum Florentini in neutram inclinantes partem, Gallis simul ac Hispanis & commeatum & receptum pari benignitate præbuisent. Nec referre quod pro defendēda Insubria ex peculiari fœdere

Gallis auxilia miserint, quando pari lege eadem Ferdinando regi pro tuendo regno Neapolitano prebere tenerentur. Sed quum hæc una maxime pecunia facile possent expiari, Victorius scientia uiris & æqui potius quàm his artibus instructus, quæ ad tractandas res grauissimas necessariæ existimantur, totam spem rei componendæ scæde corruptit, quum dubitanti avaroque animo tenacius quàm oporteret pecuniis parcendum arbitraretur, nec externis & militaribus ingeniis propter lubricam eorum fidem, uti cautus iurifconsultus uel data pecunia confideret. Itaq. dimisso conuentu Florentini hostes iudicantur, Medicisque legato Hispanorum copiæ tribuuntur, quas Cardonius in Bononiensem agrum adduxerat: Iulius ipse pontifex propter memoriam Pisani concilii Soderino infensus, erga Mediceos præclarum studiū hostendebat, quaquàm Urbinas eius imperator occultis de causis ad eam expeditionem neque tormenta neque eas equum alas concesserat, quibus præerant Vitellii & Franciottus Ursinus Mediceis summa necessitudine coniuncti. Sed illi non impetrato comœatu, desertis alis ad præstandam eo bello operam, cum legato profisciscuntur. Apennino transeuntibus Hispanis, Ramazzottus cohortes suas adiunxit, qui ex montanis bellicosisque hominibus quodam beniuolentiæ iure potius quàm imperii magnam & peritam locorum multitudinem armare ac educere erat solitus. Pepuli quoque Bononienses patritii, quorum in Alpibus singularis erat auctoritas, copiis & comœatu, itemque frequentibus operis ad sternendas uias, & iumentis quibus tormenta traherentur, Mediceos liberaliter adiuuabāt. Soderinus ubi hostes aduentare certius cognoscit, patritios uiros circiter uiginti, quos Mediceis fauere arbitrabatur in curiam uocatos, in custodiam tradit, legatos ad Cardoniū mittit, ei munera amplissima & stipendia militibus pollicetur, ciuitatemque promittit eosdem hostes & amicos habituram uti ipsiforderati reges ex arbitrio præscripserint, modo ab iniuria abstineant, reiectisque Mediceis præsentem reipublicæ statum minime conturbent. Interea Prati oppidi mœnibus tormenta admoventur, & uicinæ urbes ad defectionem sollicitantur. Contraxerat in opidum Lucas Sabellus magnam sed inconditam armatorū agrestium multitudinem, & oppidi portas pernicioso cōsilio multa congesta materia glebaque præseperat. At Hispani quum ægre murum perforarent, altero præsertim maiore tormēto forte perfractio, uixque binis armatis aditū in oppidum esset patefactus, ad propugnaculum recondito in sinu scalas admovent: Singuli sensim magno & difficili ascensu in murū euadunt, explicatōq. uexillo, & alacri clamore edito duobus propugnatoribus interfectis alios in fugā uertūt. Interim Sabelli milites, qui ad perfoſū murū Hispanis irrūpere conantibus haud segniter ex æquissimo loco repugnabāt, ubi supra se hostes in muro discurrētes conspexere, repentino metu consternati, singulari ignauia locum deseruerunt. Ita totus exercitus nullo accepto incommodo ad eandem & ad prædam celeriter

lester est introductus. Sabellus nequicquàm pavidus & fugientes in aciem cogere conatus, cum paucis in arcem profugit. cætera omnis agrestium & oppidanorum multitudo, quum effugere obseratis portis nequiret, armaque proiiceret, crudeliter ab Hispanis est interfecta, tanta sæuitia in inermem turbam & ad Deorum templa refugientem ferro grassantibus, ut Gallorum & Germanorum crudelitatem ac avaritiam in Brixiana clade superarint. cæsa enim supra quinque milia hominum inermium dicuntur. Legatus tamen flendo, & notos quosque milites de precando, Iulianusque item frater & Iulius patruelis multos conseruarent, quum neque pecuniæ neque periculis ullis parcerent, & sese vulneribus obiectare minime dubitarent, modo ante omnia matronarum & uirginum pudorem aduersus militum libidinem tuerentur. Rebus, uti Prati gesta fuerant, Florentiæ nunciatis, sicuti magnus timor populum inuasit, ita optimates Soderino infensi animos attolere cœperunt. Porro Soderinus omnes copias intra urbem recipit, senatum aduocat, uariis dictis sententiis legati iterum ad Cardonium decernuntur, qui hominem ingenti promissa pecunia expugnent: dicebant enim Florentini ex uetere proloquio nihil esse satius ac expeditius, quàm durissimis reipublicæ temporibus una uel immensa pecunia patriam omni periculo liberare. Cardonius admissis legatis, quanquàm erat ingenio ciuili atque eo admodum uerecundo, condiciones tamen amplissimas & proposita premia ita propensis auribus admittebat, ut illa præclara animorum expugnatrix Sacra pecunia & fidem simul & decus ipsumque pudorem elidere uideretur. Sed legatum Mediceosque omnes omnium fidem implorantes, Padulius ante alios & Andreas Carrafa, quorum eximia erat autoritas, apertis sermonibus adiuuabant, quum interesse putarent ad Cæsaris & Ferdinandi regis dignitatem & totius Italiæ quietem cunctos opprimere, qui Gallorum partes sequerentur. Mediceos enim si reducerent, qui antea à Gallis fuissent expulsi, eos & ueteris iniuriæ & præsentis beneficii memoriam animo nunquàm esse deposituros. Interea Florentiæ perculso & mutante senatu, Antonius Franciscus Albitius, & Paulus Victorius præstantis animi iuuenes ad Soderinum ascendunt, monent hominem ut dictatura abeat & curia excedere velit, ne, si pertinacius resistat & diutius cunctetur, sibi ipsi imprimis & ciuitati ad interitum noceat: si id æquo animo & pacato fecerit, neminem ei esse nociturum, ipsosque præcipuos fore corporis custodes, & quod uelit incolumen educuros. Expalluit ad ea uerba Soderinus, & quum sibi magno perire timeret, inimicorum consiliis obtemperauit, utpote qui ciuili prudentia potius quàm præsentis aliquo uehementis animi uigore rempublicam administrare erat solitus. Terruerant etiam hominem manifesta prodigia, quæ ei paulò antè & dictaturæ finem, & afflictis Gallorum rebus reipublicæ commutationem præclare denunciant. Tacta erat de cælo porta quæ ad Pratum oppidum ducit, fulmenque ita è marmo-

reis Galliarum regum insignibus aurata lilia deterferat, ut in alterius clientelam ciuitas haud dubie cessura uideretur. Lapis quoque ingens qui intra curiae limen ad primos scalarum gradus aedificii structuram sustinebat, ictu fulminis ita loco est propulsus, ut non turbine uiolento, sed fabrilis artificii dimotus esse crederetur. In summa uero curia cubiculum ipsius ubi lectus erat, fulmen intrauit, aded blande pererrans, ut solam urnam feriendo disiceret, qua ciuium nomina ad creandos sorte magistratus educebantur. Itaque Soderinus post decimum dictaturae annum summa aequitate ac innocentia gesta republica, dum Gallico nomini apertius studet, & despecta nobilitate nimis se popularem ostendit, exutus dignitate curia educitur, flensque & salutem saepe suam ambobus obnixè commendans, in domo Victorii seruator. Inde non multo post mutato habitu per Umbriam ad Hadriaticum contendit, consensuque nauigio Ragusum in Dalmatiam est profectus. Eodem die Iulianus Medices euocantibus amicis, obuiamque eunte Cosmo Pactio antistite Florentino urbem ingressus, summa totius populi cum acclamatione suscipitur. Templum primo Deiparae uirginis, quod est religione in urbe celeberrimum, adit, demum non in Mediceas aedes, sed in Albicianam domum se confert, ibi singulari humanitate & comitate Domini & Magnifici nomē repudiat, sese ciuem omnibus aequalem atque omnium fratrem esse profitetur. Ad demulcendos uero ciuium animos, qui Soderino fauere consueuissent, ne aristocratia protinus induci uideretur, Ioannem Baptistam Ridolfum in republica eximia sapientiae uirum, popularemque & libertatis maxime studiosum, in locum Soderini in annum uexilliferum creant. Ioannes interim legatus ad templum diui Antonii suburbanum peruenit, effususque sunt ad eum salutandum cuncti ciues, ac ab his demum in paternas aedes est deductus, decimum & octauum post annum, ex quo ui Caroli octauo Gallorum regis adnitentibus ueteribus inimicis, fuerat expulsus.

FINIS SECUNDI LIBRI.

VITAE LEONIS DECIMI, LIBER TERTIVS.

EDICEIS in patriam receptis, & ab his ex arario stipendio militi perfoluto, donatisque ducibus, optimates ad ordinandam rempublicam consilia atque animos reuocarunt, quoniam Ridolfus cuncta regerat ex amplissima formula status popularis, qui & nobilitati singularem contumeliam dictatore Soderino semper attulerat, & omnem Mediceorum auctoritatem conuellere uidebatur. Itaque armatus omnis populus de more ad concionem uocatur. Vexillifer Ridolfus cum magistratibus in uestibulum curiæ descendit, assensu & clamore populi quindecim uiri reipublicæ constituendæ, quum nomina præcones recitarent, extemplo creantur: ab his demum septuaginta totius ciuitatis longe grauissimi & Mediceis amicissimi uiri sunt delecti, quorum perpetuo consilio reipublicæ gubernacula traderentur. Ex eo etenim numero decem uiri, qui belli & pacis, & octouiri, qui uitæ & necis summam haberent potestatem, creantur. Vexilliferatum, uti erat antiquitus, bimestrem tantum fore imposteros decernunt. His constitutis rebus & cohorte præsidio curiæ imposita, contra uim sedicioforum ciuium; Iulianus sago depositus, & sumpta ciuili toga nihil sese ad principalem fortunant cunctis una modestia gratissimus efferebat, & reipublicæ munera paterno exemplo sine fallere innocentia fretus obibat. Vix tres elapsi erant menses, quum à nonnullis in eadem cardinalis & Iuliani conspiratum est. Principes fuere Augustinus Caponius corpore ac ingenio inertis iuuenis, in quo nihil prorsus laudares præter familiæ nomen, & Petrus Paulus Boscolus, honestis quidem literis exornatus, sed iudicio turbidus & læuis, uti his sæpe accidit qui ab exuberantia atræ bilis insaniam proximi, dum præsentia non probant, immoderata & inaudita inani cogitatione persequuntur: dolebat sibi ereptam iri libertatem, quum rempublicam ad Mediceorum arbitrium recidisse conspiceret: quanquàm illi per optimates æquisimos uiros cuncta urbana commoda honores & magistratus inter omnium classium ciues æquo ordine partirentur. Boscolus Brui uirtutem & gloriam ferebat in cælum, seque Brutum fore testabatur, si sibi fidum magni consilii participem Calsium reperiret. Nec mora Caponius, qui multa à Boscolo ex historiis de Calsio præclara audierat, libenter in eius nomen est adoptatus. Sed quum de tempore & loco cædis ageretur deque asciscendis sociis, quorum præsidio tuti atque defensi negotium conficerent, forte Caponio intranti Pucianam domum, syngrapha sinu decidit, in qua breuiter erant annotata nomina amicorum, qui idonei ad id patrandum facinus uiderentur. Ea syngrapha beneficio Deorum collecta, & per Cossium Senensem delata ad Medi-

ceos, periculum depulit. Captus nanque Caponius quum in tormentis egregie tacuisset, prolata demum syngrapha, nequaquam inficiatus manum, cuncta propalauit. Eadem confessus est & ipse Boscolus, qui Nicolaum Valorium insignem ciuem nominarat, atque ita de ambobus supplicium sumptum. Valorius autem in Volaterranam turrem est relegatus: quoniam, tametsi Boscolum de tam nefario consilio infano fremitu proloquentem sæpe uti insanum castigarat, nihil tamen uti optimus ciuis debebat, ad magistratus de ea re detulisset. Iisdem ferè diebus quibus ea coniuratio feliciter est oppressa, Iulius pontifex, re pontificia ad summam auctoritatem perducta, ex leui sed tenaci febricula fluente sensim aluo moritur. Cuius morte nunciata Ioannes cardinalis lætica uectus, propter innatum ab ima sede abscellum, Romam modicis itinerebus ad comitia contendit. Tanto autem populi studio postremus omnium conclaue est ingressus, ut proculdubio constanti omnium salutantium omine pontifex euasurus esse crederetur: Auxerat eius spei famam Erasmus Germanus subtilissimus mathematicus, qui pridie quàm Medices urbem intraret, in corona nobilium neminem fore pontificem ex his cardinalibus qui in Vrbe essent audacissime prædicarat. ferebant etiam Marsilium Ficinum, qui eximia auctoritatis fuisset astrologus, ex fortunata & regia genesi, ei sacrorum principatum, quum adhuc esset puer, nec planè sacris initiatus, omnino detulisse. Cæterum ubi in conclaue statim est receptus, in partes suas sibi iampridem conciliatos iuniores cardinales pertraxit. erant ii reglis ac illustribus maxime familiis nati, ætate opibusque florentes, & imprimis Ludouicus Aragonius, Sigismundus Gonzaga, Marcus Cornelius, & Alfonso Petrucius, quibus accesserant Bendinellus Saulius, & Matthæus Sedunensis. multi etiam ex senioribus ea lege suffragia promittebant, ut & ipsi quum exirent candi dati, paribus suffragiis iuuarentur. Erat tum senatus princeps Raphaël Riarius, qui ætatis honore, sacerdotiis atque opibus cæteros omnes anteibat, quanquàm ei deerant literæ atque eæ uirtutes, quæ multo luculentius quàm ipsæ diuitiæ honestum sacerdotem ad Christianam laudem exornant. Is in magnam spem adipiscendi pontificatus ab aura populari & tot circumfusis adulatoribus facile peruenerat. Sed cum ambientem & singulos prehensantem, cum ipsi iuniores eludebant, qui Ioanni candidato paratis firmisque suffragiis præsto aderant, tum etiam ei seniores plerunque fidem fallebant, quum quisque spes suas aleret, & priuatis rationibus compositis ad summi fastigii fortunam enitendum arbitraretur. Petebant enim ferè omnes, uti quisque erat aut studio principum, aut urbana gratia, aut opibus & doctrina maxime conspicuus. Ita dum quisque senior ante omnia sibi uni præcipue studet, & propterea cunctatus aliis suffragatur, Ioannem iuniores pontificem efficiunt, qui rei Christianæ imperium dare potius quàm accipere una perpetua consensione decreuerant. Accessit ad eum ante alios Franciscus Soderinus

rinus, qui uti erat inimicus admodum capitalis propter Petrum fratrem Florentia pulsum, ab initio eum omnibus adhibitis machinis oppugnarat, moxque perspecta iuniorum constantia, uti cautissimus senex in gratiam opportune redierat. Accessit & ipse Raphaël, & ceteri demum omnes, adeo sedatis propensisque animis, ut nequaquam simulante effu se latarentur, quoddam pontificem legitimis & longe simplicissimis comitiis creassent, qui nobilitate familia, morum gravitate, exquisitisque literis, & singulari naturæ lenitate, non cardinales modo, sed cunctos ferè mortales anteiret. Fuere qui existimarent uel ob id seniores ad ferenda suffragia facilius accessisse, quoddam pridie disrupto eo abscessu qui sedem occuparat, tanto fetore ex profluente sanie totum comitium impleuisset, ut tanquam à mortifera tabe infectus, non diu superuicturus esse uel medicorum testimonio crederetur. Cunctis ad pedis osculum procumbentibus LEONIS Decimi nomen sibi desumpsit, utpote qui propter innatam excelso regiòque animo clementiæ uirtutem, non expresso quidem titulo, sed erudita allusione magnanimi cognomentum affectaret, duorum superiorum securus exemplum, quibus Alexandri & Iulii augustissima nomina placuissent. Non desuere qui dicerent Claricem matrem pleno iam utero leonem ingentis magnitudinis & miræ lenitatis in Reparatæ templo Florentiæ omnium maximo se parere sine gemitu somniasse. Quod postea somnium ex fabulis nutricum quum puerorum ingeniis inhaesisset, accipiendi nomini causam haud dubie præbuerit. Neque Leo mox homines fefellit, quum Petrum Soderinum à Ragusio in Urbem euocasset, eoque summo cum honore suscepto Contesinæ sororis filio Aloisio Ridulfo ex Soderini fratre filiam in matrimonio collocasset. Pepercit & ipsi Valorio, quem propterea Volaterrano carcere educatum libertati patriæque restituit, haud dubie Caponio etiam & Boscolo ueniam daturus, nisi paulò antè octouirali iudicio damnati periissent. Eandem quoque animi magnitudinem & clementiam erga Caruialem & Sanseuerinum pseudocardinales protinus ostendit, qui quum audita morte pontificis à Gallia Romam ad comitia peruolarent, nauigio in portum Pisanum delati, atque ibi retenti in libera custodia fuerant, ne, qui modo tantas turbas conciuissent, nouis altercationibus quietia comitia perturbarent. Eos enim Iulius iusta hercle ira præseruidus iam senatu motos omniq̃ue prærogatiua suffragii & galeri dignitate penitus exutos, quoddam concilium aduersus se concitatis regibus indixissent, si qua sorte eos caperet, in campo Flore tanquam scelestos & impios concremare decreuerat. Itaque Romam perductis, & in senatu sine purpuræ insignibus suppliciter ueniam petentibus facile ignouit, pristinumque eis honorem & sacerdotia restituit, quum acta Pisani & Mediolanensis & Lugdunensis concilii penitus abrogassent, Lateranenseque concilium uti legitimum & iure optimo indictum solenni assensione comprobarent. Leo etenim ante omnia Iulii consilia hisdem

prope uestigiis subsequutus, concilium in Laterano cœptum multis de causis celebrandum perficiendumque esse iudicabat; ut saluberrimis scilicet decretis constituta republica Christiana, omnis schismatis seditio- nisque materia tolleretur. Coronatus est Leo pontifex ad Lateranum trigesimo die post creationem, qui fuit Aprilis undecimus, Rhauennate clade infaultus, ut conuerso omine ab tanta priuata lætitia & publica hilaritate ex atro longe omnium candidissimus redderetur. Vectus est etiam in pompa illo eodem equo Thraicio in quo ad Rhauennam cap- tus fuerat, quem ab hostibus pecunia redemptum ita adamauit, ut po- stea usque ad extremam senectutem summa cum indulgentia alendum curarit. Fuit autem is dies omnium qui à Gothicis temporibus Roma- næ urbi felicius illuxerint, longe clarissimus: nunquam enim ullum uel ampliore uel ornatiore hominum concursu spectaculum celebratum fu- isse uel legendo uel audiendo meminerant. Protectæ erant auleis regio- nes, ridebant ianux ciuium festa fronde & floribus, fenestræ strætæ tape- tibus ornabantur, in omnibus biuiis triumphales arcus occurrebant, ad ueteris Romanæ magnitudinis exemplum picturis & statuis mirum in- modum exornati, Cardinalium & Antistitum comitatus usque ad hu- miliora seruitia serico & purpura, multoque item auro præfulgebat, Ipsi cardinales sacras aureas & pictas induti uestes militaribus equis uehe- bantur. Prætulit Romanæ ecclesiæ vexillum Alfonso ipse Ferrariæ princeps, qui ad componendam controuersiam, & ad præstandum offi- cium benignis literis accitus aduenerat. Affuit & Franciscus Vrbinas urbis præfectus. Rhodiæ uerò militiæ uexillum armatus detulit Iulius Medices; ita ut cum neque ipse neque ullus omnino uel sapiens crede- ret, in tanta senatorum & seniorum turba, quod in abditis fatis erat, cum mox Romæ regnaturum: & forte ea die coronationis ad felix auguriū mortuo Pæzio Cosmo, antistes Florentinus uixdum exutis armis est ef- fectus. Sparsa est à quæstoribus per omnes regiones larga manu aurea argenteaque pecunia, tanta Leonis liberalitate, ut ipsi centum milibus aureis eam pompam pontifici constituisse faterentur. Coëmrit mox à Ma- ximiliano Cæsare amplius triginta milibus aureis Mutinam urbem, uti moriens paulò antè Iulius faciendum esse monuerat: Videfrustumque arcis præfectum auari & peruiacis ingenii hominem Germanum, qui Cæsaris iussis nequaquam parebat, per Rangonos ui ac insidiis circum- uentum expulit. Adiecit demum curam omnem componendis regum controuersis, quum legaros undique in omnes prouincias emisisset. Sed tanta mole Gallis vndique concitatum erat bellum, ut neque tot na- uales & terrestres apparatus summa suscepti impensa facile retardari, neque dira illa flamma iratis regum animis diu concepta ullis uel sanctis- simis precibus restingui posse uideretur. Ferdinandus paulò antè Ioan- nem Nauarræ regem Cantabria expulerat, redeuntemque cum magnis Gallorum auxiliis, & Pompelonem regiam urbem oppugnantem ite- rum

rum superarat, fremente Ludouico qui eum regem sibi affinem & in clientelam à Galliarum regibus antiquitus receptum omnino reducendum esse censuerat. Britanni quoque interea duce Dorsetio Aquitaniam qua Cantabrigiæ iungitur ad Foutem Ravidum exposito exercitu terra marique effuse vastauerant, Gallique & Britanni ambustis utrinque excelsis aliquot nauibus mari sæpe contenderant. Ludouicus ipse expeditionem in Italiam audita morte pontificis impigre parabat: ab Henrico magni exercitus ingentes classes, ut ipse in Galliam traiceret, effusis paternis thesauris ornabantur. Contra Iacobus Scotiarum rex à Gallo pecunia inductus, ita copias parabat, ut discedente Henrico totius Britanniarum regnum inuaderet. Ante alia Veneti à lociis impudentissime decepti, exclusi Brixia, & contra ius & æquum & recentis fœderis leges omnibus iniuriis exagitati, ad Gallum recurrerant, cum eo qui ex hostibus ipsorum nomini infensissimus extitisset, fœdus perculserant. Quibus de causis Leo quum nihil sibi uel tutius uel honestius esse posset, Iulianum fœdus seruare, & eosdem socios quos ille habuisset adiuuare constituit: ne si medius inter dissidentes in tempestiuæque pacis arbiter esse uellet, & à uictis pariter & à uictoribus ab utrisque delpectus non modo odium & incommodum, sed singularem etiam infamiam pararet. His initis susceptisque consiliis ad prouehenda demum exornandaque optimarum literarum studia longe omnium liberalissime animum conuertit: qua una peculiari laude Cosmus proauus & pater Laurentius priuatis uiris potius quam principibus, fortuna similes, summam sibi & posteris claritatem peperissent. Ante omnia ab epistolis singulari iudicio sibi desumpsit Petrum Bembum & Iacobum Sadolerum, qui ceteros omnes literatos Romanarum eloquentiarum laudibus anteibant. Vaticanarum uero bibliothecarum Beroaldum iuniorem præfecit, in scribendis odis Horatiana iucunditate præcellentem. Gymnasium uero accitis undique grauissimarum artium professoribus ita instaurauit, ut neque Bononiensi, neque Patauino, uel doctorum præstantia uel auditorum concursu concedere uideretur. Augustinus Sueslanus philosophiam, & Christophorus Arerinus medicinam profitebantur. Hieronymus Butigella iuris scientiam docebat. In humanioribus studiis eruditione stilo & eloquentia Patrhafius Cosentinus erat insignis. In Græcis literis eminebat Basilus Calchondyles, eius Demetrii filius, qui ipsius pontificis in adolescentia fuerat præceptor. Singulos uero uel mediocris etiam nominis poetas, & exquisitis nobilioribusque artibus instructos tanta benignitate suscipiebat, ut omnes iam excitatis animis ad excolenda literarum studia uehementer accenderentur, quum ab tanto armorum strepitu, quo neglectis literis Iulii aures magnopere gaudebant, tandem uirtuti locus patefactus esse uideretur. Qua spe felicissime concepta, ab eruditis id carmen in arcu triumphali ad Hadriani pontem est inscriptum, quo superiorum pontificum mores cum Leonis laude lepidissime notabantur.

Olim habuit Cypris sua tempora tempora Mauros

Olim habuit, sua nunc tempora Pallas habet.

In eo quoque arcu, qui erat ad biuiū uix triumphalis, præclarissimo totius populi studio & hoc eximix grauitatis & gratiæ carmen cubitalibus literis fuit inscriptum.

Vota deum Leo re absoluas, hominumq; secundes,

Viue pie re solitus, viue diu re meritus.

Florebat enim tum Roma præstantibus ingeniis, copia incredibili rerū omnium, & à clementiore cælo inusitata aëris salubritate, ita ut Leo tantæ uirtutis ac amplitudinis pontifex, auream ætatem post multa sæcula condidisse diceretur. Interea dum inito statim pōtificatu enixe dat operam, ut inter discordes Europæ reges in spem pacis induciæ fierent, Ludouicus aduersus Maximilianum Sfortiam exercitum omni bellico apparatu abunde instructum, in Italiam misit. Is enim qui regio, militariq; animo indomitos spiritus gerebat, sese Neapoli, Mediolano, Genuæque fœde pulsū ferre nō poterat, adeoque uehementi repetendæ Italiæ desiderio erat concitatus, ut Cantabriā dudum Hispanorum armis occupatam Ferdinando concedere, & Venetis isto fœdere Cremonam polliceri minime dubitaret, contulerant enim sese Veneti ad Galli regis amicitiam indignitate contumeliæ accensi, quod post eiectos Gallos Brixia impudenter ab Hispanis intercepta, sibi ex fœdere minime redderetur. Ferdinandus quoque uel ob id quod forte infirma erat ualitudine, Cantabrigiæ regni possessionem omni infamiæ, quæ sibi à sociis constaretur, præferendam iudicarat: ut pote qui felici prudentia omnes consilii rationes, una maximè præsentī utilitate metiri erat solitus. Verum non desuere qui crederent Ferdinandum non tam cupiditate retinendæ Cantabrigiæ quàm amittendi Neapolitani regni metu adductum, eas occulte inducias cum Gallo pepigisse; quoniam accepisset Iulium pontificem liberiore uoce frementē, comminātemq; iactare solitum se nunquàm animo conquieturum, donec expulsis omnibus Barbaris, qui aliena impotenter occuparent, Italiæ liberator, uero inde parto cognomine, dici mereretur. Itaque Leo postquàm assiduas Christianæ pietatis cohortationes, minus sanis auribus undique recipi animaduertit, quanquàm paci quietiq; studere maxime decorum putabat, suæ tamen dignitatis est arbitratu Iuliani fœderis rationes tueri, speciosaq; & moderata imitatione studium suum proferre, ut qui Gallis erant hostes, animos minime desponderent, nec Galli suis viribus & Venerorum amicitia præpotentes, in dubia præfertim belli fortuna, acerbius quàm deceret offendi uiderentur. Quam ob rem implorantibus opem Sfortianis, quum pecunia maxime indigerent, uiginti quinq; milia aureorū nummū Morono legato dinumerat, quibus Nouariam citato itinere comportatis, opportune militi stipendia persoluuntur. Eo se tum contulerat Maximilianus cū octo milibus Heluetiorum, unam spem atque eam quidem exiguam

incipiti

ancipiti eventui in Helueticorū animis reponens. Siquidē illi iidem campi atque illi iidem Triuultius atque Tramulius uti fatales belli duces spectabantur, qui perfidiæ Heluetiæ & paternæ calamitatis memoriam ad animum extrema suspensum cura reuocabant. Aderant quoque secum eadem signa atque iidem ferme centuriones eorum maxime pagorum, qui eius prodicionis ignominia quondam notati, ueteranorum Italarum digitis & nutibus tacite monstrabātur. Ad hæc mala Sacramorus quoque uicecomes, qui Mediolani obsidendæ arci erat præpositus, perfidiosa leuitate cum ala equitum ad Gallos transfugerat, regressusque Mediolanū omni militari præsidio nudatum, peruicerat apud ciues, ut in Gallorum uerba iuraretur. Liuianus quoque adducto Venetorū exercitu, Cremonæ partim metu partim egregia popularium uoluntate fuerat receptus. Et Cardonius atque Piscarius, in quibus summa spes sustinendi belli collocari debuerat, certiores de induciis facti, nihil se uel in hanc uel in illam partem ab statuiis ad Trebiam castris commouebant. Iam aliquot diebus Tramulius prolato tormentorum apparatu adeo uehementer mœnia quassauerat, ut late prostratis adaperitisque mœnibus Heluetiæ legiones in statione conspicerentur, quæ nunquam adduci potuerant, ut portam clauderent ipsis etiam hostium castris oppositam, tantaque superbis eorum ingeniis innata erat de Gallorum gente contemptio, ut ultro etiam prouocarent irridereñtque hostes, quod tantum inanis operæ frustra suscepissent, ut aditus in urbem pararetur, quando adaperitis portis, ad iustam dimicationem fortibus uiris, si animus suppeteret, esset irrumpendum. At Gallorum duces ne periclitādo uires cum peruiacisissima gente exploratam ab optima cunctandi ratione uictoriam in discrimen adducerent, reductis silentio castris ad secundum lapidem recesserunt: uel ob id etiam, quoniam Altofaxum cum recentibus auxiliis Comensi uia aduentare cognouerant. Is superiore anno cum Galli Cisalpina Gallia pellerentur, Helueticorum fuerat imperator, uir ingentis animo corporeque multis in locis bellicæ uirtutis gloriam consequutus. Eodem quoque tempore Heluetii de Altofaxi auxiliorumque aduentu certiores fiunt: coguntur in consilium centuriones atque signiferi, disputatur uariis sententiis, an excipienda sint auxilia occurrendo cum expeditis cohortibus eodem itinere, ne à Gallico equitatu in patentibus campis opprimantur. Tum uerò Motinus inter Helueticos duces animi promptitudine militiæque peritia insignis, de inuadendis hostibus disserere cœpit, quasi Altofaxi gloriæ inuideret, ad quæ opportunissime auxiliorum superuentu, seruatorum fratrum, atque instauratæ & excitatæ spei ad certam uictoriam fama omnino inclinatura uideretur: Quid cunctamur, inquit, commilitiones in hac parum decora deliberatione? quasi toties uictos & nihil tale timentes, si in eos dihculo erumpamus minime simus deleturi? Perrumpemus hercle & cuncta obuia sternemus; dum ambigunt & cōsulant, an Altofaxo sit occurrendum, uel manēdum

in castris, quæ ut in nullo metu exiguoque temporis spacio minime muerint, præstabo me huius periculi facile principem, ne consilium ab audacia potius quàm à uirtute sumptum putetis; Et meo certe ductu nihil cum auxiliis communicata laude, uictoriam nobilem atque opulentiam referetis. Nec mora, centuriones fermè omnes feruidis & alacribus ingeniis sublata manu Mottino fauent: pleriq. etiam eo ardentius, quo ueteris ignominie notam, proditi ante trèdecim annos Ludouici aliquo fideli illustriq. facinore delere cupiebant. Itaque de tertia uigilia triplici agmine, sine equite, sine tormentis summo silentio irrumpunt, à tribus locis uno simul tempore Gallica castra adoriuntur, semiinstruatas acies peditum atque equitum prosternunt, Germanos ægre, fortiter tamen & mutua quidem cum cæde superant. Nec Tramulius atque Triuultius inuicti antea duces, quicquàm uirtute uel consilio ualent, quum & subitus hostium incurfus, & fœda fugæ facies, & conturbata diuersis in locis castra, omnem uel còstantis iudicii uim, uel ferendæ opis spacium inter dissonos morientium clamores eriperent. Heluetii cæso late peditatu, & equitatu undique pulso, tormentis & castris puncto temporis potiuntur. Cecidère ad X. milia hostium, & in his uiri insignes Monfalco Gallus equitum præfectus, Aloisius Beomontius Hispanus qui cohortes ductabat, Alexius Busichia leuis armaturæ equestris dux nobilis. Iam ea uictoria apud Heluetios, quanquàm longe omniū nobilitis. luctu caruit. Nam medium agmen à tormentis magnum acceperat detrimentum. Atque ipse ante alios Mottinus colubrinæ pila discerptus interierat. Ipsi quoq. Germanorum præfecti Floranges atq. Gemelius, quum strati multis acceptis uulneribus iacerent, ad cursu Roberti Sedanii patris, qui cum insigni cataphractorum turma in uictorum & cædētium coronam penetrarat, haud dubiè seruati sunt. Hac audita de Gallis uictoria, Leo pontifex aliquanto præclarius studium suum proferre cepit, egitque cum Raymundo Cardonio, ut Octauianus Fregosius Genuam reduceretur, quoniam Adurnii Flisciq. Iano Fregosio paulò antè pulso, Gallorum signa ac imperia sequebantur. Subliterat Raymundus ad Trebiam, neque satis conspicuus Gallorum hostis, neque syncerus aut utilis Sfortianorum socius, quum uarias neçtendo moræ causas, id unum contenderet, ut induciæ tantisper aliqua uel inani dissimulatione tegeretur, dum Fortuna huc aut illuc proclinata, belli successum aperiret. Itaque Leoni singulari studio cohortante, atque omni ope contendente, Raymundus & Piscarius in Ligures expeditionem suscipere, paucisque diebus Octauianus sine uulnere Genuam est introductus. Nam Hieronymus Adurnus & Orthobonus Fliscus summæ æquitatis atque uirtutis homines, deprecantibus ciuibus, ne patriam in discrimen adducerent, & uillas sumptuosæ amenitatis exuri paterentur, ciuili potius quàm militari quæsitâ laude, sponte abierant: Octauianus assumpto ducis nomine imperatæque ciuibus pecunia, trium mensium Hispanis stipendium persoluit. Et ad obli-

scendas

terra mariq. arces cōsilia omnia uiresq. cōuertit. Hispani uerò adiunctis sibi Germanorū copiis ad euasandam Venetiā sunt profecti, quibus ex fœdere pontifex Troilum Sabellum Mutiumq. Columnā & Vrsinum Mognanium cum aliquot equitum alis adiderat. Interea Henricus Britannix rex & Maximilianus Cæsar ingens bellum in Belgio Gallis intulerunt: Traiecerat Henricus iuuenili alacritate ad decus bellicæ laudis uehementer inflammatus supra centum milia Britannorum adducens, ut quæ maiorum suorum ditionis quondam fuissent, armis repeteret, ab eo præsertim qui sacrosanctum pontificem impiis armis uexauisset. Is enim suscepti antè belli fuerat prætextus, nobilissimoque inde parto cognomine, pontificiæ libertatis assertor atque defensor appellari & præscribi in literis magnopere gaudebat. Addiderat Maximilianus Germanorum legiones & ualidam Belgarum equitum manum: obsidebatur trinis castris Teruanna Morinorum, & uehementiss. tormentis oppugnabatur, quum Galli ingenti coacto equitatu, ut cōmeatum obsessis importarent, occasionem conferendo prælio præbuerunt. Itaque ad Ghingatam uicum inita est pugna non cæde, sed insigni ac maxime specioso equitum concursu memorabilis: nam utrinque ueteranæ atque ampliss. alæ strenuique duces in eisdem forte campos erant perducti, in quibus multis antè annis Gallos, Aloisio XI. bellum gerente, Maximilianus tum pene puer ingenti prælio superasset. Non tulit impetum tantæ impressi onis Gallicus equitatus, tameris ab initio egregie concurrerat: Nam & Henricus cū uiginti millibus sagittariorū, & Maximilianus cum robore legionum aduentabant. Itaque eadem loci fortuna propellente, Galli in fœdam atque præcipitem fugam acti, aded ut nusquam minore cum incommodo, uel maiore cum ignominia conflixerint. Captus est ante alios Rothelinus nobiliss. dux. Nec multo post Teruanna desperatis auxiliis Britanno cessit, copiarque ad oppugnandum Tornacū, quæ est urbs ampliss. Neruiorum, sunt perductæ. Dum hæc in Belgis fiunt, Iacobus rex Scotorum, naturali odio & pecunia maxime Gallica impulsus, dum sperat se totius insulæ Britannix regem futurum, parum decoro ac exitiali consilio, absenti Henrico bellum intulit. Fuerat relictus ab Henrico in tutelam regni Surreius regulus fide & uirtute bellica insignis. Is Iacobo populanti Angliæ fines ad Tuedum amnem occurrit. Certatum est maioribus quàm unquam antea odiis, uiribus uerò lōge maximis. Nam pro gloria, pro salute, pro totius insulæ imperio remotissimæ utrinque gentes excurrunt, ad enatum repente bellum summa festinatione concurrant. Scotorum acies tota pedestris fuit: nam Iacobus fatali quadam audacia, ut nullam spem salutis in fuga suis relinqueret, ipse primus omisso equo pedes in acie constitit, Surreius contra, utrinque alas equitū cornibus suis adiecit. Non tulere Scotorum hastarū phalanges sagittarum uim, quæ ab hoste ingentibus ligneis arcubus excussæ, armatos pariter atque inermes uulnerabant. Contixus est & sagitta rex ipse, ferreo guttu-

rali facile penetrato, quo cadente Scoti maiore animorum pernicacia,
 quàm bellica fortitudine dimicantes, caesi superatique sunt. Nam & ha-
 stati Angli pedem Hauardo duce Surreii filio in perturbatos intulerunt,
 & Dacreus equitatu praefectus, circumductis turmis, fusorum & in fugā
 spectantium magnum numerum occidit. Periēre cum rege decora ani-
 morum oblatione repugnantes, Hunleius, Crafordius, & Montero-
 sius nobiliss. duces. Ea nunciata clades Ludouicum, quanquā animo
 infractum, magnopere conterruit. Nam tametsi opulentis. regni facul-
 tates alendo bello abunde sufficerent, singulari tamen curaangebatur,
 quòd pedite careret. Nam uetere Gallorum instituto in uno equitatu
 summam gloriam, repudiata pedestri militia, reponebant, utpote qui
 conductio uel Germano uel Heluetio pedite omnibus bellis uri con-
 sueuissent: quorum alteri Henrici Maximilianique stipendiis praeco-
 pari essent, alteri iam ex professo Gallorum hostes, foederatique cum Hi-
 spanis atque pontifice in Heduos penetrarunt, ut eam Burgundix par-
 tem, quæ quondam Caroli Belgarum principis fuerat, in potestatem re-
 digerent, aditusque facillimus occupatis montium claustris pararetur
 ad inuadendam interiorem Galliam, unde praeda omnis generis & spo-
 lia amplissima peterentur. Itaque Ludouicus multiplici rerum suarum
 periculo magnopere commoueri, sitpe aestuare animo consilioque
 arbitrari ante omnia sibi diuinitus ea insigi uulnera, & alias super alias
 parari clades, quòd sacrosanctum pontificem diro consilio atque impi-
 is armis fuisset persecutus. Cæterum id bellum opinione omnium faci-
 liorem exitum habuisse est uisum: Tramulius namque, qui ab Italia pul-
 sus in Heduos cum tumultuariis copiis adcurrerat, ut arces aditusque
 praesidiis firmaret, quum uiribus impar tantam Heluetiorum multitu-
 dem sustinere non posset, eos impetrata pace in patriam repressit, ita ut
 uel iniquis & maxime pudendis conditionibus eam parare ex usu praes-
 entis necessitatis minime sibi indecorum fore arbitraretur: tot enim
 tantaque premia iam intra Galliae fines effusis & toties uictoribus lar-
 gis. sponcione est pollicitus, quanta nec diuicto rege, subactaque Gallia
 referri aut sperari posse uiderentur, non ignarus Ludouicum nihil earū
 rerum depulso periculo praestitutum. Hac astuta fallaciq. pactione Hel-
 uetiis deceptis, ipsisque in patriam redeuntibus, Ludouicus in Belgio
 ea ratione bellum gessit, ut obsessa ab hostibus Tornaco nobilissima
 Neruiorum urbe, nihil sibi commodius fore existimaret, quàm seruare
 atque augere copias, cunctari in proximis locis, nullam praelio occasio-
 nem dare: inclinabat enim se autumnus illis in regionibus, hyemi quàm
 aestati similior: nec differri poterat in Britanniam traiectus, quoniā uer-
 gente in brumam tempore grauior in dies & sauior Oceanus esse con-
 suellet. Itaque Britanni, quum nemo Gallis opem ferret, Tornaco poti-
 ti, iam lato duplici uictoria Rege, relictis praesidiis ad tuendas urbes, in
 Britanniam redierunt. Per eos quoque dies Venetis tāquā Gallorum
 sociis

sociis ad Vicentiam clades est illata. Procefferant Cardonius & Prosper Columna vastabundi usque in proximum Venetiis litus, nusquam prodeunte in aciem Veneto duce, ita ut à Margario aggere pilæ tormentis maioribus emissæ, ad ipsam usque urbem peruenirent. Non tulit ignominiam Liuianus, quum exuri late agros barbara feritate conspiceret. Nam Germani præsertim Hispanique nec nobilissimis quidem uillis parcebant. Eos ergo omnis generis præda onustos ex obliquo adortus, præcis undique itineribus ita cōterrui, ut deferere impedimēta, & metu summæ cladis per abruptos montes Veronam euadere cogi tarent. Sed Liuianus ingenio ferox atque præproperus, dum abeuntes intemperantius persequeretur, ad eum incaute ac infelicitè conflixit, ut quum uix primam Germanorum ac Hispanorum impressiōem, obuertente aciem Piscario, Veneti pedites sustinerent, totus exercitus fœde perturbatus cæsusque sit. Periēre in receptu parum decoro uel dum fugam suorum sisterent, illustres alarū duces numero septem, & in his ante alios Sacramorus Vicecomes, quem defecisse ad Gallos docuimus, & Hermes Bentiuolus, præterea cohortium præfetti signiferique insignes uiginti tres: cecidit & lixæ manu cōfossus Andreas Lauredanus legatus, Paulum uerò Baleonum prolapsū in palustrem locum mitior fortuna hosti captiuum præbuit. Ipse quoque Liuianus tranato Meduaco amne, in cuius uorticibus plerique tentato infelicitè uado perierant, celeriter pugna elapsus Patauiū peruenit. Ea clades eo grauior Venetis & luctuosior fuit, quod paucorum dierum interuallo ad Nouariam, & in Belgio Britaniæque aduerso partium successu dimicatum fuisse didicerant, nec iam habebāt unde copias repararēt, tot præsertim equitib. cataphractis & tot ducibus ueteranis in unius maxime prælii calamitate amissis. His cognitis rebus Leo pontifex, tametsi eam cladem Venetis, quod Gallos in Italiam euocassent, merito accidisse prædicabat, nihil tamen ea uictoria lætatur. Dolebat enim Italico nomini certum exitium, certamque ignominiam externorum armis parari: ob id secreto Venetos per Franciscum Foscarum legatum hortabatur, ne animo deficerent, suamque pristinam infractæ uirtutis atque constantiæ existimationem tueri uellent: se etenim nunquā hostem futurum ipsorum reip. quā minime prostratam, sed integram & florentem uidere cōcuperet. Quod auxilia aduersus eos misisset, id esse datū Iulianis fœderibus, & recentibus ipsorū consiliis, quibus euocandos in Italiam Gallos cēsuissent, quorum aduentu turbari sperata pax & diuina humanaq. rerū confusione permisceri uiderentur. Ad hanc sinceri animi uoluntatē facta addidit, quibus singulari collato beneficio Veneti iuuabantur. Nā uir iudicio longe grauiſſimo ita partibus studendum arbitrabatur, ut eum publici decoris ita licæque dignitatis nunquā obliuisci, uel inimici etiam præclare perspicerent. Sub idem tempus magno assensu atque ambitione populi Romani Iulianus Leonis frater, Romana ciuitate donatus est, editique

sunt in eius honorem ludi scænici, temporario theatro in area Capitolina extructo, ubi per biduum summa celebritate actus est Plautinus Pœnulus, variâq. subinde poëmata iucundissimi argumēti per ingenuos summa nobilitatis elegantissime decantata, aded exquisito atque opulento rerum omnium apparatu, ut antiqua aurei sæculi scælicitas, ipsius pontificis erudita liberalitate reuocata uideretur. Ad referendam uero gratiam eximii sumptuosique erga se studii, vectigal falis imminuit, amplificationeque triumphali conseruatorum urbis potestate, præmiis ac immunitatibus publice priuatq. Romanos est prosecutus: quam ob rem solenni decreto omnium ordinum populus ad testificandum gratissimi animi studium, marmoream statuam in Capitolio dedicavit cum hac inscriptione. Optimi liberalissimique pontificis memoriæ. S. P. Q. R. Per eos quoque dies Iulium patruelem, Innocentium Cibo, Laurentium Puccinum, & Bernardum Bibiennam in cardinalium senatum cooptauit. Primum galerum, quem ipse gestasset, sanguini atque familiæ tribuit, quasi diuino ingenio iam præfagiret, qualis quantusque in republica Christiana is esset futurus, quem suo fatali pileo dignissimum iudicasset. Secundus Magdalenæ forori, quæ Innocentii mater erat, datus est, atque item Innocentii Octauæ pontificis memoriæ, cui initium summæ dignitatis acceptum referebat. Tertium, uirtus, ætatisque honor, & egregia in primis fides, quæ in Puccio in omni fortuna semper effloruit, promerere: eius etenim Ianoctii frater fuerat, quem Florentiæ securi percussus fuisse supra meminimus. Quartus in Bibienna perpetui laboriosique obsequii & fidelis industriæ iucundæque familiaritatis præmium fuit. Nec multo post Iuliano fratri in spem sobolis Philiberta Caroli Allobrogum principis soror matrimonio iuncta, quam demum uti sine dote expetitam, ultro regiis exornatam muneribus, præmisso ad Niceam insigni comitatu, Romam acciuit. Laurentius uero Petri Medicis qui in Liramine periit filius, Florentinæ reipublicæ est præpositus. Existimabat enim pontifex, diuisis honoribus & constituta domo, ita suis & Mediceo nomini prouidendum, ut non magnopere in posterum fortunæ uis suspectanda uideretur. Eadem hyeme, quæ secuta est, cohortante undique per legatos Leone pontifice inter Gallos & Britannos bellum esse desit, breuique ab induciis pax quæ sita auctore Rotelinio, qui in libera custodia Londinii seruabatur. Decefferat paulò antè Anna regina, summæ religionis & castimonie mulier. Itaque cælibi Ludouico supra solenne pacis ac amicitie fœdus, Maria Henrici regis soror eximie uenustatis uirgo despondetur. Qua in Galliam perducta, Ludouicus incredibili sumptu & mira ludorum uarietate nuptias celebravit. Sed dum ætatis & ualeudinis, quæ ei tum erat tenuissima, penè oblitus intemperantius (ut ferunt) procreandis liberis operam daret, concepta edaci febricula non multis post dies, interiit. Statimque ei suffectus est Franciscus gener, qui ætate, ingenio, formæque uel præter regium nomen

totius

totius Gallix iuuenum longe florentissimus habebatur . Is acceptis imperii insignibus , ingenti animo expeditionem in Italiam suscepit destinatam paratamque antea à Ludouico, qui moriens amplissimas copias omni bellico apparatu instructas, obuersasque ad Alpium iter, opportunè reliquerat . Euocabant Gallos Veneti in primis , ut Brixiam Veronamque reciperent, atque item Octavianus Fregosius, qui clàm percusso cum Francisco fœdere à ueteribus amicis fœderatisque discesserat , iustis certe & grauibz de causis , uti ipse prædicabat, uerum nequaquam grato aut fideli ingenio, si Leonem, qui cuncta detulerat, respiceret, quem diu per legatos & literas monentem, ne flagitiose deficeret, proluxa dissimulatione fuerat ludificatus. Itaque Liguribus & Venetis, ut aduentantes Gallos exciperent , arma parantibus , Leo cum sociis regibus coit, fœdus renouat, exercitum ex delectu fortissimarum Italiæ gentium cogit, profitetur se Mediolanensis imperii defensore, uel ob id maxime inductus , quoniam Heluetii flagrantissimo studio decretoque publico, non iam uti mercede conducti , sed planè propter concepta odia, tanquam ueri Gallorum hostes propulandi belli negotium susceperant . Prouidebat quoque acutissimus pontifex, si Gallus Insuorum imperio potiretur, nequaquam futurum, ut Galli ab ipsa præsertim uictoria insolentes, à Placentia Parmæque abstinerent, quas urbes ab reliqua Sfortianorum ditone interficiente Pado abscissas , Iulius pontificis ditoni, pulsus Italia Gallis, adieciisset . Verebaturque ne rex iuuenis bellicæ gloriæ audius semel transgressus Alpes, Italiæ opulentia atque amenitate caperetur, ob idque exemplo Caroli Octauī maiora concuperet, faueret eius cœptis Fortuna, ut demum per partes Italia omnis, uti nunquam publico iuncta consilio, seruire cogeretur. His de causis pontifex Iulianum fratrem pontificis exercitus imperatorem appellat : ei de manu, solenni adiecta precatōne, uexillum & sceptrum tradit, & ab Vrbe in Galliam Cisalpinam maturare iubet. Sequebatur eum utriusque factionis Romani procures & promiscue ex omni ferme Italiæ regione militaribus factis illustres. Nequaquam enim apud hominem summæ æquitatis ullum in honore erat factionis nomen, quum ea perniciosæ insanix studia excrari damnareque esset solitus, adeo ut spectata tantum uirtus in omni ducum & militum genere, præmiis & laude digna censeretur. Fuere qui existimarent Iulianum, quod Etruscarum rerum principatum Laurentio fratris filio facile concessisset, uehementer aspirare ad Mediolanensem imperium, uel ob id maximè, quoniam Maximilianus Sfortia paulò mente commotior, dum fœdo amictu, illoroque ore insanix morbum præferret, paterno imperio indignus putabatur . Id facile se assequi posse sperabat Iulianus : Nam Heluetii, in quorum tutela erat Maximilianus, multo auro, adiecta præsertim autoritate pontificis, corrumpi posse uidebantur, & Franciscum regem, si primos eius impetus egregie sustineret, facile per conditiones concessurum apparebat, quod armis re

cuperare nequiuisset, ei præsertim, cui matris ipsius soror nuper in matrimonio esset collocata. Nec Carolus Allobrogum princeps ulli occasione in eam rem multis de causis erat defuturus. Veneti quoque, modo Cremona in societatis & belli præmium eis obueniret, existimari poterant egregie conquieturi, utpote qui nouum & insititium accolam habere mallerent, quàm præpotentem & flagrantis ingenii regem, cuius amicitia ab leui momento planè fragilis, recenti exemplo Ludouici singulare incommodum afferre posse uideretur. Ad hæc etiam consilia Cardonius Hispanus imperator egregiam uoluntatem atque opem attulisset, nam uir suoapte ingenio perhumanus & facilis, ac ubi præmia proferrentur, enixe officiolus, Leoni ingentia pollicenti præstantique haud dubie erat obsecuturus: eadem Octauiano Liguri placitura intelligebant, uti præcipuo Sfortianorum hosti, & Iuliano uetere amicitia coniuncto: sed dum hæc expensæ & deliberata initis rationibus explicantur, illudente Fortuna Iulianus febre non tam ualida, quàm pertinaci, sed quæ ei demum suprema extitit, Florentiæ corripitur, eo decumbente exigua cum spe maturæ certæque salutis, imperium militare ad Laurentium transferitur. Is tum Placentiæ castra habebat, & in proximo urbi pago Cardonius è Venetia accitus exercitum continebat. Interim Prosper, in quo summa erat autoritas gerendi belli, cum equitatu ualido ac Heluetiis legionibus ad Alpes contendit. Nam persuasum habebant, præcludi posse claustra Alpium si Coctiis & Pœninis saltibus insessis, æquiores transitus occuparent. Sed Franciscus, auctore ducque Triulzio, qui assidue per id tempus omnes aditus per inaccessas montium crepidines fuerat contempletus, inusitatum iter curculibus tormentis aperuit, ad dextram inter maritimas & Coctias Alpes, per imas ualles Argentarii fluminis insinuando agmina, atque euadendo in præruptos uertices excelsissimorum montium, adèò ut tormenta sæpe ductariis prætensis funibus suspensa per trocleas, legionum manibus traducerentur, quum profundissimæ ualles interciderent, nec tantæ molis apparatus iugis aut militum humeris educi posset, quinque dierum labore per hæc itinera plena rerum omnium difficultatibus, nullibi tamen præpediente niue (nam Augusto mense liquata erat) deceptis Heluetiis in Italiam est peruentum, eo lætiore laboris atque periculi exitu, quoddum inaccessos saltus uiis pensilibus ad latera cautium exaggeratis ad iter patefaciant, Palicia cum quatuor alis equitum ad distinendos fallendosque hostes, superiora Perosæ montis iuga, ductantibus Alpibus agrestibus transgressus, Prosperum columnam inopinato aduentu oppressit. Erat is Villa franchæ in oppido, profectiioni intentus, ut eodem die cum Heluetiis iungeretur. Capto autem ab hostibus tantæ opinionis duce, nihil idcirco Heluetii animos demiserunt, regressique Mediolanum auctore Mattheo Sedunense cardinale, iurarunt se quum primum hostis Gallus appropinquaret, regia castra aggressuros, ut de possessione Mediolanensis imperii

imperii aperto in campo & uera uirtute dimicarent. Franciscus Prospe-
ro benigne & comiter appellato, atque eo sub custodia in Galliam tran-
smisso, ad quintum lapidem à Mediolano Laudensi uia castra muniuir,
ut inde Liuium cum exercitu Veneto commodissime exciperet, ac
subinde expeditum & uacuum ab omni metu iter Comensi uia redituro
domum Heluetio praberetur. Erat Placentiæ cum pontificio exercitu
Laurentius Medices, & in proximo ad Trebiam Cardonius, Hispano-
rum castra habebat, inter ambiguas deliberationes admodum suspensi
atque inter se contententes, qui nam primi ponte Padum transire de-
berent, nam utrisque suspecta erat Heluetiorum fides: siquidem Alber-
tus Petra dux nobilis, ut credi par erat, Gallica pecunia corruptus, cum
multis Veragrorum Sedunorumque cohortibus domum abierat, adeo
ut qui Mediolani erant in fide, nutare & dissentire in consiliis nunciaren-
tur. Interceptus quoque cum pontificiis literis Cynthius Tiburs, qui ad
regem properabat, dum Hispani equites Padi ripam obseruarent, Lau-
rentium Cardonio suspectum reddiderat, quasi Leonis studia magna ex
parte refrixissent, quum Prosper imperator captus partium spes uehe-
mentissime debilitasset. Legatos quoque Florentinos natura Gallicis
rebus studere cogebat: ii iuuenem circumstebant, suadebantque ne se
temere infidis barbaris committere uellet, sed in tuto alienæ infantiæ exi-
tum spectaret: non esse eò progrediendum, unde nullus omnino regres-
sus sine periculosissimi prælii alea praberetur: satis enim recte ipsum
omnia facturum, si cunctando Leoni aliquem ad regis amicitiam rece-
ptum relinqueret: Id uerò in omnem belli casum facile posse impetrari:
si rex iam plane uictor, tantis Ligurum Venetorumque auxiliis adiutus,
nulla ulterius acerbior in iuria laderetur. Iam enim ex pontificiis Mu-
tius Columna & Ludouicus Petilianus cum aliquot utriusque armaturæ
equitum turmis ad Heluetios missi fuerant, Iacobusque Gambara Leo-
nis legatus cum pecunia Mediolani aderat, mirifica uoluntate Heluetiis
Sfortianoque nomini deditus: Vnus uerò Gorius fide & prudentia infi-
gnis frustra iuuenem est adhortatus, ut præclarissimæ occasione in sum-
ma spe ingentis uictoriæ deesse nollet: neque enim de euentu dubitan-
dum si duo in unum sincera fide coniuncti exercitus, ad inuicti roboris
summæque uirtutis gentem è propensissima & copiosissima urbe hosti-
bus imminentem auxilio ire maturarent. Ipsi enim tantæ indolis iuueni,
postquam effectus esset imperator, non iam fortunæ, sed gloria & laude
opus esse, non enim grauissimi muneris nomen inanibus titulis, sed ueræ
uirtutis operibus sustentari, proinde uanis uel suspicionis uel timoris
offendiculis animum liberaret: præstaret Leoni sibi que dignam Italico
duce operam, memoriaque teneret Mediceos Florentia pulsos Gallo-
rum armis, seque imprimis infantem puerum, perpetuis ab ea gente in-
iuriis acceptis, decem & octo annos exulasse: cæterum præter Florenti-
nos legatos, Vrsini duces, quos sibi Laurentius despectis Columniis asci-

uerat, quicquid generosi spiritus ad præclare audendum in iuvene elucebat, magnis rerum omnium propositis difficultatibus facile restinguebant. Interim Heluetii, tamen si diuersis inter se studiis in partes sciendebantur, Sedunensis tamen cardinalis flagrantissimis cōcionibus incitati, ad tuendam publicæ dignitatis existimationem prælio decertare statuerunt. Nec mora inclinante Sole Romana porta erumpunt, prima Gallorum agmina profligant, non fossa, non munitione, non denique tormentorum, quæ in frontem directa erant, periculo deterrentur, quin in castra perrumpant. Is impetus uti repentinus nec expectatus, sicuti primas Gallorum acies oppressit, ita medias ultimasque atque ipsum maximè regem ad arma exciuit. Dimicatum est in multam noctem nullo ordine, quum inopinati hostes & nox ipsa conturbatis castris omnem consilii & disciplinæ rationem penitus eriperent: A deo ut Heluetii felici audacia progressi, strato equitatu, nobilissimisque ducibus aliquot interfectis, ipsoque etiam Francisco rege, qui impigre perturbatam suorum aciem reparare contenderat, multis hastarum ictibus pene oppresso, intra castra hostium consistere quiescereque minime dubitarint. Itaque, ueluti impetratis utrinque indiciis (quas lassitudo vulneraque & ab denso puluere enata sitis attulerant) ab armis temperatum, donec oriens Luna, certis ictibus lucem adferret. Eo spatio Rostius Heluetiorum dux summus, quod is Tigurini Pagi erat Magister, & Sedunensis cohortator egregius, aduecto ab urbe commeatu, largissime suos recrearunt, terribili- que buccinæ signo silentibus timpanis renouandi prælii signum dederunt. Nec regi abolendæ ignominix auido & per se impigro bellatori, quanquam acerbissimo pugnæ discrimine perculso, animus consiliumque defuit: per idoneos nanque duces circumductis coaptatisque tormentis, ordinibusque Germanorum & Vasconum intra fossas constitutis, ac expanso in recuruas alas equitatu ita irruentes hostes est complexus, ut illi temere atque insolenter congressi, partim confixi Vasconum sagittis, partim tormentorum pilis discerpti, inuadente etiam confertissimo equitatu, à fronte & à lateribus sternerentur. Peropportune etiam eorum terga cæcidit Liuianus, qui cum expedita parte Veneti exercitus adcurrerat, compulsaque in uillam cohortes duas, coniectisque in eam facibus, ferè integras concremarat. Tum Rostius, aperiente suorum cladem non dubia luce, quam Sol occidente Luna statim inuexerat, receptui canere coepit, ne uniuersus exercitus absque ulla spe uictoriæ dereretur, tantaque constantia conglobari ordines, & uerti signa iussit, ut faucii & continenti quindecim horarum labore fatigati, tormenta quæ ipsi Mediolano adduxerant, ne insolitum dedecus admitteretur, humeris reportarent: nec quisquam hostium pedites sub signis abeuntes est persecutus: Admirabili etenim fortitudine & patientia per æqua pariter ac iniqua depugnarant, ut nequaquam lacessendi uiderentur: temeritate enim uirtus æquauit, quando (uti præclare spectatum est) ne-

mo ferociam animi uel inclinata prælii fortuna prorsus amiserit. Cecidit supra septem milia Heluetiorum, & ex his centurionum signiferorumque promptissimi. Næc inulta Gallis uictoria cecidit: Nam Franciscus Caroli Borbonii frater, & Himbercurtius, Itemque Sanferrius, & Talamontius ipsius Tramulii filius, & Busiuius Moiusque domesticæ regie turmæ vexillifer primo prælio ceciderunt. Postridie Heluetii uix se prælio uictos fatentes, in area, quæ est ante arcem amplissima, in concionem progressi, suadente Rostio, Comensi uia domum abierunt, atque ita Franciscus deditibus se ciuibus Mediolano est potitus. Nec multo post Maximilianus Sfortia, per se etiam ob conceptum ab atrabile morbum mente commotus, in ea rerum iniquitate animum despondit, ceciditque per tabulas paterni imperii iuribus, parum nobili & Sfortiano nomine indigna conditione, pactus scilicet, quasi alibi desperatis uel ad deformem uitæ habitum mediocribus alimentis, ut in Gallia Transalpina luculenter aleretur. At Leo pontifex, qui ad nuncium primæ pugnæ, in qua ex inermium maximè Gallorum fuga, regionumque castrorum tumultuosissima conturbatione, uictor Heluetius erat renunciatus, uultu sermoneque non dubiam animi lætitiā expresserat, ad conuersam demum famam de Heluetiorum clade, dissimulato dolore uultum composuit, adeo ut non inepte risum palam accerseret plurimum, iocatus in Heluetios prætorianos, qui ad primum uictoriæ nuntium exultantes, præpropere gratulatione legati Mediolanensis cellam uinariam uno epulo perquam hilariter hausissent. Cæterum quum Gallica arma plurimum formidaret, parere præsentī fortunæ & cum uictore amicitiam inire constituit. Audiebat enim regem iuuenem ab excelso ingenio bellicæ laudis appetentem, insignisque ea uictoria & Ligurum Venetorumque societate ac auxiliis subnixum, omnium suorum & Liuiani maxime horratu concitari ad promouenda arma. Dicebant enim eum cuncta quæ concupisset facillime consecuturum, & quas uellet impositurum leges Italiæ principibus, si perterritis omnibus uictoria ui uellet, traiecto imprimis Pado Placentiam Parmamque repeteret, Hispanos abeuntes à pontificiisque disunctos persequeretur, eos facile in itinere opprimi posse, ab immani auaritia colonis omnibus inuisos, quibus deletis Neapolitanos aduerteris atque legitimi imperii nomen, infestæ gentis sublata tyrannide, redituros. His de causis pontifex per Ludouicum Canosium legatum pacem petiit, amicitiamque obtulit, iniecta spe ineundi fœderis, ita ut iudicaret urbes mature restituendas, si aliter pax impetrari minime potuisset: Nolebat enim ui Gallica armorumque impetu sibi eripi Parmam atque Placentiam, quas præsidio tueri commode nequiret, ne semel cepto bello Rhegium etiam Mutinamque ac demum ipsa Bononia in idem belli discrimen periculosa contentione traherentur. Nam Bentiuoli exules amicorum & clientium studio sæpius euocati, & Alfonso Ferrariæ princeps diligenter in eam maxime curam excubabant, ut suas

urbes aliqua noui belli exorta occasione recuperaret. Prouidebat etiam pontifex summa prudentia res Etruscas non mediocre periculum adituras, si transeunte Padum armato rege, Hispanos de se Mediceaque domo benemeritos ab insensissimis hostibus credi pateretur: non ignarus à Florentinis Gallicum nomen impense coli, qui nihil magis tacito quodam uniuersæ ciuitatis uoto peroptarent, quàm Italiam conturbari Gallo- rum armis, ut eorum beneficio, sicuti antea fecissent, occasionem recuperandæ libertatis arriperent. Itaque pontifex ut animum grauissimi periculi metu liberaret, necessitati celsit, maturæque magistratus decedere urbibus iussit, ut nequaquam eas de manu tradidisse, sed deditionis arbitrium ipsarum ciuibz reliquisse uideretur, non obscure diiudicans eam infamiæ notam, quam tum summo cum dolore animi subibat, aliquando in meliore rerum fortuna posse resarciri, si uim imminētis tempestatis non omnino oppressus effugisset. Nec multo post deposcente colloquium Francisco, pontifex brumali tempore Bononiam eit profectus, eoque etiam biduo post ipse Franciscus uenit cum octomilibus equitum, ornatissimis omnium ferè principum & liberarum ciuitatum legationibus comitatus, rex ipse præcellenti corporis atque oris specie conspicuus & triumphali laude insignis, non oculos modo, sed omnium etiam studia in se conuertit. Neque Leo uel naturæ suæ uel officio ulla in parte splendoris & benignæ mansuetudinis deesse est uisus. Urbisquæ ipsa rerum omnium copiis refertissima utrique aulæ facile suffecit, cum Galli proceres cum sacerdotibus conuiuiorum luxu, ornatusque elegantia dispari uarietate contenderent. In summa totius colloquii postulabat rex Gallus, ut pontifex ardore sibi fœdere iungeretur ad depellendos Italia Hispanos, quando iura Neapolitani regni ad ipsum maximè pertineret, ita ut amplissimas eidem offerret cōditiones. At Leo, qui hisdem de causis quas supra retulimus, Gallum maximæ partis Italiæ imperio potiri nolebat, ne ipse demum inter miseras promissorum ludificationes forte deceptus atque subactus seruire cogeretur, omnia alia petenti regi liberali uoluntate concedere, hoc uerò unū impresens se facturū negare, non dubio tamen oris nutu propensum ad id animum polliceri; Quoniam tum non esset sibi integrum discedere ab amicitia Ferdinandi regis, cum quo in certum tempus publico fœdere esset coniunctus: quod si sexdecim ferè menses effluxissent, finiri eius fœderis spatium, ac tum sibi fore arbitrium expeditæ libertatis ad commutanda consilia ineundaque noua fœdera, quæ sine ignominia uiolatæ fidei opportune percuti posse uiderentur. Itaque Franciscus exclusus etiam anni tempore, quod pluuii brumales dies inciderant, quum in sententiam gerendi belli Leonem pertrahere nequiuisset, honorem purpurei galeri Hadriano Boisiui, qui Arcturi regiæ familiæ magistri frater erat, facile impetrauit: atque inde Mediolanum, & mox in Galliam est reuersus. Rediit & Leo subinde Florentiam, ubi lato ad id populo complura liberalitatis

atque

atque munificentiae monumenta publice priuatimque reliquit. Inde uere nouo Romam est profectus. Nec multo post Iulianus frater diuturnis atque rabiosis febribus confectus Florentiae moritur, benigno elegantique ingenio uir, modestia imprimis & ciuili comitate Florentinis omnibus longe gratissimus. Hic nullam ex Filiberta uxore, Francisci regis amita prolem suscepit: steterant Leoni ex nuptiis centum & quinquaginta milibus aureis, quum eam sine dote penitus nobilitandae familiae causa plurimum appetisset. Nec multo post ea cum omni mundo muliebri praeiosissimisque insignium gemmarum monilibus in Galliam ad Ludouicam sororem transmissa est. Mortuo Iuliano Laurentius fratris filius Etruscarum rerum imperium suscepit, ita constituta republica, quae amicissimorum ciuium industria regebatur, ut summa consiliorum omnium de senatu ad eum unum omnino respicerent. Aderat Laurentio mater Alfonsina, uirili certe prudentia, sed auara & nunquam sine querela mulier. Haec efferre filium, augere item opibus accelsioneque maxime alieni principatus caeca ambitione cupiebat. Iungebatur finibus Etruriae Franciscus Maria Vrbinas regulus de Rouerca familia in Feltriam adoptatus, quibusdam de causis suspectus & inuisus pontifici, graues enim aliquot offensiones intercesserant: Nam eo tempore quo Feltrius sub Iulio patruo pontificiis copiis Bononiae praerat, Etruscum expeditionem suscipientibus Mediceis, eos neque milite neque tormentis neque ullo denique alacri studio uel suppliciter orantes adiuuit, quod his rebus sibi opus esse diceret, ad id ut nequaquam occulte Soderino studere uideretur. Proxime uero ingruente in Italiam Francisco rege, quum legatum Iuliano se iturum accepta pecunia promississet, eo demum febre apud Florentiam in itinere correpto, totum id munus recusauit: neque equitatum quem ducebat amplissimum, in Galliam Cisalpinam misit, quum diceret non esse aequum, ut Lauratio imperito elatoque iuueni pareretur, quando ipse antea imperatoris titulos esset consecutus, demisisse enim se libenter cum aliqua dignitatis existimationisque iactura, sed dedisse id ueteri amicitiae Iuliani, cum quo propter mite ingenium, facilemque naturam se imperium ex aequo partitum sperasset. Horatius quoque eius scriba ad famam regis bellum parantis in Galliam profectus sub id tempus forte redierat. Quae res non exiguam suspicionem animo Leonis iniecerat, quod timeret eum in medio belli apparatu a Gallis fuisse corruptum, quorum amicitiam atque stipendia superiore tempore uel contra Iulium patrum appetisset: misso scilicet in Galliam ulteriorem Balthasare Casteleoni, sub id fere tempus, quo ad Rhauennam est dimicatum, ut cum Ludouico rege certa annui stipendii conditione iungere tur: quo tempore etiam nec satis tutum iter praebuisset per Vrbinarium fines quibusdam pontificiis ducibus Rhauennam contendentibus, nec demum euadentes de funesto praelio Hispanos satis benigne recepisset. Is erat inferendae iniuriae praetextus: Caeterum principatus Etruriae fini-

timus, quo Laurentius honestari posset, uel pulso infante domino quærebatur: tanta enim libido parandi imperii Alfonso matris animum inuaserat, ut Leo quanquam infamiae ac orientis inuidiae metu sollicitus, efflagitantium preces atque conuitia sustinere non posset, expugnatúsque manus daret. Peropportuna autem Iuliani mors omnes confidendi eius decreti inferendique belli moras sustulit: siquidem nihil ante à Leone impetrari poterat, Iuliano impediendo, & id facinus libera uoce detestante: erat enim Feltriae domui uehementissime deditus, in qua ipse diris exiliis fluctibus iactatus, tanquam in portu benignitatis atque munificentiae aliquandiu cum Guidone principe quieuiisset. Itaque Laurentius misso cum copiis Rentio Cerite, Urbino cæterisque eius ditionis oppidis atque urbibus sine uulnere est potitus. Ipse uero Feltrius uti nimis opportunitus iniuriæ (quod Piceni Umbriaque finibus inclusus desertusque ab omnibus erat) cum uxore & liberis, ne benemeritas de se urbes hosti diripiendas euasandasque præberet, mature excedens Mantuam se recepit. Pulso Feltrio, nequaquam sine graui inuidia, Borghesium etiam fratremque eius Alfonso cardinalem Pandulfi Petrucii Senensem tyranni filios domo expulit, translato ciuitatis imperio ad Raphaëlem Petrucium, qui quondam exilii comes exitisset. Is tum arci Romanæ præerat, uir stabili fide, sed ignarus literarum, & probris omnibus cooperatus. Id factum quanquam beneficentiae laudem ferre uideretur, quod Leo ueteris amici officia nequaquam memoria deposuisset: ipsum tamē ingrati animi nota conspersit; quoniam in comitiis Alfonso mirificus suffragator uni Leoni candidato semper affuerat. Eiusdem anni uere primo, Heluetii qui nil de pristina animorum ferocia, uel insigni ad Melennianum accepta clade remiserant, cum Maximiliano Cæsare foedus percusserunt, ut consociatis uiribus Italia Gallos exturbaret. Enimuero Cæsar Mediolanense imperium Augustali suo iure deposcebat, ob id ualidas Germanorum copias exciuerat. Studebantque Cæsari Sigismundus & Vladislaus Sarmatiæ Pannoniaque reges, cum quibus celeberrimo conuentu habito apud Viennam Noricam superiore æstate fuerat collocutus. Ipsi Heluetii magnopere Gallis infensi, ad uindicandos fratres & cognatos, qui recenti prælio cecidissent, triginta cohortes Cæsari miserant. His cognitis pontifex Aegidiū cardinalem, qui singulari eloquentia ac omnibus Christianæ pietatis præceptis instructus Cæsarem retardaret atque molliret, in Germaniam misit. Sed Cæsar omnibus ad bellū intentis, audiendis de pace legationibus minime uacandum existimans, Veronam est profectus. At Galli Triuultio atque Borbonio ducibus, quantas maximè copias possunt ex proximis urbibus, deductas, Mediolani cogunt, accersuntur ab certis pagis Heluetiorum & Veragrorum (ii etenim Gallis fauebant) auxilia plurium cohortium, quæ cohortante & conscribente Alberto Petra, per Verbanum lacum ducerentur. Orant etiam pontificem, ut iure recentis amicitiae auxilia suppeditet. Ipsi uero

Veneti

Veneri Gallis non defunt, mittiturque Mediolanum cum iusto exercitu Andreas Gritus legatus: cui mortuo Liuiano, minores duces parebant. Decernitur in cōsilio defendendam esse urbem, imperii caput; abstinent dumque à pugna, quum se omnibus rebus hosti impares esse iudicarent: erat enim in ipso Cæsaris nomine summa existimatio cum bellicæ laudis, tum æquitatis atque iustitiæ: aderantque illi copiarum numero uirtutemque maxime formidandam, sequebantur etiam aliquot exulum manus appellandis ciuibus monstrandisque itineribus opportuna, & Marcus item Antonius Columna cum Italicorum equitum alis. Quibus Romam nuntiat pontifex ne eius belli causæ intempestiue misceretur, auxilia suppressit, ueluti diffidens Gallicis rebus, & ex tuto Germanici impetu euentum expectans, misitque Bibiennam legatum ad Cispadanas urbes: ut si opus foret, Cæsaris uictoriæ potius quàm Gallorum infelicitati adesset. Sed mox incredibili rerum commutatione subsecuta, factum est ut Cæsaris arma, quæ maxime repentinum uehementemque impetum habuerant, in medio conatu deficerent. Exercitu enim Verona educto, quum Asulam Cremonensium ignobile oppidum ad mortis etiam tormentis frustra oppugnasset, & dignitatis aliquid amisisse est uisus, et quod pluris in terfuit, imparatis adhuc sese confirmandi muniendique spatium dedit. Triuultius enim atque Borbonius, eiectis aut custodiæ traditis Gibellinæ factionis principibus, ne quid intestini tumultus oriretur, egregie cauerant, adhortanteque Gritto Veneto, necessaria, sed miserabili ratione suburbanæ ædificia incenderant, ne his ad ponenda castra uteretur Cæsar, & propius & tutius tegentibus tectis muro succederet. Cæsar ab Asula Olium Abduamque transgressus ad tertium lapidem Lambrato in uico posuit castra: caduceatoresque ad portas præmisit, qui omnia hostilia Gallis denuntiarent, ni properè Mediolano excederent, ciuibus uerò sese dudentibus omnia salua & læta pollicerentur. Hos armata Gallorum statio contempsit & exclusit, nec populus ex Cæsaris aduentu studium paulo alacrius ostendit, quoniam uulgatum erat nequaquam Francisco Sfortiæ, cuius esset uere legitimum, Mediolani imperium queri; sed Ferdinando Austrio, qui ipsius Maximiliani Cæsaris nepos esset, & Caroli frater. Hic paucis ante diebus Ferdinando Hispaniæ rege auo materno uita functo, Hispaniæ, Neapolis, atque Sicilia regna hereditate fuerat consecutus: Ita ut nemo Italorum esset, qui non ad Sfortianum nomen uoluntate deferretur: & non magis Germanos ac Hispanos, quàm Gallos, si id imperium arriperent, timendos existimaret. Has non inanes popularium & procerum animis suspiciones iniecerat ipse Triuultius sæpe ad ciues opportune concionatus, uti erat apud eos summa autoritate uirtutis atque prudentiæ militaris. At dum Cæsar perplexa spe, quoddam ad primam sui aduentus famam non esset receptus, de oppugnanda urbe consilium init. Interim aduentare cum auxiliis Albertus Petra nunciatur. Ea res Cæsarem suspicacis ingenii hominem perturbat; ueterem

etenim Heluetiæ gentis erga se odiorum memoriam, & Ludouici Sfortiæ calamitatem in animum inducit: hæc omnia eo prudenter cauenda arbitratur, quoniam sub Alberti Petræ aduentum, Iacobus Stassius Heluetiorum ducū princeps stipendia postulare arroganti habito oratione cœperat, quasi seditioni materiam quæreret nō obscura arte excendæ perfidiæ, ni pecunia (cujus Cæsar erat egentissimus) extemplo singulis cohortibus solueretur. Acciditque per eos dies, Fortuna spes Cæsaris eludente, ut pecuniam, quæ de Germania in eius castra deferrebat, Hispani, qui in præsidio Brixia relictæ erant, in itinere uti sibi debitam laetrōnū more diriperent. Quibus de causis Cæsar, ne cōiūntibus in unum perfidiæ decretum Stassio & Petra Gallis traderetur, uix cū paucis cōmunicato consilio retraxit castra, & per transversos calles cum turma equitum intra Tridentinas Alpes se recepit. Erat enim Cæsar sicuti natura strenuus & maximè liberalis, ita in consiliis diuersus & parū constans: adeo ut in tota gerendi belli ratione, si primæ spes eum deficerent, in secundis minime consisteret, & reliquas omnino repudiandas arbitraretur. Insubria eo belli motu prope sine uulnere liberata, Franciscus incredibili lætitia est affectus, quod Cæsarem summæ opinionis imperatorem ualidissimis instructū copiis ita per legatos sustinuisset, ut ille omni pristina existimatione spoliatus discessisse diceretur. Grauiissime uero tulit, atque id non omnino dissimulante, quod Leo pontifex, uti ipse sperauerat, auxilia minime trāsmisisset, quasi ille obseruata fortuna ad eum, qui uictor euaderet, inclinaturus esse crederetur. Quæ res non obscuro initio magna detrimenta Leoni peperit, ita ut omnem in eo postea uitæ iucunditatem, perpetua malorum serie inuecta perturbaret. Nec multo post Franciscus postulantibus Venetis grato animo eis Odetum Lotrechium attribuit cum ualidis auxiliis magnoque apparatu tormentorum. Is cōiuncto sibi cum Venetis copiis Andrea Gritto, Brixiam oppugnare adortus, insigni cum laude Hispanos ad deditionem compulsit. Recepta Brixia exercitus Veronam est ductus. Ea oppugnatio summas habuit difficultates, defendente urbem longe fortissimè M. Antonio Columna, qui lectissimas Germanorum ac Hispanorum cohortes, Italorumque & Græcorum alas dimisso reliquo exercitu ad urbis præsidium retinuerat. Sed is oppugnationis exitus fuit, ut Verona, quæ ut capi non poterat, numerata Cæsari pecunia reciperetur. Ita Veneti post octatum belli annum adiuuante Gallo, qui antea acerrimus hostis extitisset, suas urbes recuperarunt. Tum uerò tres exercitus cōfecta pace dimissi. Horū milites omnis generis & maxime Hispanos Franciscus Maria Feltrius exiguo oblato stipendio cōduxit, eo consilio ut Vrbinū repeteret, quum Laurētius omnibus rebus imparatus nequaquam satis mature occursurus esse uideretur: quādo nihil minus putaret, quā media hieme bellum se gesturum aduersus eum, quem omnibus fortunis expoliatur Mantuæ exulantem, & desertum à regibus toto eo anno magnopere contem

contempsisset. Affuere Feltrio in primis supra quinque milia Hispanorum peditum, qui Maldonato viro impigro & duci maxime ueterano, parebant: diuersarum quoque nationum alæ equitum, spectata uirtutis sequebantur. Præerat Hispanis Gaiusius: Belgis Zucharus. Hædus; Græcis autem & Epirotis Andreas Bua, & Constantinus Boccalus: inter Italos eminebat Federicus Gonzaga cognomento Bozulus, quem paulo antè Iulianus maximi uexilli honore dignum fecerat: sed is demum succedente in imperio copiarum Laurentio, fuerat repudiatus, ita ut alienato animo acceptam iniuriam ulcisci properaret. Feltrius itinere summa celeritate confecto, ubi primum intra ditionis fines sese ostendit, incredibili populorum omnium alacritate suscipitur. Iulius Vitellius cum Urbini tria milia peditum exactis ciuibus coëgisset, defensionemque pararet, concurrentibus ad arma foeminis & paucis senibus, Feltrianoque milite ad portas clamorem extollente, fœdissime sese atque urbem dedit, Laurentianis militibus uita impetrata, ita ut exuti armis extra fines pellerentur. Feltrius Urbino positus, & paratis tormentis, quæ Iulius Vitellius in fossas præcipitaret, bellum circumtulit, multaque oppida de seclis præsidii in potestatem redegit. Hæc ubi Romæ sunt nunciata, Laurentius ad bellum proficiscitur, expedit pecuniam Leo pontifex, cohortes ubique conscribuntur, gerendi belli summa committitur Rentio Ceriti, adiunctis Vitellio Tifernate Guidoneque Rangono. Ii tanta infelicitate frequentibus affecti detrimentis id bellum gesserunt, ut fatali quadam imperitia ac ignauia, ubi conferendæ manus essent, uti erant magna ex parte tirones subitariique milites, à paucis ueteranis facile uincerentur. Semel Laurentio oblata est occasio rei benegerendæ, quum Feltrio Metaurum amnem transeuntē in aduersa ripa opportune instructa acie constitisset. Erant ei sexdecim milia peditum, in quibus aliquot erant Vasconum cohortes, itemque uexilla quatuor Germanorum & Hispanorum, quos Romæ conscripserant. Aderat Paulus Baleonus cum auxiliariis Perusinis, aliquanto cæteris usu militiæ uigoreque animi præstantior, uerum in eo nequaquam insignis uigebat authoritas, quoniam Rentio atque Vitellio, quibus unis Medices se totum crediderat, ob similitudines erat inuicis. Aderant tormenta ænea in castris supra uiginti, quibus copiis in uado fluminis transeuntes superare atque proterere facile poruisset, nisi Rentius atque Vitellius (imperitia an metu incertum, optima tamen fide) non in aduersos hostes, sed in collem proximum signa ferri continuo iussissent, quasi opportuniorem locum castris captruri, unde demum transeunti hosti per expeditos equites magna detrimenta inferrentur. Id consilium tanquàm inscitæ aut ignauæ plenum Feltrius, qui pedes amnem conferta legione transierat, plurimum irrisit, indeque uti plane uictor recipiendis oppidis oppugnandisque præsidiis totam eam regionem est peruagatus. Nec multo post Laurentius, dum oppugnaret Mōdulum oppidum, sclopetto caput ictus extremum uitæ

periculum adiit. Ceteri duces ipso Anconam leſtica delato, peſſimis artibus bellum gerere cœperunt; adeo ut multis transfugiis diſſolutaq, diſciplina milites paſſim ſigna defererent, neque de uictoria conſcien- dique belli ratione, ſed de diripiendis caſtellis, deque omni prædæ genere cogitarent. Quibus de rebus dolore incenſus pontifex, quum igno- miniam animo ferre non poſſet, à Carolo Hiſpanorum rege, ipſoque Franciſco auxilia petit Gaſparem prætorianæ cohortis præfectum ad Heluetios mercede conducendos mittiſ, copias ex Etruriæ delectu ad- augeſ, Hiſpanos duces, & ante alios Maldonatum per idoneos homines aggreditur, pollicendo ampliſſima præmia, ſi Feltrium deſeruiffent. Erat in exercitu Feltrii Carolus Baleonus Peruſia exul, quòd multis antè annis Pauli Baleoni fratrem patrumque & alios eius conſanguineos di- ra coniuratione inita trucidafſet: hunc Feltrius reducendum exiſtima- uit, ut ualidiſſimæ totius Umbriæ urbis opibus, pulſis Caroli hoſtibus, uteretur. Sed dum ad Peruſiam promotis caſtris accedit, ſit certior ple- roſq, Hiſpanorum duces pontificiis largitionibus corrumpi, quæri tem- pus exercendæ perfidiæ, & ſibi non obſcure inſidias parari. Nam antè didicerat ab honorato Gaetano Minurnenſium traiecti regulo, qui Le- oni affinitate erat coniunctus, percufforem ſibi ſummiſſum Cauillanum Hiſpanum equitum præfectum: ad has quoque ſuſpiciones acceſſit Hi- ſpanus uiator cum literis interceptus, quibus monebatur Maldonatus, ut ea quæ ſtatueraſ, perficere inaruraret: hortaretur conſilii ſocios, atque inde ingentia præmia ex liberalitate optimi principis expectaret. Feltri- us tanto imminente periculo perturbatus, eorum, quos fideles putabat, animos explorat: quæritur à paucis perfidiſis hominibus proditiſ exercitum tentari, ut flagitiſiſſima defectione ipſum deſerant atque ho- ſtibus prodant: hæc præclare conuinci literis, quas in concione eſſet prolaturus, ſi priſtinam fidem præſtare, iterare ſacramentum, ea inſa- mia & nota perfidiæ fortiſſimam gentem uerique de eoris auidam libe- rare uellent. Igitur centurionum & ſigniferorum fidifiſimo quoque ſeſe grauiter & ſumma cum iracundia perpurgante, comminantæque condi- gnæ poenæ hiſ qui deliquiſſent, ſigno repente tympaniſ dato, armati coronam lato ambitu in caſtris efficiunt: in medium citatur Maldona- tus. Nec mora, ipſe & Maccius, & Plaſola, Conſaluſque Rius, & Sua- res Ruſſus centuriones, literis conuiſti, tumultuarioque ſucclamantis turbæ iudicio damnati crudeliſſime trucidantur. Ea res exercitum in fide magis ac magis Feltrio confirmauit, longiuſque omnium opinione bellum protraxit.

FINIS TERTII LIBRI.

VITAE LEONIS DECIMI,

LIBER QVARTVS.

INTER EA Romæ Alfonsi Petrucii cardinalis scelestum facinus infano animo meditantis consilia deteguntur. Secesserat is in Latinum agrum patria pulsus, uti antea memorauimus, quum in Vrbe esse nollet, & libero ore iuuenilique impatientia, ueluti commota mente, quereretur se per summam iniuriam à Leone cum patria tum paterni etiam principatus possessione fuisse exturbatum: dum enim in Vrbe esset, mollissima tantum uerba factis ipsis contraria retulerat, adeo, ut inde grauissimo concepto odio, exitiali percitus insania, Leonem tollere cogitaret. Fama est eum non semel cum occulto pugione, instructum omni impetufuroris in senatum uenisse, ut nullo protegente, opportunum ictibus aggrederetur, interque tumultuantes & trepidos, senatores, erumpendo, prætorianos falleret. Fectur etiam eum in uenatione incautius diuagantem, prætorianis passim dispersis, adoriri uoluisse: quas omnes cogitationes propter inauditi sceleris infamiam, uitæque periculum penitus abiiecit. Itaque ad struendas subtiliores insidias conuersus, Vercellium circumforaneum chirurgum, admirandis quibusdam experimentis clarum, sibi que intima coniunctum familiaritate, maximis pollicitationibus perpulit, ut in necem pontificis operam præstaret, si curandæ filulæ, quæ illi in ima sedē nata erat, exeluso uetere medico, uocaretur, quando tum facile foret nihil uerentem, linamentis, penenato medicamine intinctis absque ulla tacti sceleris suspicione, proutinus enecare. In hanc spem Alfonsus Vercellii peritiam arque felicitatem laudando, per Iulium Blancium cubicularium & cardinales gratia familiaritæque ualentē assidue commendabat, iamque exturbato uetere medico, locus Vercellio erat patefactus, nisi Leo cunctis aduersantibus salutari quadam uerecundia, minime se nouo medico aperiendum esse iudicasset. Et per se quidem Vercellius homo erat impurus, crudelis, fallacissimique uerterator, sed qui ingenio expedito, & singulari digitorum argutia supra cæteros eius artis excelleret. Detegitur autem res intercepta epistola, quam ad Antonium Niniū scribam suū in Vrbe commorantem Alfonsus à Latio perscribebat. Erat enim per eos dies fama edita in uulgus, Feltrium infesto exercitu ab Umbria Senas deflexurum, ut Lactantium Petrucium Suanensem episcopum, Alfonsi patruelem in patriam Raphaële expulsio reduceret, atque inde per agrum Florentinum euagaretur. Ea consiliis Alfonsi agi potius existimans, omnem curam & diligentiā his rebus cognoscendis intenderat. Itaque Antiquus scribæ cum forialis epistolarum capitur, subiectus quaestioni, literas ignorabilibus ac arbitrariis notis conscriptas tellera prolata interpretari cogitur.

Vercellium qui tum erat Florentiæ specie curandi Gallici morbi, quo Gorius reipublicæ negotii præfessus laborabat, uberrimo proposito quæstu distinet, obseruant tamen hominem dissimulanter, ne fugam arriperet, si periculum alicunde præsensisset. Interim Leo per idoneos homines spem facit Alfonso componendarum rerum, veluti reuocato Raphaële ipsum certa conditione patriæ redditurus. Nec Alfonso cupi ditare patriæ ac exilii tedio adductus, accepta fide, aduentum differt, admirantibus cunctis leuitatem incauti iuuenis, ac effuse ridentibus. Itaque contemptis amicorum præcipuis, qui ne iret, suadebant, in exterior Leonis cubiculo capitur, in arcemque deducitur. Compræhenditur & cum eo Saulius cardinalis, qui Alfonso pecunia iuuerat, & cum eo de Vercellii opera, de futurisque comitiis ambitiosius quàm par esset, consociata uoluntate fuerat collocutus. Perusco autem fisci præfecto paracerbe quæstionem habente, tormentis totius consilii ueritas exprimitur. Aliquot etiam cardinales iracundiæ & decreti sui participes nominat Alfonso, quos uariis de causis in pontificem alieno animo esse, atque eius interitum expectare intelligebat: ad hos potissimum iniuriæ acceptæ querelas deferre erat solitus, vultuque sæpe furoris pleno, ac immanibus uerbis tanquàm ingratum atque maleficum execrabatur: Jurabatque flagrantibus oculis se aliquando despecti & seruientis senatus liberatorem fore, ut pro iniquissimo pontifice alius mox ex eo seniorum globo ad rerum fastigium eueheretur, qui suffragiorum & totius comitialis operæ gratiam liberali animi gratitudine esset relaturus. Erant ii Raphaël Riarius, Franciscus Soderinus, Hadrianus Cornetanus, & ipse Saulius, qui iuuenem effrenate loquentem cum risu & ioco castigabant, utpote qui cum ingenio parum constantem, ac uenationi amatorisq. leuitatibus deditum, tantum facinus nunquàm aggressurum rebantur: quanquàm ipsi animis ambitione atque odio corruptis, nihil magis expetere uiderentur, quàm ut ille insania præceps id scelus ui aperta aut occultis insidiis perpetraret. Riarius enim uetustate honoris ac opibus facile senatus princeps, proximis comitiis iuniorum fraude seniorumque socordia pontificatum sibi ereptum fuisse existimabat, seq. tum amplissimis fortunæ muneribus fretum, si pontifex ab humanis excederet, in summam imperii sedem facile euasurum arbitratur. Insigni siquidem ædium magnificentia, epularum sumptu, decore familiæ, & nobilissimo deducentium comitatu, quum ueras uirtutes cunctis adlantibus minus necessarias putaret, in se unum inanis populi studia conuerterat. Soderinum recentes iniuriæ plurimum incitabant, quòd Petrus frater Mediceorum ui, summi magistratus honore deiectus & patria pulsus extitisset: Erat ei ingenium graue, perspicax, optimisque literis egregie excultum, sed sordidis auaritiæ maculis, & lubricæ fidei spectatis probris magnopere deturpatum. Hadrianus uerò nulla maleuolentia, sed uana regnandi cupidine inductus Leonis mortem expectabat

certam

certam enim spem adipiscendi pontificatus conceperat ex oraculo fatidicæ mulieris, quæ quum pleraque iam pridem interroganti de sua & publica rerum fortuna exactissime prædixisset, constanter etiam affirmarat fore, ut Leoni immatura morte sublato succederet uir senex, nomine Hadrianus, obscuro natus loco literarum studiis insignis, qui sacros honores gradatim sola nixu uirtute, sine ulla maiorum commendatione meruisset: hæc omnia sibi uni aperte congruere uidebantur. Nam Corneto infami Tuscorum oræ oppido, familia tenui & prope fordida ortus, uno bonarum literarum beneficio, singulas sacrorum ordinum dignitates fuerat consecutus. Neque vetulæ oraculum fidem fefellit: Nam Hadrianus senex Batauus egeni opificis filius, doctrina illustris, post Leonem prodigiosa felicitate pontificatum est adeptus. Saulio etiam mathematici complures, quæstu in adulationem proni, supremum fortunæ fastigium destinabant. Sed is quamquam à Leone propter suauitatem morum, & elegantis uitæ modestiam inter familiarissimos esset ascitus, sese tamen occulte à pontificis amicitia certis offensionibus auerterat. Nam Leo initio pontificatus sacerdotia, quæ sui studiosis & suffragatoribus ueluti de se benemeritis ex occasione collaturum promississet, plerunque summis præcibus expugnatus, aut consanguineis, aut nouis hominibus concedere cogebatur: ob id plerique cardinales, ea quæ pontifex liberaliter non dedisset, inique sibi erepta fuisse querebantur. In his interperantior Saulius est inuentus, adeo ut in petitione Malsiliensis sacerdotii, Iulium Medicem cardinalem summa tum maximis in rebus autoritate potentem, indigne sibi prælatum, neque eam iniuriam animo unquam depositurum apud incertæ fidei amicos prædicaret. Igitur Vercellii, scribæque Antonii indicis, qui diu torti cuncta fuerant confessi, Alфонsus in tormentis conuincitur: Saulius tortoris aspectum uix sustinet. eo modo tabulis totius quæstionis ordine conscriptis, Leo senatum cogit, Riarium sellæ impositum in arcem deduci iubet: cæteris metu pallentibus, graui habita oratione queritur suam lenitatem, beneficentiam, comitatem acerbissimis iniuriis remunerari: & quod esset inauditum, parari sibi nefaria crudelitate insidias. scelestique eius consilii aliquos esse conscios, qui in senatu essent, quibus ueniam sincera fides esset daturus, si sponte crimina faterentur. quod si pernegando id facere differrent, nequaquam postea captis & conuictis ullum ueniam locum futurum. Nec mora, Soderinus & Hadrianus ad tribunal accedunt, supplicesque ueniam impetrant, multantur tamen decem milibus aureis. Soderinus in Fundanum agrum libero exilio secessit, Hadrianus autem trepido suspicacique ingenio uir, Leonis clementiæ diffidens, ab urbe messoris habitu profectus, usque ad uitæ exitum nullo persequente latebras mutauit. Riario saluti fuit ætatis honor, & ueteris inimiciæ respectus, ne Leo patris vulnera patruiq. cædem, cui Riarius interfuerat, confido nouo crimine ulcisci uideretur: centum tamen milibus aureis mul-

Atus est, restituto pilei honore : ei secessus ad Neapolim , ubi demum
 interiit, liberaliter est permissus . At Alfonsus & Saulius damnati exuti-
 que purpurei galeri dignitate , in subterraneos carceres tenebris ac odo-
 re tetro maxime horribiles separatim detruduntur. De Vercellio autem
 Ac Antonio scriba acerbissime supplicium sumptum, adeo ut curru per
 urbem circumducti , carptimque discerpti cadentium forcipum morsu-
 bus, ac ad extremum strangulati in frusta secarentur . Ea seueritate pon-
 tifex magnum terrorem omnibus incusserat : plerique enim in decer-
 nenda poena mitiorem sententiam dixerant ; nonnulli etiam liberius po-
 stulabant , ut quaestioni atque iudicio reorum cardinalium senatorii or-
 dinis duo iudices adhiberentur, quod indignum esset, uiros sacros, tan-
 quam nocturnos fures, praefecti rerum capitalium acerbitate atque sru-
 tia uiolari : alii confingi ea crimina , falsoque damnari infontes uiros, ut
 pecunia in sumptus bellicos iniquissima ratione pararetur : Quoniam
 magis ac magis exardente in Umbria Feltriano bello, Romae atque Flo-
 rentiae aeriis penitus exhaustis , pontifex contra naturam suam metu
 saeuus, ac inopia rapax euasisse diceretur : adeo ut nemo fere optimi be-
 neficentissimique pontificis uicem doleret , qui immanitate Alfonsi &
 caeterorum , qui nefaria ambitione praecipites insanierant, perfidiosa ta-
 citurnitate penè oppressus extitisset . His de causis ira atque indignitate
 permotus, alio sibi fenatu opus esse iudicauit , si principem nequaquam
 incautum contempnitioneque ridiculum, sed sibi maxime sapientem for-
 temque agere uellet . Itaque incredibili ac inusitata liberalitate, uno atq;
 triginta cardinalibus senatum repleuit , patribus plane despectis , atque
 his contracto pallore mustantibus . In his fuere octo Romani , quorum
 princeps extitit Pompeius Columna, aliquot post annos ab immodera-
 to studio Caesaris , & ob id patriae excidio insignis . Creatus est & ante
 alios Hadrianus à Bataua , qui Leoni ipsi in pontificatu successit . Fuit
 autem is nouus uti maxime repentinus tot senatorum delectus, non mo-
 do Vrbi Romanaeque aulae, sed prouinciis omnibus longe gratissimus .
 Nam incredibili fretus iudicio , ex omni prope natione, uirtute, doctri-
 na , nobilitateque clarissimos extulerat , ita ut omnis generis homines
 Mediceae familiae, incomparabili eo beneficio in omnem temporum for-
 tunam obligare uelle uideretur . Obscurauit tamen in magnanimo uiro
 eximiae liberalitatis laudem quaestuosa nonnullorum ambitio, qui neces-
 sitate urgentis belli ad ancipitia consilia adactum , opportune pecunia
 iuuerant : nemo tamen paulo uirtute clarior pecuniae subsidiis indiguit,
 quum mediocribus aliqua ex parte profecissent. Caterum in omnem lae-
 titiam ad gratulandum effusa ciuitate, quum epulum in Vaticano nouis
 patribus daretur, Alfonsus in carcere, Orlando Aethiope strangulante,
 necatus interiit . Saulio autem uitam impetrauit Franciscus à Cibo fa-
 milia, sororis Leonis maritus : ei quoque mox honorem pilei cumulata
 benignitate restituit, quum cum auribus tantum , non atroci uoluntate
 peccauisse

peccauisse iudicaret. Sed is aliquanto post, quum ad Eretum exularet, supremū contraxit morbum: atque ita placato iam pontifice, impetratoque reditu, in Vrbe defunctus est. Dum hæc Romæ fiunt, in castris pontificiis omnia fœda obuenerāt. Legatum Bibiennam seditio militaris afflixerat, nam Germani Italique & Hispani simul, ac Vascones ad calonium excitato tumultu multisque interfectis prope more militiæ cōstiterant: aded ut præferre crucis signū legato, & in medios inter uoluntaria tela deprecantis habitu procurrente, uix dirempta sit pugna. Ex ea seditione unaquæque natio militum, veluti diffusa aliis, ira & timore consternata, seorsum factis excubiis tetendit: quæ res sicuti ducum ipsiusque legati auctoritatem imminuerat, ita sublato metu pudoreque petulantia militari uiam aperuit, aded ut cūctis in proxima castella ad prædam dilabentibus, totus prope exercitus flagitiosissime solueretur. Vascones etiam supra eius detrimenti calamitatem, magno pontificiorum in contumodo, ad Feltriū Ambra, & Carbone ducibus transfugerunt. Ipsi uero Rentius atque Vitellus in tanta rerum deformitate, contempti à suis, & ab hostibus irrisi, ut in aduerso rerum successu sæpe accidit, omnē administrandi belli rationē amiserant. Itaque Leo ingenti semper spiritu aduersæ fortunæ obuiam ire assuetus, ex recenti pecunia copias instaurat, à regibus auxilia mittuntur, Gallicum equitatum Sisseius adducit: uenit & Potentianus regulus è Neapoli cum trecentorum cataphraſtorum ala ornatissima. Heluetiæ quoque cohortes, adducente Gaspare pratorianorum præfecto, Ariminum perueniunt. His rebus cognitis Feltrius è Piceno regreditur: superioribus enim diebus eam regionem infesta populatione percurrerat, delatusque Pisaurum, pontificios ad Imperialem collem castra habentes, nocturno prælio superat. Itaque ad opprimendos Heluetios ingenti celeritate Ariminum contendit. Venerat enim in spem potiundæ urbis, explorato occultiore aditu ad eam partem, qua marmoreus pons antiqui operis urbi cōmittitur. Sed eum subter fornice audacter ingressum, atque amnem uado se transire posse existimantem, maris æstus, quo amnis ea forte hora plenius intumuerat, importune fefellit: ita ut milites ægre pectoribus extarent. Pugnatum est tamen cum Heluetiis, qui in suburbanis tectis confederāt, prælio ancipiti & maxime cruento: Nam & ipse Gaspar cum fortissimis suorum cecidit. Verum signiferi, quanquā angusto atque difficili loco pugnarentur, mira constantia sustinendo illata undique vulnera, & tuendo aditum, egregie sese defenderant. Feltrius ipse sclopetto thoracem ictus uitæ periculum adiit. Bozulus plumbea pila vulneratus est. Valastichinus Hispanus, singularis promptitudinis sclopettiorum præfectus, & Guinea centurio insignis cecidere. Arimino frustra tentato, Feltrius per conualles Apeninini in Etruriam se conuertit, non longe ab Anglaria in Florentinorum sinibus castra ponit, planeque uictor inde Perulinis, Tifernatibus, Senensibusque terrorem infert. Sed antequā expedire cōsilia & promoue-

re castra posset, ab Hispanis destituitur. Nam Leo duces ac centuriones omnes effusa largitione corruerat, cohortibus triplex stipendiū fuerat pollicitus, dabātque auidissimæ genti aliquanto maiora præmia si Feltrii desererent, quàm illi sibiipsis ex opima uictoria poposcissent. Intelligebant etiam non insani acutiq̃ue homines, sibi cum ualidissimis copiis esse confligendum, neque ullam omnino spem misericordiæ ab iratis hostibus sibi superesse, si aliquo insigni accepto incommodo uincerentur. Vgo quoque Moncata Caroli regis nomine apud cohortes Hispanorum concione habita fuerat contestatus, eos contra rempublicam & regis imperia facturos, subindeque futuros in Hispania reos maiestatis, si pro Feltrio contra pontificem arma ferre perseverarent. Quas ob res in non dubiam salutis suspicionem adductus Feltrius, sese uniuersis nequaquàm demisso animo commendat: gregariorum etiam militum implorat fidem; & præclare ostendit ipsos ignominia inexpressibili notatos iri, si se de ipsis optime meritum in ea spe summæ uictoriæ prodidissent. proinde si sacramenti militaris obliuisci uellent, ut Caroli regis iussis obsequerentur, debere eos nequaquàm priuato paucorum arbitrio, sed publico cohortium omnium ac alarum consilio pacisci, ut sibi honestissima conditione, de salute fortunisque omnibus caveretur, nec uti plane deserto à suis ac immerita necessitate circumuēto, spes omnes ad tolerandum exilium sibi erectæ scelerata conspiratione uiderentur. Acclamauēre milites ut optime speraret, ipsos enim & de pudore suo, & de ipsius salute magnopere sollicitos nequaquàm commissuros esse, ut traduci uel decipi à quoquàm posset. Nec multo post quum de compositione pensatis & exæquatis utrinque cōditionibus, tabulæ scriberetur, diserte appositum est, ut Feltrio Vmbria excedenti, secum tormenta ænea suppellectilemque omnem & bibliothecam, quam Federicus auus insigni cum laude condiderat, auertere liceret: atque ita post octauum mensem grauiſimo bello finis est impositus, tanta cum lætitia pontificis, ut magno metu magnoque periculo liberatus, nihil ostingentis milibus aureis (tot enim in belli sumptus impenderat) omnino commoueretur. Dum hæc geruntur, Selinus Turcarum imperator, Cāpsone Gaurō Memphitico rege ad Alepū acie cæso, Syriam imperio suo adiecit: progressusque ad Memphim, Tomumbeium, qui post Campsonem imperium ceperat, aliquot præliis superatum, ac demum ab Aegyptiis proditione traditum necauit, in ipsa Memphi laborioso ac ancipiti pugnæ genere Mamaluchis omnibus trucidatis: adeo ut ab Amāno monte ad Rubri maris angustias, atque item à Cyrenæicis finibus ad Arabum solitudines & Euphratem late omnia in potestatem redegerit. Contuderat & biennio ante Persarum arma uictō in Calderanis campis Hyſmaële Sopho. Is Parthorum & Medorum copiis ac studiis fretus admirabili celeritate Assyriæ & Persidis maiorisque Armeniæ regna sibi uni parēre cōegerat. Quibus de causis Leo pontifex, qui Turcarum

potentiam

potentiam finitimis undique subactis in immensum excressentem maxime formidandam esse existimabat, supplicationes per Urbem indixit, ipse insigni concepta pietate discalciatus ad Mineræ templum profectus est, ut reipublicæ Christianæ incolumitatem Deiparæ uirgini commendaret. Exinde ad totius Europæ reges è cardinalibus uirtute ac eloquentia insignes legatos misit, ut sublatis offensionibus, ex autoritate sacrosancti pontificis, communi omnium consilio consociatis uiribus, impotenti barbaro bellum terra marisque ad publicam salutem ac laudem inferretur. Sed quum singuli reges in id consilium suscipiendi belli præclarum maxime studium magnificis pollicitationibus ostentarent, nequaquam tamen, ut in unum uoluntate ac opibus iungerentur, adduci potuerunt. Gerendi autem belli ratio sic à Leone adhibitis in consilium peritissimis ducibus fuerat constituta, ut Maximilianus Cæsar Germaniæ robora in legiones cōscriberet: Pannonio autem & Sarmatico equitatu maxime uteretur: & secundo amne Danubio in Mysiam, atque inde in Thraciam rectà contenderet, Franciscus uero Gallorum rex cum florentissimis Galliæ ac Italiæ copiis à Brundisio in Epirum traiceret. Hispani Lusitanique ac Britanni, comparata classe ducentarum nauium ad Byzantium usque nauigarent. Ipse pontifex ueræ laudis & gloriæ cupidissimus, cum centum rostratis nauibus se ab Ancona cōfestim nauigaturum pollicebatur. Erat enim in summa spe trahendi Veneti senatus in partem belli: nam eos tacitis uotis nihil magis exoptare intelligebat, quam ut Christiana arma in Turcas ueros & proprios hostes ingenti omnium consensu atque apparatu uerterentur. Sed mox fatali socordia nostrorum principum, quum quisque alienæ gloriæ inuideret, ea consilia decoris & pietatis longe plenissima perierunt. Nec multo post Maximilianus Cæsar, quum febre laboraret, & parum opportune pharmacum sumpsisset, Veltii in Noricis montibus est defunctus. Eo mortuo ad petendum Romani imperii honorem nonnulli candidati prodierunt. Non iam enim Cæsares, ut antiquis mos fuit, à militibus creantur; quum inueterata cōsuetudine septem regulorum suffragiis fiant. Ex his tres sunt sacratissimi urbium sacerdotis insignes, Colonienfis, Moguntinus, Treuerensis, & totidem militares nobilissimi Germaniæ reguli, Saxonum dux, comes Palatinus, & marchio Brandeburgensis: septimi uero suffragii prærogatiuam obtinet rex Boëmiæ, ut si ex æquo disiderant, ipse ad maturandam electionem superante suffragio, in quam uoluerit partem, accedat. Petebant ante alios Franciscus & Carolus Christianorum longe maximi ac opulētissimi reges: huic tanquam præclara indole uitam hæreditatem adeunti Germaniæ studia non deerant: illum uero mirifica uirtus, & bellicæ laudis specimen, atque item ingentes opes ad tuendum imperii nomen haud dubie pares uehementissime commendabant. Ipse Leo Franciscum magnis innixum largitionibus, in ea contentione fouendum adiuuandumque suscepit, Robertumque

Vrsinum ad id in Germaniam legatum miserat. Sed postquam animad-
uertit nonnullorum procerum auaritiam uel amplissimis donis expleri
nequiuisse, & uigere in ingeniis Germanorum uetera odia aduersus
Gallos, Francisco suadere conatus est, ut pro se peteret desisteret: ami-
corum uero opera uteretur ad subleuandum Brandeburgensem regulū,
ne Carolus imperio potiretur. Præuidebat enim uni ei ad maxima quæ-
que audenda incredibilis potentia facultates parari; adeo ut Gallia pa-
riter, Italiaque, & pontificio præsertim nomini non temere metuendus
esse uideretur. Sed Franciscus immoderata spe sua inductus, ut pote qui
nihil de eorum studio dubitaret, quorum suffragia optima fide uendita-
ri existimabat, in decreto ambitiosius & perseverantius quam oportet
perstitit. At Leo Comitiorum enētum minime expectandum ratus,
ita Gallo fauere desiit, ut Carolum haud dubie gratia superātem suffra-
gatoribus commendare uideretur. Atque ita Franciscus dum effusa lar-
gitione pro seipso uehementius contendit, nihil earum rerum, uti ma-
gnopere cupiebat, est consecutus: nam & ipse imprimis repulsam tulit,
consternatis metu Germaniæ proceribus, ne ad Gallos imperium turpis-
sima licitatione transferretur: & Carolum demum, quem unum maxi-
me exclusum uolebat, conuersis omnium suffragiis ad summi honoris
fastigium prouectum uidit. Eo nuntio pontificem nequaquam, uti præ-
ferebat, sincera hilaritate lætatum ferunt, quanquam prioris studii sui in
uidiā postremo conuersa commendatione deterfisset. Diuino siquidem
ingenio, cum tot regna in unum collata conspiceret, nimiam Caesarum
potētiam ueluti fatali dissensione pontificiæ dignitati semper infestam,
uehementissime formidabat: & antiqui quoque uatis carmina eum iu-
uenem non obscuris formæ ac ingenii lineamentis exprimere uidebā-
tur, qui à septentrione toti Italiæ, Romæque præsertim & principi sacro-
rum summas clades esset illaturus. Sub id tempus quo Maximilianus Cæ-
sar excessit è uita habitisque in Germania comitiis, Carolus eius nepos
imperator est salutaris. Laurentius Medices ab iuuenili intemperantia
concepto lætali morbo Florentiæ interiit. Is uxorem duxerat è Gallia
regiæ cognationis: erat enim è familia Bolonia in Ambianorum finibus
ad Oceanum ualde illustri. Nam Feltrio expulsō, recuperatoque Urbi-
no, Laurentius se totum insigni cupiditate ad Francisci regis amicitiam
contulerat, Hispanos maxime perosus, qui recenti bello Medicæam do-
mum in extrema salutis & dignitatis periculā coniecissent. Leo quoque
perlibenter cognationem morte Iuliani fratris intercisam cum floren-
tissimo rege renouandam existimauerat. Hæc noua nupta incredibili
apparatu Florentiæ suscepta, post decimum fere mensem maritum ad
uitæ exitum ultro festinantē quinque diebus antecessit, in supremo mor-
bi imperu puellam enixa, quam hodie Francisci regis nūrum conspici-
mus. Erat Laurentius corpore ad equitandū gestandaque arma peri-
doneo atque habili, uultu uero admodum atroci, & in eam speciem su-
perbe

perbe sirpe compositò, nam adulatione corruptus supra naturæ uim & ferus & militaris uideri uolebat: defuit ei ingenium ciuile & temperatum, unde illi nullæ lachrymæ ab ciuibus quum insigni pōpa funeris efferebatur. Erat enim fama edita in uulgus eum Lucēses & Senēses subigere, Florentinorum ceruicibus munitissimam arcem imponere, & denique ab infero mari ad superum late prolaris finibus regnum conderè cupiuisse, ut ipse Porſenæ exemplo, adiuuantibus Gallis, Etruscorum rex appellaretur: quibus consiliis uti nimis ambitiose temereque susceptis, ipse Leo & Iulius cardinalis, moderando ac differendo, obuiam semper iuissent. Laurentio uita functo, pontifex Iulium cardinalem Florentiam misit, ut ad clauum reipublicæ sederet. Is incredibili humanitate atque munificentia singulos omnium ordinum ciues complexus, ita rempublicam constituit, ut æquisimæ libertatis status, renouata felici illa ueterum temporum conditione, reductus esse diceretur. Florebat & tum maxime Roma incredibili rerum omnium ubertate, lætitiæque omnis generis hominum. Nam pōtifex quietis atque ocii studio Romanorum inimicitias capitalis odii conciliatione edictoque sustulerat. Tradebatur enim posteris dira animorum obliuatione memoria iniuriarum, adeo ut affines innoxii tracti in causam metu mortis publico carere cogerentur. Peregrinos uero immunitate multarum rerum, & perbeata illa sæculi securitate undiquè ad incolendam augendamque urbem inuitabat. Nam ab Insuſtribus atque Carnōmanis Circūpadanisque populis ingens multitudo exagitata diuturnis barbarorum uexationibus fortunas suas Romam auidiſsime trāsferēbat, adeo ut ad campum Martium extructis domibus perāmplam coloniam cōdere uideretur. Nam sicuti eximiis artibus spectatus honor, ita mediocribus opificiis certa merces non decrat. Cuncti enim pro fortuna sua ædificando ornandoque domos & uillas, elegantix magnopere studebant. Censebantur eo tempore ciuium & inquilinorum octuaginta quinque milia: ut hinc quoque clades nostras non iniqua æstimatione desicamus, quum ad triginta duo milia capitum urbem redactam proximi censores in annonæ caritate repererint. Dabat item operam diligenter, ut in prouinciis omnia pacata & læta præfectorum uigilantia & seueritate tenerentur: & quum esset natura lenissimus, si p̄ssime patientiam abrumpebat, si renouatis improborum iniuriis post primam delicti ueniam contumeliose laceretur. Paulum ante alios Baleonum claris militiæ honoribus functum, & erga Mediceam domum studio ac operibus insignem, è Perusia Romam uocatum, eiusque lenitati impense confidentem, quin capitali supplicio afficeret, uel deprecantibus Vrſinis exorari non potuit. Vir enim impotens & factiosus apud Perusinos cruentam maxime & rapinis infamem despectis pontificiis epistolis tyrannidem exercebat. Est & laqueo suspensus Amadeus Recinatium tyrannus, rerum nouarum auctor. Itemque è Fabriano Piceni oppido nobili Zibichius, qui turbulentissimis

concionibus passim habitis exules & obieratos ad arma concitabat. Luit & capite pœnas apud Beneuentanos Hæctor Severianus, uir sanguinarius, factione potens, & uirium robore insignis: Verum ab initio pontificatus singularem strenui expeditique ingenii laudem est cōsecutus, Ren-
cio Mancino nobilissimæ stirpis Romanæ ciue in arce securi percussio. Is ab immani audacia truculentus affinem suum Cornetanum in templū Mineræ confoderat, & uecordi impetu cunctis minitari; magistratus imperia despiciere, uexare denique omnes uel in media urbe consue-
rat. Ab exercitu Veneto, in quo alam sagittariorum equitum ducabat, cum ignominia quondam eiectus, quod turmalem suum de fuga cogi-
tantem deligatum arbori totius alæ sagittis crudelissime transfixisset: Exercuit & supra naturæ consuetudinem summum ius in damnandis, qui falsos libellos ipsius subscribentis manum mentiti in iudiciis protul-
sent: adeo ut Sebastianum Taruisinum tum in gymnasio Romano leges profitentem, & alioqui ea calamitate indignum in campo Flore concre-
marit. In cæteris criminibus puniendis eum ciuilem animi tenorem sem-
per obtinuit, ut ad clementiæ laudem auide properare remissa seuerita-
te diceretur: Cæterum nulla in re ardentius & effusius, quàm ad liberali-
tatis gloriam anhelauit, eos principe loco indignos existimans, qui ne-
quaquàm benefica manu Fortunæ muneribus uterentur. Nemo enim
uel ciuis uel peregrinus, qui paulo nobilioris artis famam teneret, nemo
uel maleficus poëta, nemo alicuius optimarum literarū partis non igna-
rus unquàm fuit, qui benignitatem humanissimi principis non senserit;
Quineriam ipsum cœnantem spectantes, & ex his aduentitios & parum
notos homines ultro pecunia donare erat solitus; eo præsertim libenti-
us, quum obsoleta ueste indutos conspiceret: Purpuream etenim crū-
menam quodidie aureis nummis sibi repleti iubebat, ad incertas exercē-
dæ liberalitatis occasiones. Sacerdotes quoque, fraterculos, & sacras uir-
gines, quæ intra septa religiose pudicitiam custodirent, mensuris subsi-
diis eleemosynæ nomine iuuabat. Magnum ueteranum militum ac exu-
lum alebat numerum: nihilque uehementius contendebat, quàm ut ne-
mo calamitatem, & Fortunæ aduersæ mala & incommoda pateretur.
Sed has præclaras liberalis excelsæque animi uirtutes, cum nimia sæpe
uitæ luxuria, tum obiectæ libidines obscurabant: ita tamen, ut iucundi-
tate blandæ facilisque naturæ potius, ac regia quadam licentia, quàm
certo deprauati animi iudicio in ea uitia prolabi uideretur; quum fre-
quenti blandientium turba cubiculi fores obfesse, paucos admitterent,
qui alioqui docilis uerecundique hominis solutos mores cohiberent,
amicorum optimis ad ea conuiuentibus, ac libenter sese illecebrarum
ministris immiscentibus, ne gratiam apud summos principes in lubri-
co positam in discrimen adducerent, si ingratum auribus potentium re-
prehensionis officium honestatis atq. beneuolentiæ specie suscepissent.
Verum hominem hilaritati humanisque sensibus facile seruientem mi-
rum

rum in modum incitabant plerique cardinales opibus ætateque florentes, qui illustri loco nati, ac liberaliter educati, regio luxu uitam in uenationibus, conuiujs, atque spectaculis libentissime tradebant, cum his pontifex uetere studiorum consuetudine, & recentibus comitorum officijs uehementer esset obligatus. In his fuere Ludouicus Aragonius, Hippolytus Atestinus, Sigismundus Gonzaga, Alfonso Petrucius, Marcus Cornelius, & Federicus Sanseuerinus, qui decoras domi familias, plerisque ingenuis ultro se in seruitutem ambitiose dicantibus, magnumque equorum & uenaticorum canum numerum inuitatis sumptibus alebant. Accesserat & Bibienæ cardinalis ingenium cum ad arduas res tractandas peracre, tum maxime ad mouendos iocos accomodatum. Poëtices enim & Etruscæ linguæ studiosus, comœdias multo sale multisque facetijs refertas componebat: ingenuos iuuenes ad histrionicam hortabatur: & scenas in Vaticano spatiosis in conclauibus instruebat: propterea quum forte Calandrum comœdiam à mollibus argutisque leporibus periucundam in gratiam Isabellæ Mantuani principis uxoris per nobiles comœdos agere statuisset, precibus impetrauit, ut ipse pontifex de conspicuo loco despectaret. Erat etiam Bibienæ mirus artifex hominibus ætate uel professione grauius ad insaniam impellendis quo genere hominum pontifex adeo flagranter oblectabatur, ut laudando & mira eis persuadendo, donandoque plures ex stolidis stultissimos & maxime ridiculos efficere consueuisset: Vti Euangelistæ Tarascono Parmensi ab epistolis honesto seni accidit, qui se repente nouo studio ac leui persuasione summum esse musicum putabat: huic adeo industrie ac suauiter est adulatus, ut uana inflatus opinione, incredibilia ac ridenda quædam musices præcepta commentaretur: citharædis enim lacertos obligari, ut quadam intentione nervorum in articulis & digitis argutias firmitus & clarius exprimerent: quum uero phonaforum chorus induceretur, aulea detrahi iuberet, ut uoces nudis parietibus illis, acutius atque suauius resiliirent. quæ omnia ad alendam hominis insaniam probabat pontifex, quando ipse in ea arte consumatissimus secum de tonis & chordis totaque numerorum proportionem disputaret, ac se omnino superari egregia simulatione fateretur. Baraballi quoque Caietani eximia stoliditati, procacius quàm sacrosanctum pontificem deceret, illi sit, quum ille insulsissimos uersus ab omni uocum ac numerorum enormitate ridendos facere, & palam recitare soleret, seque alterum Petrarcham in Etruscis rhythmis esse prædicaret. eodem enim perpetuis adulationibus inflammatum gloriæ cupiditate perpulit, ut meritum gestandæ laureæ honorem postularit, ac subinde ut insigni pompa in Capitolium duceretur; quod in Capitolio Petrarcham coronatum quondam fuisse audisset. Tanta uero uis singularis insanie fuit, ut quum ad famam publici apparatus legatio amicorum & affinium Caietanorum prope in Urbem conuolasset, ut hominem à concepto furore detererent, accer-

bisimis uerbis eos repulerit, tanquàm maligne benignitatem pontificis interpretantes, ac rarissimi honoris immortalis gloriæ sive prorsus inuidentes. Ergo quod uix credibile foret, nisi ea nos mira com uoluptate uidissemus, sexagenarius senex honesta ortus familia, proceritate, vultu, & canicie uenerabilis, toga palmata & lato clauo, auro purpurâque niten-
ti, cæterisque triumphis sumptuosis insignibus exornatus in conuiuium præcinentibus tibiis deducitur, quum de more pontifex diem festum Cosinæ & Damiano Medicæ familiæ Diuis tutelariis dedicatum hilarius celebraret. Ibi quum diu ad ostentationem absolutæ artis ineptissime multa carmina decantasset, omnibus iam in ipsa risus compressione defatigatis, ad extremum in area Vaticana despectante pontifice elephantem ascendit, aurato ephippio superstante triumphali sella instratum. Cæterum inter tympana, & tubas, & uoces acclamantis populi, con-
sternata bellua, ultra pontem Hadriani deduci pompa non potuit. cuius triumphis memoriam lignarii cælatores quum tessellato opere lasciui-
rent, in interioris pontificii cubiculi foribus scitissime inscriptam reli-
querunt. Mire quoque fauit Pogio seni, Pogii historici filio, itemque Moro nobili à gulæ intemperantia, articularibus doloribus distorto, & Brandino equiti, Marianoque sannioni cucullato facetissimis belluoni-
bus, & in omni genere popinalium deliciarum eruditissimis. Nam inter alia portenta infantentis eorum gulæ lucanicas concisis pavonum pulpis factas commenti fuerant: quod obsonii genus mox successor Hadria-
nus uir Batauræ frugalitatis mirabundus expauit, quum sumptuarias ra-
tiones Leonis inspiceret. Verum festiuissimis eorum facietis, salis-
que & perurbanis scommatibus magis quàm ullis palati lenociniis oblecta-
batur. In certis anni temporibus, quum genio liberius esset indulgendum,
in extrema inferioris mensæ parte ea conditione regnabant, ut contu-
melias, quas citra ualetudinis incommodum architriclini & structores inferrent, æquis animis paterentur. Multa enim eorum palato ac
auuditati aliena cibaria, falsa gratissimarum rerum specie concinnata, vi-
simias & coruos cœnantibus apponebant. quæ tamen iucunda omni-
bus ac urbano nobilique principe digna erant, in eo tamen, qui augusti
pontificis dignitatem sustineret, à seueris & tristibus notabantur. Vt ue-
ro ea conuiuii pleniore uoluptate exhilararet, Calendis præsertim Au-
gusti amicissimos cardinales ad ludum pictarum chartularum inuitabat:
in quo seni septenique luso-
res in coronam ducti uersabantur: nec ulla in
re blandius liberalitatem exercuit, quum uictor pariter ac uictus in cir-
cumspèctantium turbam aureos nummos benigne dispergeret. Aleam
damnauit semper, uti rei familiari moribusque pestiferam: latrunculis
autem adeo subtiliter & acutè uel cum exercitatisimis colludebat, ut ne-
mo ei uel peritia uel celeritate committendi conficiendiq. prælii æqua-
ri posse uideretur. Non caruit etiam infamia, quòd parum honeste non
nullos è cubiculariis (erant enim è rota Italia nobilissimi) adamare, &
cum

eum his tenerius atque libere iocari uideretur . Sed quis uel optimus atque sanctissimus princeps in hac maledicentissima aula liuidorum aculeos uitauit ? & quis ex aduerso tam maligne improbus ac inuidiæ tabe consumptus, ut uera demum posset obiectare, noctium secreta scrutatus est ? At si aliqua ex parte eo nomine suggillari inclyta uirtus potuit, Leo certe cum superiorum principum fama comparatus æstimatione rectissima continentia laudem feret . Quod si falso notatus (ut credi par est) iniquam subiit inuidiam, miserabilem profecto principum conditionem existimauerim , quando eorum mores, ad arbitrium paucorum improborum suam potius quàm benignam interpretationem accipiant. Sed alia principis, alia hominis esse uicia quis nescit ? hæc uni priuata conditione quum noceant, etiam aliquibus fortasse profunt : illa uero ab dira potestate, & luctum & calamitatem uniuersis mortalibus apportant : id que uerissimum esse constat præclaro quondam populi Romani testimonio, qui neminem sibi principem Traiano meliorem exoptauit, quam quàm eum illicitæ libidinis ac ebrietatis censura notasset. Sed demus ali quid humanitati Leonis uti in summa licentia feruidæ ætatis ac prosperæ ualentudinis æstum ægerrime sustinenti, postquàm in magnis salutaribusque uirtutibus optimi atque benefici cognomentum facile meruerit. Constat tamen eum, quòd à prima adolescentia opinione omnium summam continentia laudem fuisset adeptus, non importuna quædam pudicitia castitatque præsidia quæsiuisset : quando nequaquàm pristina uita more tam multis delicatisque obsoniis uteretur : Itemque animo uere pudico, die Mercurii carnes non edere, die autem Veneris nihil gustare præter legumen & olerac die demum Saturni cœna penitus abstinere, incorrupta lege instruisset. In his uero quæ rem diuinam respicerent nequaquàm secunda fama prægrauari est uisus . Nam indulgentias uetera pontificum ad parandam pecuniam instrumenta adedò plene atque affluenter prouinciis dedit, ut fidem sacrosanctæ potestatis eleuare uideretur : in hoc etiam detestabili legatorum auaritia deceptus, qui se animas defunctorum singulis acceptis aureis expiare, à purgatoriisq. poenis eripere profitebantur . Prolatis enim ingentibus bullatis membranis per templa concionari erant soliti : adeo ut hæc impudenti corruptela exciti complures è Germania uiri doctissimi, eam pontificis piam benignitatem tanquàm auaritiæ sordibus inuolutam irriferint, inducto subinde Luthero ex Augustiniana secta fraterculo, qui malesana uehementique eloquentia dum in pontificem & Romanæ aulae mores inueheretur, euulgato passim nefando dogmatis ueneno, religionem euertit : unde illi Hæresiarchæ cognomen partum, non ambigua fortasse cum laude, si in unum tantum pontificiæ causæ iugulum nihil turbatis ueteribus ceremoniis incubuisset . Sed facundiam eius, sacrarumque literarum peritiâ ab infami transfugio abiecta imprimis cuculla, & mox afsiduæ in ganeis computationes, & cum sacra uirgine ad libidinem quæsitus tho-

rus magnopere descenderunt. Non defuerunt tamen grauiora astutioraque ingenia, quæ nequaquam uexatis sacris, pontificiam maiestatem auaritiæ nomine suggillarent: quando fama esset eam pecuniam cognatis & amicis in profanos sumptus erogari, quum oppugnandis Turcis, edificandoque Diui Petri templo religiosa fide seruari debuisset. Diruerat enim Iulius magnam templi partem, ut admirabiliore structura reficeretur: sed insanæ uastitatis correpta testudine, & pilis ingentibus erectis, tanta absoluedi operis difficultas proponebatur, ut Leo, quem nulli unquam pro laude suscepti sumptus deterruerunt, animum negotii uastitate superatum facile desponderet. Eius quoque sacræ pecuniæ partem in Vaticanæ domus ornamenta transferri dictitabant: ut ipse pontifex Diuo Petro melius ac elegantius habitaret. Triplices enim porticus ad orientem obuersas, unde subiectam urbem & Neroniana prata iucundissimo prospectu quotidie despectare erat solitus, miræ pulchritudinis extruxerat: condecoratis scilicet fornicum atque testudinum ordinibus excellenti pictura, & pauimento ad argumenta insignium Medicæ domus elegantissime uariiegato. Cōclauia quoque per quæ aditus est ad intimum cubiculum, laquearibus auratis & iucundissimis signis albario opere depictis in luculentiorē formam redegerat. Quinquaginta etiam milia aureorum nummū impendisse ferebatur in aulea Belgica, ab intertexto auro nobilitateque artificum magnopere pretiosa, quæ tametsi supra fortunam præsentis sæculi sumptuosa erant, uel ob id tamen non ueniæ modo, sed laudis etiam nomen ferre posse uidebantur, quando non inanium rerum figuris ostentandæ luxuriæ, sed expressis Apostolorum historiis Sixti facello, ad augustiorem altarium & sacrorum maiestatem dicarentur. Sacerdotium uero nullum unquam uenale proposuit, uti Alexander & Iulius sæpissime fecerant, quum ab ambitiosis & ditibus pretium duarum aut trium decimarum, & biennales etiam redditus antecapere, & officiis sacerdotia permutare sibi iure optimo licere arbitrantur. adeo ut mirum sit Leonem largiore manu pecuniam effundere solitum, ab hoc uberrimo lucri genere abstinere potuisse: præsertim Laurentio Pucio cardinale magno poenitentiario nullum omnino quaestum pontificibus illicitum esse prædicante. Is enim natura officiosus atque beneficus sæpissime à ueterum decretorum seueritate, uel exigua cum spe mercedis, industriam suam & auctoritatem ad implenda petentium uota facile transferebat. Acciditque nonnunquam ut pontifex de pudore sollicitus, quum libelli de grauisimis rebus subscribendi porrigerentur, ipsius maxime Pucii, quod diuini iuris esset peritissimus, fidem imploraret, obtestando ne se imprudenter in errorem labi pateretur: quando mox ab aliqua enormi concessione æquitatis fines transgresso poenitentia simul atque infamia laborandum foret. Sed necesse erat unis tantum belli pacisq. muneribus deditum ac alieno quaestu potius quam suo gaudentem, nonnunquam inusitatæ concessionis

infra

infamiam subire : uerum ad id adeò inuius trahebatur, ut aliquando Iu-
 lum Blancium è cubiculariis sibi gratissimum eluserit, importunis scili-
 cet precibus postulantem, ut iniquo libello subscriberet, quo duo regio-
 nibus distincta sacerdotia, tralato alterius redditu, unius tantum templi
 dedicationem subirent. Leo nanque, quod neque obtemperandum ne-
 que omnino negandum censeret, percunctatus quanti ea gratia clienti
 uenderetur, libero ore ducentis aureis respondenti, totidem è crumena
 numerauit, libellumque discepit. Venationibus etiam & aucupis no-
 bilioribus adeò perditè studebat, ut spurcissimas sæpe tempestates infa-
 lubresque uentos, & frequentia mansionum ac itinerum incostimoda
 obstinate contemneret: confusus ætati ac firmæ ualetudini, quam equita-
 tione uarioque motu corporis se tueri posse existimabat, præsertim si
 inambulationibus apertis uagaretur, ac animam innati caloris copia
 æstuantem & cælo libero & multo spiritu recrearet: quando, & super
 hæc antiqui ulceris beneficio iuuaretur, quo ab ima sede, quicquid sto-
 machi uel iecinoris uicio conceptum foret, sensim effluere consueuisset.
 Manlianam uillam secundum Tyberim quinto ab Vrbe lapide, quan-
 quam proximi stagni halitu & caliginosi aeris intemperie prope toto
 anni tempore infamem, hyeme maxime frequentabat. Ex eâ enim ue-
 luti ex portu uenatorum classes in subiectos salinarum campos ceruo-
 rum copia celebres educebantur: In uenando autem sicuti præcepta ar-
 tis ad normam exactioris disciplinæ patientissime obseruare erat soli-
 tus, ita seueritatem asperè admodum uir aliqui lenissimus semper exer-
 cuit, in eos præsertim, qui petulanti discursu aut uocibus temere editis
 improuisa feris effugia præbuissem: ita ut claros sæpe uiros, acerbissimis
 contumeliis oneraret. At si quando imperitia, uel fortuito errore homi-
 num, aut feris subtiliore aliquo insperatæ fugæ compendio seruatis, uel
 iis denso in nemore contumacius latentibus infelicitèr uenaretur, incre-
 dibile est quali uultus animique habitu dolorem itacundiamque præfer-
 ret. Propterea amici familiares ea temporis momenta prouocandæ li-
 beralitati maxime aduersa sedulo deuitabant: quando aliàs secundum
 opimam uenationem, ac præsertim uario ac insigni labore aliquo nobi-
 lem, maxima beneficia incredibili benignitate collocaret. Ipso ferme
 semper æstatis exitu, quum primum cælum pleniorè pluriâ temperatius
 foret, ac insalubres æstus frigidiorè aura mitescere uiderentur, Vrbe sta-
 tim Viterbium ad aquas calidas euolabat, ubi coturnicuth perdicumq,
 & phasianorum aucupis aliquandiu erat intentus, quod genus auium ac
 cipitribus ac astutibus arte edoctis singulari cum uoluptate sedabatur.
 Ad Vulsinios demum, propter lacus amoenitatem ac eximiam eius tra-
 ctus rerum omnium fertilitatem, ex itinere descebat, & in ipsa & ad
 exitum Martæ amnis piscabatur. Quibus in locis regali apparatu excipe-
 re cum solebat Alexander Fernesius cardinalis, qui eam regionem fre-
 quentibus uillis atque prætoriis ingenti ac erudito sumptu passim ædifi-

catis consitisque fructiferis arboribus exornabat. Inde per Tuscum agrum uenabundus modicis itineribus ad mare circa Grauisacas & Centumcellas descendebat. Quo viæ flexu apud Cornetum in Tarquinienſi longe celeberrima ceruorum aprorumque uenatio parabatur, & ea qui dem in perampla planitie ac maxime ad tendendas insidias opportuna, quæ artificio naturæ humanis uoluptatibus arridentis, perpetuis terrenis collibus cincta, ingentis amphitheatri speciem ad ferarum exitium uenantibus præbet. Sub ipsas demum Nouembres calendas à Centumcellis per Alsium & Cereueteris syluas in Urbem redibat, nec multo post in Manlianam reuertebatur, uixque inde reuelli poterat, nisi aut senatus habendi aut solennium sacrorum causa ad Urbem uocaretur. Erat enim is locus edendis ardearum ac miluorum præliis peridoneus, quæ geminis aut pluribus mansuefactis falconibus in sublime manu emissis aduersus id genus auium uario, ac ob id maxime spectabili, euentu per immensa cœli spatia miscebantur. Tanta autem agrestium ac populorum omnium gratulatione atque lætitia excipiebatur, ut cuncti eius aduentum se uel fructuosissimis mensibus fertiliorem sentire faterentur, ut pote qui senibus ac pueris puellisque in uiam effusus, ac rustica munera passim offerentibus, non modo pecuniam largissima manu rependeret, sed etiam appellando humaniter ac sciscitando, qua nam maxime in parte rei domesticæ acris à Fortuna præmerentur, uirgines dote præbita subleuaret, affectis autem morbo ac ætate, uel numerosæ familiæ onere prægrauatis æs alienum protinus dissolueret. Nihil enim in magno principe dignius atque præstantius arbitrabatur, quam iuuare mortales, alienæ calamitati obuiam ire, lætosque omnes ab se dimittere: ut ad beneficium humani generis se, uti antea in minore fortuna concupiuiſſet, supremæ potestatis dignitatem appetiuiſſe testaretur. Eo modo diuina ac humana moderantem; & cunctis læta pace fruentibus, fatalis necessitas Gallico bello implicuit. Cæsar enim, qui ab Hispania enauigato Oceano in Germaniam uenerat, & Francofordiæ ab exercitu acclamatus fuerat imperator, Robertum Sedanium in Eburonibus armis persequebatur: hunc cum Franciscus defendendum suscepisset, repente bellum exarsit ualde atrox & maxime diuturnum, quo Europa prope omnis, diffuso late incendio, per nouem annos deflagrauit: Repetebat ex aduerso Nauarræ regnum Franciscus, quoniam Ioannes Rex, qui à Ferdinando sub Britannici belli tempore fuerat expulsus, in fide & clientela Galliæ regum extitisset. Quibus de causis Galli Asparosio duce pulcherrimam naçti occasionem, Vasconibus & Cantabris arma intulere, quod ualidissimæ ulterioris Hispaniæ ciuitates propter incredibilem Cæsarianorum præsidum avaritiam ad arma consternatæ, haud obscure rebellarant. Itaque superatis Pyreneis, & Pompelone metropoli capta, arceque tormentis expugnata, Galli ad Hiberum usque felici successu signa promouerant. At Cæsar per id tempus totius Germaniæ concilium

ciliū Vornatix in Vangionibus ad Rheni ripam peragebat, sublatisq. liberarum urbium & procerum controuersis, legibusque & foederibus ex autoritate suscepti imperii æquissime constitutus, pio excelloque ingenio se totum ad cognoscendam Lutheri causam conuertebat. Venit in concilium Lutherus sub fide publica, atque ita infano ore causam dixit, ut eius sectæ placita veterum hæreticorum dogmatibus inclusa damarentur, quæ iam pridem in pluribus conciliis, & Constantiæ Basileæq. præsertim à uere doctis & Christianis hominibus explosa & seuerè vindicata penitus exoleuissent. Summa uero iudicii Cæsaris fuit, ut palam diceret, Lutherum eloquentem & literatum uideri, sed ab infano ingenii impetu pene furiosum. Itaque ipso castigato, eius libros, uti in religione pestilentes, in foro concremari iussit. Quæ Cæsaris decreta usque adeo Leonis animum ab eo insigni cum publicæ tum priuæ pietatis officio deuinxerunt, ut tum præclare decerneret à Cæsare se staturum, si bellum in Italia ab Hispaniis & Galliis transferretur. Erat Romæ Ioannes Manuel Cæsaris legatus, usu grauissimarum rerum insignis. cū hoc Leo transiegit, iniitque foras ut Galli Italia pellerentur, Franciscus Sfortia Mediolanense imperium iure paternæ hæreditatis obtineret, Placentia uero & Parma Leoni tanquàm à Gallis impotenter ereptæ redderentur. Id bellum ingenti animo suscepit, angebant enim uirum decoris & laudis studio desagrantem ex urbes ueluti infami pactione, & turpissimo metu amisse, quos Iulius pontifex egregia uirtute Gallis ademisset. Super id ferre non poterat Gallorum prædictorum superbiam, qui sacerdotia totius Gallix Cisalpinæ, despecto plane pontifice, cōtra eius autoritatem, uti libido ferret, indignis hominibus adiudicabant, quos ad Urbem de more citari & uocari in ius proposita pœna uenerant. Ea res periniquæ impotentisque insolentiæ plena, Leonem dignitatis ac existimationis nomen tueri solitum ab amicitia Francisci regis auerterat, qui & dissimulante Feltrianum bellum aluisse credebatur, non inanibus coniecturis, quum eius auxilia Ambra Carboneque Vasconum ducibus ad Feltrium transfugissent, & à Sisseio equitum præfecto, qui nunquàm in conspectum hostium uenisset, quædam oppida ex fidelissimis fœde ac hostiliter direpta fuisse cōstare: mortuo quoque cum uxore Laurentio, & Iuliani fratris uxore in Galliam remissa, regiæ affinitatis iura magna ex parte abrupta uidebantur. Eo etiam libentius pontifex ad Cæsarem inclinauit, quoniam à Gallis se Florétia pulsū, & ad Rhauen nam demum captum, Soderinianisque temporibus eorum armis, quominus patriam repeteret, diu prohibitum fuisse memoria retinebat, neque recentis beneficii ingrato animo obliuisci uellet, quum Ferdinandi regis studio, ac insigni opera Hispanorum militum Florétiam reductus, ac etiam non obscura eius amicissimi regis commendatione ad pontificatum euectus extitisset. Hæserat quoque memori apinio uetus iniuria ab Octauiano Fregosio accepta, qui Franciscum regem, inito cum eo

occulto fœdere, contra auctoritatem atque iudiciū benemeriti de se pontificis in Italiam euocasset. eum enim omnino Genua pelleret, & acceptam ab eo contumeliam grauissime ulcisci decreuerat. Nec ad id cohortator concitatorque uehemens & opportunus deerat Hieronymus Adurnus, ab omni uirtute leuissimus, qui cum Manuele Leoneque egerat, ut ipse per amicos factionis eiectō Fregosio Genuæ principatum ad sequeretur. Ad hæc peragenda in bellicos sumptus ingentem auri uim collegit, nequaquam prouincialibus expilatis, sed instituto nouo equestri ordine ad numerum quadringentorum, ii equites coemptis priuata pecunia eius dignitatis officiis, ex uetigalibus demum quotannis cente nos aureos accipiebant, & immunitatis prærogatiua iuuabantur. addidit etiam cubiculorum scutiferorumque collegia, officiis eorum uenaliibus, ad eam spem uberrimi reditus, sicuti ante Iulius officia annonæ præfidentium instituisse. Summa belli Prosperi Columnæ demandata est, cuius prudentiæ uirtutisque bellicæ Leo plurimum confidebat. Subsecutus quoque est ipse Piscarius cum Hispanorum cohortibus. XX. & Antonius Leua cum ualido equitatu. Præfuit pontificiis Federicus Gonzaga Mantuæ princeps, adiunctoque ad Italicam legionem, Germanorum ac Heluetiorum peditatu, ad oppugnandam Parmam profecti sunt. Eam urbem Lescutus Lotrechii proregis frater, & Federicus Bozolus imposito præsidio tuebantur. Quassati sunt tormentis muri à Placentina porta, eo euentu, ut Pontificii nullo propugnante per ruinas irrumperent, & citiore urbis parte potirentur: nam Galli clam deductis & retractis ultra aninem omnibus copiis, intercisisque pontibus, ampliorem & nobiliorem urbis partem, ubi forum, & prætoria, & templum maximum uisuntur, erectis subitariis munitionibus acerrime defendebant: iamque multis acceptis detrimentis Galli in statione ægre uim tormentorum sustinere cœperant, cum Lotrechius traiecto Pado, adiunctis sibi Venetorum copiis, ut fratri oblesso opem ferret, ad Tarrum peruenit. Tum uero nihil dubitatum est, quin reuocandi educendique occupati præda milites forent, ne cum duobus simul exercitib. ancipiti prælio & iniqua conditione dimicare cogerentur. Itaque is conatus fœdum habuit exitum, dissensione atque emulatione potius quàm imperitia ducum, aut militum ignauia: nam haud obscure iam enata erant initia pestiferæ similitatis inter Prosperum atque Piscarium, quum hic elato animo alienis consiliis obedire, ille uero inueteratam nominis existimationē præferre, ac demum uti imperio, & prouectæ ætatis honore concuperet. Castris ad Niceam annem retractis, incredibile dictū est, quantam Leo bilem doloremque conceperit, non ferebat enim æquo animo contumeliam acceptam, & dedecus militare admissum, quando non hostium uirtute, sed suorum contumaci discordia ac exitiali altercatione uictus esse uideretur. Itaque Leo in unam abolendæ ignominie paranæque uictoriae curam intentus, supremas spes in Iulii patruelis uirtute collocat,

cuius

cuius singulari prudentia in omni grauiore negotio, sicuti & moderatione in regenda republica Florentina, nudatis omnibus sensibus urebatur. ad hunc Florentiæ commorantem, manu sua literas, quas nos tum uidimus, in hanc sententiam scripsit. Vides mi Iuli quo loco res nostræ sitæ sint: quum eas duces ipsi turpissima dissensione penè præcipites dederint: in hac enim rerum deformitate dignitatis nostræ, que uiris uitae prior esse debet, iniquam aleam subimus: tu uero unus omnino es, qui spectata uirtute tua, atque authoritate dissidentes conciliare facile potes, & quod in summo uoto est, uictoriam è manibus prope ereptam recuperare, si mature in castra cõtendis. Obsecro te igitur per decora maiorum nostrorum, & per publicam salutem, ut legati nomine, militaris imperii munus suscipias, & confestim ad Niceam prouoles. Te enim auspice præclarum latumque huic bello exitum Dii superi dabunt, & uotis nostris, ut in optima causa, recte pieque susceptis secũ dissime subscribent. Vale. Nec mora, Iulius quanquàm dubia spe, alacri tamen uoluntate fratris precibus paret, profectusque Florentia, & mutatis ad celeritatem iumentis in castra peruenit: Tum uero duces eo disceptantē atque adhortante, in unum gerendi belli consensum redire, lætari milites, atque optime de uictoria sperare. Erat enim in eo uiro cum humanarum artium, tum bellicarum etiam rerum peritia singularis, longo usu, & uariis utriusque fortunæ experimentis comparata: Super hac uigebat in eo summa authoritas, & uis imperii ad explicanda finiendaque consilia, magnumque etiam auri pondus ad stipendia secum attulerat. Quas ob res confirmatis & erectis omnium animis, tota castra ingenti spe atque lætitia complebantur. Eodem die in consilio decernitur Padum amnem, relicta in tergo Parma, ponte confecto superandum, ut ad incitanda Insuorum studia bellum in Hostico gereretur. Nec multo post ad Casale oppidum uniuersus exercitus Padum traicitur. Idem ad Cremonam facit Lotrechius, minutisque præliis ad Bebricum sæpe contenditur. Sed Lotrechio ad Olii amnis ripas egregie propugnante, Pontificii per Matthæum Sedunensem cardinalem, ad quem ab initio depulsis Italia Gallis fama gloriæque pertinuit, Heluetios in auxilium euocant, atque illi uberioribus stipendiis inuitati, per Bergomatium fines, deturbatis ad Eupilum lacum Gallorum Venetorumque præsidis, in castra perueniunt: magna siquidem hominum admiratione, quum eodem tempore Francisco regi in Belgio, Lotrechioque item in Gallia Cisalpina, atque ipsi maximè pontifici magnis undique susceptis emolumentis stipendia mererent. Erant etiam relicta cis Padum circiter duomilia Heluetiorum: eos initio belli Antonius Pucius, quem nunc cardinalem uidemus, in Italiam adduxerat, cum his hic uir sacratissimus, adiuncto sibi Vitellio cum duabus equitum alis, ad Bondicum Alfonsi Atestini copias prostigauit. quo die Ferrariensium res in magnum discrimen adductæ fuissent, nisi Vitellius cohortanti Pucio, & recenti uictoria uten

dum esse prædicanti, parum pugnaci consilio parère recusasset. At Lotrechius hostes tantis adauctis copiis Abdux amnis transitu prohiberi posse ratus, ad ulteriorem fluminis ripam, extentis ad multa milia passuum perpetuis munitionibus, cum toto tormentorum apparatu confedit: sed dum à Piscario maximaque parte exercitus contra Ripaltam oppidum per simulationem construendi pontis distinetur, Itali pedites in superiore Abdux loco lintribus noctu transuecti, Vaprium oppidum in hostili ripa deiectis Gallorum prædiis occuparunt. Ea re cognita Lotrechius Lescurum fratrem cum ualida equitum manu, expeditisque Vasconum cohortibus Vaprium misit, ut hostes ægre uno atque altero tantum nauigio transeuntes ante opprimeret, quàm maioribus subsidiis firmarentur. Sed Iulio legato Prosperoque ab aduersa ripa administrantibus & cohortantibus, Grisonorum manus duce Teccano, & Hispanorum cohortes duæ opportunissimo tempore transiuerunt, quorum aduentu confirmati Itali, qui ab ædificiis omni telorum genere ac ignibus oppugnati acerrime locum defenderant, sese ad conferendas manus effuderunt. Pugnatum est per quatuor horas uario euentu, quum etiam Lescutus ultro dimissis equis, insigni audacia cum cataphractorum globo per angusta uiarum pugna, fessis iam Vasconibus, excepisset. Ad extremum Galli egregie repulsi, multis desideratis, amissoque vexillo ad Lotrechium redierunt. Tum uerò exercitus omnis ad transiendum amnem adcurrit, tota scilicet ripa nudata prædiis. Nam Lotrechius Mediolano timens, reductis tormentis, sublatisque signis eò contenderat. Is quanquàm abstinentiæ atque iustitiæ laudem ferret, superbia tamen & crudelitate erat inuisus. nam per eos dies Manfredum Palaucinum, qui à Lario lacu cum Germanorum manu irruerat, captum iu frustra discindi iusserat, atque item Bartholomeum Ferrerium eius rei conscium, eximiæ nobilitatis equitem, eadem supplicii acerbitate trucidarat: ita ut denegato sepulturæ honore, damnatorum capita, hastis infixæ propinquis & ciuibus spectanda in arcis area ponerentur: Christophorum uero Palaucinum opibus & claritate generis illustrem, nequaquam regis iudicio damnatum, postridie quàm Mediolanum est reuersus, capitali supplicio affecit, ut Mediolanenses crudeli exemplo terribitos, ualidius in fide cōtineret. Peruersa etenim ratione Lotrechius quaesitis nouis amicitiiis hostili animo Triuultiorū Palaucinorumque principes fuerat persecutus, qui antea Gallico nomini maxime studuissent, fortemque operam aduersus Sfortianos superioribus bellis præstitissent. Nam & ipse Triuultius tantus imperator, qui tot uictorias Gallis regibus spectata uirtute peperisset, accusante Lotrechio, ad dicendam causam media hieme in Galliam uocatus, concepto ingenti animi dolore apud Carnutes obierat. Cæterū Lotrechio cuncta præidia in exteriori suburbanæ regionis munitione collocante, Pontificii & Cæsariani Placetiæ & Cremonæ Ticinique ac demū Parmæ egregia omnium uoluntate reci

te recipiuntur. Quo successu uictoriæ, duces erecti in spem potiundi Mediolani instructis agminibus ad Romanam portam ire pergunt : Erat in urbe otium summæ securitatis, adeo ut Lotrechius inermis cū globo ducum interiores urbis regiones obequitaret, & nihil omnino de aduentu hostium præsentire crederetur: Existimabat enim hostes sine tormentis nequaquam aggeribus esse successuros, quòd itinera uti pluuio die maxime lutulenta, prouehendis curribus inextricabiles difficultates allatura uiderentur, Sed Piscarii uirtus atque celeritas cuncta ad uictoriam aperuit. Is enim cum expeditis Hispanorum sclopettariis antecedens, aggeribus successit, adortusque Heluetiâ stationē, & Venetos in proximos tendentes, penè priusquam cōspiceretur, intra munitiones irrupit: hos secuti Germani atque Itali tantam imparatis & agre resistentibus trepidationem intulerunt, ut fœda fuga undique facta, Theodoros Trivultius Veneti exercitus imperator, qui ad tumultum inermis adcurerat, uulnere accepto caperetur, ipse Gritus legatus uix beneficio notis non plane cognitus euaderet, & Gallorum equitatus magno circuitu intra urbes deferretur. Tum uero direptis hostium castris Piscarius continenti cursu ad Romanam portam contendit, ibi ab amicis demisso ponte recipitur. Nec multo post Iulius legatus, & Prosper, ipseque Mantuanus Ticinensi porta suscipientibus Gibillinæ factionis principibus, interiorē urbem intrant. Porro Galli Heluetique circa arcem signa sistunt, metuque territi eadem nocte Comensi porta effunduntur, tanta deformitate incedentium agminum, ut, quom summi duces Lotrechio adessent Lescutus, Vandenesius, M. Antonius Columna, & Feltrius Urbinas, his omnibus ueluti inopinata calamitate attonitis, omne rei bellicæ consilium cum ipsa exercendi imperii autoritate penitus ereptum esse uideretur. Defuit Pontificiis ad summam uictoriam persequēdi hostis facultas, haud dubie obscuræ noctis tenebris intercepta. Nam multo maxima copiarum pars & totus ferme equitatus, ipsique præsertim Heluetii, qui postremam aciem ea die tēuerant, extra urbem uix accepta per manus rei gestæ fama constiterunt. Tantæ uictoriæ nuntio accepto pontifex, cum in Mañliana uilla esset, incredibili lætitia est affectus: nam eo triduo literæ de Heluetiorum ambigua fide acceptæ, animum incerta & ancipiti spe uictoriæ suspensum sollicitis cogitationibus excruciarant. nec multo post, priusquam cœnaret, obrigit, sensimque exorta est febris à quodam miti tepore longe lenissima, sed quæ ei summa extitit. ob id sequente die in urbem est reuectus, iam certius ac plenius erumpente morbo; pessimumque omem imminentis mortis in ipso cubiculi limine accepit, in quo constiterat architectus ligneam offerens sepulchri effigiem, quod tum insigni marmoris cælatura Henrico regi in Britānia parabatur. Sed ea febris, quòd ex interuallis lacesceret, à medicis adulantibus, aut iudicio, deceptis aliquā diu neglecta, adeo uehementer demum incubuit, ut penè priusquam morbus dignosci pos-

set, & fatalis hora sentiretur, turbata ratione sit ereptus: paucis tamen ante horis quàm è uita migraret, supplex, iunctis elatisque manibus, atque oculis in cœlum pie coniectis, Deo gratias egit, constantissime professus, sed uel funestum morbi exitum æquo pacatoque animo laturus, post quàm Parmam Placentiamque sine uulnere recuperatas, honestissima de superbo hoste parta uictoria, conspiceret. Vixit annis quadraginta septem, imperauit octo, totidemque mensibus, & diebus undeuiginti. Fuère qui existimarent eum indito poculis ueneno fuisse sublatum: nam cor eius atrii liuoris maculas ostendit, & lien prodigiosæ tenuitatis est repperitus, quasi peculiaris & occulta ueneni potestas totum id uisceris exedisset. Ob id coniectus est in carcerem Barnabos Malaspina minister à poculis, non obscuro indicio, quòd Leonem, pridie quàm decumberet, in cœna post haustum uini calicem, statim obducta & tristi fronte ab eo quæ fuisse constabat, unde nam sibi adeo amarum & insuaue uinum propinasset. adauxit quoque patrati sceleris suspicionem, quòd ipse sub auroram, quum septima noctis hora pontifex expirasset, specie uenandi cum canib. Vaticanam portam exiisset, adeo ut à prætorianis uti fugitiuus caperetur, his scilicet admirantibus dissolutum hominis ingenium, qui intempestiuas absque ullo pudore quæreret uoluptates, quum tota aula extincto beneficentissimo domino in lachrymis & luctu uersaretur. Sed Iulius Medices, quum è castris ad comitia in urbem esset reuersus, insigni prudentia de ueneno quæstionem haberi uetuit, ne in nomen alicuius magni principis inexpressibili cum inuidia quæreretur. Sed qualiscunque Malespinæ animus fuerit, temere nō affirmauerimus certe post nonnum annum alterius ambigui criminis reus, quasi reseruata à Diis in eum diem impii flagitii pœna, Mediolani capitali supplicio punitus est. Sunt & qui potius crederēt, uenenum in pillulis ex aloe, quibus per hebdomadam ad subducendam aluum utebatur, sumptum fuisse, decepto scilicet Serapica cubiculario, qui eas in loculo, uti ad frequentem usum, negligentius seruare consueuisset: nam biduo ante quàm Leo moreretur, Lesbius abaci præfectus nullo concepto morbo interiit, quum duas ex his pillulis de more ad tuendam ualerudinem forte sumpsisset. Non defuère tamen, qui & ministros & principes ea calumnia omnino liberatos uellent, quasi pontifex obstructa iam plane fistula, & ob id saniosis humoribus ad præcordia reiectis, letalem morbum facile conceperit: præsertim quum & his diebus turbidus auster nebulam pestilentem è palustribus campis ad uillam importune detulisset. Ego certe haud obscuris ab arte medica innixus coniecturis, nunquàm crediderim, ea membrorum robora, eamque uim largissimi caloris, in ipsa corporis temperatura fermè æquali, & ob id ad producendam uitam maxime idonea concidere potuisse, nisi alicuius nobilis ueneni scruitia multo impetu ad ipsa uitalia penetrasset, quando ad perferendam quamlibet inusitatæ uel etiam continuæ febris contumeliam, ea firmata

te cor

te corporis atque animi in multos dies omnino paratus esse uideretur. Erat enim statura corporis admodum excelsa, toto habitu succoso potius quàm pingui, & eo quidem per singula membra uenuste commensurato, teretibus scilicet directisque cruribus, & manibus candore formæque longe pulcherrimis, sed una capitis amplitudo cætera membra, enormi prope excessu, nec tamen sine dignitate superauit: unde illi naturæ dono admirabilis ingenii captus & memoria rerum omnium singularis: subtrahebant etiam magna ex parte oris suauitatem obese malæ & oculi extantes conuolutique & hebetes, uerum si ad pupillam inspicienda propius adiuueret, supra fidem acutissimi. supplices enim libellos, uel minutissimis literis, & crebris syllabarum compendiis properanter exaratos celerrime & distinctissime lectitabat: admota autem cristallo concava, oculorum aciem in uenationibus & aucupiiis adeo late extendere erat solitus, ut non modo spatiis & finibus, sed ipsa etiam discernendi perlicitate cunctos anteiret: Ex ore eius uoce suauis & tenera sermones profuebant ad omnes affectus exprimendos peruenisti. nam neque in feriis astricta grauitas, neque in communibus liberalis lepor, neque in mollioribus urbana fecunditas unquàm defuit. Dictabat epistolas Etrusce & Latine pereleganter & expedite: componebat etiam uersus non illepide Latinos, Etruscos uero peramœna iucunditate delectabiles. nouerat quoque Græcas literas, nequaquàm ad ostentationem, sed ad præsidia Latine eruditionis. Legendi autem ac relegendi oblata quæque, & præaltos etiam codices absq. ulla fastidii suspitione audisissimus æque & patientissimus fuit, adeo ut quum incomparabili memoria frueretur, omnium gentium sæculorumque historias in exemplum actionum suarum opportunissime recitaret. Sed in eo maxime ad absolutam laudem singulis rebus æstimandis uiguit iudicium excellens, eruditum, illustre, tanta admiratione omnium, uti plerique ex academia fecunditate ingenii insignes, non temere aliunde quàm ab ipso Leone rerum suarum censuram expeterent. Sacra confecit, singulaque ceremoniarum obuii munia singulari cum maiestate, ut non falso nemo superiorum pontificum eo augustius & decentius sacrificasse diceretur. Componebat etiam uocem, vultum, gestumque in omni occasione negotii apertissime atque celerrime, transferebatque mores ad personam, diuina quadam præsentatione petentium uotis occurrens, ut quum forte aliquid esset negandum, tenerrimis excusationibus supplicantis animum præoccuparet, speque ultro iniecta nouæ liberalitatis, totum imminentis repulsæ dolorem extingueret: quod si erat, uti ferme semper fiebat, rogantibus obsequendum, tum uero naturæ suæ propensius indulgebat, & ad cumulandum beneficium tota benignitatis & gratiæ uela pandebantur. Nemini enim adeo liberaliter beneficio est prosecutus, quin ab eo, ueluti concepto pudore exigui muneris, ueniam non peteret, ut non obscure multo plura ac uberiora, quàm tum concederet, ex occasione daturus esse cœni-

seretur. Sæpèque accidit, ut sibi gratiæ à pluribus simul competitoribus agerentur, nemine promissa sibi eripi indignante, quando unus de multis subscripti libelli voto potiretur, & cæteri explorata benignitate propensi uerecundique principis, nequaquam remittendas spes suas, sed omnino adaugendas esse iudicarent. In deliberationibus grauiſimarum rerum diu cuncta excutiebat pensitabatque, ita tamen ut decernendi tarditatem, mira exequendi celeritate compenſaret: Exigebat autem à ministris non modo taciturnitatem & fidem, sed obediendi ex templòque parendi expeditum & uehemens studium, eos maxime perosus, qui ad ostentandum cautæ subtilitatis ingenium, quominus prompte iussis parerent, importunis & curiosis interpretationibus uterentur. Tria esse prædicabat, uti à Laurentio patre sæpius audisset, quæ magno principi in gerendis rebus & laudem & felicitatem pararent; cum amicisſimis iudiciū atque prudentiæ opinione præstantibus diffuse consulare, statimque ab ipso animi decreto maturare ad perficiendum: nunquam obliuisci abſentium amicorum: & nullam omnio suspicionem suæ perſuam putare, quæ uitæ principatusque salutem respiceret. Summæ uero esse popularitatis ad opulentiam urbis annonæ commercia nullis præscriptis pretiis aut legibus uiolare, sublatiſque monopolis omnia ſicuti & ora hominum, libera & uacua metu, priuatis negociatorum arbitriis relinquere; quoniam ea propoſita libertas, mercatorum auaritiæ incitaret, quorum concursu & æmulatione cuncta demum vileſcerent, & urbs ipsa repletis horreis copioſiſſima redderetur. In vindicandis autem publicis priuatiſque iniuriis exiſtimabat, uti ipſe conſueſſet, utendum eſſe temperamento, ratione non omnino difficili, ueluti perſonis atque temporibus accommodata, ut neque ex nimia ſeueritate odium, neque ex ipſa clementia exiſtimationis iactura pararetur. Volebat enim cum à familiaribus & conſanguineis tum à peregrinis & ciuibus magnopere timeri, uerum incolumi omnium erga ſe beniuolentia: nam damnabat illam diræ immanitatis uocem; Oderint dum metuant. & certe non obſcuro nobiliſſimi conſilii propoſito id in tota uita præcipue ſpectauit, ut benefaciendo & promerendo ab omnibus hominum ordinibus amaretur, famæque Medicei nominis ad perennem laudem quàm longiſſime proferretur. Sed qui ab ipſis ueræ uirtutis operibus omni honore digniſſimus habebatur, in hoc uſque tempus, quo Pauli III. ſumma uirtute renaſcentis urbis auſpicia conſpicimus, temporario ac ignobili tumulto conditus iacet: Sed meliore fortasſe conditione ad ſpem diurnæ laudis, quàm ii, qui inanis elogii cæſato è marmore ſepulchra propinquorum expedita pietate meruerunt. Nani & poëtæ, gratiſſimum atque liberrimum hominum genus, per aliquot annos deplorata conditione temporum, & congeſtis in Leonem laudibus, certatim carminibus adfixis tumultum nobilitarunt: & nos quoque pari ſtudio & pietate conſcribendæ eius uitæ munus ſuſcepimus, ut poſtquàm ſumptuoſa

conde

condere pro fortuna nostra non licuit, ab exiguo certe, sed eo fortasse
 immortalis liberalis ingenii monumento, iusta & solennia sanctissimo ci-
 neri soluerentur: & tum profecto non ineptè, quum iampridem extin-
 ctus princeps, inter tot accumulatas clades, quæ postea inciderunt, uelu-
 ti quotidie renouato funere, uerissimis totius populi lachrymis efferre-
 tur: quippe tum decedente inuidia præclarissime, ut in publica Urbis
 & totius Italiæ calamitate, Leonis uirtus enituit. hæc enim haud dubie
 ad salutem humani generis auream ætatem condiderat, quum nos sta-
 tim ab optimi principis excessu uere ferream pateremur: Adeo ut quū
 fatali errore nostro barbara uis cædes, cruciatus, pestilentiam, fa-
 mem, uastitatem & dira malorum omnium incommoda no-
 bis attulisset, literæ imprimis eximiaq. artes & rerum
 omnium copia, communis item salus & publica
 hilaritas, & denique bona omnia tanquā
 eodem sepulchro cum Leone con-
 dita lugerentur.

FINIS VITÆ LEONIS.

Distichon Leonis X. sepulchro inscriptum.

DELITIÆ HVMANI GENERIS LEO MAXIME, TECVM
 VT SIMVL ILLVXERE, INTERIERE SIMVL.

PAVLI IOVII NO-
uocom. Episcopi Nucerini

AD GULIERMUM CARDINALEM DER-
THYSENSEM IN VITAM HADRIANI VI.
PONT. MAX.

PRAEFATIO.

X

OVIT me praclara quadam emulatione gratissimi ani-
mi cui studium Gulierme cardinalis amplissime, ut Hadria-
ni Sexti memoriam literarum beneficio ad posterum quam lon-
gissime proferrem. Nam tamen magni opibus & liberali-
tate penè incredibili sepulchrum marmoreu signis inter cete-
ra Urbis ornamenta conspicuum sanctissimi viri cineribus
operosa celeritate persolveris; id tamen ad aeternitatem,
quam quisque optimus pro gloria avidissime semper spectavit, nequaquam firmissi-
mum erit, & maxime diuturnum: quod vel elaborata excessaq; artificum opera,
vel fortuna atque innumeris invidia casibus subiecta, vel vna nec longi quidem tem-
poris iniuria celerrime consumantur. Itaque & meo veteri decreto, & tua praefer-
tim auctoritate impulsus, non iniucundum tibi fore putavi, si ad dignitatem sum-
ptuosi operis, fidelis etiam historia, & literarum honos, opinione mea facile sempiter-
nus adderetur; Scilicet ut posteris diffusè intelligant, quantum Hadrianus virtute
animi pietateq; in omni fortuna praestiterit; nec è titulo tantum marmoribus inciso,
sed è perpetui actionum omnium annalibus, Christiana vita exempla, sacratis prae-
sertim hominibus petantur. & hercle desiderio votaq; tuo dignum videtur, ut opti-
mi viri nomen, non in Urbe tantum legatur, inclusum scilicet angustis viculis adiculae
spaciis, verum etiam ubique terrarum Latina voce celebretur. Huius autem publici
beneficii laus, apud te, aliquantò quàm apud authorem, verior & cumulatior erit;
quum imperasse scripturo maius sit atque praclarius, quàm iubenti liberalique
animi magnitudine flagitanti, me nequaquam gravare, vel infelicitè obsecutum
fuisse. Sic enim turbidioris saeculi mores ferunt, ut dirissimus quisque laudari effin-
giq; literis ineptum & absurdum putes; quando ipsum scribenda facere, & benigna
manu excicare ingenia oporteat; quod occupati avaritia animi fieri nequit, unde
servili improbaq; adulationi certior atque nobilior sit locus, quàm liberalibus eloquen-
tiae studiis, quorum praesidio perillustre, nec perituum quidem spectata virtuti lu-
men adseratur. Nec mirum est si existimari, optime Gulierme, inter multos bona-
rum literarum praecipuum, & liberalis aestimator: decurristi enim felici passu per
omnes fortune gradus, ut in hanc summi prope honori sedem pervenirere; quam ei

bi ab inenue atate perpetua comites adessent rarissima virtutes, innocentia, mode-
 stia, fides; adieciſti demum pietatem, quæ est vna omnium virtus ſenatore ſacerdo-
 te digniſſima. Hac enim multos diuini atque naſ alibus florentes facile ſuperas, &
 cum præſca atati optimi cardinalibus certiſſima cum laude contendis. Studia porro
 tua plena officioſa humanitatis, moderationis, atque iuſtitia ita in ſenatu, in Urbe,
 totaq; Italia, atque Germania nudantur; vt quum neminem omnino ambicioſe colas,
 vel altius captes, vel maligne circumscribas; hic ipſe, quo emines, pilei purpureiq;
 honos, merito tuo inferior habeatur: Ob id ſere nemo eſt in Urbe bonus, & ſtudio-
 ſus, qui tibi fortunas ampliſſimas, & in hac viridi, venerabiliq; canitie, ſeram ſeli-
 cemq; ſenectam non optet. Miſeri etiam, quorum ſanctiſſima ſunt preces, pro
 tua ſalute vota ſuſcipiunt; neque quos vel durior egeſtas oppreſſerit; vel atrocior,
 & ſeditioſus afflixerit morbus; vel immis Fortuna iactauerit: & hoc loco annu-
 re ſerminas lubet, quas proſtigato quondam pudore nunc demum ab honeſti decoris
 cura, religionis amor, abſtinentiæ voluptatibus intra pudicitia ſecta concluſiſti; ea
 enim ſuppliciter vitam, & dignitatem tuam ſuperius commendans; Quoniam hi o-
 mnibus alendis, ſouendisq; pia, liberalis, opportunaque manu ſemper occurris. Et id
 quidem iucundiore, & clariore cum laude, quod quum tibi vni, qui aurea, & verè
 beata mediocritate delectaris, ſis frugi moderatus, & diligens erga hos demum,
 veluti contemptis opibus, pietate ſingulari proſuſiſſimus habere. Igitur
 ea mente, qua tot virtutes colis, atque ea fide, qua ſcripſimus hoc
 ingenij mei munus ſuſcipias velim; periucundus enim labori
 fructus ceder, ſi vnam ance omnia egregiè pro-
 penſi animi voluntatem expendes; poſt-
 quàm id, uti volebas, & ego ipſe
 cupiebam, elaborata ſlo-
 renique ſacundia
 præſtare nequi
 uerim.

U A L E.

HADRIANI SEXTI VITA.

N

EM Ounquàm ab ulla sacrorum comitiorum memoria, ex his qui literarum & uirtutis opinione claruerit, uel minore sua ambitione, uel tenuioribus amicorum studiis Hadriano Sexto, Pontificatum est adeptus; quippe qui tot candidatis, qui gratia, meritis, atque opibus nitebantur, sine contentione superatis, ipse Romæ nulli cognitus, & uix auditus ab Hispania extremisque Germaniæ oris ad summum rerum fastigium, tam felici, quàm inopinato euentu facile perueniret. Ita ut hinc liquido constet pontificatum fato dari, comitiorumque suffragia nequaquam libidine decretoque hominum, sed certa & incredibili deorum immortalium prouidentia gubernari. Natus est Hadrianus in inferiore Germania ad Belgicum Oceanum in urbe Traiecto, quæ prouinciæ dat nomen, ac inter Batauos & Canenifates summam obtinet claritatem. Nam episcopus sacrorum princeps armatis etiam præest, & latè dominatur; estque ex eorū procerum insignium numero, qui Cæsaribus adesse, & bello paceque operam præstare consueuerunt. Hunc ultimum terræ tractum Hollandiam uocant, cuius sine ab occasu Oceani studiis aliuuntur, cætera ad insulæ formam bicornis Rhenus intercipit. Hadriano pater fuit Florentius, qui familiæ nomen tulerat, uir animi probitate, & ciuili industria porius quàm honestis opibus insignis. Nam adeo angusta re familiari utebatur, ut quum in filio à primis statim pueritiæ initiis miram indolem nobilioris ingenii deprehenderet, & ob id eum altius omnino erudiendum arbitraretur, pecuniam uel in frugalissimæ uitæ sumptus facile suppeditare non posset. Itaque Louanium missus impetrauerit, ut in collegio Portiorū gratuito aleretur. Sunt enim in eo celebri gymasio quattuor collegia disciplinarum omnium referta doctores, Liliū scilicet, Falconium, Castrése, & Portium, in quibus uetere instituto, honestis atque ingenuis, quos egestas presserit, in aliquot annos, ad capiendū ingenii cultum, alimenta publice præbentur. Per hunc modum Hadrianus patre Florentio annuæ impensæ metu liberato, sese ita liberalibus studiis exercuit, ut nemo eo attentius aut ardētius literis operam nauare diceretur. Nulla ferè eum unquàm à scholis iuuenilis uoluptas euocabat, & quum esset supra disciplinæ duritiem, uini, cibi que parcissimus, etiam cæteros æquales suos perenni continentia, & lenitate animi superabat. eratque in eo tanta discendi felicitas, ut quæ aliis essent obscura, uel nimia commentantium subtilitate abstrusiora, ea iucunde rimanti apprehendentique longe facillima uiderentur. Ita paucis annis singulas scholarum classes ingenio & doctrinā facile princeps, secundissimo cursu percurrit. Primum ei dialectici honorem detulerunt, quum

nemo esset eius ordinis, qui ei solertia & acuitate disputandi conferretur. Pari quoque fauore apud philosophos, uti sæpius spectata eruditione insignis, ante omnes candidatos lauream promeruit. Porro in mathematicis ei propè unica contigit laus, quum plerumque sine præceptore conuolutas earum artium subtilitates; & per se caperet sedulo, & cæteris admirantibus lucidissime recitaret. Ad extremum tantis instructum discipulis theologi in scholam auide receperunt; quibus instituiis perpetua cum laude ulque ad senectutem religiose conqueuit, ita ut carptim tamē, & subciliis temporibus pontificii iuris decreta perdisceret. Cæterum quod unum ei uiri elegantes defuisse prædicant, eloquentiæ cultioris flores, & poetarū amœnitates contemnere erat solitus, siue quòd putaret eas sibi aliquid de grauiſsimorum studiorum autoritate detrahere, siue quod callis, & piis ingeniis poetarū lusus, prauos mores importare, & religionibus plurimum officere arbitraretur. erat enim seueritate Christiana adeo uerecundus, ut nihil nisi sobrium, & pudicum, uel ioculariter auribus admitteret. Eo modo probatissimi nominis fama fruentem Margarita Maximiliani Cæsaris filia, quæ tum Belgis imperabat, sacerdotio parochiali in Hollandia liberaliter honestauit; quod tam sibi inopinatum est uisum, quàm postea pontificatus summus, per singulos officiorum & sacrorum ordines euadenti, inexpectatus fuit. Enim uero præclara uirtus adeo ei prosperè Fortunam, & principum animos conciliarat, ut quum nihil prorsus ambiret uel appeteret, sed in altitudinem studiorum abditus, sæpe hominum qui literas nescirent, colloquia deuideret, ad honores, & dignitates occultiore uisiderum non inuitari, sed rapi crederetur. Nec multo post ab hac morum & doctrinæ prærogatiua, suffragiis sacerdotum omnium Louanii in templo maximo Decanus est effectus, qui est in ea urbe inter sacros homines summæ dignitatis locus. Id quoque sacerdotium alium honorem secum traxit: Is est in gymnasio præcipuæ potestatis & præcellentiæ magistratus, uicecancellarium uocant, in scholis collegiorum omnium cuncta moderantem. Nam ei professores deligendi, cōmutandique, & quod est præcipuum, & insigne munus benemeritos de optimis studiis laurea exornandi, cura demandatur, tanquàm uiro in omni doctrinæ genere peritissimo, qui non temere quenquam, nec nisi acerrimis à graui iudicio disputationibus excussum, omnibusque obiter probatum suffragiis, laurea coronatus, & peramplis priuilegiorum codicillis decoraret. Ab hoc sacerdotio, magistratuque ditior factus, nihil mox antiquius duxit, quàm Louanii collegium, ut quintum adiceretur, sub Hadriani nomine luculenter edificare, adiunctis prædiis, quibus studiosi adoleſcentes oppressi inopia cum doctoribus alerentur. Gratissimo namque animo, quum Portii collegii benignitatem agnosceret, priuati beneficii gratiam, publica liberalitate reponendam statuebat. Quod adeo supra eius uires Louanienſibus est uisum, ut non minus ambitiose quàm piè tantæ rei inchoandæ consilium

consilium suscepisse diceretur, quando facultates eius, quæ erant medio cres, uix iaciendis fundamentis suffecturas appareret. Sed quum parsimonia, & sancta frugalitate auctiores sibi efficeret rerum omnium reditus, andeo ingenti animo cuncta est complexus, ut sibi iam tum ampliorum, & supremæ quidem proximam, Fortunam præfagire uideretur. Ferunt Bernardinum Caruaialem Hispanum, qui erat inter cardinales autoritate, atque opibus insignis, quum id collegium tam felici ausu cœptum, quàm facili successu operis perfectum admiraretur, quodam ingenuo dolore concepto, fortunæ suæ indignantem suspirasse, quoniam id opus ad laudem sempiternam Decanus haud planè diues concedere fuisset ausus, quod ipse tantus cardinalis sicuti ab antiquo animi decreto destinasset, nondum inchoare potuisset. Per id tempus Philippus Hispaniæ rex Maximiliani Cæsaris filius apud urbem Burgos morbo correptus interiit; relicto Carolo septenni filio, qui nunc amplitudine imperii, & Augusti Cæsaris nomine insignis rerum potitur. Huic ipse auus Cæsar felici prudentia, quum præceptorem esset daturus, unum Hadrianum præcipua quæsitum cura delegit, repudiatis qui se ambrosie obtulerant, uel amicorum studio producti, ingenium uariis artibus ostentabant. Enimvero ille grauis, & pius imperator non modo lætissimarum literarum magistrum, sed optimorum etiam morum egregium formatorem tantæ indolis & fortunæ puero adhibendum existimabat, quasi eum iam supra Hispaniæ regni hæreditatē quæ ei materno nomine obueniebat, sibi in imperio successorem fore diuinaret. Dicere enim solebat turpe quidem esse magno principi nescire literas, sed longe turpissimum his eum moribus atque uirtutibus omnino caruisse; quæ populis & gentibus imperantem, cum eximia pietatis, atque excellentiæ laude contra superbiam, atque libidinem & reliquas immoderati animi cupiditates inuidum penitus, & incorruptum præstarent. Nec Hadrianus Cæsaris opinionem fefellit, quum nemo ferè ipso solidæ doctrinæ opinione celebrior, nemo sobrietatis, & castimoniæ laude ornatior, nemo uitæ modestia, innocentia, religione prædior haberetur. His enim exactæ disciplinæ præceptis Carolum adolescentem per se natura docilem ingenioque pacatum ad has, quas in ipso maximo, atque optimo imperatore impetrata pace, & Francisco Sfortia restituto agnoscimus & admiramur, incomparabiles iustitiæ, probitatis & clementiæ laudes prouexit; ita, ut afflicta tot malis Italia, quum æquissimi & moderatissimi principis beneficio sublatis bellis pacem receperit, in eiusque salutari tutela, nunc primum secure admodum respiret, & pericunde reslorescat, non modo gratissimis uotis, Cæsari gratias, uti salutis & quietis auctori, habendas existimet, sed magistrum etiam pro sua pietate in cælum receptum, qui discipuli animum sanctissimis moribus instruxerit, religiosissime ueneretur; Quoniam aliquanto maius, & augustius fuit, optimi, quàm maximi principis cognomen bonorum omnium iudicio meruisse: Quum

ea omnia, quæ benigna manu Fortuna præbuerit, eius etiam nunc potestate impotentique arbitrio teneantur: illa uero diuina uirtus, qua duce, non modo ad totius orbis imperium, uerum etiam consummata uictoriarum laude, in cælum certis passibus contendit, firmissimam possessionem sempiterni fructus, & perennis gloriæ præstare uideatur. Desuit tamen Hadriano summa felicitas in excolendo puero; Nā Carolus quum mores in principe literis potiores existimaret, nec his perdiscendis tantum operæ, uel temporis, quantum equorum, & armorum studiis imperiendum arbitraretur, deprecâte præceptore citius quàm debebat scholam deseruit. Ferunt Carolum Ceurium nobilem Belgam, qui tum erat nutritus, ut integra adolescentis possessione fueretur, alumnum militares iocos sapius offerendo sensim auertisse à literis, proptereaquæ Hadrianum auctoritate imparem, & natura lenissimum officio facile decessisse: Ita tamen ut discipulo perblande diceret, futurum aliquando, ut eum præsentis negligentiae poeniteret. Audiui ego Cæsarem quum Germanæ Latinam orationem à quodam recitatam nequaquam præclare intelligeret, suspirantem hæc uerba ingenuo ore protulisse: Agnosco inquit, nunc maxime, & cum dolore quidem Hadriani magistri mei diuina monita, quum hos flores, & elegantias Latini sermonis percipere nequeam, & meminero eum sæpe prædixisse me aliquando puerilis incuriæ poenas daturum. Itaque Ceurio ad summam potentiam cōtendendo, Hadrianus ad Ferdinandum regem in Hispaniam mittitur amplissimo quidem cum munere legationis, nisi ea honoris specie uir æquisimus longius ablegari uideretur. Erat eo tempore Ferdinandus animo nequaquam pacato erga regulos ulterioris Hispaniæ, quod primo statim Philippi generi aduentu, deserta ueteri aula sese ad illius amicitiam recepissent, quum ferè omnes pro sene, & eo quidē genere Catalano, & parum liberali, nouum atque legitimum regem iuuenta, natalibus, & uitæ splendore maxime florentem, cupide sequerentur: usque adeo, ut Federicus Toletanus Albæ regulus ferè omnium solus integra sacramenti religione fidem seruaret. Quibus procerum studiis Philippus eò sese extulerat, ut socerum planè exutum ulteriore Hispania iuuenili quadam alacritate contemnere uideretur, maneretque sola inter eos imago necessitudinis & amicitiae, non expressa quidem mutuis officiis, sed inanibus tantū epistolarum & uerborum titulis sustentata, tanta quidem utrinque suspicione, ut quum ad cōstituendas leges, quibus in regendis prouinciis uterentur, speciemque coniuncti animi populis præbendam, necesse esset ut in colloquium deuenirent, delecto campestri loco, parum familiari habitu, tanquàm ad hostilem aciem promotis utrinque equis sint congressi. Nec multo post Ferdinandus Neapolim nauigauit, ut inde Magnum Consaluum abduceret, uirtute & liberalitate, suspensisque artibus ad imperium aspirantem. Sed eo in Italiam nauigante Philippum uehemens extinxit morbus, itaque rebus cum Neapoli, tum in Hispania feli-

citer

citer cōfectis, rediens Ferdinandus aliquantò amarior, & asperior est effectus aduersus proceres, qui propter intempestiuam ingrati animi leuitatem, intemperanti obsequio noui regis gratiam, ueteris maiestatis honori prætulissent. Harum igitur offensionum memoriam Hadrianus ex animo regis opportunissimo tempore detersit. Erat enim ad temperandas affectiones regis tum exulcerati, & ad uindictam uergentis ingenii uehementer accommodatus; tum ipsa sanctissimorum morum exultimatione, tum suauissimis philosophiæ Christianæ præceptis; quib. rex ipse prudentiæ, & religionis laude insignis, facili obtemperabat. Regulis eo modo sincera fide ab rege, in amicitiam receptis, Derthusensis episcopus fato celsit; in cuius locum iudicio regis & procerum omnium, Hadrianus nequaquam eius honoris appetens est suffectus. Existimabatur enim eo sacerdotio longè dignissimus, quoniam præter incomparabiles uirtutum omnium dones, se etiam tanto oneri fore imparem, uerecunda relictatione prædicabat, & non modo opes, uerum & conspicui nominis amplitudinem, non exiguo sed modesto animo contemnere uideretur. His susceptis episcopatus insignibus, nihiloscus in uetere obeundæ legationis munere perseverauit usque ad ultæ exitum Ferdinandi regis, qui eum propter eximie probitatis, atque iustitiæ laudem, sanctissimi parentis loco enixè coluerat. Mortuo autem Ferdinando, quum Carolus nepos summo populorum studio, tot regnorum hereditatem adiunxisset, remansit etiam tum in Hispania ex legato consiliorum rerumque omnium particeps, & moderator effectus, quanquam summa regendæ Hispaniæ cardinalem Toletanum respiceret. Secutum demum est id tempus, quo Leo pontifex in Umbria difficili bello implicitus, eam cardinalium coniurationem detexit, cuius princeps fuerat Alfonsus Petrucius Senensis. Is enim à Leone patria pulsus, quum uindictæ libidine atrox facinus animo agigaret, iracundiæ suæ decretum cum aliquæ cardinalibus stultissima linguæ libertate communicaratur, unde mox indicis nefarii consilii faciliè deprehensus, ipse in quæstione tortus, & demum necatus infantiæ suæ pœnas dedit; cæteri quòd neglecta salute pontificis, tanti periculi consilia minimè detulissent, adempto iure punice pilei cū ignominia senatu sunt auctori. Fuere ii Raphael Riarius, & Bendinellus Saulius Ligures, & Hadrianus Cornetanus, Francisco autem Soderi non clementer ignouit, ne si ob recentem iniuriam senatu motus esset, id ueteribus odiis dedisse uideretur. Ad horum calamitatem senatus reputatione periculi consternatus, quum alienos ab ea seueritate animos indicendis sententiis ostendisset, pontificem impulit, ut nouis cardinalibus curiam impleret, indignatum quòd parum beniuolo fidelique animo detectæ cōiurationi crederetur. Ea enim tum uidebatur senatorum naturæ lenitas, ut plerique in misericordiam uersi, nequaquam uti debebant, principis periculo permoueretur, & eam cogitati sceleris pœnam, non iustitiæ, sed crudelitatis nomine, haud obscuris sermonibus appella-

rent. Quibus de causis Leo beneficii pariter atque iniuriæ natura grauis æstimator, ut inimicorū contunderet spiritus, & maiores & fidiiores necessitudines sibi, & Mediceæ familiæ compararet, unum & tīginta cardinales, una atque eadem liberali pronuntiatione in senatum legit, egregio & depol excellentique delectu, Si in uniuersū quisque à morum literarumque censura spectaretur, nec immodicus numerus seueriorum animos offenderet, qui sacrosancti ordinis dignitatem imminui, & fœdari tanta multitudine prædicabant. In his fuit Hadrianus Leoni quidē antea ab egregia nominis fama planè cognitus, sed tum præsertim Maximiliani Cæsaris literis, & Alberti Pii, Guliermique Enchawor diu plenissima comendatione laudatus, erat hic Guliermus ex eadem inferiore Germania uetus eius familiaris: qui quum pontificia in aula ab ineunte ætate honesta cum laude solertis industriæ uersaretur, Hadrianum impensè laudare, & doctis sanctissimisque uiris omnibus nostræ ætatis præferre erat solitus. Itaq. Hadrianum arridentis Fortunæ prorsus ignarum, nec tale quicquam tranquillo ingenio cupientem, is qui pileum ab urbe detulerat, operandis sacris occupatum inuenit, ita ut quieta admodum, & lenta quadam hilaritate uenientem excipere, nec paulo iucundius, & liberalius tanto munere letari uideretur; qui animi habitus, ea moderatione definitus erat, ut nihil ad inuidiam propter fastum, sed propter incorrupti animi simplicitatem ad gloriam omnium testimonio uerteretur. Sequenti anno Carolus confirmata cum Francisco rege ad Nouiodunum amicitia, quam iniquis conditionibus impetrasse uidebatur, in Hispaniam uenit; circumuectusque per ultiores prouincias, passim ciuitates, & regulos in uerba iurantes sacramento adegit: nec multo post Cæsar Maximilianus in Germania moritur. Inde pro nouo Cæsare deligendo, procerum comitia habita, in quæ ipse etiam Frânciscus Galorum rex magnis innixus largitionibus pro se eum summi imperii honorem petebat. Sed Germani natura Gallis infensi, quanquàm nonnulli præsentī pecunia corrupti, & ingentium pollicitationum spe inducti labare uiderentur, facile tamē rerum omnium, præterquàm publici decoris memoriam abiecerunt. atque ita Carolus cunctis suffragiis Cæsar est appellatus; Nec mora, tātō cognomine auctus, uti necesse erat, quàm primum in Germaniam redire cōstituit, ut de more apertis in campis, & Cæsar, & Imperator militaribus comitiis acclamaretur. Itaq. eo in Calceos ad Columnas Herculis antiquū portum, ut inde per Oceanū in Germaniam nauigaret, contendenti, Hadrianus cum imperio toti Hispaniæ præficitur, tanta cum dignitate, ut Cæsar recusantē, & præoptantē sequi, humanissimis præcibus, ut manere uellet, exorare cogeretur; quando rege absente in Hispania præside opus foret præclaræ dignitatis & famæ, qui populos nequaquàm adhuc parendi obsequio cōfirmatos, omnibus moderationis atq. iustitiæ exēplis in officio contineret. Verum Hadrianus, uel ob id in Hispania remanebat inuitus, quod alienæ improbitatis in

uidiam

uidiam sibi uiro innocentissimo minimè subeundā esse iudicabat. Erant enim Hispani fermè omnes Belgis ipsis uehementer irati, qui Ceurio principe atq. auctore, ciuitates inulitatis auaritiæ commentis expilassent. Siquidem Ceurius Caroli nutritius, uti erat in procuratione rerum omnium cum incredibili authoritate constitutus, in unam eam præsertim curam rapacis ingenii neruos intenderat, ut quanta uis maximè posset signati auri, uel impudenti ratione cogeretur. Erat enim nouo Cæsari paranda clasis, exornandus in Germania exercitus, remunerandique procures, qui eximia & constanti suffragiorum benignitate, Augusti Imperii coronam detulissent; is erat in Ceurio consilii prætextus: ceterum quum omnia apud eum essent uenalia, non Cæsarianos modo, sed priuatos etiam loculos inexhausta cupiditate auro replebat, adeo ut passim sceleratissimis auaritiæ probris, & maledictis proscinderetur. Oderat Ceurium Hadrianus propter acerbitem atque insolentiam auarioris animi; & super hæc manebant adhuc uestigia ueteris iniuriæ: nam Hadrianus dum Louanii collegium conderet, coniuncti soli non magnam aream cum attigua domuncula ad maiorem publici ædificii laxitatem & elegantiam, à Ceurio nec æquo precio, nec religiosissimis precibus impetrare potuerat. Existimabat etiam se in Hispaniam specie honoris fuisse ablegatum Ceurii impulsu, ut Carolus adolescens uno ipsius imperio pro libidine regeretur. Tum uero minimè dubitabat quin & eius quoque opera in Hispania relinqueretur, ut ad arma consternatæ & planè desciscens provincie, immani æstu & sæuis fluctibus iactatus & absorptus interiret. Nec eum fefellit opinio, nam Cæsare iam adhuc Toleti agente, haud uanus rumor increbuit coniurare in unum ulterioris Hispaniæ populos, & Toleti esse qui Ceurium opprimere cogitarent, quibus cognitis Carolus Ceurio trepidè suadente adeo properè cunctisque inopinantibus, & spurcissima quidem cœli tempestate urbe excessit; ut nequaquam proficisci, sed præ metu prorsus effugere crederetur. Vbi Cæsar ad Oceanum peruenit, legationes ad conuentum euocantur, & quæ est conuentuum fermè omnium summa, pecuniæ postulantur, quas imperare nefas est, nisi reges ad promerenda ea subsidia, populis uariarum rerum immunitates concedant. Petebatur autem ab universis, ut ciuitates Belgis præsidibus liberaret, hique honores æquisima liberalitate indigenis hominibus mandarentur. namque officia ita ad quæstum Belgis dono data erant, ut ea demum præfenti pecunia Hispanis hominibus uenderentur. Sed Cæsar durior est inuentus, quoniam ea insolenter atque superbe petentibus, nihil ferè concedendum arbitratur: Comminatus etiam fuerat Petro Gironi regulo, qui non dubitasset contumaci ore profiteri, se ostensurum quid in Hispania authoritate clientelisque ualeret, postquam Cæsar sibi iniqua liti circumuento, & semioppresso ius dicere recusaret. Cæterum aliquot ciuitatum legati, qui, ut priuatim gratiam & præmia promerere, Cæsari grauiora pecuniæ

subsidia petenti propensiore obsequio obtemperarant, à ciuibus ignominia mulstantur, nonnullique etiam populari tumultu pulsanter: eodem quoque iudicio Segobienfes legatos suos, quoniam audacter & fortiter pecuniam se collaturos pernegassent, nisi amplissima immunitatis prouilegia essent consecuti, tanta cum læticia & gratulatione receperunt, ut honoris causa triumphantium more urbem intrarent. Quibus de causis Hadrianus initia rebellionis maturè opprimenda existimans, aduersus Segobienfes Ronchillium sæuū atque atrocem rerum capitalium præfectum, cum ala prætoria, & cohorte custodum corporis mittit, à regulis etiam proximis auxilia implorat, quibus discedens Cæsar ipsum totius Hispaniæ præsidem creatum uehementissimè commendarat.

Verum Ronchillio Segobienfium agrum deuantante, & commeatus è proximis oppidis in urbem importari prohibente, ut fame subigeret, Toletani & Salmanticensis in auxilium Segobienfibus aduolant, & pulso Ronchillio obsidionem soluunt. Tum uerò Hadrianus ingenti cura angi, euocare beneficiarios proceres, & ampliores copias parare, quibus effrenes infanientesque populos ad officium reuocaret. Ante alios Antonius Fonsæca Cæsaris partes suscipit & ad Metimnam campi nobilis emporium proficiscitur, ut inde ænea tormenta, quæ regiis armamentariis seruabatur in præfentes usus educeret: Facile intelligens nullam uim uel militaribus copiis nullamque uel optimo duci inesse auctoritatem, quæ iusto tormentorum apparatu caruisset. At Metimpenfes uti planè eodem iudicio publicam causam secuti fœderatque finitimis, captis repente armis, ne tormenta educantur, egregiè resistunt. Id uero minimè ferens Fonsæca uir nobilis, & ingenio ferox, ut plerumque fit in turbidis & repentinis casibus, auxilium planè audax, & successu longè fœdissimum capit: proximis etenim telis ignem inferri iubet, ut in summo urbis & fortunarum omnium periculo, ciues à tuendis tormentis, ad restinguendum incendium seruandamque patriam nequaquam ineptæ ratione reuocaret. Sed tanta uelutis obstinatisque animis contumacia inerat, ut tueri tormenta, quàm patriam ab miserabili incendio seruare pulchrius existimarent, adeo ut discedente Antonio, seruatisque tormentis, tanquàm uictores in ipsius patriæ cineribus effulse lætarentur. Ferunt ingentes opes, & præciosa totius Europæ mercatorum, qui nunquid ibi celebrarent, mercimonia omnis generis, & aromata item Lusitani regis incomparabili iactura conflagrasse; quæ res sicuti Hadrianum incredibili dolore affecit, quòd tantæ cladi causam præbuisse uideretur, ita populos iam suoptè ingenio nequaquam regiis magistratibus parentes ad rebellandum ea ueluti accepta iniuria uehementer incitauit, nam haud dubie totius Hispaniæ opes uno eo incendio absumptæ uidebantur. Nec mora singulæ ferè ciuitates præter Bethicas, in unum coniurant, copias instruunt, & non obscurè, uti erectæ ad libertatem, à præsidibus Cæsaris rebellant. Regium tamen nomen in honore habent, & magi

magistratus tantum odisse uideri uolunt, à quibus expilati oppressique indignissima paterentur. Ante omnia iudices creantur niri fortes acerrimi que, qui causam populorum cognoscant. Tum uero humillimo cuique fas fuit iniurias deferre, & liberrime conqueri de impotentia acerbitateque prætorum, qui contra consuetudinem antiquorum Hispaniæ regum populos omneis nulla moderatione uexauissent. ea enim diserte conscripta ad Cæsarem, ut flagitia suorum inspiceret, continuo missuròs dictabant. Erat tum Valeoleti Hadrianus cum senaru regio enocandis regulis & parandis præfidiis intentus, cum ad eum popularium copiæ, duce Petro Girone, qui vnus ferè nobilissimi generis à Cæsare defece-
rat, pacato agmine veniunt; quorum aduentu cognito, senatores metu territi, alii alio habitu, atque itinere dilabuntur. Hadrianus autem eodem animo urbe egressus, dum abire contendit à Girone Ioannèque Padillia sistitur, ii summo cum honore uerborum eum cohortantur, ut redire in urbem & conuiescere uellet, satis superque enim perspectam esse omni-
bus Hispaniæ populis ipsius uirtutem, innocentiam, moderationem, atque ita ipsum, atque ipsius nomen omni tempore propensissime colituros, se & tum Cæsaris nomini parère, & perpetuo fidem seruaturus; Sed decreuisse benemeritis de regum nomine ciuitates nolle eas turpissimæ seruitutis compedes diutius perferre, quas auarissimi, & iniquissimi uiri adolescentis regis præfides nihil tale expectantibus innoxuissent. Hadrianus itaque tranquillo uultu postquam ita necesse erat, armatis ho-
stibus paret: Verum dat secreto operam cum sacerdote quodam, ut perfollo urbis muro, qui uetustate obsitus facile terebrari poterat, noctu educeretur, quoniam priuato captoque similis, postquam senatores dif-
fugissent, parum incolumi dignitate, libi nequaquam diutius permanen-
dum apud rebelles arbitrabatur, & in proximo Riuosicci oppidum erat Amirantis reguli, ad quem perfugere cupiebat, nec multo post omni-
bus deceptis intempesta nocte perforato muro sese eiecit, consecutusque
ad id præparatis equis cum sacerdote in pacatum euasit. Eius fugam Val-
leoletani quanquam grauiter tulissent, tamen familiam cum uniuerso
apparatu ad eum inuiolatam postero die præclara uenerationis atque
obseruantix testificatione dimiserunt. Interea Cæsar cognita tredecim
ciuitatum defectione, opportuno salubrique consilio, duos summæ di-
gnitatis atque uirtutis regulos regendæ Hispaniæ præficit, eosque ad per-
sequendos qui defecissent, pari cum imperio duces creat: Iudacum sci-
licet Vellascum, qui erat magister equitum; & Federicum Henricum,
quem ab ipsa maritimi officii præfectura Amirantem uocabant. Hi co-
actis undique copiis, ad Riuosiccum Egurrorum olim forunt, tibi tum
erat Hadrianus, cum paucis senatoribus perueniunt, & de gerendo bel-
lo consulant, omnibusque consiliis Hadrianum adhibent, quanquam
is nouo successorum aduentu ueluti abrogata potestate penè priuatus es-
se uideretur: quasi is qui esset externus & Belga, itemque uir sacratus &

senex, bellique penitus ignarus, militaribus consiliis minime foret admiscendus. Sed singulari humanitate æquitatēque ducum facile fiebat, ut pristino honore, & solita rebus in omnibus autoritate potiretur, ita ut ambo Hadriani domum honoris & reuerentiæ causâ communi quadam benignitate frequentarent. Dum hæc à Cæsarianis ducibus parantur, populares ad summum insolentiæ prouecti, non modo eos qui à regis iniurias pertulissent audiebant, & bona spe maturæ libertatis implebant, sed populos etiam nobilioribus regulis subiectos tanquàm publici disceptatores causarumque omnium supremi iudices, ut magnis querimoniis iniurias deferrent, inuitabant. quæ res importune mota, procerum omnium animos subito timore corripuit, adeo ut qui modo eius belli tumultusque spectatores esse cupiebant, tam propinquo periculo monerentur, ut sese protinus ad regiones conferrent, tempestiuæque inclinatione applicando vires, & promerere gratiam apud Cæsarem & aduersus populares dicionem & dignitatem suam in tuto collocarent. Eadem de causa Petrus Giro desertis eorum castris ad nobiles se recepit, quo discedente Ioannes Padillia à Toletis, & Ioannes Brauus à Salmantica duces creantur, & ad Tordefillam contendunt. hæc olim fuit Segisama Iulia, ubi regina Cæsaris mater à Philippi coniugis interitu mente commota, in lachrymis, desperatis medicinarum remediis, miserabilem uitam ducebat. Igitur eam uti reginam saluant, suadent ut munia reipublicæ suscipiat, & sese aduersus externos præsidēs uti Ferdinandi regis filiam deceat, cuncta gubernet. Hæc omnia quum ipsa alacri animo se facturam diceret, & ex interuallo atræ bilis nonnunquàm opportuna loqueretur, utpote quæ se Cæsaris matrem, ac Ferdinandi filiam tenacissime meminisset, nequaquam tamen adduci potuit, ut libellis, & codicillis subscriberet, ita ut ea uerborum detractione, popularium consiliis magnum incommodum asferre crederetur. Interim Padillia ne ocium tereret, copias ad oppidum Villapandam ducit, cuius discessu præclaram occasionem rei bene gerendæ Fortuna Cæsarianis ducibus ostendit: remanserant cum regina popularium principes, & illi præsertim iudices, ad quorum nutus cuncta gerebantur, exiguo cum præsidio militari. Itaque Vellascus & Henricus opportuno tempore eductis copiis ad Tordefillam aduolant oppidum temere munitum, priusquam Padillia fiat certior atque opem ferat, inuadunt & occupant. Iudices ipsi cum magna imbellium popularium turba capiuntur, diripitur eo impetu oppidum, atque ipsa etiam reginæ domus. quo negotio ad momentum summx uictoriæ prospere confecto, ad Riuosiccum reuertuntur. Nec multum inde Padillia & Brauus his detrimentis acceptis, se ipsos colligunt, parandasque maiores copias censent, quibus sese aduersus regiones tueantur. Erant apud oppidum Torum circiter octo milia hominum, ex his qui pro publica salute libertatēque, Zamorensi præsertim episcopo concitante, arma ceperant. Zamora autem antiquitus Sarabris fuit: ad hos

ut in

ut in unum iungerentur, Padillia & Brauus motis castris contendunt, & ex itinere Lupatoniam turrim, quæ erat in ditione Amirantis, acriter oppugnant. At regii duces de consilio, itinerèque hostium haud inani coniectura iudicantes, quin & ipsi protinus copias educerent, nullam omnino consultationi moram attulerunt: quoniam magnæ fecilitatis arbitrabantur, si hostibus, priusquàm maioribus copiis augerentur, occurrerent. Itaque à Riualicco cum expedito tormentorum apparatu obliquis itineribus profecti, nouissimum hostium agmen apud uillam Alariam consecuntur. Erant superiores peditatu populares, sed eo tamen tumultuariis armis instructo, & prorsus ignaro militiæ: equitatu autem regii superiores erant cum numero, tum uirtute, nam quisque regulorum secum insignes & ueteranos equites adduxerat. Quum in conspectu utræque acies essent, & à regiiis antecursoribus abeuntium terga premerentur, & undiq. regii toto campo prouolarent; Padillia & Brauus pedestres copias maturè progredi iubent, ipsique alacriter cum uniuerso equitatu ora conuertunt, ut dum insultantium impetum à tergo sustinent, peditibus spacium detur conficiendi eius exigui itineris ad tutissimum receptum; nam uilla Alaria, ut diximus, erat in conspectu. Cæterum Padillia & Brauus acerrimo cum primis contracto certamine, dum sese audacter efferunt, & à peditatu temere disjunguntur, intercepti circumuentique à multitudine regionum equitum capiuntur. qua fortunæ iniquitate territi pedites, dum prima acies ad uillam effugit, & postrema uictorum impetum non sustinet, toto campo conciduntur: fugientibus tamen, & ad terram arma proiicientibus, non obliui humanitaris Vellascus & Henricus, parci iubent, tantus enim pavor amissis ducibus militum animos occuparat, ut qui paulò antè ferocissimè atque acerbissimè uociferando, regiiis extrema supplicia minabantur, puncto temporis animo conciderent, nec quicquàm aliud quàm fugam abiectis etiam gladiis spectarent, ita ut nulla eorum integra manus uti pauore dissipata ex tanta multitudine in unum omnino certum locum euaserit. Postridie Hadrianus prælii campos inuisit, & quanquàm sacrato homini tot conspectis hostium cadaueribus, non erat exultandum, ea tamen uictoria, uel ob id magnopere est letatus, quoddà nefarii belli duces uiui in potestatem deuenissent. Eos Vellascus, & Henricus noxiorum habitu ad ignominiæ asinis impositos per castra circumduci sub uoce præconis, & deum iugulari iussere, ut cæteros eo supplicii exemplo deterrerent. Fèrunt Padilliam æquo pioque animo tulisse eam calamitatem, Brauum uero contumaci ore se proditorem esse pernegasse, ac ob id à lictore uirga immaniter fuisse uiolatum, ad quem Padillia conuersus dixisse fertur, heri inquit sodes summa uirtute nobis depugnandum fuit, hodie autem ea æquo animo subeunda arbitror, quæ Fortuna tulit conatibus nostris aduersa, quum nemo nisi parum pius aut insanus ad immortalem deum, in hoc infelici uitæ exitu animum non conuertat. Cæterum ultimis

omnium Toletanis uixdum pacatis, bellum Gallicum est exortum: per occasionem enim tumultuantis Hispaniæ Asparosius Lotrechii frater Nauarræ regnum inuaserat, occupatōque Pompelone atque eius arce in potestatem redacta, ad Hiberum usque amnem arma promouerat. Neque enim ulli humanarum rerum non ignaro, dubium erat, quin Cæsari in ipsa occupatione intestini belli, aliquod sæuum vulnus inferretur. Sed Fortuna quæ eius rebus effusissime semper fauisset, sublatis discussisq. periculis longè secus ac sanus quisquam putasset, cuncta opportuna atq. facilia ad uictoriam parauit. Nam populi qui dudum ad fidem redierant defectionis infamiam egregia uoluntate, & illustribus factis diluere cupiebant cohortantibus ducibus regiis, atque ipso præsertim Hadriano passim concionante facile contra Gallos arma uerterunt, qui certe nisi magnis laboriosisq. delectibus latè habitis, magnæque imperata pecunia exciri, armariue in ipso ocio minime potuissent. Itaque ualido exercitu Hiberum propere traducto, hostes in Nauarræ finibus adsecuntur. Galli tum forte à Grunio, quod antiquitus Iuliobriga dicebatur, ad Pompelonem modicis itineribus sese recipiebant, utpote qui de calamitate popularium, regionumque uictoria certiores facti, in tuto sistenda signa, & Pompelone expectanda auxilia prius quàm de prælio decertarent, arbitrabantur. Sed quum eorum inordinatus, & segnis admodum esset receptus, Vellascus & Henricus transuersis & asperis tramitibus progressi, ita eorum iter celeritate in paucis miliaribus adæquarunt, ut à fronte uiam quæ ad Pompelonem ducit, occuparent. Nec mora collatis signis pugnari cœptum, & ab initio quidem feliciore Gallo-
 rum equitum irruptione, qua Cantabrorum cohortes prostratæ, fugatæque fuerant. Sed ubi Hispani expansis equitum alis à tergo & à lateribus sese intulere, & peditum promota sunt signa, Gallicæ turmæ, & Vascorum cohortes numero ualde inferiores sustinere nequiverunt, quin sese in fugam præcipiti cursu mandarent, pauci in acie, multi in fuga cecidere, aliquos etiam præaltæ segetes in fuga prætexerunt. Asparosius dux ipse collisa ferreis clauis galea uehementissime sauciatus in potestatem Beomontii reguli deuenit: captus est & Tornonius qui pari propè cum imperio copiis præerat. Cæterum Beomontius Asparosium non multo post carcere emisit, ut creditur, pecunia corruptus; cuius admisi sceleris pœnas postea iudicio Cæsaris exilio, si non capite perfoluit. Tornonius autem apud Hadrianum, & duces in libera custodia est retentus. Ea uictoria feliciter parata, omnes Nauarræ regni oppidorum atque urbium portas Cæsarianis aperuit, atque inde demum Hadrianus ad urbem Burgos est reuersus, exardentēque bello cum in Belgica, tum in Italia aduersus Gallos occupatōque in ora Cantabriæ à Gallis fonte Rabido, operam dedit, ut nulla in re Cæsar, aut diligentiam aut fidem omnino desideraret. Interea Leo pontifex leui ab initio, & serè contenta-
 uenda, sed mox uehementi atque mortifera febre inopinantibus medi-

eis extinguitur. Tum vero cardinales iustis nouendialibus defuncto per solutis, ad comitia coeunt: aduenerat Mediolano mutatis ad celeritatem iumentis Iulius Medices, qui pulsus Gallis, apud exercitum erat legatus. Is magnis opibus, & clientelis innixus, recentique fama rerum prospere gestarum, & prudentiæ, civilisque modestiæ nomine commendatus, ante omnes pontificatum petebat; traxeratque in partes sex decim cardinales in quæis plerique erant iuniores, qui uel ob id ardentius atque expedius Iulio fauebant, quod pro se ipsis minime petendum arbitrantur, & gratiam apud nouum pontificem præclaro maxime studio, apertisque suffragiis omnino parandam existimarent. At seniores quorum plures erant candidati, quanquam duplici ferè numero cæteros superarent, multis tamen de causis ut pontificem declararent adduci non poterant, priuatis scilicet implicati uotis, & uariis factionibus impediti, ita ut nequaquam in unum sincera uoluntate cõsulerent, & sæpe ad alium atque alium magnis ambitionis fluctibus uoluerentur. Sed unum, & certum senioribus detestabili consilio cõiuratis decretum erat nemini nisi ex ipso sui corporis ordine suffragari, quoddam ætatis honore, & opinione uirtutis iunioribus præstare uiderentur. Id porro magnas afferebat difficultates, quominus pontifex libera uoce diceretur. nam quisque ex senioribus suo ambitu inductus, quum ad pontificatum aspiraret, in eo uehementissime laborabat, ut occulta, mutui suffragii pactione alios atque alios ex iunioribus sibi obstringeret, daretque operam fallèdo atque infirmèdo alienas spes, ut in multos dies comitia proferrentur: nam si primi cõpetitores repulsam ferret, nemo erat adeo maculosus & degener, qui sibi ipsi non blandiretur ad petendum, & certam spem minime collocaret in ipsa ætatis uel doctrinæ prerogatiua, aut in usu rerum & generis claritate. Ea enim est ambiciosorum natura mortalium, ut quum ipsi nulla insigni dote præstantioris ingenii ad laudem emineant, aliena uitia in censu tanquam proprias uirtutes adnumerent. Igitur plerique inimicos probis, & falsis sæpe calumniis onerabant, ut cæteros à ferendis suffragiis pretextu pietatis deterrent, adeo ut non modo malignis susurris in sacrosancto conclauis, uerum & per urbem singulorum mores famosis carminibus notarentur, tanta maledicendi libertate, ut populus pariter & magistratus, quos seueriore pœna persequi debuisset, uti iucundissimos poetas singulari petulantia celebrarent. Ea res scèdissime tolerata, existimationem sacrosancti ordinis magna ex parte conuellit, effecitque ut sacerdotum nomen paulò antè in prouinciis augustum & uenerabile, despectui & ludibrio penitus haberetur, quum ea carmina contumeliosissime conscripta, ad extremas usque totius Europæ nationes permanerent, à quibus non multo post tam atrox & mortiferum id acceptum est uulnus, quo omnes, capta ac direpta urbe Roma, dignitate & fortune exuti turpissime concidimus. Prodierat candidatus ante alios Bernardinus Caruaial Hispanus, senatus princeps, qui quum uel de-

misſe prehendo apud ſurdas aures nihil proficeret, facile repulſam tulit: nam per ſe quiſque cardinalium ab illa ualde funeſta & prope execrabili Alexandri Sexti memoria, Hiſpanici nominis ingenia perhorrebat, & ipſe, quamquàm probè eruditus & grauis, quòd à Iulio pontifice excitato ſchiſmate deſciuiſſet, recentis adhuc ignominie notam præſerebat. Secutus eſt Alexander Farnexius, magna Romanæ nobilitatis & optimarum literarum præſidia ſecum ferens, is uti nemini inuiſus, nec omnibus gratus, non multum abſuit à ſummo, quod petebat, honoris faſtigio, nec hæſiſſet in curſu, ſi ad ſuffragiorum numerum, quem ſperauerat tenorem, in accèſſibus eſſet conſecutus. Siquidem Iulii Medicis nuntiauctoritatè que iuniorum ſuffragia regebantur, cuius id unum erat ſummæ prudentiæ conſilium, ut neminem, qui gratia pollere uideretur, ſuorum ſuffragiis iuuari permetteret, ne quid temere uel imprudenter admitteretur, quo ſibi eripi poſſet is honos, ad quem tantis ſtudiis atque opibus & fatali ſed nondum matura felicitate contendebat: Ab hac diſſenſione ſenatus, utrinque magis & magis ſtudia accendebantur. nam utraque pars, quum in tanta ſpe ſitque obrinenda uel tradenda ſupremæ dignitatis æltuaret, ſi ab altera uinceretur, calamitoſū & turpe maxime fore exiſtimabat. Nec quiſquàm adduci poterat, quin alienæ conſtantie exemplo contumaciſſimè perſiſtendum cenſeret. Ita ut liquidò conſtaret, neminem poſſe pontificem creari, qui iunioribus, & Iulio minime placuiſſet, quoniam ex ordine ſeniorum nemo reperiebatur, qui ſe eo honore non dignum putaret, & id ſtudio & præcipiti liberalitate, alteri uel amiciffimo concedere uellet, quod priuato iplius merito, aut ætati, in aliena præſertim altercatione, facile tribui poſſe uideretur. In comitalibus enim ſuperiorum temporum procellis nonnunquam accidebat, ut ſenatores commutata uoluntate, non ad eos, quos antea certis animi decretis euehere deſtinaſſent, ſed ad obſcuros & minime ambitioſos homines repentino ueluti turbine raperentur. Præter hæc duæ etiam ſubortæ erant factiones Cæſari aut Gallo fauentium, quibus de cauſis fiebat, ut tota ſuffragiorum ratione conturbata, in plures dies ipſa comitia fremente populo traherentur. Ob id Farnexius quum aliquandiu diligenter ambiendo, & plures ſibi amicos adſciſcendo, patres ad ſuffragia uocare, & gratiæ fortunæque ſuæ periculum facere decreuiſſet, ut Cæſarianorum certiore ſtudio ueteretur, Manueli Cæſaris legato fidem obſtrinxerat, rãquàm Cæſari eo datæ fidei pignore nunquàm defuturus, ſi eius auſpiciis pontifex eſſet effectus. quæ res nequaquàm feliciter occultata, ab eo Gallicæ factionis aliquot cardinales proninus auertit. Sed Medices qui ramedii hominem probaret & coleret, eum tamen ſibi minime præferendum iudicabat, illius ſpes facile conſtantia ſua præcidit. Et hercle ſupra omnes inſigni ſtudio erga Cæſarem præcellebat, utpote qui dudum ſpectatis operibus, belloque aduerſus Gallos præclare ſuſcepto, opes ſuas & dignitatē cum Cæſaris fortuna miſcuiffet. Hac tanta & ſem

per illustri existimatione, & certissimis amicorum studiis fretus, ita iuniorum suffragia moderabatur, & seniorum vota flectebat, ut iam non mediocri invidia conflagraret, quod per eum impotenti quadam ambitione comitia retardantem stare uideretur, quominus aliquis probatus & insignis senex libero omnium uoto pontifex diceretur. Itaque seniores ad Medicem legatos mittunt Antonium Montanum iuris scientia illustrem, & Thomam Caietanum sacrarum literarum studiis longe clarissimum. Li meditatis orationibus orsi à religione pontificatum cœlo dari non humanis studiis dicebant; Propterea debere ipsum pertinaciæ finem imponere, & restitutus in libertatem iunioribus æquo animo pari, ut tandem aliquis ab ætate, moribus, & doctrina probatus, etiam si ex omni parte minime placeret, pontifex crearetur; ut is Christianis sacris præesset, qui non malis artibus, sed commédatione uirtutis eueheretur, Prouectis enim ad sanctissimam sedem nequaquàm amicis & fautoribus, sed Diis immortalibus habendas esse gratias. Quandoquidem pontificatus semper calamitosus & infelix extitisset iis, qui ui contendendo contra leges ambitus, illum inuitis melioribus essent consecuti, adfuturum pro certo cœleste numen in suffragia cunctibus, si cardinales rerum omnium præterquam ueræ pietatis obliuiscerentur. Ad ea Medices graui, & moderato sermone respondit, nulli magis quam ipsis eas adhortationes conuenire, qui nefaria coniuratione inita, iurare minime dubitassent, ne minui nisi ex ipsorum seniorum corpore suffragia daturus: Non deesse apud iuniores omni uirtutum prærogatiua dignissimos, qui expetita senioribus ex æquo mererentur, quos eo summæ iniquitatis decreto, & de testabili secessione ad contumeliam notatos alienassent: Neque se, qui tameris exquisitis literis abunde non sit instructus, ulli unquam uel moderatione, uel iustitia, uel pietate, uel senatoriis officiis, uel clarissimis erga rempublicam meritis esse concessurum: Ad hæc etiam liquido constare, quanta fide quantaque propensione, & frequentia gratissimorum amicorum confirmatus, id petere, & sperare posset, quod tamen ad declarandam animi temperantiam alteri concedere paratus foret, propterea se nominaturum uirum insignem, ut se illo inuidiæ & ambitionis onere liberaret, & præclara uoluntate reipublicæ Christianæ cōsuleret. quod si is à senioribus minime probarentur, tum uero manifeste eorum consilia obtrectationis, & cœcæ malignitatis plenissima nudarentur. Ab eo colloquio quum esset discessum, Medices prolixè cum iunioribus disputando constituit, ut postero die Hadrianus cardinalis Dertiusensis, conscriptis in eius nomen syngraphis, in comitio nominaretur, quoniã is esset omni pietatis & continentię laude conspicuus, nec Cæsariensis partes deserturus esse uideretur, quibus ipse uehementer esset implicatus. Erat enim ei magnopere timendum, ne si Gallus noui pontificis studio bellum in Insuubris renouaret, Placentia & Parma uixdum receptæ, atque ægre per interregnum defensæ urbes protinus amitterentur,

& subinde ipse uti belli socius Florentia patria pelleretur. Iam enim Franciscus Maria Feltrius Gallicis instructus auxiliis, Vrbinum sæcundissima populorum uoluntate, eiectis Florentinis magistratibus receperat. Malatella quoque Baleonus qui tñ cum laude apud Venetos militabat, cum Horatio fratre in Vmbriam delatus, paternis amicis ad arma excitis, pulsusq. Perusia Gentile patruo, & Vitellio Trifernate, Pauli patris necem ulturus esse uidebatur, quem Leo pontifex in mole Hadriani biennio ante capitali supplicio affecisset. Nec deerat in agro Romano Rencius Ceres, qui pro Gallis cohortes cōscriberet, coniunctisque cum Baleono & Feltrio copiis bellum atrox Senensibus, & Florentinis se illaturum tanquā Gallorum hostibus minaretur. Hæc omnia per notas arbitrarias angustissime conscripta, syngapis inter fercula sedulo occultatis, intra comitia & conclauē Iulio Medici quotidie nunciabantur. Quibus rerum grauissimarum periculis adductus, nequaquā diutius in comitio perleuerandum arbitrabatur, ne dum incertam spem adipiscendi pontificatus obstinatius sequeretur, presentem dignitatem, quæ erat amplissima, & regnum item Ethuriæ togæque Galliæ ditionem, in qua ipse legationem obtinebat, in manifestum discrimen deuocaret. Super hæc tenuissimam quoque spem uel ob id conceperat, quòd certā fidem, uti optimo iure antea sperauisset, in quibusdam cardinalibus minimè reperiēbat, quos præsertim ipso enixe flagitante, Leo pontifex in senatum legisset. Ii erant ante alios Scaramutia Triuulcius, Pompeius Columna, Dominicus Iacobatius, Baptista Pallauicinus Ligur, & Raimundus Vicus Hispanus. Itaque Medices desperato uel neglecto pontificatu Hadrianum nominat, iuniorum suffragia perpetuo syngrapharum tenore illi fauent, subit cunctos admiratio ad inexpectatum candidati nomen. Tum uero Thomas Caietanus ad proximos cōuersus: Ergo inquit pedibus in sententiam accedamus, ut postquā Diis ac hominibus placeat, uir sanctissimus omnibus numeris Christianæ uirtutis insignis pontifex creetur. Nec mora plerique tactis religione animis alacres accedunt, alii cunctabundi qui nec eius nomen audiuisent, erecti tamē ac ueluti præsentī numine impulsī spes suas abruptunt, & rationum suarum obliuiscuntur, Hadrianumque Derthusensem pontificem renunciant. Unus omnium Franciottus cardinalis Vrsinus, ut suffragio accessū ueiuaret, adduci non potuit, quoniam nefas esse diceret eum Christianis sacris præficere, quem non uidisset unquam nec ab opinione uirtutis plane cognouisset. Cæterum exultante Iulio Medice quasi uicisset, quòd ab inimicis minimè superatus animum ingenti cura liberaisset, alii ferè omnes deformi quadam mœstitia deiecti & tristes ægris animis reputabāt, quis nam rerum exitus esset futurus, postquā amisso ē manibus pontificatu, eum homini externo, nulli ferè cognito, & procul agenti in extremis terrarum oris præcipiti temeritate detulisset. Id uerò populus adeo indignanter tulit, ut quum patefacto conclauī cardinales domum redirent

rent, passim maledictis incescerentur, quodd infamibus comitiis non modo urbem Romam suo antistite orbatam prodidissent, sed quod infamiae proximum uideretur, Italiam etiam pontificatus honore spoliassent. Erat enim opinio statim edita in vulgus pontificem neglecta Roma, ui aut sua sponte permanfurum in Hispania aut enauigato protinus Oceano Germanos esse petiturum, ut ad immortale decus getis sacrorum princeps in terra patria conspiceretur. Ad aperto conclau quum globus cardinalium Hadriani pontem esset prateruectus, & opifices puerique minacibus oculis, uocisque, & manibus obstreperent, nec a foedissimis probris abstinere, Sigismundus Gôzaga cardinalis renideti uultu his egit gratias, quodd aduersus extrema supplicia meritos cõrumeliis essent contenti, nec lapidibus publicam iniuriam uindicarent. Nec multo post cardinales ne quid detrimenti respublica pateretur, triumuiros autoritate pontificia constituunt, qui menstruo cum imperio ex triplici senatorum ordine sorte ducti, pacis & belli negociis praesint. Ii in Vaticano pontificia in parte aedium cuncta administrabant. Interim tabellarii cum priuatis literis per Gallias, & Pyreneos saltus ad Victoriã Vellicam Cantabriae urbem tertiodecimo die peruolarunt. Redibat tum forte Hadrianus à Federico Henrico Amirante, quem aegrotantem inuiferat: itaque tabellarii aedium scalas conscendenti ad pedes prouoluuntur, cumque por rectis literis pontificem salutant. Ille nihil ad tanti nuncii nomen uultu animoque commotus, paulum substitit, & cum tabellarios ab osculo pedum auerteret, conuersis ad amicos oculis, Si uera sunt inquit quae nunciantur, mihi profectò plurimum est dolendum. Nec mora exultantis & salutantis populi turba atrium, porticus, atque ipsa etiam superiora conclauia replentur. Inguente uerò nocte nobiles equites uti in publica latetia decuit, Maurorum habitu uibratis funalibus decurrerunt. Verum Hadrianus nihil propterea, aut de corporis cultu, aut de pristina uitae consuetudine sibi mutandum esse iudicauit, quum prius expectandas à senatu literas arbitraretur, quàm quicquam uel muneris uel habitus de pontificia maiestate, uti praepropero leuique similis, usurparet. Erat enim non fastu aliquo, uti iis plerunque accidit, qui in secundis Fortunae statibus facile contumescunt, sed a simplici morum nitore stabilitae uitae continentia grauissimus. Siquidem literae conscriptae erant à Gerundenſi episcopo haud planè graui & certo authore, quibus ille ad promerendam gratiam, pontificatum omnibus suffragiis ei delatum effusè gratulabatur. Sed omnes erecti erant in expectatione literarum quae à cardinalibus cum senatusconsulto electi pontificis in Hispaniam mitteretur. Obstabat mare hybernis tempestatibus saeuum, infestisque per omnia littora Gallis praedonibus interclusum, Pyrenaeique saltus iuga cum praetaltis niuibus, tum perpetuis Gallorum custodiis tenebantur: adeo ut quum tredecim dierum spacio nihil ad confirmandam tantae rei famam penitus adferretur, iam de ea re plerique dubitarent, quasi Galli hostes ficti-

tiis literis ad eludendam hominis dignitatem totum id commentum in Hispaniam deferri curauissent. Cæterum ipse mirum dictum, ea omnia de se uti Romæ acta erant, ab initio constantissimè credidit, quasi ab oculis fatidicarum uirginum edoctus, quæ tanto rerum euentu promissis fidem attulissent, siue exactissima syderum scientia, quæ plurimum iuuenis oblectabatur, in opinione confirmatus, quum in genitura à sede planetarum admodum felici, stella etiam eximie magnitudinis in horoscopo ad ipsam finitoris lineam præclara summæ fortunæ denunciatione præfulgeret, adeo ut Acredio medico anxie nimis, & tristi fronte, tantæ moræ spacium per singulos dies uti spe deposita, suppuranti, dicere non dubitaretur in spe concepta permaneret, neque amplius eo literarum de siderio torqueretur; se enim Dei optimi maximi beneficio creatum esse pontificem & breui fore ut ab ipso in sede principis apostolorum in urbe Roma sub illa solemni thiara conspiceretur. Interea à Cæsarea Augusta os mandibule Diui Lambertæ martyris ad eum pro insigni munere delatū incredibili cum lætitia suscepit, id enim antea uel assiduus precibus impetrare nequiuerat, quanuis id Leo pōtifex ab ipsis Cæsareaustranis sacerdotibus per epistolam flagitasset, & Carolus Cæsar eos ad communicandas sanctissimi uiri reliquias etiam atque etiam hortaretur. Hinc est illud peracetum Hadriani dictum ad familiares languidiore spe in ea tristi mora literas de pōtificatu ab urbe præstolantes, si non uebis arridendo inquit, sed mihi ipsi futurus eram pontifex, mihi quidem amplius non est opus tanta summi honoris potestate, quando iam Diui Lambertæ reliquias, quod unum in tota uita uehementer optauerim, uel ad falsam delati pontificatus famam felicissimè sim consecutus. Inter hos ambiguae spei sermones, quum per tredecim dies tota eius aula, & omnis ferè Hispania suspensis animis uersaretur, cœnanti superueniēre nuncii ab urbe Roma, qui literas à triumphis cum senatusconsulto ipsisque comitiorum actionibus deferrebant, quos tanta animi tranquillitate suscepit, ut perlectis literis, atque his quodd honestè conscriptæ uiderentur pacata uoce & leni capitis nutu laudatis, nihil plus sit locutus, quàm ut nuncios tanquàm de uia fessos ad quietem hortaretur. Adeo ut in eo sedati animi habitu frigidiorēque lætitia Vianesius Albergatus, qui à Leone missus, sacerdotum defunctorum hæreditates in Hispania colligebat, indignanti similis non obscura uoce dixerit, Renuatur ergo hic summus pontificatus postquàm tam lenta hilaritate suscipitur. Petebat senatus, ut postquàm legitimis omnium suffragiis pontifex esset creatus, de se benemeritos cardinales diutius frustrari nolle, paratisque ad nauigandum rebus omnibus in Italiam primo quoque tempore maturaret, ut quod Deo optimo senatuique deberet, opportuna ope afflictis Italiæ rebus maturè allata, religiose solueretur. Ferunt Hadrianū uti ipse postea testatus est, ea nocte diu mente ambigua uoluisse, an pontificatum susciperet, nulla quæ grauiore de causa inductum suscepisse

ſcepiffe, quàm ut Dei optimi maximi nutibus obtemperaret, poſtquàm aſpirante cœleſti numine ab ignotis hominibus tantus honos offeretur. Apparebat enim ipſo rēcufante, Chriſtianæ reipublicæ dignitatem, dira diſſenſione cardinalium cōuelli penitus, & ad non dubium interitum ſcē diſſimè lacerari, quoniam inſtauratis comitiſ exiioſo diroque ſchiſma ri materia præberetur. Nolebat etiam uti Cæſari deditiſſimus, recentis eius uictoriæ curſum impedire, nam Gallos Leonis morte plurimum exultare, ſublatisque animis in ſpēm noui pontificis, qui partibus adeſſet bellum in Inſubribus renouare didicerat; quæ omnia abrupta ſpe facis atque concordiæ ad conturbationem humanarum & diuinarum rerum procul dubio pertinerent. Igitur ſequenti die ſtolatus in publicum prodit, calciamenta aureis crucibus exornat, ſalutanti turbæ omnis generis hominum exofculandos præbet pedes; deſumptrōque Hadriani Sexti nomine, id conſeſſim in publicis libellis literiſque præſcribit. Tum uerò ſi nitimi populi ad conſtantem famam creati pontificis uictoriam undique conuenire, ulteriores trans Hiberum amnem gentes pia quadam hilari tate poſtpoſitis rebus omnibus ad iter excitari, quoniam, quod tum rariſſimæ felicitati datum uidebatur, ab ulla maiorum memoria pontificem in Hiſpania nunquàm uidiſſent. Ipſi reguli inſignes, natura admodum pii atque magnifici, opulentiſque item ſacerdotes, & epiſcopi imprimis nobiliſſimum ciuitatum inter ſe ambitioſa liberalitate certabant, nam quiſque munificentiæ ſtudio in ſacros præfertim uſus ſeſe regalibus donis onerabat, quibus apud pontificem optimæ gratulationis nomine ad parandam gratiam uteretur. Nec deſuere etiam pleræque matronæ nobiles, & ſacratæ uirgines cœnobiorum ſeptis incluſæ, quæ lineæ omnis generis elaborata pictiſ operibus, & ad cultum pontificis, & in ſacras ueſtes ornamentaſque altarium cupidiffimè conferrent. Iamque Hadrianus, uel ipſo comitatu, uel aula frequentia, uel instrumentis omnibus in augenda maiestate ad auguſtiorē pompam exquiſitis, Romano, atque ornatiffimo pontifici ſimillimus erat: quum ad Cæſaream Auguſtam contendit, ipſe purpurea in ſella ſuccollantibus Hiſpaniæ regulis, effuſa obuiani ingenti equitum multitudine, urbem eſt inuectus. Venierat tum Alexander Cæſarinus cardinalis ab Vrbe, qui pontificem ſacri ſenatus & Romani populi nomine uehementer impellebat ad nauigandum, ut Italiā atrocibus bellis, & imprimis Romani pontificis provincias ab ipſa ſactionum infania, cœdibus ac incendiis expoſitas, matura proſectio ne liberaret. Quum eſſet Cæſareæ Auguſtæ, libido ei inceſſit ab ſingulari pietate inſpiciendi diui Lamberti cadaueris, è quo paulò antè, uti diximus, mandibulam dono miſſam, tam lætò animo ſuſcepiffet; Itaque loculum, & oſſa cupidiffimè, & cum eximia quidem ueneratione contemplanus eſt, quæ res in prodigium continuo uerſa, quoniam primum ipſius operum cadauer extitiſſet, famam præbuit, cum cito inter mortales eſſe deſitutum: Quam etiam portenti ſuſpicionem auxiſſe uifa eſt lampas.

dis cristallus in templi medio ante aram temerè effractus, cuius casum, & ipsum pontificem, & qui circa erant solenni in ueste sacerdotes, lucernali oleo foedissimè conspersos constat, ariolis id totū ad funesti ominis interpretationem faciliè trahentibus. Cæterum Hadrianus cum pio tum egregio consilio in unam eam curam corpore atque animo erat intentus, ut quàmprimū Romam relicta Hispania nauigaret. Quancūq̃ plerique Hispaniæ nobiles summis precibus, & ingentibus promissis eum in Hispania retinere conarentur; Henricusque Britannæ rex eum ad se religiosa contentione in insulam euocare perseveraret, pollicereturque uaticum regiæ munificentia uenienti pariter, ac demum quum aliquot dies in Britannia substitisset, per Germaniam ad Urbem in Italiam profecturo. Sed nihil hæc in tam pia quàm decora propositi seruitate permanentem omnino morabantur, quin ipse spes omnium, ut parum honestas, sanctissima castigatione præcideret, & per Derthusiam, in qua urbe ipse fuerat antistes, Tarraconem ad mare deferretur; ubi classem exornarat, contractis undecim trirēmibus, & nauibus triginta onerariis, quibus præfidiariæ cohortes decem & totius aulae comitatus imponeretur. Expectabat etiam Ioannis Lusitanæ Regis naues aliquot à Gaditano freto, atque item nonnullos terrestri itinere equites, ut aliquantò maiore nobiliorēque frequentia nauigaret. Verum hæc diutius non esse expectanda iudicauit; quum Cæsarem à Germania in Hispaniam redeuntem ad portum, cui in Asturia Villæ Vitiosæ nomen est, felici nauigatione peruenisse cognouisset. Nolebat enim à Cæsare uel retardari, uel omnino in Hispania retineri, quancūq̃ nihil ei foret optatius, quàm Cæsarem ubique uictorem, & dudum à Germanis Imperatorem appellatum conspiciere completique artibus, ac item coram docere, quo in statu singulæ totius Hispaniæ provinciæ relinquerentur. Sed se, uel pius & grauis, iam planè pontificem esse meminerat, & propterea publicæ personæ rationibus potius quàm priuatæ beneuolentiæ seruicium arbitrabatur, utpote qui statim repudiatis minorum negotiorum officiis, rerum omnium cogitationes, ad pietatem publicamque salutem prudentissimè reuocaret. Cupiebat etiam sese confestim eripere ab ea ingentis inuidiæ procella, quæ sub aduentum Cæsaris sibi uni multò grauior, quàm cæteris magistratibus imminebat. Erat enim in eos seuerè animaduertendum. qui in tumultuosissima populorum defectione, per turbata uniuersa ferè Hispania à regio nomine rebellassent: nam si eorum nomina deferret, & in tabulis ad cæteros metu liberandos proscriberet, nolebat eos ipsius potius quàm magistratus iudicio damnatos uideri, quos Cæsar, uti æquum foret, ex merito ad pacandas provincias esset percussurus. Quando ad sanctissimi pontificis opinionem piè & clementer dictis factisque omnibus retinendam, nihil melius atque præclarum foret, quàm à miserorum suppliciis, atque omni cruenta seueritate inuiolatum atque purissimum animum seruauisse. Itaque scribit ad Cæ-

farem

farem, ut eas colloqui spes abiiceret, & uti pium iustumque principem deceret, æquo animo pateretur, si ipse gravissimis de causis incitatus, omnibus postpositis rebus, quamprimum in Italiam nauigaret, ibi enim cuncta bello deflagrare, populosque præsertim pontificiæ ditioni subiectos, per se factionibus implicitos obnoxiosque potentiorum iniuriis vexari passim, & vagantibus externarum gentium armis crudeliter evastari, nec populum Romanum, qui suo principe esset orbatus, nec sacrosanctum senatum, qui delato pontificatu, tantum de se iudicium fecisset, & spes suas in externi hominis fide collocare minimè dubitasset, de serendis uideri; Quando nihil turpius esset futurum, quàm eorum opinionem fessellisse, qui uni probitatis atque iustitiæ nomini famæque antepericulum, non minus pie, quàm benignè credidissent: proinde ut maturo aduentu benemeritis de se cardinalibus gratiam referret, dum per lenissimas tempestates mare esset idoneum, continuo ab Hispania soluturum, daturumque operam, ubi primum in Vrbe consedisset, ut Cæsariani duces aliquantò opportuniore maioreque studio, quàm si in Hispania moraretur, aduentus sui beneficium sentirent. Nec multò post comonefacto sæpius senatu, & Guliermo Enchavordio ob spectatam fidem negotiis in urbe præposito, circiter quattuor milia peditum & paucos equites nauibus imponit, administrante Ferdinãdo Andrada, quem copiis & classi præfecerat, uel ob id quòd sub magno Còsaluo ante uiginti annos in Italia cū eximia laude militasset, pridieq. Nonas Augusti Tarracone profectus lenissimis tempestatibus Genuam peruenit. Excepere aduenientē Genueses cū pietum liberaliter, quanquàm ab recenti calamitate direptæ urbis, neq. apparatu, neq. animis ullam omnino lætitiã ferrent. Erat tum princeps in ciuitate Hieronymus Adurnius, uirtute animi & bellica laude insignis, qui dudum expugnata arce Gallicum præsidium expulerat, is ingentia dona recentis præcipuè commeatus cū publico ciuium, tum suo etiam nomine pontifici detulit, quæ tanta fuere, ut Hadrianus quasi non omnia oculis planè contemplatus, singulorum rerum indicem deposceret, ut grato ad eius officii memoriam animo cuncta consideratius æstimarentur. Aduenere etiam à Mediolano ipse Franciscus Sfortia, Prosperque Columna, & Ferdinandus Piscarius, ut de statu rerum Italiæ explicando & communicando sociorum atque hostium consilia, ipsum earum rerum non planè peritum accuratè perdocerent. Quum triduo Genuæ substitisset, celebratam illam Sma ragdum excavatam in hexagonium poculum, quæ unâ omnium gemmarum præcium superare existimatur, tam cupidè quàm humaniter inspexit, miratur quòd in tumultu direptæ urbis seruari potuisset. Ab Genua demum in Delphini portum, atque inde sæcundissima nauigatione, comitantibus Adurniorum triremibus, ad Liburnum Pisanum portum est deuectus; Quò iam uenerat Iulius Medices, quinque cardinales, & totius Italiæ principum legatos secum adducens. Superuenit & ipse Fede

ricus Gonzaga Mantuanus pontificii exercitus imperator. Itaque extructo ligneo ponte, qui in mare prominebat, atque eo festa fronde & pictis insignibus exornato, inter magnas acclamantis populi gratulationes, & tormentorum bombos excipitur. Is primo statim egressu peruenit totius corporis habitu, omnium oculos simul atque animos impleuit: erat enim ore probo, graui, uerecundo, ab sancta quadam hilaritate ualde conspicuo, uenerabundis autem cardinalibus, & felicem aduentum enixe gratulantibus, Florentinisque legatis, qui ingentem copiam rerum esculentarum ad alendum aulae comitatum recreandosque remiges dono attulerant, tranquillo potius quam lato vultu, & sermone dulci breuitate periucundo respondebat, ita ut quum nulla in gestu aut uerbis familiaritate uteretur, nihil temere, quod esset elatum, & insolens, aut subagreste penitus emereret. Id solum cardinales & reliquos blandi mentis Romanae aulae affluetos uehementer permouit, quod pontifex parum humaniter, & ferè contemptim secum agere uideretur. Nam quum solus coenasset, & nauae utendum nocturna aura suaderent, adeo cupide & festinanter ad mare se proripuit, ut cardinales in proximo simul coenantes nec moneret, nec expectaret: itaque omnibus raptim ad trirèmes contententibus, de secunda uigilia oram soluit, & ad Centumcellas est prouectus. Ibi affuere à senatu missi Pompeius Columna, & Francio tus Vrsinus Romani cardinales, qui exceptum sub umbella pontificem ad templum deduxerunt: ubi postquam ad aram supplicatum fuit, oratio habita est à Pompeio tanti aduentus laetitiae accommodata. A Centumcellis postero die Ostiam peruenit periculosa nauigatione, nisi maturasset, nam Tyberinas intranti fauces saeva tempestas exorta est, quae trirèmes uolento cursu in diuersum abripuit. Ab Ostia etiam pari festinatione est profectus, adeo ut cardinales, qui iumenta ab urbe expectabant, uel paucarum quidem horarum moram impetrare nequiverint. Per hunc modum tumultuario deformique agmine, quum cardinales ignobilibus iumentis ueherentur, & nonnulli minores antistites, & totius aulae incondita multitudo onusta sarcinulis in feruido sole iter faceret, ad Diui Pauli templum extra Trigeminam portam est peruentum. Postero die quarto Calendas Septembris populus Romanus, singuliq. sacerdotum ordines, solenni pompa per urbem inuestum ad Vaticanas aedes deduxerunt. Sequenti die se totum praebuit urbanis magistratibus, ut cuncta sigillatim cognosceret, opemque afferret labanti reipublicae; nam Romae pestilentia vulgatis morbis, ignobile praesertim vulgus inuaserat, & ararium non modo erat inane, sed gemmas publicas, & sacrorum solennium ornamenta, & Leo ipse, & triumuii demum cardinales foeneratoribus oppignerarant, ut praesidia afflictis rebus pararent. Arminum quoque per insidias occuparat Sigismundus Malatesta, quoniam eam urbem à patre Pandulfo diuenditam progenitores eius per ducentos amplius annos imperio tenuissent. Nunciabatur etiam Solymanus

Turca

Turcarum imperator Rhodum ualidissimis tormentis & cum incredibili militum & rerum omnium apparatu iam tertium mensem oppugnaret; Præfectosque Turcarum qui in Illyrico fines tuerentur, Pannoniam citeriorem crebris incurſionibus uastare; nec Ludouicum regem uti ætate nondum integra atque ingenii uiribus parum ualidum sustinere hostes posse, nisi in stipendium pontificia pecunia iuuaretur. Quibus de causis necesse erat pontificem rerum Italicarum penitus ignarum, & tum primum urbium suarum & prouinciarum regulorumque nomina perdiscentem, in omnibus consiliis uehementissime conturbari, adeo ut quæ his curarum fluctibus iactaretur, aliquando diceret, sibi fuisse iucundius Louanii gymnasium cum studiorum laude moderari, quàm Romæ pontificia in sede Christianam rempublicam administrare; quando inquit in eam affectam omnibus malis, & recis nervis magnopere debilitatam, miser inciderim. Sed anxium & diuersis difficultatibus implicatum, unus maxime de amittenda Rhodo metus agitabat, cuius clarissimæ urbis salus neque negligi sine summo dedecore, neque mature strenuèque defendi sine grauissima impensa ingentique periculo posse uideretur: cum magnis Turcarum classibus non modo portus urbis fretumque ipsum, sed totius etiam insulæ littora & circumiecta maria obsessa tenerentur. Suadebat Iulius Medices ante alios, ut delectas ex his quas adduxisset cohortes, iisdem nauibus omnium rerum copia repletis Rhodum continuo transportandas curaret, fore enim ut eæ per autumnales tempestates ualidioribus uisæ uentis, contempta aut elusa Turcarum classe in portum plenis uelis inferrentur. Quarum nauium profectio auiros fortasse aliquid Venetæ classis præfectos, qui in Creta cum quinquaginta rostratis diligenter excubarent, inuitarique percuperent ad egregium facinus, si casu aliquo delendæ Turcarum classis facultas offerretur: quod si Venetus nihil omnino contra ueteres inducias cum Otomannis sibi tentandum putaret, eo certe subsidio cum fortium tum maxime recentium militum feliciter adducto, necesse fore spes ipsas ex desidia Christianorum principum conceptas Turcis imminui, & contra Rhodiis plurimum augeri, qui in ea auxiliorum expectatione erecti, tantam belli molem fortissime sustinerent. Sed quoniam in fatis erat, ut Rhodus amitteretur, Hadrianus eius rei gerendæ occasionem propter multas, & rei præsertim numariæ difficultates penitus amisit. Hispani quoque utpote qui semel terram Italiam pedibus attigerant, longinquæ nauigationis laborem, ad incertum maxime rerum exitum recusabant. Ex Ludouico à Corduba princeps Sueſſanus, qui apud pontificem pro Cæsare erat legatus, Italiæ urbes certo præsidio tueri atque exercitum imprimis, qui erat in Gallia Cisalpina, Hispano milite supplere, quàm Rhodiis opem ferre malebat; quoniam rex Gallus etiam tot bellis & præliis uictus, quin Italiam repeteret, minime quieturus esse uidebatur. proinde singulis in rebus orando, instandoque, pontificem, ne Cæsari

deesse uellet, uehementissime perurgebat. Erat Hadrianus suopte ingenio Cæsaris amantissimus, & quantum salua pontificii nominis maiestas te poterat, eius uictoriis non obscure lætabatur, quanquam uti æquus, & quietis & otii cupidus, execrato bello, maximè cuperet sedare eam controuersiam, quæ inter Gallum & Cæsarem sine spe compositionis agitabatur. Erant uni omnium Hadriano ualde intimi Guliernus ipse Enchauordius, quem statim gratissima uoluntate à subnotandis supplicibus libellis datarium & demum Derthusensem episcopum fecerat, & Theodoricus Hetius à secretioribus epistolis uir optimarum litterarum notitia, & Christiana modestia insignis. Ii Belgæ erant, quibus propter usum grauissimarum rerum aliquando miscebatur Ioannes Ruffus antistes Consentinus, ei antea familiaris, quum in Hispania apud Ferdinandum regem pro pontifice legationis munere fungeretur. Hi Cæsarianis rebus propensissimo studio fauebant, & summam diuinarum atque humanarum rerum nequaquam latè communicata auctoritate gubernabant. Horum consilio pontifex bellum aduersus Malatestas, qui Ariminum occuparant, misis in Vmbriam Hispanorum cohortibus, suscepit; nec multò labore Sigismundus est eiectus, utpotè qui iam Ariminen-sibus propter naturæ acerbisatem atque sœuitiam odio esse cœpisset, Nec alicunde circumuento obsellòque auxilia mitterentur, adiuuante maximè pontificios duces Francisco Maria Feltrio Vrbinate, atque item Alfonso Atestino Ferrariensi, qui ad promerendam gratiam, eo bello insignem operam nauare cupiebant. Neque tamen abiecta cura Rhodii bel-lipontifex ad Aduernios Petrum Raborium Genuam misit, qui onerarias naues conducere. Sed agrè admodum expedita pecunia, aliquan-tò tardius quàm oporteret, tres excelsæ naues sunt exornatæ, quibus in-credibili euentu felicem cûrsûm Fortuna denegauit. Nam perpetuos duos menses prodigio quodam contra anni consuetudinem curus, & vulturnus, qui sunt uenti omnium aduersissimi nauigantibus ad orien-tem, maria tenuerunt, quum eo tempore naturali terrarum halitu, etc.-sæ flare consueuerint. Periiit & Rhodii Magistri insignis oneraria, quæ à Nicea Prouinciæ omnium rerum ingentem copiam ad insulam deue-hebat. Interim pontifex ingrauescente pestilentia Vaticanis ædibus & coniunctis uiridariis se tenebat, neq. aditus nisi à maximis uiris legatisq. principum & cardinalibus impetrabatur. Sustulerat is more Germanorû qui pestilentiâ contemnunt, omnem seueritatem, quam Libitinæ magistratus exercere consueuerat aduersus eos, qui sese contracto & dis-simulato morbo incolumibus miscuissent, quæ libertas & dissoluta eua-gandi tegèdiq. morbi licentia, urbis faciem multiplicatis funèrib. mirû in modû deformauit. Itaque hortantib. triumuiris Romani populi con-seruatorib. instaurati sunt magistratus cum officialibus, & reuocatæ le-ges ad ueterem formulam puniendæ multitudinis, quæ edictis minimè paruisset. Interea pontifex ad Germanos regulos, & liberæ ciuitates, quarum

quarum legationes ad conuentum Nûrumbergæ undique coibant, Frâ-
ciscum Cheregatum misit, qui omnium primus ab ipso episcopus pro-
pter ueterem amicitiam & uirtutis opinionem fuerat effectus. Hortaba-
tur Germanos, ut ad defendendam salutem Lodouici regis auxilia decer-
nere atque summittere uellent, simulq. earum hæresum obliuiscerentur,
quæ antea rectè atque legitime pluribus conciliis essent damnatæ. Nan-
que Germania ferme omnis Lutheri diri hominis superstitione imbu-
ta, Romani pontificis maiestatem nefario criminationum genere pro-
fcindebat, quum ipse à ueteribus sacrorum institutis Christianisque mo-
ribus desciuisset: Sacerdos enim de cœnobio abiecta cuculla se proripi-
ens cum sacrata uirgine nuptias fecerat, ita ut prædari modo nominis
theologus in sago militari conspiceretur. Proposita tum erant à Luthe-
ranis centum postulata, in quæ pleraque summæ æquitaris uideri pote-
rant, quod sæpius à Romano pontifice ueluti impositis sacrarum rerum
uestigialibus auarissime præmerentur. Cæterum corruptis impietate ani-
mis id unum maximè spectabant, ut honestissimo prætextu auaritiæ fœ-
dæque licentiæ, uti quisque sua libidine raperetur, ianuam penitus aperi-
rent. Alii namque dicata templis prædia impudenter usurpabant: alii pro-
fessione sacerdotes, abdicato cultu & eiurata continentia sacratas uirgi-
nes ex templorum sepris tanquam uxores celebratis nuptiis ducebant:
alii gulæ dediti nefastis diebus contra maiorum instituta carnibus uesce-
bantur: nonnulli etiam immani furore perciti, Deiparæ uirginis simula-
chra fœdebant, & qui ingenio atque eruditione insignes erant, sanctissi-
morum patrum dogmata insanis interpretationibus peruertere conabân-
tur. Quorum immanitati neque antea quisquàm apprimè eruditus, neq.
tum Cheregatus, uel saluberrimis disputationibus feliciter obuiam iuit.
Misit etiam pontifex pecuniam in stipendium Ludouico Pannoniæ Re-
ginam multis, & quidem turpissimis de causis Pannoniæ regnum paulo
ante sub Matthia Coruino peraniplum & florens opibus, deformatum
atque exutum omni bellica laude penè conciderat, adeo ut rex atate for-
tunaque admodum imbecillus, uix tueri fines, & arcere Turcas hostes
posset, qui crebris & repentinis incursionibus, modo à Dacis & Tribal-
lis, modo ab Illyricis limitibus prouinciæ euastabant. Interim Rhodii
magnitudine incredibilium operum superati, fessique perpetuo sex mē-
sium labore, & uulneribus ferme omnes debilitati, Solymanno deditio-
nem fecerunt, neque enim ulla iam spes auxiliorum supererat, & cuncta
intus in maximè diuturna propugnatione defecerant. Ostentabat ueni-
am præclare uictis Solymannus, quasi in parte gloriæ reponeret, si lon-
gè fortissimis uiris iam planè parta uictoria pepercisset. Enimvero uix
credibile erat, non amplius septingentos illustres equites cum paucis mi-
lilibus Græcis, tot mēsium uigiliis atque laboribus nequaquàm celsisse,
quum minore indies sui fiducia, & maioribus semper rerum omnium
periculis, aduersus ducēta milia bellatorum nihil intermissa dimicatio-

ne restitissent. Aequauerat Solymanus murorum & turrium fastigia terrenis duobus ingentibus tumulis, quos coacta ad opus innumerabili fossorum multitudine excavantium, & sensim ante se contra urbem terrenum & aggerem prouoluentium paucis diebus erexerat, è quibus tormenta inulitata magnitudinis directa contra pinnarum summam ad æquissimos ictus omnibus horis mittebantur, inuasérantque iam fossas Turcæ: muróque successerant, fundamenta ab imo dolabris & uestibus subruendo, ita ut amplissimis ubique cuniculis in urbem penetrarent, & sæpè Rhodiis occurrendo per subterraneos specus decertarent, iustis quoque præliis sæpè pratoriani, quos Ianizaros uocât, aggressi murum in summa propugnacula euaserant: Sed fortissimè repulsi præcipitatiq. in fossas temeritatis pœnas dederât: nam tametsi à lateribus ex obliquo minoribus tormentis sternerentur, nihil uel certissimæ mortis metu, quominus occisis integri recentésque succederent, omnino deterrebat. Erat Rhodiis tormentum quod ab immani uiolentia Basiliscum appellabant, excelso in loco constitutum, cuius pilis sesquipedali crassitudine castra & tabernacula longissimè cum miserabili obuiorum Turcarum interitu petebantur: magnâ etiam gregariorum, & opus facientium militum manû autumnus solito grauior absumperat, inductóq. & eulгато uentris profluuio, dum illi fatigata corpora meridianis uentis intemperanter exponerent. Sed Solymanus stabili decreto innixus, singulari perseverantia has tantas difficultates nõ minore sua uirtute, quàm nostra desidia superarat, proposuerat enim emori potius, quàm abscedere re: irritò incepto, suadentiq. Pyrrho Basæ, ut in proximâ Cariæ continentem trãsiret, atque inde administrato bello ex tuto uictorie exitum expectaret, grauius ignauia increpita succensuerat, nequaquam eam insignem esse uictoriam prædicans, quæ præsentis Imperatoris manu minime pararetur. Itaque nouis delectibus in Cilicia, Syria, Aegiptoq. habitis, copias egregiè suppleuit. Nam Feracatus Gazelle uictò cæsoq. & Mamaluehis ad internicionem deletis maximè illustris, ab Athalia, Isicóque sinu, & Antiochia, atque item Caierebus à Memphi Pelusioq. & Alexandria in parâdis & transmitendis commeatibus & copiis omnem, uti opus erat, diligentiam adhibebant. His tantis adductus difficultatib. Philippus Villadamus militiæ Rhodiæ magister in consilio disseruit, summæ esse stoliditatis id ultra defendere conari, quod nec recentibus quidem receptis auxiliis, egregia spe tueri possent, quando iam cuncti se re propugnatores confauciati confectique uigiliis animos despondisse uiderentur, non esse funesta pertinacia diutius cum Fortuna contendendum, quando ipsi qui in prælidio essent, satis superque officio & dignitati satisfecerint, amisse siquidem insulæ dedecus ad eos pertinere, qui toties implorantibus opem ferre noluisent, eius herclè admisi flagitii, quod extrema necessitas attulisset, non Rhodios, sed totius Europæ reges infamia deflagratos: proinde sumendum esse consilium à prudentia

tia quam neceſſitas exprimeret, non ab inani animorum obſtinatione, qua nihil iis qui in extremo caſu verſarentur, lethalius accidere poſſet: Sibi ergo tam honeſtum, quàm omnibus ad ſalutem neceſſarium uideri, dedere urbem, & Solymanni qui pro gloria certare exiſtimari uellet, fidem experiri, ut benemeritos de republica Chriſtiana milites conſeruaret, nec fortibus uiris opportunum in Europa locum eſſe deſuturum, ubi meliore fato Rhodiæ militiæ ſigna deſigerent, & acceptas à Barbaris iniurias, egregio religionis ſtudio, & commodiore tempore uindicarent. Itaque emiſſis legatis, atque ipſo demum Philippo ſub fide publica ad Solymannum in caſtra profeſto, conditiones de dedenda urbe ſunt conſcriptæ, quas Solymannus alioqui ſauus hoſtis religioſiſſimè ſeruari iuſſit, ipſo enim urbem ingreſſo neque templa, neque priuatas domos, neque obuios milites Chriſtianos, quiſquam uel ingenio ferox Barbarus omnino uiolauit, ita ut Philippus clemèter admiſſus & à Solymanno Pater appellatus, quum omnia propè præter bellici apparatus inſtrumentum ſuis triremibus imponeret, ſeptem etiam ænea tormenta præſidij nomine contra piratas, uti ab eo didicimus, impetrarit. Eo die quo Rhodus eſt dedita, prodigioſo caſu epiſtylum portæ ſacelli in Vaticano ſpõte corruit, quum non plus paſſu altero pontifex abeſſet à limine ad operande ſacra ſolenni die Chriſtu Natalis ſtatim ingreſſurus, ita ut prætoriani duo milites effracti marmoris fragmine opprimerentur; Cæterum is nuncius toti Europæ admodum lugubris, pontificem incredibili dolore affecit, quaſi recens adhuc primorum menſum principatus, aduerſo quodam rumore adlatrantis uulgi, ea ferali clade notaretur. Nec multò poſt ad pacandam Italiam conuerſus, Alphonſum Areſtinum Ferrariæ principem in gratiam amicitiamque recepit, quum is Herculem filium cum ornatiffima legatione Romam miſiſſet, ita ut ea, quæ criminofis admodum codicillis à Iulio Leoneque pōtificibus aduerſum eum tanquàm pontificiæ maiestatis reum decreta & publicata fuerant, penitus antiquaret. Eadem clementia & liberalitate Franciſcum Mariam Feltrium eſt proſecutus, quem Leo pontifex principatu pulſum atque hoſtem declaratum ſacris interdixerat. Miſit & legatum ad Venetos, ut eos Cæſari coniungeret, nouisquæ initis fœderibus Gallus ab Italia procul arceretur. Erat tum Florentiæ Iulius Medices præclaro ſtudio omnibusque ſenſibus cum Cæſare coniunctus, cuius auctoritatem plerique ueteres eius hoſtes, & ante alios Franciſcus Soderinus cardinalis conuellere contendebant, ita ut apud Hadrianum eum palàm accuſarent, quaſi ueteribus pontificum theſauris potiretur, quos conuiſcente Leone fratre in adminiſtranda republica rapuiſſet. Quæ tametsi falſa & ridenda erant, quoniam abundè conſtabat Leonem immodicis ſumptibus natura gaudentem, & poſtremò grauiffimis implicitem bellis, ſuos pariter, atque alienos loculos pecunia penitus exhaustiſſe, contractoque inſuper grauæ ære alieno ueſtigalia etiam publica addixiſſe forneratoribus, tamen hæc

apud externum hominem ingenio suspicacem, imperitū Romanæ aulæ, & inopia plurimum æstuantem, verisimilia videbantur. Inuoluit & iisdem propè suspicionibus Soderinus mirabili astu Laurentium Puccium & Franciscum Armellinum cardinales uetere amicitia Iulio medici coniunctissimos, quasi hic, uti prædator insignis, nullo iure quæsturæ officio potiretur, ille uerò sanctissimis indulgentiis, quibus animæ defunctorum expiarentur, immani quæstu diuenditis, ingentem pecuniæ uim nullo metu pœnæ peculatus auertisset. Quasi si hos publica flagrantes inuidia repetundarum postulari, & facile conuictos damnari pateretur, ærarium inane celeriter eorum opibus esset repleturus. Cæterum Iulio auctoritate sua atque innocentia præclare cuncta refellenti potentes amici non deerant, qui eius, absentis causam dissimulanter & obliquis maxime sermonibus tuerentur, & manebat quidem apud æquum gratumque pontificem recentis & antiqui beneficii memoria prorsus incorrupta, ita ut parum ea subtili & accurata Soderini delatione commoueretur, quominus piè & grauius se gereret aduersus eum, qui præclare cum pontificio homini, tum ipsi Cæsari bellum gerenti totius Ethruriæ uiribus nixus semper adfuisse. Verum fortuna sicuti sæpè aliàs, ita & tum Iulio peregre, atque oportunissimè fuit. In transitu enim Arni amnis Soderini literæ à Mediceis exploratoribus interceptiuntur, quibus ille Franciscum regem hortabatur ad transferendum bellum in Siciliam, exulum multitudine & Hispanorum odio nouandis rebus oportunam, ut Cæsariani ab Insucribus ad tuendum id regnum traherentur, monebátque ut nihil pontifici temerè crederet, qui quum de pace agere uideri uellet, Cæsari tamen perenni quodam studio cunctis in rebus obsequeretur, nec quicquid aliud propensa uoluntate magis cuperet, quàm Cæsarem noua semper dignitate nouisque uictoriis auctum florentemque conspici neque eum debere existimare in componenda controversia æquissimum iudicem fore, qui in excolendo attolendoque Cæsare parentis & præceptoris officia semper impleuisset. Erant eæ literæ arbitrariis conscriptæ notis, sed adeo rudi artificio, ut uel à mediocri interprete obseruatis, & deprehensis caracteribus faciliè legerentur. Has itaque Iulius cōfestim Romam transmittit ad Ludouicum regulum Sueffanum Cæsaris legatum, eumque diseretè edocet, quanto cum periculo Soderinus pontificiis consiliis, & grauissimarum rerum disceptationibus adhiberetur; eum enim esse hominem eximiis simulationibus ambiguæque fidei artibus ualde instructum, & super hæc insensum Cæsari, & Gallorum amicissimum, propterea se ab eo occultis insidiis & atrocissimis criminationibus peti apud pontificem, qui ab sancta illa naturæ simplicitate nullas de magnis rebus suspensiones superfluas esse duceret, ut illo falsa persuasione deprauato, ipse concideret, circūuentusque, & distractus Florentia pelleretur, pateretque Soderinis republica Florentina, & tota simul Ethruria uetere suo studio Gallico nomini iungeretur. His conspectis literis Hadrianus quan

quanquàm ab initio confictas crederet, incredibile odium aduersus Soderinũ concepit, ita ut id tamen egregiè comprimeret, donec Iulius ad conuincendum Soderinum ab Erhuria uocaretur. Is non multò post intrauit urbem à Flaminia triumphali fermè pompa incredibili ordinis, omnium fauore exceptus; nam ueteres etiam hostes cum eo in gratiam redierant, adeo ut Horatius Baleonus, cuius pater recenti Leonis seueritate conciderat, & Fabius Petruccius, cuius frater cardinalis in arce Hadriani fuerat necatus, itemque ipse Franciscus Maria Feltrius bis Vrbi-
no Mediceis armis eiectus, à ponte Miluio aduentanti obuiam honoris causa prodirent. Nec multò post à pontifice Soderinus & Iulius in Vaticanum euocantur, nam de industria erat eulgatum, pontificem enixè pieque daturum operam, ut duo maximi cardinales, qui affinitate essent coniuncti, se pacificatore atque arbitro cognitis & sublati simultatum, causis ad amicitiam redirent. Verum ubi eos in penitiorẽ Borgiæ turris testudinem abduxit, & illi inter se parum familiari uultu colloqueretur, pontifex ad Soderinum conuersus, interrogauit an unquàm in Galliam per arbitrarias notas scripsisset, prolatisque literis, ita coniecit, ut protinus lethali pallore confusus cuncta deiectis ad terram oculis fatèretur; nec mora quàm interruptis uerbis defensionem pararet, & supplex, ne in carcerem duceretur, oblati uadibus locum in Vaticano ad dicendam causam sibi dari postularet, à prætorii præfecto in arcem est deductus. Id factum Gallicarum partium animos fregit, auxitque mirum in modum auctoritatem pontifici, qui ab ætate urbanarumque rerum inscitia, & quadam naturæ lenitate, cum in consilio perplexus & timidus, tum in agendo maximè lentus & parum efficax esse credebatur. Cœperat enim Hadrianus arcana rerum Soderino liberali fiducia communicare; & magna ex parte consiliis eius regi, nam is erat ætate atq. oris habitu grauis, ingenio & facundia insignis, cultiorum etiam literarum & humani diuini-
que iuris scientia perornatus, quibus uirtutum umbraculis sicuti subtilissimas artes incerti & parum sinceri animi peregregiè contegebat, ita Hadrianum nihil ultra perscrutantem facile deceperat: ob id pontifex neminem fallere solitus iniquissimè ferebat se ab eo fuisse deceptum, qui lenocinio quodam bonarum artium tam ingrati quàm impiè fidem sefellisset. His de causis aliquantò suspiciatior, & senatui nihilo familiari-
or erat effectus, adeo ut cardinalibus tanquàm factiosis & parum fidelibus de belli pacisque negotiis nihil omnino communicandum existima-
ret. Proinde Bernardino Caruiali & Nicolao Elisco cardinalibus respon-
dere nõ est ueritus, nemini uel cardinali se temerè credere, quod cum periculo reipublicæ credendum foret. Cum illi forte quereretur quòd in consilium cardinales superiorum pontificum more nequaquam adhiberet, quando tot graues peritiq. rerum senatores, ipsi nouo externòq. homini, alleuando curas, & in partem laboris impigrè succedendo in res-
genda republica singulari adiumento futuri uiderentur, Ioannes quoq.

Rufus antistes Cōsentinus, qui usu rerum insigniq. prudentia plurimum valebat, ab intimis arcanorum cubiculis penē reiectus fuerat, quoniam Foro Liuii in Aemilia, quod illi natale solum, Gibellini, quibus impensius fauisset, complures Guelfos nocturna irruptione trucidassent. Ode-
rat enim pontifex factiosos homines, nec eos publicarum rerum consi-
liis adhibendos putabat, qui priuari studii rationes nequaquā sincere
iudicii libertate respicerent. Hinc fiebat ut pontifex durior & hebetior
in administranda republica diceretur. Nam cum in ualde prudentibus
& maximarum rerum peritis, uariis de causis nullam omnino uel exigua
fidem reponendam esse iudicaret, necesse erat ut unis maxime Bel-
gis, quibus præclara fides abunde superesset, in arduis consiliis uteretur,
quanquā in eis maiorem uim rationis atque solertiæ in expendendis
absoluendisq. negotiis desideraret. Hinc illud perfacetum & plenum
ingenue libertatis Hieronymi Baldi dictū emanauit, quum legatus Ro-
mam missus à Ferdinando Cæsaris fratre, furentibus Lutheranis atque
imminentibus Turcis, à pontifice maturam opem imploraret, & ille cō-
tra perplexus, & consideratius deliberata retractaret pleno senatu, Fa-
bius Maximus sanctissime Pater, inquit, rem Romanam cunctando resti-
tuit, tu uero pariter cunctando rem Romanam simulque Europam per-
dere contendis. Quo orationis exordio adeo pontifex uultu commo-
tus est, ut plerique senatores uix risum cohibere potuerint; offenderat
enim primo aduentu in uniuersum cardinales omnes, nam præmia quæ
illi triumphali magistratu ipso absente benemeritis de Repub. tribui-
sent, ita antiquatis decretis irrita fecerat, ut officio aliquot, uel grauissi-
mis de causis dono data, repeteret: dicebat enim sibi inopi postquam
ærarium penitus esset inane, ea pecunia opus esse, ad tuendam pontificii
nominis dignitatē, nec debuisse cardinales alioqui rei suæ minime pro-
fusus, liberalitatis laudem ex aliena pecunia queritare: eodem etiam cō-
silio uenalicia officia his omnibus protinus ademit, quæ singulari beni-
gnitate Leo pontifex literatis uiris & præcellentibus ingeniis uirtutis
causa tribuisset: ita tamen ut eius inusitata acerbitatis inuidiam huma-
nissimis uerbis deliniret, quum ea detrimenta se totidem sacerdotiorū
reditibus pensaturum polliceretur, & certe nemini unquā latius atque
propensius sacerdotia conferre erat solitus, quā his qui ab optimis stu-
diis commendationem aliquam meruissent. Me quoque dimidia parte
equestris officii protinus exutū, quā Leo pon. hiltoriam nostrorū tem-
porum ad eius genium non iniucunde conseribenti dono dederat, Co-
menſi sacerdotio adeo studiose remuneratus est, ut Scaramucie Triuul-
tio cardinali uehemēter pro alio impetrare cōtendenti responderet, lo-
uū omnino eo, quāquā tenui, sacerdotio esse perornandum, quē audi-
uisset optimis disciplinis liberaliter eruditum, & scriptorē annalium ual-
de elegātem, nec tamen esse poetā ut cæteri, qui cultiores literas secta-
rētur, Suspecta enim habebat poetarum ingenia, utpote qui minus sece-
ro ani

ro animo de Christiana religione sentire, & damnata falsissimorum Deo-
rū nomina ad ueterum imitationem studiose celebrare dicerentur, ita ut
aliquanto plus mihi profuerit non attigisse poeticam, quàm in cæteris
grauioribus studiis perpetuo multorum annorum labore defudasse. Gra-
uissime etiam tulerat se famosis carminibus apud Pasquilli statuam fuisse
laceratum, sed id postea ciuili animo tulit, quum didicisset eam male
dicendi licentiam obscurorum hominum libertati atque nequitie dari,
ut quum insignes viros impune carpsent, fortunam suam, ea uindictæ
uoluptate consolentur. Deceuerat Hadrianus uti poëtis non obscure
subiratus, Pasquilli statuam, quæ erat in Parione, demoliri, atque eam
in Tyberim præcipitare; sed Ludouicus Sueffanus urbano falsoque in-
genio id fieri debere pernegauit, subdens Pasquillum uel in imo uado,
ranarum more, non esse raciturum, ad id uero pontifex, exuratur ergo
inquit in calcem, ne eius uestigii ulla omnino memoria supersit: Tum
rursus Sueffanus, rectè inquit, sed tam crudeliter concremato poëtæ cli-
entes non deerunt, qui patroni cineres inuidiosis carminibus profecquan-
tur, & supplicii locum quotannis statuto solenni die concelebrent. Qui-
bus uerborum lusibus pontifex ab iracundia ad iocos hilaritatemq. sen-
sus omnes lenissime reuocauit. Cæterum qui ab eximiis doctrinæ & pie-
tatis laudibus, primo aduentu omnibus gratus atque admirabilis euase-
rat, quum equitum Sancti Petri, & annonæ præsidium officia sublat-
is aut dimidiatis reditibus deteriora reddidisset, multis ordinibus aulæ
& ciuitatis inuisus esse cepit, nam plerique uniuersam patrimoniorum
substantiam, & totis uitæ laborum atque industriæ fructus in officia con-
rulerant, allesti scilicet ubertate prouentus, cum pecuniæ sub fide publi-
ca pontificibus creditæ, supra decumam in annum liquidissime respon-
derent, sed oppigneratis prouinciarum uestigialibus atque portoriis tan-
tæ facultates minime supererant, ut debitæ pecuniæ, tenore illo ueteris
instituti persolui possent. Hinc fiebat, ut pontifex contra naturam suam
ab inopia tenacior & illiberalior effectus, iniquitatis & auaritiæ calumniæ
subiret, ne uti ipse crebro dicere solebat, dum omnibus satisfacere con-
teudit, omnibus demum decoquere cogeretur. Eo decreto exacerba-
tis officialium animis, quando quisque se impotenter exutum bonis, &
sub fidē publica deceptum graui uociferatione quereretur, Marius Pla-
centinus uir togatus sacratique nominis desperatis honestæ uitæ com-
modis, immane facinus confodiendi pontificis uecordi animo conce-
pit, ita ut quum egressum cubiculo aliquandiu expectauisset, sese de-
mum eodem ferro transuerberaret, siue impetu commotæ bilis, suo
atrocioris supplicii timore, quod rem communicasset, nec constituto in
loco socius facinoris, uti crediderat, esset repertus. Ferunt pontificem
eo casu uerecunda consternatione perturbatum, sæpius id omnino esse
uerissimum prædicasse, quod ab antiquis auctoribus traderetur, mul-
tum scilicet referre ad feliciorē fortunam, in quæ tempora, alicuius

uel præclara uirtus incidisset. Aurea namque tempora Leonis, omnibus florentis pacis atque opulentia commodis ad luxum beatique otii lætiam affluentia, ita bella & fames & pestilentia, tot per interregnum pontificisque absentis incommoda detrimentis illatis euerterant, ut ex ea recentis status publici recordatione, cuncta mala uel immerito ad execrationem innocentissimi pontificis uerterentur. Interea Franciscus rex Gallorum magnis undique coactis copiis in Italiam transire constituit, quibus rerum motibus exciti Cæsariani duces, operam enixe dederunt, ut confecta pace cum Venetis, ii etiam qui plurimum auctoritate atque opibus ualerent, in partes traherentur. In tractandis enim & exæquantis earum rerum conditionibus Hieronymus Adurnus antea uehementissime laborarat, moriensque Venetiis cuncta facilius absoluenda Marino Garaciolo reliquerat. Itaque inter Cæsarem & Venetos fœdus solenne percussum est, nec Hadrianus moram attulit, uri oportebat, quominus Cæsar omnibus Italiae uiribus ad arcendos Gallos uteretur. Etenim postridie nonas Augusti, qui dies ab admirabili casu mortis niuis festa memoria ad Mariæ Virginis templum in Exquilis est insignis, sacra celebrauit, fœdusque proluxa oratione aduersus Gallos est pronunciatum, quo adscripti erant rex Henricus Britannia, & Pannonia Ludouicus, & quicquid minorum principum & liberarum ciuitatum in Italia erat, ipsèque Federicus Gonzaga regulus Mantuanus pontificis & reip. Florentinae imperator est declaratus, deditque epulum regio apparatu Pompeius Columna cardinalis cunctis principum legatis & senatoribus, quum pontifex, grauiore sacrorum mora ut in maximo æstu fatigatus, sese in proximum diui Martini templum ad quietioris prandii commoditatem opportune recepisset, ibi leuem ab initio sed mox lethalem contraxit morbum, ita ut sensim ualesceret febris, adulatione præsertim medicorum, qui nec exulto intus apprimèque siticuloso, & de nocturna iactatione conquerenti uenas tangebant; ne scilicet in perniciosam propinquam mortis suspensionem dubio metu erectum senem adducerent, itaque non diu deceptus ubi hora fatalis instabat, senatum aduocauit, commendatque Rep. pileo quem ipse detulerat, Guliermum Enchauordium gratissimo animo decorauit, adiuuantibus præsertim Iulio Medice, & Ludouico Sueffano, quamuis plerique cardinales, uti in ipso mortis limine despecto pontifice, in suffragium ituri minime uiderentur. Obiit Idibus Septembris exacto anno ex quo ab Hispania apulerat, & eo forte die quo Gallicus exercitus Boniuetto duce repulsus Cæsarianis Ticinum annem transiuerat, ita ut maximum negotium successori reliquisse diceretur. Morte eius plerique & præsertim ueteris aulæ sectatores effusissime sunt lætati, & secundum eos nonnulli Romanorum, qui detrimenta rerum suarum senserant: nam quum ignotæ hominum facies Vaticano à Belgis atque Hispanis occupato, aditum petentibus occurrerent, longum atque operosum erat, familiaritate difficili, no-

uas amicitias comparare, ita ut quisque nouo statim principatu, eam lu-
 ctuosi & pestilentis sæculi fortunam præuerti posse existimaret, quasi ea
 incommoda nequaquam malignitate temporum, quæ tot calamitatibus
 essent notata, sed quadam inexperti durique pontificis acerbitate proue-
 nissent. Super hæc manauerat in vulgus fama haud incerto auctore pon-
 tificem nouo summæ seueritatis edicto publicatis super id bullatis solen-
 nibus codicillis, dissolutæ ciuitatis mores esse correcturum, ita ut atroci
 pœna tria præsertim hominum genera persequeretur; eos scilicet ante
 omnes, qui ad Christi fidem reuersi, impia animorum deuotione Iudai-
 cæ superstitionis ritus obseruarent, quorum maxime pecuniosorum in-
 gens turba, iudiciorum metu, ab Hispaniis delapsa, in Urbem, tanquam
 in portum certissimæ salutis confluxerat. His enim Hadrianus uetere
 consuetudine plurimum erat infestus; utpote qui in Hispania ipsis inqui-
 rendis damnandisque cum insigni magistratus honore præfuisset. Sub
 id genus ii quoque ueniebant, qui superis impuro scelestoque ore male-
 dicerent, & contempnim aut ioculariter de religione Christiana loque-
 rentur; & ii etiam qui minime dubitarent profana negotiatione sacerdo-
 tia uenditare. Secundo loco erant fœneratores atque mensarii, qui egen-
 tium fortunas acerbissimis usuris euerterent, & annonam impotenti mo-
 nopolio & diris præoccupationibus impudentissime flagellarent. Vlti-
 mo inquirere punireque decreuerat iuuentutis corruptores, eius enim
 criminis nõ omnino falsa suspicione, urbs ipsa conuiuentibus legibus in-
 fecta credebatur. Qua inopinata & graui seueris. legis mentione, ma-
 culosos quosdam, cum aulæ tum ciuitatis, ueluti desperata publica secu-
 ritate, terruerat adeo, ut non defuerint petulantissimi iuuenes, qui Ioan-
 ni Antracino pontificis medico postes festa fronde per intempestam no-
 ctem protinus exornarent, cum titulo uncialibus literis inscripto in hæc
 uerba: Liberatori Patriæ S. P. Q. R. scilicet ut eo ioculari elogio non
 medicus uti ueneficus aut imperitus, sed maiestas ipsa sanctissimi ponti-
 ficis, qui salutari censura uti dignum erat principe Christiano, urbem
 atque aulam probrosis uitiiis repurgare cogitasset, non obscure carpere-
 tur. Enimuero ea est natura populorum, ut quum dissolutæ vitæ licen-
 tia gaudeant, præsentis semper principis mores detestentur, superiorum
 uitam commemoratis uirtutibus in cælum ferant; eius uero qui defun-
 cto sit successurus mores & consilia uti plena prudentiæ liberalitatis atq;
 iustitiæ fœmina pronuncient. Nam, ut plerunque sit, spes hominum euen-
 tis rerumque successibus alebantur, quando sibi quisque fallacissima sæ-
 pè ratione mutato statim principe meliora tempora destinaret: Laudab-
 ant in doctissimo pontifice & longè grauissimo sanctimoniæ, illibera-
 litatem non probabant, oderant seueritatem, quam ubi, sicuti sæpè erat
 solitus, lenitate remisisset, eam demum clementiæ laudem auaritiæ ca-
 lumniis inuoluebant, quasi fontibus & conuictis nequaquam naturæ fa-
 cilicate, sed parum honesta cupiditate præsentis quæstus omnino parce-

retur, nec sæuissima temporum conditione, ualde egentis, & multis simul difficultatibus circumuenti pontificis necessitatem excusarent; Ita ut tum ciuitatis status miserè deplorandus esse uideretur, quum quisque ferè insignium atque infimorum ordinum, recti atque honesti penitus oblitus, cuncta sibi in summa uitæ libertate licere uellet, nec ullum omnino corrigendis moribus censorem pateretur, etiam uel sola pecunia, digna supplicio crimina, uindicantem: Scilicet ut repudiatis Christianæ medicinæ præsiidiis, affecti corruptique eò insanix prouheremur, ut in dignatibus demum Diis atque hominibus in ipsa quæ imminebat horribili cadentis urbis ruina, immanibus barbaris corpora atque animos ad omnia exempla crudelitatis atque ignominix præberemus. Acciuerat Hadrianus paulò antè in urbem, in Vaticanasque ædes cupidè receperat Petrum Carassam archiepiscopum Theatinum & Marcellum Caietanum ueteris Christianæ disciplinæ moribus uenerabiles, & in omni grauiore doctrina longè lectissimos, ut eorum consilio in censura morum, atque administrandæ ea parte Reip. quæ sacra respiceret, omnibus horis uteretur. Sed mors eius aliquantò maturior cœptis consiliis exoptatum ad publicam salutem successum eripuit. Ferunt Hadrianum alioqui uegetæ uiridisque senectæ contraxisse morbum assiduo ceruicis potu, quæ Germanica consuetudine ex lupulis ordeoq. decoctis exprimitur, nam per se cibi parcissimus erat, & in tuenda ualitudine apprimè diligens & morosus, tanta horarum definitione, ut denunciante architriclino paratas esse epulas, uel maximarum rerum colloquia protinus abrumperet: in mensa autem ad remittendum animum sæpissimè delectari solebat Toccino sannione falsissimo quem ab Hispania secum adduxerat, quo etiam pro speculatore urbanarum rerum utebatur. Ornamenta in signis picturæ & statuarum priscae artis nequaquam magnificet, adeo ut Vianesio Bononiensium legato commendante statuam Laocoontis, quam in Beluederii uiridariis Iulius ingenti pretio cœemptam ad loci dignitatem collocarat, auersis statim oculis tanquàm impiæ gentis simulacra uituperaret. Erga propinquos usque ad notam naturæ subagrestis, durus & illiberalis fuit, ita ut patruelis filium Senæ Ethruscæ in gymnasio literis operam nauantem, quòd Romam nequaquam uocatus intermissis studiis repente uenisset, confestim meritorio equo impositum remiserit; leuitatem animi identidem obiectans, & seuerè admonens, ut ab se modestiæ & temperatiæ exemplum opportunè desumeret: alios quoque nec remoto quidem affinitatis gradu necessarios, quum spe cellioris fortunæ è Germania pedibus Romam uenissent, mirum in modum increpauit, donatosque singulis sagis laneis, & frugi uiatico, pedibus similiter in patriam redire iussit: quarum rerum testimonio superiorum pontificum profusam liberalitatem erga propinquos, uti grauem perniciosamque Reipub. detestari erat solitus. Quando eo præsertim errore, cuncta sensim labefactata, se demum pontifice ruitura uiderentur. Amicis autem & familiaribus gratissimo animo sacerdotia concessit, & locupletare

pletare bonos & studiosos moderata stabiliq; liberalitate concupiuit, honoréque pilei coccinei Theodoricum Hetium quum primum noui cardinales in senatum legerentur, exornandum destinarat. Præcessere mortem eius haud obscura prodigia; nam Borgiæ turris tectum plumbea fastigii testudine insigne, sub qua ipse habitabat, repente conflagrauit: retulerat etiam inter diuos Bennonem uirum sanctissimum, & admirâdis operibus apud Germanos insignem, & Antoninum antistitem Florentinum singulari pietate conspicuum: nanq. antea sæpius fuerat annorum pontifices non diu superuixisse, postquàm aliquem in diuorum numerum retulissent: Vti Leone mortuo statim obseruant, à quo Franciscus à Paula ingenti apparatu relatus fuerat. Conditus est Hadrianus temporario monumento in æde Diui Petri, iuxta Pios Picolhomineæ familiæ pontifices cum hoc titulo: Hadrianus Sextus hic situs est qui nihil sibi infelicius in uita duxit, quàm quod imperaret. Cæterum Guliermus Enchauot dius cardinalis egregia gratissimi animi liberalitate non multò post magnifici operis sepulchrum extruxit in templo Deiparæ Virginis Germanorum ad Circum Flaminium; in quo marmoreis pluribus signis, clarissimarum uirtutum effigies erudita arte representauit, quarum auspiciis Hadrianus humanæ fortunæ fastigium immortalis cum laude esset adeptus, & demum moriens, certissimum inter coelites nunquàm interituræ felicitatis locum optimorum omnium iudicio meruisset.

FINIS.

HAEC CARMINA SEPVLCHRO
FVERVNT AFFIXA

*Quam potes merito optimoq; iure,
Inter pontifices Pios iacere
Maxima pietas in Hadriane*

*Insigni pietas tua Hadriane,
Viventi tibi profuit, decusq;
Aurei diadematis parauit
Iure id mehercule, ac equius tuæq;
Certius pietas hoc trophaum est,
Defunctus quòd honoribus eos, inter
Duos contigeris PIOS iacere.*

17
 18
 19
 20
 21
 22
 23
 24
 25
 26
 27
 28
 29
 30
 31
 32
 33
 34
 35
 36
 37
 38
 39
 40
 41
 42
 43
 44
 45
 46
 47
 48
 49
 50
 51
 52
 53
 54
 55
 56
 57
 58
 59
 60
 61
 62
 63
 64
 65
 66
 67
 68
 69
 70
 71
 72
 73
 74
 75
 76
 77
 78
 79
 80
 81
 82
 83
 84
 85
 86
 87
 88
 89
 90
 91
 92
 93
 94
 95
 96
 97
 98
 99
 100

101
 102
 103
 104
 105
 106
 107
 108
 109
 110
 111
 112
 113
 114
 115
 116
 117
 118
 119
 120
 121
 122
 123
 124
 125
 126
 127
 128
 129
 130
 131
 132
 133
 134
 135
 136
 137
 138
 139
 140
 141
 142
 143
 144
 145
 146
 147
 148
 149
 150
 151
 152
 153
 154
 155
 156
 157
 158
 159
 160
 161
 162
 163
 164
 165
 166
 167
 168
 169
 170
 171
 172
 173
 174
 175
 176
 177
 178
 179
 180
 181
 182
 183
 184
 185
 186
 187
 188
 189
 190
 191
 192
 193
 194
 195
 196
 197
 198
 199
 200

FINIS.

HAEC CARINA SEPVLCRO
FVAVNT AFFIXA

201
 202
 203
 204
 205
 206
 207
 208
 209
 210
 211
 212
 213
 214
 215
 216
 217
 218
 219
 220
 221
 222
 223
 224
 225
 226
 227
 228
 229
 230
 231
 232
 233
 234
 235
 236
 237
 238
 239
 240
 241
 242
 243
 244
 245
 246
 247
 248
 249
 250
 251
 252
 253
 254
 255
 256
 257
 258
 259
 260
 261
 262
 263
 264
 265
 266
 267
 268
 269
 270
 271
 272
 273
 274
 275
 276
 277
 278
 279
 280
 281
 282
 283
 284
 285
 286
 287
 288
 289
 290
 291
 292
 293
 294
 295
 296
 297
 298
 299
 300

301
 302
 303
 304
 305
 306
 307
 308
 309
 310
 311
 312
 313
 314
 315
 316
 317
 318
 319
 320
 321
 322
 323
 324
 325
 326
 327
 328
 329
 330
 331
 332
 333
 334
 335
 336
 337
 338
 339
 340
 341
 342
 343
 344
 345
 346
 347
 348
 349
 350
 351
 352
 353
 354
 355
 356
 357
 358
 359
 360
 361
 362
 363
 364
 365
 366
 367
 368
 369
 370
 371
 372
 373
 374
 375
 376
 377
 378
 379
 380
 381
 382
 383
 384
 385
 386
 387
 388
 389
 390
 391
 392
 393
 394
 395
 396
 397
 398
 399
 400

III N

POMPEII COLV- mnæ Cardinalis Vita, A Paulo Iouio Episcopo Nuce- rino conscripta.

AD FRANCISCUM COLUMNAM
ARCHIEPISCOPVM ROSA-
NENSEM.

U

ELLE M Francisce Columna amplissime Ancistes, ut Pompeij patrui tui præclara virtus, nunquam sacris honoribus addita pontificij imperij rationibus inclusa fuisset; aut postquam ita fato datum est, in æquiora tempora saltem incidisset. Insuper atque enim virtutis ducem, magnæ uirtutis animi valde illustrem, cum laude posteris tradiderimus, & ipse omni inuidia onere, quo vulgi iudicio fortasse premiatur, iure optimo leuaretur. Quamquam eam inuidiam alienis potius quam suis erratis adauctam, pulcherrimo demum facto magna ex parte extinctam videmus. Nam si funesti eius belli causas & consiliorum origines æquo animo expendere velimus, nihil plus vir ille ad arma potius atque imperia quam ad sacrorum mysteria natus, peccasse videbitur, quam quod Cæsarem maximorum principum conspiratione circumuentum, omnino defendendum suscepit, nequaquam aduersarum partium odio, sed ut veterem familiæ disciplinam secutus, his adesset, à quibus Columnij magnis opibus, sacerdotijq; & militarij imperijs essent honestati, quum fauente Gallis pontifice, totius familiæ opes unum eundemq; cum Fortuna Cæsaris casum subirent. Adeo ut nec ineptè nec insolenter fecisse uideatur, quod sacra abusus purpura, usurpatis bellicis muneribus pro salute & dignitate domus contenderit, quum ipse vnus inter gentiles suos atate rerum peritiâ, ingenioque & corporis vigore superior ad id honesta quadam necessitate cogereetur, eo præsertim tempore, quo Columnia domus clarissimis ducibus orbatâ, illos suos æterna laudis proceres, Fabrium, Proserpum & M. Antonium immaturo, aut importuno certe fato ereptos lugebat. Sed quicquid fatali calamitate pontificio nomini contigit, id proculdubio rite expiatum uidetur, quum auctore Pompeio & Cæsar dignitatem suam retinuerit, & Clemens ipse pristinae amplitudini fuerit restitutus. Ceterum ut te patrui tui virtutes imitari velim, ita similem votis tuis Fortunam exoptem, & eandem felicitatem augurer,

N iiii

verum aliquanto honestiorem ab innocentia scilicet, pietate pudore, temperantia, et
seculi meliori, et antiqua probioris sacerdotum lectissimi moribus et Christiana
eruditione admirabilem effingat. Nos vera in reddenda Pompei effigie ea fide et di-
ligentia visimus, qua libero ore utimur in historiis, quum in his perscribendis non in-
genij modo, sed fama etiam periculum subeamus: paratis scilicet censoribus qui falsa
redarguant, quando notissima et spectata omnium oculis referantur. Ceterum hoc
minus, te poscente, eo propensius voluntate suscepi, quod gratissimo animo veluti
debitum memorie clarissimi viri persolvere videbar, et iuvabat ea mandare liceris,
qua ipse in eius amicitia versatus, et illustri semper familiaritate didicissem;

Colui enim eum per XX ferme annos, adeo felici studio, ut in
domo tua apprimè liberali, nequaquam vel specie vel
fructu clariorem locum desiderem, quam

apud Pompeium ipsum virtutis

et literarum opinione sue

rim consecu-

rus.

Vale.

C

OLVMNIAE Gentis Proceres ante sexcentos annos in urbe Roma, Latioque potentia atque opibus summum claritatis locum tenuisse, ex annalibus constat, arbitranturque eos nonnulli à Germania oriundos, uel uno maxime argumento, quòd Germanis Cæsaribus in omni fortuna semper adhæserint, quum ex professo Gibellinas secuti partes Cæ-

sarum nomen perenni studio tuerentur, & Guelfis adeo infensi essent, ut plerumque à summis pontificibus dissentirent. Quod abundè liquet diro Bonifacii Octavi exemplo, qui quum Guelforum quàm sacrorum princeps uideri mallet, à Sarra familiæ principe acceptas uindicante iniurias captus, in custodia periit. Gentis uero nomen, haud dubie deductum fuisse plerique existimant à Columna oppido, cuius reliquias uigènte adhuc nomine, ultra Algidum, Latina uia conspiciamus. Nam id Bonifacius atque item Præneste, Petrum & Iacobum Columnas cardinales armis persecutus (ut scribit Blondus) immani rabie deleuerat. Columnæ autem oppidi nomen, uetustatis famam non aliunde quàm ex Antonini Pii Cæsaris Itinerario accepisse uidemus. Caterum in Columnia domo Stephanus senior utriusque fortunæ exemplis Romanorum procerum longe clarissimus, quum eandem familiæ disciplinam sequeretur, insignique uirtutis atque potentiæ fama floreret, Romæ per quinque annos continuo magistratu senatoriæ dignitatis fastigium obtinuit. Ab eo Henricus & mox Ludouicus Bauarus Cæsares in Capitolium recepti, & ad Vaticanum uel inuitis pontificibus imperatorio diademate coronati sunt. Ad huius studii officique memoriam Ludouicus coronam auream dono dedit, ut in gentiliis insignibus supra columnam perpetuo gestaretur. Sed Stephanus non multo post à tribuno plebis Rentio, atque item ab eius armulo Varoncello, qui plebem aduersus nobilitatem concitauerat, Roma pulsus uictor tandem rediit, plebem inimicosque prostrauit, filiique & duorum nepotum indignam cædem ultus, urbi quietem & Capitolio suum decus restituit. Hic est ille qui per ciuiles discordias contendendo pugnandoque exactæ ætatis senex factus, hortanti Frâncisco Petrarce familiari suo, ut animum ab intestinis contentionibus ad ocium deduceret, præ clara & patritio ore digna uoce respondit, Romano & generoso uiro ad sepulchrum usque pro dignitate & libertate esse dimicandum. Huius domus quum filiorum atque nepotum nobilissima sobole floreret; in quibus cardinales & episcopi, sacratique minores uiri literis & pietate insignes, summæque uirtutis & indolis militares duces uiscebantur, optimorum studiorum & ueræ uirtutis domicilium fuit. Stefano autem quum in Galliam ad pontificem nauigasset, in magistratu successit Versus Anguillarius eius gener, à quo se Petrarca in Capitolio laurea donatum scribit. Sed mihi ueterum annales excutienti, & quales quantosque uiros tulerit Columnia domus memoria repetenti, Ioannes Columna cardinalis Odoar-

do genitus omnes qui antea fuerint, uel postea uirtute ac armis illustre nomen sint consecuti, cum pietate, & magnitudine animi, tum rerum gestarum gloria superasse uidetur. Is enim trecentos & uiginti ante annos ab Honorio pontifice Christiani exercitus & ingentis classis legatus, in Aegypto ad Pelusium Nili ostium, Aeliopolim, quam Damiatam uocant, ualidissimam urbem expugnauit; sæpe & diuerso quidem euentu cum Saracenis acie conflixit, captusque & demum solutus, & uictor ex ancipite periculo laboræque honestissimum sacrato uiro atque id incōparabile, omniæque armorum specie splendidius triumphum Romam detulit, Columnam scilicet in qua Christus seruator Hierosolymis deligatus & flagris cæsus fuit; quam in sanctæ Praxedis templo supra Suburam ad Aesquiliæ hodie ueneramur. Huius quoque opibus hospitales domos ad Lateranum cum magnis reditibus in alimenta peregrinorum calamitosorumque hominum cum singulari pietatis laude ædificatas constat. Sed familiæ nomen & opes aduersis sæpe ciuiliū bellorum motibus nutantes, post ducentos annos à Ioanne cardinale Oddo Columna confirmauit atque auxit, quum apud Constantiam in concilio Christianorum omnium uirtutis commendatione & Sigismundi Cæsaris insigni studio pontifex esset renunciatus, Martini nomine desumpto. Huic ex Agapito patre fuere tres fratres, Iordanes Salernitanus princeps, Sarra tertius, qui sine prole decessit, & Laurētius Albæ Marforum comes, & Neapoli magnus ærarii præfectus. Hic in quadam turre fortuito incendio absumptus Prosperum summæ autoritatis cardinalem, atque item Antonium præfectum urbis & Odoardum Amalphitanum principem filios reliquit. Ex Antonio Prosper, ex Odoardo Fabritius editi, ante alios præclara familiæ lumina maiorum omnium famam uirtute bellica & fortunæ prouentu, ætate nostra feliciter adæquarunt. Prospero ex alia matre frater fuit Hieronimus POMPEII cardinalis pater, qui Sanctacrucis Valleios ciuili exorta seditione oppugnantibus, quum armatus prodisset, pilo ab aduersa acie eminens contorto, per thoracem traiectus interiit. Pompeius & reliqui fratres, de quibus mox dicemus, patre orbat, singulari diligentia Prosperi patris perdiscendis literis in ludum sunt coniecti, sub erudito sed admodum rigido præceptore, & procul ab urbanis delitiis. Is enim in monte Compatrium in Tusculanis collibus eos alebat simul & docebat. Enituit in eo statim ingenium acre, uiuidum, sublime, & in perdiscendo pangendoque carmine adeo gloriæ audum, ut quum M. Antonius idem Patruelis frater, & in ludo locius, aliquid ipso felicius diceret, aperto quodam æmulationis dolore torqueretur. Decimumoctauum agens annum, ed ingenium corporisque staturam ad militares artus protulerat, ut quanquàm imberbis, imperia præceptoris eluderet, nihil tamen de literarum studio remitteretur. Sed cum M. Antonio ætate paulo maiore, de bellicis laudibus & de maiorū suorum præclare gestis assidue disputaret, ita ut euolare atque arma tra-

ctare

stare malle nideretur quàm consensescere in literis, quæ præstantissi-
 mis tantum ingeniis gloriam afferrent, mediocribus autem uix necessa-
 ria uitæ frugi alimenta præbere consueissent. Contendebant eo tempore
 inter se armis Columnii Vrsinique proceres, quum dissidentibus inter
 se Sabellis, duo eius familiæ Syluius atque Traianus ad Vrsinos se con-
 tulissent, usque illorum armis, Iacobum & Troilum paternis oppidis
 expellere conarentur, quos aduersus parum æqua postulantes, Columnii
 pro dignitate Gibellini nominis defendendos suscepissent. Eam uero
 controuersiam in immensum alebat Alexander pontifex mira simula-
 tione modo his, modo illis fauēs, & occulte utrisque pecuniam atque ar-
 ma submittens, scilicet ut mutuis attriti cladibus, ab ipso denuo sine ne-
 gocio deleterentur. Descendebant à Crustuminiis uallibus Columnii Pro-
 sper atque Fabritius, ut secus Palumbariam in Latium redirent. Vrsini
 sub monte Cælio castra posuerant. Itaque Pompeius & M. Antonius cō-
 tineri non potuere quin in castra conuolarent, interessentque memora-
 bili prælio, in quo triduo post utriusque factionis clari duces, partium
 opibus aucti confirmatique Germanorum atque Hispanorum auxiliis
 concurrerunt. Nullo unquam prælio, maiore æmulatione uehementio-
 reque odio certatū est, quum ab insignibus & de facie noscerentur, & in
 prima utrinque acie cristis & uoce insignes inter se noti amplius uiginti
 proceres depugnarēt, qui postea celeberrimi nominis duces euaserunt.
 Cessere Columniis Vrsini capto Carolo Vrsino Virginii filio, qui ce-
 teris imperabat, ceciditque apud Columnios Antonius Sabellus omni-
 um pugnacissimus. Eo die insigni militiæ rudimēto Pompeius profliga-
 tos insecutus hostes insignem equum deiecto cataphraeto in castra re-
 tulit. Secundum eam uictoriam Prosperi consilio, & Fabritii pugnaci
 manu haud dubie partam sequenti die uictores ultra Labicanum Anie-
 nis pontem in Tiburti sub diuo epulati sunt, Carolusque generose
 dimissus quum utrinque insidiosi pontificis consilia sero detexissent, ini-
 tæque pace & compositis rebus Prosper Pompeium ad Federicum re-
 gem Neapolim perduxit, apud quē statim inter carissimos est habitus,
 quum forte spectante rege nobilissimi iuuenes triplicato saltu decerta-
 rent, ipseque productus in stadium, ceteros omnes cum multo spectan-
 tium plausu superasset. Interea Alexander pontifex diro scelestoque consi-
 lio, ut amplum Cæsari filio imperium pararet, cum Ludouico Gallorū
 rege fœdus iniit, cui & Venetus adaugendi imperii maxime uidus ade-
 rat, ea conditione, ut Ludouico Sfortia Cisalpinæ Galliæ imperio depul-
 so, Venetus Cremona urbe; Alexander uero Togatæ Galliæ urbibus;
 circa Flaminiam uiam potirentur, & reguli omnes qui pontificiæ diti-
 nis essent, mulctandi delendiq. Cæsari Borgiæ traderentur. Ita Columnii
 uim imminētis procellæ felici coniectura metuentes, sponte atque op-
 portune diffugerunt. Ioannes Columna cardinalis Prosperi frater post
 multas latebras in Siciliam euasit. Fabritius & Prosper apud Federicum

cum uniuerſa familiæ iuuentute, militiæ adſcripti ſubſtitere. Secutus eſt Iubilei ſæcularis annus funeſto totius Italiæ motu, & immani pontificis ſcruitia inſignis, quo Ludouicus Sfortia & Aſcanius cardinalis frater prodicione Heluetiorum capti detrufque in Gallicum carcerem, paterno imperio excederunt. Catharina Sfortia bello capta Forocornelii & Foroliuii poſſeſſione exceſſit. Euſtorgius Maniſfredus adoleſcens necatus & in Tiberim proiectus, Fauentiam cum uita reliquit. Varanii Camertes reguli quatuor ſtrâgulati. Vrſini nullo ſalubri conſenſu coeuntes Paulus & Franciſcus, itemque Vitellocius Tiſernas Liberoſque Firmanus necati; Baptiſta cardinalis Vrſinus in arce cantaridû ueneno ſublatus. Bernardinus & Iacobus Sermonetæ in Latio reguli, hic ferro, ille aconito extincti; Præterea Malateſtæ Arimino, Sfortiæ Piſauro; Feltrii Urbino pulſi, & in exilium acti, ita ut uni omnium Colomnii proceres, admodum prudenter in ea turbulentiffima tempeſtate egſiſſe ſint uifi, quod paternis oppidis quæ Borgiarum nefariæ cupiditati inuadenda reliquerant, ſalutem prætuliffent. Secutus demum eſt annus quo Ludouicus & Ferdinandus reges in Federicum Aragonium conſpirantes, nobiliſſimum inter ſe regnum diuiſere, authore pontifice, Breuique Federicus deſertus ac proditus in inſulam Aenariam profugit, atque inde ſuperante odio in Ferdinandum quod propinquitatis & fidei iura uiolaſſe uideretur, Ludouicum prætulit, ad quem ſupplex in Galliam confugeret. Fabricius & Proſper id conſilium improbant, utpote qui ſalutem ſuam Gallis minime committendam exiſtimabant, exiliôque ignobili in remotiſſimis terris ſeneſcere, repetendisque paternis oppidis ſpes ſuas corrumpere nolebant, enauigante in Galliam rege, ad Conſaluum Agidarium Conſentiam ſe contulerunt, à quo ſummis honoribus excepti, magnisque aucti ſtipendiis, in id tempus permansere, quo bellum inter Hiſpanos & Gallos exarſit, quum de finibus primo inſolenter uerbis, mox immodice armis contendiffent. Eo conſtato bello Pompeius quam plane imberbis alam leuis armaturæ equitû ductandam ſumpſit. Euaf erat enim iam & habitus uigore & animi ſpiritu plane militaris, ita ut inter Hiſpanos induſtria atque uſu clareſceret. Ceſſerant Hiſpani ab initio Gallis. Borolumque in Apuliam ſe receperant, uti maritimæ urbis copiis iuuantur, atque interim è Sicilia atque Germania nouas copias expectarent. Editæ fuere per id tempus aliquot tumultuariæ equeſtres pugnæ, complura ex inſidiis peditum prælia, iuſtiſque per hiemen expeditionibus oppida multa tentata captaque, & in his Rubium Columniorum maxime conſilio & manu tormentis expugnatum, oppreſſis ibi duarum Gallorum alis, & Palitia claro duce capto. Neque ullum illuſtre bello facinus eſt editum, in quo non Pompeius aut acriter pugnao, aut ſeſe fortiter explicao, nominis famam extenderit. Suborta demum eſt præ clara contentio de uirtute inter Italos & Gallos, quum Galli ſe Italis equeſtri gloria præſtare diſtitarent, atque id ſe paribus armis cum totidem

dem cataphraëtis, concludo in stadio ad certum uictoriæ præmium ostē-
 furos affirmarent; Nam pauld antè undeni etiam Galli Hispanique equi-
 tes ambiguo Marte & incerta uictoria ad Tranium dimicant, prouo-
 cante Morra Gallo, quem postea uti Borbonii satellitem in occupata
 Cæsarianorum armis urbe Roma prætorem uidimus. Indicus Lopes
 Hispanus pro Italis recepit idque mox ratum habuere Prosper atque Fa-
 britius, qui pro decore Romani nominis, retundendam Gallorum inso-
 lentiam existimabant; quo illi numero præscripserant tredecim equites
 constantis præsertim ingenii & indomiti roboris delegere. In his adnu-
 merari Pompeius magnopere cupiebat; sed patrui seueritate ei uix dum
 erumpentem primam lanuginem obiectantis, ab eo grauissimo facino-
 re deterritus, id tamen impetrauit, ut alienæ uirtutis spectator foret, ar-
 migerique habitu hastam cassidemque lano Capoccio equiti Romano
 deferret. Audiui ego sæpe ipsum id memorabile prælium recensentem
 affirmantemque se nunquam postea, aut pulchrius spectaculum, aut ho-
 nestiorem uoluptatem oculis atque animo percepisse; quum Itali stratos
 vulneratosque hostes Gallos in castra capriuos cum acclamatione totius
 exercitus adduxissent. Nec multo post adulto iam uere commissa est in
 signis pugna, ad Gerionem prope Canusium. Iam enim Octavianus Co-
 lumna Pompeii frater ad Maximilianum Cæsarem in Germaniam mis-
 sus à Tergeste per Hadriaticum lectissimas Germanorum cohortes ad-
 duxerat, Consaluuſque eduëtis Barolo copiis prælio certaturus ad Ge-
 rionem peruenerat, æstuoso siticulosoque itinere, ita ut pedites siti fati-
 scentes ab acie soluerentur. Prosper Romana disciplina idoneum castris
 locum aggere ab agrestibus factò, & tum adauëtò opportune munitionum,
 conquiescendum atque ibi expectandos hostes esse censuerat, ut Gallo-
 rum magna ui irruentium impetus obiecto aggere frangeretur. Nec
 eum omnino sefellit opinio; nam Ludouicus Namursius ex Armeniaca
 familia, cuius erat exercitus imperium, uti plane iuuenis, quin con-
 fligeret, retineri non potuit; tamen si toto eo die cum Fabritio Columna
 totius equestris leuis armaturæ præfectò, ex itinere lacessendo prælian-
 doque suos ad magnam sitim ac lassitudinem perduxisset. Inter utrumq;
 enim exercitum medius constiterat Fabritius tam felici labore quàm pe-
 riculoso munere defunctò, ut late diffusis alis in queis Pompeius nau-
 ter operam præstitit, prospectum omnem in ea ruda planitie Gallis ho-
 stibus adimeret, ita ut non satis perspicue conspiceret, aut coniectari pos-
 sent, quonam ordine compositæ acies incederent, quibus præsidii im-
 pedimenta firmata essent, quo intervallo peditum agmina ducerentur;
 quem denique itineris flexum Consaluuſ cum signis atque tormentis te-
 neret. Iam serum diei erat ad Quartum Calendas Maias, quum appropin-
 quantes Hispanos atque Germanos Prosper intra munitiones salu-
 bri consilio recepit, quanquàm illi elatis ferocia animis ea munimenta
 despicerent, profiterenturque se æquali & expedito in campo, uel cum

duplicato hoste pugnuros. Sed in Prospero ea erat autoritas & prudentiæ militaris opinio, ut facile paruerint, quum humaniter alloquendo mirum in modum in eis magnitudinem animi laudasset, ut demum arrogantiam, uti exitiosæ temeritati proximam castigaret. Superueniente Cōsaluo instructæ sunt acies, ipse mediam, Fabritius & Prosper cornua tenuerunt. Emisere interim tormenta Galli puluerulentoque agmine progressi, & proposito pugnae signo, hinc equites, illinc Heluetii Gallicque pedites æquata fronte incitati cursu in hostes procurrere. Non tulissent vim irrupentium Hispani, nisi ea vel exigua munitionis iniquitas nequaquam ab ipsis Gallis explorata eorum impetum retardasset atque fregisset. In ea cunctatione Ludouicus quum alium tentaturus in hostem aditum confertissimas cataphractorum turmas reflecteret, Germanica glande traictus occubuit. Ciandus & ipse Heluetiorum dux cristarum sylua conspicuus à Germanis atque Hispanis, qui cum eius peditu pugnam exceperant, interficitur, uixque semihoræ spatio tota Gallica acies caesa prostrataque est. Equitum Gallorum acer impetus fuit, sed mox insignis fuga, hæsitque eorum tergis Fabritius in multam noctem, quum Alegria & Arsius duces diuersis itineribus euassissent. Prosper diuersa uia cum Pompeio, tumultuariisque equitum turmis delatus ad hostium castra ingenti præda potitus est; ita ut etiam hostium mensæ omni cibariorum copia usque ad luxum exornata, lassitudinem uictorum abunde recrearent. Prosper ingressus Ludouici tabernaculum omne argentum quod in abacis expositum erat, Pompeio ob nauatam fortiter operam donauit, quod ipse demum ad rationem spectatæ uirtutis liberali animo penè totum equitibus suis diuisit. Pernoctarunt in ipso interfecti hostium ducis prætorio Prosper atque Pompeius, & id quidem cum insigni dolore sollicitudinēque Cōsalui ipsiusque Fabritii, qui quoddam ea nocte in castra non redierant, ambos haud dubie cecidisse existimabant. Pompeius eo die ter summum uitæ periculum adiit, nam, quum in densatos hostes irrumperet, trinis Heluetiorum indutus contis, ex equi sella in sublime eductus, ita cecidit inde elabente equo, ut ferè prostratus crepserit; destitutus eo modo in pedes quum uacuum sessorum hostilem equum correpto freno ascendere conaretur, ab Hispanis eius prædæ audis penè est interfectus; seruatusque beneficio M. Antonii & Marcelli fratris, qui opportunè semioppresso opem attulerant. Exinde percutus effusus in fugam hostes priusquam patrum adsequere retur, quum in nobile Galli ducis scortum magno auri onustum pondere incidisset, disiecto fugatoque eius comitatu atque præsidio iam manibus prædam teneret, superuentu hostilis turmæ, penè ei sese explicandi & refugiendi ad suos tempus defuit. Profligatis eo modo Gallis, Neapolique subinde capta, admirabilique artificio Petri Nauarri duabus arcibus expugnatis, Pompeius ad recipienda Fundani agri oppida cum ala sua & peditem manu missus, Caietanæ familiæ principes celeriter in-
 de

de expulit, usufque Hispanorum uictoria in Hernicis aliquot castella occupata paulò ante à Comitum familiæ regulis in potestatem redegit. Interim Alexander pontifex moritur, quum ad fontem Vaticanum instructo conuiuium cardinales aliquot conuiuias ueneno tollere cogitaret, & errore ministri à lagenis Diis ueluti tot insignium uirorum neces uindictantibus, Falernum aconito dilutum ebibisset. Descenderat per eos dies à Gallia Cisalpina Franciscus Gonzaga atque Tramulia Gallorum duces cum ualidissimis Heluetiorum cohortibus equitatuque ingenti, Romanamque peruenerant, ut Neapolim repeterent. Consaluo soluta obsidione Caietæ ad tuendam Lyris amnis ripam in Sueffanum Minturnensemque agrum copias omnes adduxerat. Caterum multis paruis utrinque susceptis expeditionibus res eò deducta est, ut magna ui multoque apparatu Galli, Lyri amne, ponte constrato, transeundum omnino, & cum aduersariis patenti in campo confligendum decernerent. Erant Gallis ampliora numero, expeditioraque agilitate curuum & equorum aeneque tormenta, quibus è sua ripa ex obliquo & extremum pontis caput, & patentia camporum spatia petebantur, ita ut erumpentibus per pontem Gallis, nequaquam sine certa pernicië occurri atque resisti posse uideretur. Sed ambigente Consaluo atque cum casum reformidantibus plerisque fortissimis ducibus, Fabritius Columna ad Consaluum conuersus. Negocium hoc (inquit) nequaquam cunctanter consulendo considerandoque patrandum est, sed forti manu & expedito pugnacis animi uigore, quum iam transeant, & mox duplicatis turmis inuicti roboris densatum agmen, cui pares esse minime poterimus, circa pontem sint inducturi. Extemploque collaudatus à Consaluo Fabritius, euocatis excitatisque ad pulcherrimum facinus familiarium promptissimis, & uno maxime Pompeio audacter progredi iusso, quum plerique Hispanorum sequerentur, inter volantes colubinarum pilas, multosque milites passim earum uiolentia discerptos, ad pontem peruenit, tanta ui in primos irruens, ut Galli caesi pulsique partim retrò per pontem nerterentur in fugam, partim hinc & inde auersi & restitantes, quum ab extrema ripæ margine deciderent, profundo & rapido amne mergerentur. Neque unquam Gallis postea fractis, aduerso rerum euentu, ducum animis consilium fuit, ut de transitu amnis cogitarent. Eo die Pompeius à spectata uirtute ab ipso Consaluo publicè laudari, donarique insigni equo promeruit. Nec mulo post, quum auaritia Gallorum ducum, qui stipendia militum auertere & com meatus procuracionem ad infamem questum reuocare perseuerabant, Gallorum copiarum per hiemem imbris & gelu incommodam inedia afflictæ, & multis extenuatæ malis calamitosi exitus fortunam tulerunt; ita ut castris & demum Caietæ urbe post cruentam & miserabilem fugam pellerentur. Per id tempus Iulius Secundus Alexandro suffectus, uti erat Columnæ familiæ amicissimus, capto Cæsare Borgia atque eo Hispanis dedito, occupata paulò ante op

pida Prospero atque Fabritio restituit, missusque ad ea Pompeius ut inuiferet atque reciperet, eo cumulationem lætitiæ est consecutus, quod Alexandri sumptu, & in Algido & Genetiani, & apud Neptuni portum in Antiæ, & in Luculli Tusculano, arces ædificatas comperisset, quibus ipsi Columnii procures singulari atque insperato ab exilii calamitate, beneficio accepto, absque ulla armorum contentione & sumptu potirentur. Eo modo Columniis patriæ restitutis, ad augendas insuper eorum opes, Pontifex Lucretiam sororis filiam M. Antonio Columnæ exquisitis ingenii naturæque muneribus ornatissimo in matrimonium collocauit, donoque ad dotem adiecit Frascatum oppidum in Tusculano, percelebrem olim Lucii Luculli uillam, atque item ædes magnificas præ altaque turre insignes ad Apostolorum templum sub Quirinali, quas ipse in minore fortuna construxerat. Ob id Prosper graui quidem iudicio Pompeium sacris initiandum existimauit. Iam enim Ioannes frater cardinalis Alexandro morte sublato à Sicilia redierat, erantque illi sacerdotia perampli reditus quæ omnia senescente patruo Pompeius iuuenis ad corroborandam rediuiuis opibus familiæ dignitatem excepturus esse uideretur. Verum ille ab ingenio planè militari, uti bellicæ laudis quàm sacræ dignitatis audior, uix auribus patris consilium admittebat, utpote qui speraret postquam militiæ rudimenta initiq. secundissimè prouenissent, maioribus suis se pari cum laude successurum, qui familiæ opes armis enitendo contendendoque amplificasse, & militaribus imperiis atque honoribus uirtute partis insignem gloriam Columnio nomini quæsiuisse uidebantur. Sed eò acrius renuentem urgebat Prosper & seuerè admodum castigabat, quod Marcellus & Iulius natu maiores fratres iam uxores duxerant, & Octavianus pariter connubio ex usu factio nis opportune quæsito, operam liberis esset daturus. Per hunc modum obstinato animo sacerdotales honores repudianti per quietem apparuit ei Hieronymus pater, minaci & seuera fronte acerbis itidem castigans uerbis, & dextra quatiens flagellum, eo scilicet nudum uehementissimè percussurus, ni ex templo propinquorum iussis obtemperaret, atque ut in fati esset sacris initiaretur. Itaque Pompeius post multos æstus fluctuantis animi, quum paterno ostento & patruorum imperiis parendum foret, ualde moestus, & reluctante quidem genio protonotarius creatus, su perinductaque lintea striata stola apud Ioannem cardinalem patruum familiæ magister est effectus. Tum uero, uti noui sacratique ordinis professorem decebat, intermissa diu optimarum literarum studia, sedato compositoque ad ocium ingenio, repetere cœpit. Aderant ei uiri elegantes, clarique poetæ, Tamiros Macarocius & M. Antonius Casanova Comensi patre genitus; Phædroque in primis Volaterrano, & Camillo Portio Romanæ eloquentiæ professoribus familiaritate coniunctis utebatur, adeo ut ingenium excoleret feliciter, extemporaneisque sermonibus memoria rerum omnium fretus præcellenti, & sublime iudicium

cium, & luculentum Latinæ eruditionis apparatus proferret, ita ut non sit mirum, si demum supremis vitæ annis graviter scribendo ingenii fecunditatem ostenderit. Nequaquam tamen illos elati & generosi animi spiritus militares, à parte simul familiæque moribus ductos, adauctosque demum in castris abiecerat, quum in omni conficiendo negotio expeditus quidam & vere bellicus vigor, gestu, sermone, fronte, singulari alacritate semper emineret, adeo, ut cum Hiscero Hispano, ob exortam cum ipso similitudinem ex Reatini sacerdotii redivitis, ad singulare certamen provocante congregari sit conatus, proiecto in solum pileo, & stola sacerdotali iracundiæ fervore dilacerata, Veturæ infanti propoliti exitum propinqui; Ianus Bracalonus eques Romanus eius controuersie ferro finiendæ munus suscepit, quod indignum esset & procul à Christianis moribus, eum præsertim qui sacris esset initiatus, in harena decertare. Sed Hiscerus Bracalonium repudians, quum arrogantius quàm decebat, Pompeium itidem lacerando provocatoriis libellis irritaret, res eum habuit euentum, ut præco Hispanus ad Columniæ domus aream missus, quo Pompeium ad ignominiam tubæ cantu certamen detrectasse pronuntiaret, à servis sit trucidatus, postquam ea atria superbo ausu violasset, quæ damnatis & perfugis, propter inueteratam familiæ existimationem saluti securitatisque esse consueuissent. Ob id Rogeus Hispaniæ regis legatus de præconis cæde multo fastu & uehementi oratione apud Iulium questus, quum obnixè peteret, ut id facinus, quod ad publicam gentis iniuriam pertineret, insigni exemplo puniretur; rectissime factum pontifex respondit, quod serui à pedibus, ut tantam iniuriæ indignitatem uendicarent, Hispanicam insolentiam Romana superbia contrudissent. Nec multo post Ioannes cardinalis autumnali febre extinctus interiit; impetranteque Prospero ab amicissimo pontifice sacerdotia in Pompeium translata. Ea fuere episcopatus Reatinus & sacerdotium diuæ Scholasticæ peramplum, amœnique secessus ad Sublaqueum, aliudque item Deiparæ uirginis ad Cryptam ferratam in Tusculana Ciceronis uilla. Exinde lautius & luculentius uitam egit, literas ardentissime amplectens, nihil tamen intermissis cogitationibus quæ ad magnas res gerendas pertinerent, ut scilicet varias Romanorum ciuium, externorumque hominum clientelas pararet, gratiamque suam, atque item gentis authoritatem subleuandis his qui opem implorarent uehementissime conferret. Id enim unum in eo uiro eximium & perennè studium fuit, ut amicis præclaram constantemque operam præstaret; persequeretur uero eos pertinacibus armis, quos ipse aut partium nomine, aut amicorum nutu oppugnandos omnino suscepisset. Interea Iulium pontificem uehemens inualit morbus dolore animi ab aduersis belli successibus haud dubie conceptus; paulò antè enim Francisci Mariæ Vrbinatis qui ex fratre nepos erat adolescentis & imperiti ducis copias, & Ventorum item auxilia Triuulcius ueteranus imperator sine ullo suorum vulnere

profligarat, Bononiamque Bentiuolis ueteribus tyrannis reddiderat. Qua freti uictoria cardinales septem qui à pontifice descuerant indicto Pilis & demum Mediolani concilio uehementius & arrogantiùs ad dicendam causam Iulium uti pseudopontificem, criminosisimis editis libellis citabant. Itaque manante per urbem fama Iulium intra paucas horas expiraturum, coiuere in Capitolio Romani ciues, atque item utriusque factionis procures miro consensu de republica consultants. In his principes erant Pompeius Columna, Robertus Vrsinus Pauli qui à Cæsare Borgia necatus fuerat filius, Georgius Cæsarinus, & Anthimus Sabellus, qui nobiles opulentisque secundæ classis familias, atque item populum & infimam plebem, rerum nouarum cupidam, ad publicum audendum facinus pertrahebant. Summa consiliorum omnium erat, ueterem libertatem tanquam fallacissimis sacerdotum artibus ereptam, armis recuperarent, nec se in posterum per inane iurandum noui pontificis & insidiosas cardinalium pollicitationes fœde decipi, circumscribique, & indignæ seruitutis compedibus uinciri paterentur; urbem & uetigalia & iuris dicundi magistratus antiquissimæ possessionis iure ciuium esse Romanorum. Porro sacrorum curam sacerdotum atque pontificum iuris esse, quorum augustæ dignitati æquum esset summos honores exhibere, & in tota admiratione reipublicæ Christianæ eorû auctoritatem sequi. Cæterum uetere Romani nominis gloria indignum uideri, quòd paucorum sacerdotum impotenti auaritia libidineque cuncta populi commoda interciperentur, illorum enim profectò esse emolumenta rerum omnium; porro ipsi ueluti ad solatium sensum inducæ seruitutis, ueterum tantum honorum imagines esse relictas; quum senatoris paludati sceptrum & triumphalis magistratus conseruandæ urbis, uidentes fasces speciosa uisù insignia inter pompas & agonales ludos, inanem & irrisam auctoritatem obtineant, & si qua sint quæ pudore superiorum pontificum minime abolita uideri possint; ea tamen prætoris urbani summo & peracerbo quidem imperio circumscripta & angustissimis iuris dicundi finibus inclusi teneantur. Omnium profectò pontificum id esse decretum, quod nemo nisi planè uecors non intelligit, ut ex cisa uetere Romani sanguinis stirpe sublatisque proceribus, tota urbs occupanda inquilinis & semibarbaris hominibus concedatur. In eam quoque rationem principes urbis familias solito purpurei galeri honore, quo iamdiu orbatæ sint, pertinaci pontificum liuore priuari, excludique uirtutem ipsam ab aditu senatus, quem ex aduerso probroliis hominibus abunde repleuerint, ne unquam generosis, Romanisque ingeniis pateat locus unde ad fastigium summæ dignitatis eniti possint, Quasi Romanæ ciuitati omnino erubescendum sit, aut Christiano orbi poenitendum, quòd Cælestinus Comes, Honorius Sabellus, Nicolaus Vrsinus, & Martinus Columna sacris & reipublicæ præfuerint, qui pietate, innocentia, uirtutisque animi illustres, multas successoribus tenebras offudisse uideantur.

In his

In his concionibus ut quisque acerbissime atq. infensissime de sacerdotū moribus, dominatuque prolocutus est, is ante alios constatissime & pro dignitate Romanæ libertatis dixisse est uisus & publica uoce celebratus. In his Pompeius uehementiore eloquētia fuit insignis quam libero ore cunctis dicendum, & cardinalibus per interregnum ui & manu personā omnino detrahendam esse perorasset. Indignabatur enim quod Vrsino, Sabello, Columnæ, & Cæsarino nuper defunctis, nemo Romani sanguinis esset suffectus, quum Alexander & Iulius aliquot nouos homines, & scelerum infamia notatos in senatum delegissent. Itaque decretum est ut armati conclaue in Vaticano circumsiderent; à cardinalib. ante inita comitia singulis sacramēto adactis postularēt remitti uestigalia, salisq. præ ferrim, & demum aliarum rerum immunitates. per uim antiquatas abolitæque restitui, utque à nouo pontifice priusquam conclaue excederet, & ad diui Petri aram deferretur, triumuiris antiqua spatia iurisdicundi, & populo creandorum magistratum iura ædilitatisque munera redderentur; & uti primo quoque tempore legeret in senatum quatuor Romani nominis cardinales, legemque promulgaret, qua urbana sacerdotia ueteribus Romanis, aut ante Patres ciuitate donatis, conferrentur. Fuisse & qui intemperantius uocem efferendo & in his M. Altherius & Iulius Stephanutius (is tum erat triumuir) molem Hadriani repetendam, Romanoque præsidio custodiendam censerent. Sed dum Romani in Capitolio horis propè omnibus cōsultant, Scipio Lancelotus medicus, pontificem stomachi uitio prostratum & alimenta repudiantem, oblato persico pomo, ad certam uitæ spem feliciter erexit. Ad eius rei famam dissoluta extemplo populi cōsilia, & dilapsæ cohortes quæ iam ad signa conuenerant. Verum de Capitolinis concionibus nihil omnino à cubiculariis pontifici fuit delatum, ne in auge conualescente iracundoque homine, ad eius exitium bilem mouerent. Fortè per eos dies Petrus Valilius cardinalis Rheginus Togaræ Galliæ præfectus, quum in provincia fastidiosa bellicosique, inter Gallicos tumultus, Bentiuolorum & Ferrariensium armis exposita uiro opus esset, qui generis autoritate, expeditioque consilio & militaris ingenii uigore præstaret. Porro Pompeius quæ de causa in Vaticanum uocarentur ignarus, in ancipiti consilio aliquandiu hæsit, ut ipse unus quod ordine sacerdos esset, turbulentæ concionis poenas daret. Quamobrem aduocatis in concilium ex utraque factione amicorum primoribus, dixit se omnino ad pontificem iturum; si uerò aliquid sibi durius accideret, nauiter ad arma conclamarent, & celeriter opem ferrent. Sed Iulius ita eum amice excepit, ut inde non modo metu liberatus, sed auctus præfecturæ honore domū reuerteretur, super hæc

optima spe etiam plenus; Nam Iulius dixerat eum è provincia purpureo galero insignem esse rediturum. Sed dum Pompeius iumenta parat & familiam instruit, biduo in provinciam profecturus, amici Francisci Maria, & in primis Isabella Gonzaga ex adoptione mater, quæ tum aderat, metu consternati, Iulium adeuntes docuere eo consilio nihil esse alienius à rationibus pontificis ac salute Francisci. Nam si Pompeio designato præfidi Togata Gallia traderetur, præberi inde aditum Fabritio Columnæ ad inuadendum Urbini principatum, quum is tum ualidissimis instructus copiis, aduersus Gallos bellum gereret, & in propinquo eius rei aggrediendæ occasionem opperiri uideretur. Nam Fabritius ex Agnelina Guidonis Vbaldi pariter sorore liberos sustulerat, ad quos ex æquo dimidia eius principatus hereditas pertineret; adeo ut ad iniuriâ Columnæ domus Agnelinæque & liberorum, Franciscum à Guidone adoptatum fuisse quereretur, dicitarétque sæpius, se aliquando aut iure aut armis eius hereditatis controuersiam finiturum. Addidit & infesto sermone mulier itidem periculum deprecata, nequaquam è republica uideri, si eum obiter dignitate exultationeque actum, provincie toties commotæ, paratæque ad sumenda arma præficeret, qui dudum in Capitolio princeps, turbulentissimis conciliis & concionibus, Romanos specie recuperandæ libertatis aduersus sacerdotes concitasset. Ea re Iulius tum primum audita extemploque aduocatis familiaribus ordine recitata, iratus Pompeio significari iussit, ne se ad iter compararet; quoniâ ipse aliud de præfectura Togatæ Galliæ consilium desumpisset. Nec mora Pompeius non tam sibi metuens, quàm feruido ingenio contumeliam non ferens Hieronymum Viccum Ferdinandi regis legatum orauit, ut se ad pontificem deduceret. Dicturum enim se, coram, publicam Romanorum omnium causam, quæ exquisitis postulatibus munita atque defensa uideretur, priuatique officii sui erga ciues necessitatem excusaturum. Quum ea Vicco probarentur, deducereturque in Vaticanum Pompeius amicos monuit obsecrauitque ut instructi paratique essent ad defendendam iniuriam, si sibi uis inferretur. Cæterum pontifex ad cubiculi fores expectantem, frustra rogantem legatum non admisit; hoc unum austero ore prolocutus. Nolo ego iracundus cum superbo & turbido uerbis decertare. Neque ulla res Pompeio moram attulit, quin extemplo ab urbe in Némorensem uillam proficisceretur, planè alienatus & pontifici futurus hostis, quum ei salutem minime commitendam existimaret. Nec multo post Petrum Marganum urbe profugum ad se recepit. Is iuuenis, ingenio ferox, opibus & clientelis potens, Centium cohortis uigilum præfectum in campo Floræ trucidarat, ut ueterem contumeliam uindicaret, quod ab eo non multo antea, quod ferro succinctus inambulet, absque ullo uerborum honore in carcerem esset perductus. Præerat tum prætorianis equitibus Marganus pontificis amicitia insignis, quod cum à sacro baptismatis fonte, & demum per omnem æta-

tem

tem in delitiis habuisset. Sed in Margano nequaquam tanti reuerentia erga principem atque eundem prope patrem atque nutritum fuit, ut honestissimis sacramenti militaris rationibus, uindictæ libidinem anteferret. Inueterata enim cōsuetudine Romani maxime decorum putant præfectum uigilium interfecisse, quod eo facinore fortiter patrato totius iuuentutis, gladiatorumque omnium gratia atque insigne studiū comperetur; confirmeturque ea opinio apud omnes ordines, in Romanis petitoribus non deesse generosos spiritus pro tuenda nominis dignitate. Quamquam fatali temporum iniuria sensim decepti, oppressique, à uetere sua amplitudine, fortunæque deciderint. Itaque Pompeius atque Marganus aduenisse tempus rati quo arma expedirent, Robertum Vrsinum in societate adsciscunt, cum Marcello, Iulioque Pompeii fratribus, itèque Petro Francisco Columnæ consilia communicant, decernuntque in Gallorum partes transfundum, ut eorum adiuti pecunia, conscriptisque copiis, pontificem domestico conflato bello, ab Ethruria simul & Lario adoriantur. Coniuratione itaque inita & constitutis rebus, Marganus atque Robertus in ulteriorem Galliam magnis itineribus contendere, explicatisque gerendi belli consiliis, à Gallis ducibus liberaliter suscepti laudarique, supra uigintimilia aureorum nummum ad præbenda militi stipendia, per sygraphas accepere; eaque mox pecuniæ summa Mediolani atque Florentiæ per mensarios curata est. Galli eo tempore cum Venetis simul pontificæque & Ferdinando rege bellum gerebant, maximumque ad maturandam uictoriam momentum putabant, si utriusque factionis uirum accessione Iulius, nouo repentinoque domi laceratus bello, urbe Roma pelleretur. Ferunt Prosperum ab initio non ignarum eius coniurationis, ab honesto quodam liuore, nequaquam dissimulante optauisse, ut Iulii Ferdinandi que spiritus aliquo aduerso rerum successu frangeretur, quod ab his in eo armorum tumultu, ipse tantus imperator esset prætermisus; quum hic Raimundo Cardonio uiro eleganti potius quam belli perito aut forti, copiarum imperium detulisset. Ille uero fratris Iulii adolescentis opera parum feliciter uteretur; cuius ipse antea imperio parere recusasset, ne graui cum iactura antiquæ existimationis suæ, quæstui potius quam antè partæ laudi consulere uideretur. Verum ubi rem ad extremi discriminis aleam omnino deductam uidit, feruidorum iuuenum audaciam ciuili remedio reprimendam ratus, dedit sedulo operam substracta pecunia, ne militares copię conscribi possent; Providebat enim uir æque pius & sapiens atque in omnino consilio moderatus, humana diuinæque omnia fœde conturbari, amicissimique pontificis conuelli dignitatem, Neapolitanumque regnum in longè maximū discrimen deuocari, pro cuius possessione cum Gallis paulo antè tanto cum periculo & tanta cum laude dimicassent. Itaque Pompeius atque Marganus exuti pecunia & præsentis Prosperi authoritate minisque deterriti, ad Sublaqueum se receperunt, oppidoque munitiones addide-

runt, quibus sese aduersus irati pontificis imperium tuerentur. Interim Robertus Vrsinus, Iordani Vrsini hortatu, qui pontificis erat gener, & propinquorum omnium precibus, libertatēque item pontificis expugnatus, ad officium rediit; Archiepiscopusque Rheginus in spem & propinquum gradum senatoriæ dignitatis creatus est. Sed nequaquam Gallis restituta pecunia, quoddam domestico cultu, conuiuūque, & festinata in milites largitione profudisset. Confluxerant per eos dies ad Rhauēnam Gastonus atque Cardonius funesto utrinque euentu, quum stratis pari prope clade ualidioribus utrinque copiis Gastonus memorabilis adulescens in ipsa uictoria cecidisset, Cardonius uero deserto exercitu fœdē profugisset, & Fabritius magister equitum, & Nauarrus peditum omnium præfectus, legatusque ipse Ioannes Medices cardinalis in Gallorum potestatem uenissent. Eius aduersæ pugnæ nuncius adeo pontificem exterruit, ut mari profugiendum deserta Vrbe cogitaret, ne ab intestinis hostibus opprimeretur, quum Pompeii consilia repentinumque impetum magnopere formidaret. Sed eum concepto metu ualde commotum, neque tamen desperantem in spem erexit confirmauitque Iulius Medices, qui tum Rhodiæ militiæ eques, postea pontifex Clemens Septimus est appellatus. Is enim omnium primus de Gallorum castris in urbem intento cursu peruenerat, ut pro redimendo fratre Legato, cum ab ipso pontifice, tum ab amicis omnibus, opem atque pecuniam impetraret. Is detecta & sigillatim expressa Gallorum calamitate, recitatisque nominibus eorum ducum, qui in acie cecidissent, aut grauissime fauciati Ferrariā delati essent; tantis incommodis debilitatas hostium copias esse docuit, ut quum Hispanos pedites densato agmine foriter euasisse diceret, nihil iam amplius sibi timendum Iulius arbitraretur; sed continuo pecuniam affatim proferret reparandis copiis, mitteretque ad Heluetios Matthæum eius generis cardinalem, ut inde auxilia pararentur. Quibus intra paucos dies euocatis & adiuncto Venetorum exercitu, Galli ab Athesis ponte deiecti, pulsi que demum Ticino urbe, atque amissa fœde Italia, ultra alpes continenti cursu profugerunt. Ita pontifex ex summo dolore repentina affectus lætitia, incomparabilique uictoria potitus, Bononiam recepit; Ioannem Medicem legatum quem Rainaldus Zastius nobili facinore edito de manibus Gallorum eripuerat, Florentiæ patriæ paternæque amplitudini restituit, Petro Soderino inde pulso, quoddam profugis ad se seditiosis cardinalibus & concilio demum Pisius sedem dedisset. Conuersus demum contra Pompeium, tamen eum nequaquam hostili animo armisque persequendum iudicabat, ut eius errata familiæ condonare uideretur, ad retinendam tamen sacrosancti imperii existimationem, ut exemplo cæteros sacerdotes deterreret, ei gestandi uiridis pilei honore atque item sacerdotia ademit, promulgatis in eum iudicialibus libellis; cæterum sacerdotiorum redditus M. Antonio largitus est: Is Iulii ex sorore neptem Lucretiam in matrimonio habet, insignique gratia supra affirmantem

eximius

eximiis bello & pace virtutibus parta apud Iulium florebat. Quas ob res Pompeius consulendum saluti ac libertati ratus, supra Sublaqueum præ alta in rupe, arcem quem Cæruariam appellabant ædificare cœpit, ut si aduersum se armis Iulius utendum statueret, loci munitione defenderetur. Sed M. Antonius lenito Iulio Pompeium fratresque eius omni metu facile liberauit; nullis tamen præcibus potuit impetrare, ut ei sacri pilei dignitas redderetur. Ignoscebat ei pacato animo iniuriamque remittebat, ita ut etiam maturè per breuem epistolam gratiam & reditum polliceretur. Sed epistolam reiecit Pompeius generoso, atque indomito prorsus ingenio, quòd pontifex episcopi Rheatini titulum in præscriptione non posuisset; adeo ut præconi qui eam attulerat, vultu in amarum reidenti & subirato diceret; Alibi cum Pompeium ad quem pontifex scriberet esse requirendum, ipsum certe esse episcopum Rheatinum, ad quem minime ea epistola scriberetur. Sed eam rem ad excitandum risum M. Antonius detulit, festiueque perucit, ut in literis episcopi nomen adderetur. Paucis post mensibus Iulius diuturno fluentis alui morbo confectus, uotorum fere omnium compos, & prolati imperii gloria plenus interiit. Nec moratus est Pompeius, quin in Tusculanum amicos & propinquos omnes aduocaret, cogeret copias & ænea tormenta pararet; quibus irruptione in urbem facta Antonii Montani cardinalis qui Rheatinum episcopatum ambitiosè potius quàm honestè suscepisset, & Mariani Cucini, qui fisco præfectus criminosum libellum quo fuerat damnatus dictauerat, domos bellico more disturberet. Hæc parantem tardauit Fabritius, egitque cum cardinalibus ad ineunda suffragia paratis, ut Pompeio insignia sua redderentur; idque facile impetratum est. Effuderant enim se omnium ordinum Romani ciues, ut redeuntem uiderent, eique studia sua pollicerentur, adeo ut Tusculana uia euntium ac redeuntium frequentia percelebris efficeretur. Andreas quoque Valleius qui postea cardinalis est effectus, ad eum senatus nomine legationem suscepit, fidemque publicam interposuit, ut egregia omnium uoluntate pristinæ dignitati restitueretur, si ab armis discederet, intraretque urbem eo animi decreto, ut commotæ ad arma urbis tumultus compesceretur, & comitiis publica securitas atque libertas ipso ante alios præsidente præstaretur. Intrauit itaque urbem Pompeius, magna omnis generis togatorum & militum frequentia ad ueteres ædes deductus; foribus conclusi ad ineunda suffragia senatus præfuit. Nec multo post, quum Iordanus Vrsinus, Fabritius Columna Iuliusque Vrsinus & Lucas Sabellus salubri consensu erumpentes passim tumultus feliciter compressissent, Ioannes Medices desumpto Leonis Decimi nomine pontifex est renunciatus. Is singulari humanitate Pompeium ad oscula pedum admissum, ex templo dignitati sacerdotisque omnibus restituit, persecutusque est insigni liberalitate Columnios proceres, Fabritium in primis & Prosperum quum eis per amplas & tripar-

citas ædes cum ornatissimis hortis daret, quas Iulius in priuata fortuna Columnio in solo ad sanctos apostolos ædificarat. Exinde Pompeius in honore habitus, urbem atque aulam biennio coluit, ita ut æstate ad Sublaqueum & sæpius in Tusculanum secederet; nihil intermissa Romanæ iuuentutis familiaritate, amicitiaque summorum ciuium & eorum præsertim cardinalium, qui generis nobilitate & magnitudine animi præstarent. Venationibus enim & aucupiiis studebat, ita ut sæpe ab eo miro apparatu & exquisitis sumptibus publica cõuiuia mediis in campis & apud fontes summa comitate atque hilaritate præberentur. Erat enim in omni re, quam attingendam tractandamque suscepisset, & ciuili splendore per elegans, & sacerdotali copia sumptuosus, & supra omnes mortales in omni ioco atque negotio, militari quadam libertate latissimus, ut non sit mirum plurimos omnium ordinum ciues atque externos eius uiri authoritatem & studia alacriter & constanter in utraque fortuna fuisse secutos; Quum generosa admodum fronte atq. eximio corporis habitu, cultuque & erudita nobilique facundia, in alloquiis, & in omni diuinarum atque humanarum rerum actione præcelleret; utereturque præsertim munificentia & comitate, & id quidem subtili iudicio erga eos, qui magnorum procerum gratia & familiaritate florentes, aut optimarum artium & uirtutis laude conspicui, eius liberalitatis atque amicitia munera & ornamenta præferre atque ostendere posse censerentur. Propterea dicere solebat Columniam domum, ipsa Vrsinorum familia, quæ opibus & uetustate originis, atque item honorum præclare gestorum dignitate par esse uideretur, multo nobiliorem euasisse; Quodd Vrsini sub agresti negligentia, & quodam supino literatorum contemptu, certa scriptorum luce caruerint; Columnii uero, uel uno illustri Petrarce testimonio, memoriam apud posteros cum summa uirtutis commendatione fuerint consecuti. Interea pulsâ Italia Gallis & Ludouico rege uita functo, Franciscus eius gener coactio ingenti exercitu, per Argenturias alpes in Italiam peruasit, capto ex itinere Prospero Columna, qui cum Heluetiorum cohortibus atque Italico equitatu ad occupandos Coctiarum saltus frustra præcellerat. Nec multo post rex iuuenis plenus animi bellicique uigoris ad Mediolanum stratis Heluetiorum legionibus insigni uictoria potitus est, uenitque subinde Bononiam ad pontificem salutandum. Ed Pompeius propere contenderat, ut patruo in ea calamitate pietatis officia præstaret; Apparebat enim Gallos Prosperum tantquam ipsorum nomini uehementer infensum ac ducem omnibus bellis aduersa semper acie sibi oppositum, agre uel ingenti accepta pecunia dimissuros. Sed Pompeius adeundo orandoque ueteres amicos, tantum labore, ingenio, diligentiaque perfecit, ut Leo qui omnes mortales beneficentia superare erat solitus, id inter multa initæ amicitia argumenta proluxe peteret, ut Prosper custodia educeretur. Neque Franciscus qui reges omnes, magnitudine animi, clementia & liberalitate superabat, exple

explendo Leonis voto moram attulit, adeo ut benigna etiam manu, impositæ multæ onus, persoluta ex fisco dimidia parte, subleuaret. Quatuor enim duces qui eum ceperant octona aureorum nummum milia deposebant. Itaque Pompeius expedita re nummaria, redeuntem in Galliam regem subsecutus, media hieme trans Alpes contendit, quo itinere summum se viæ periculum adiisse sæpe memorabat, quum ipso Peninas superante alpes deuoluta ingens et summis alpium iugis niuium moles permultos omnis generis mortales, & in his integram Sedunorû legationem paucis ante se passibus oppressisset. Absumptis itaque in Gallia paucis mensibus Pompeius hospitaliter ubique receptus, dinumerata pecunia, patrum custodia eduxit, ea tamen conditione, ut per syngrapham Prosper prornittere cogeretur sese sub signis regis militaturum, si intra certum tempus ipsius opera Franciscus præbito stipendio uti uellet, eo enim tempore rex Gallus qui dudum Maximiliani Cæsaris Heluetiorumque conatus ad Mediolanum Triultii atque Borbonii uirtute ac studio & copiis Venetorum egregie represserat, noua inire consilia ferebatur, quibus Neapolitanum regnum repeteret, quum paulo ante Rex Ferdinandus in Hispania decessisset. At Prosper ubi Italiam attigit, quum ad eum magni militum concursus fierent, lentis admodum itineribus apud Regium Mutinamque progredi cœpit, ita ut res nouas moliri, & cum Cæsarianis, qui Venonæ oppugnabantur, consentire diceretur. Ea res sollicitos & anxios reddebat Gallos, qui Parmæ Placentiæque in præsidis erant, adeo ut Lotrechius Veronam oppugnaturus, de syngrapha certior factus Prosperum perfidiæ compellaret, quoddammodo ingrato infidelique ingenio recentis beneficii & datæ fidei memoriam abiicisset. Ea Prosper tanquàm necessitate carceris expressa, ut apud Cæsarem Carolumque nepotem perspicue maturæque dilueret, simulque ut præmia à Ferdinando accepta nouo regis diplomate firmarentur, Pompeium delegit, uirtuti eius indultriæque confusus. Neque is Germanicæ & Belgicæ legationis munus quanquàm plurimi laboris atque periculi plenum detrectauit, penè etiam subiratus matri patribusque, & amicorum præcipuis, qui crebris patrum literis euocatum in Vrbe retinebant, quum inutilem & multis subiectam casibus eius profectionem improbarent. Sed parère patruo certus, & in nocturnis uisus, Geniôque simul magnam spem reponens ad Prosperum contendit. Nam per quem uiderat, sibi in palestra fesso uictorique pampineam coronam cum Iulianæ uix racemis à uiro gigantea specie certaminis iudice, in ipsa ludorum celebritate alacriter deferri. Nec somnio defuit fides, aut spem eius Genius fefellit. Acceptis igitur ad Mutinam mandatis Mantuam concessit, ut inde aliquo astu ad Alpes euolaret. Didicerant enim Galli & Veneti per exploratores Pompeium suscepta legatione Mantuam peruenisse; propterea diurnis nocturnisque stationibus itinera omnia diligenter obseruabant, ita ut non nisi summo cum periculo ad Alpes se pro-

ripere posse uideretur. Sed tam hostium diligentiam consilio Sigismon-
 di Gonzagæ cardinalis elusit, quum agrestes tramitum omnium peritos,
 eius itineris duces acceperisset, quorum fideli feliceque opera in Brixiana-
 rum alpium ualles inusitatis calibus perductus ad Ludronios primo re-
 gulos, atque inde in Rhetiam & Vindeliciam ad Maximilianum perue-
 nit. Quum susceptus humaniter à Cæsare regum omnium longe huma-
 nissimo, mandata exposuisset, adhibereturque deinde grauissimis con-
 sultationibus, tantum quotidianis sermonibus profecit, ut iam plane fa-
 miliaris & multarum horarum comes, in uenationibusque præsertim in
 signem gratiæ locum sit consecutus. Pernobilem enim peritumque re-
 rum omnium hominem, & partium necessitudine sibi coniunctum na-
 ctus Cæsar, ad apertis sensibus arcana proferre, rationesque suas effusus
 atque liberius communicare cœperat. Querebatur enim nepotem Ca-
 rolum à Ceurio Belga nutritio circumscriptum, obsessumque teneri, illi
 gariq. nouis Gallorum fœderibus, quæ ad minuendam conuellendam-
 que Austriæ domus dignitatem pertinerent, fallacissimas recensendo
 artes, quibus Galli paucis ante annis intercepta ipsius uxore, & filia pari-
 ter repudiata inexpiabiles iniurias intulissent. Itaque à Pompeio petiit
 ut hisdem de rebus suo nomine ad nepotem mandata ferre uellet, daret-
 que operam sedulo, ut Caroli adolescentis animus, ipsius industria falsis
 opinionibus liberatus, ab amicitia Gallorum auerteretur, secus ac Ce-
 curius contendebat, quum fœdere uel parum æquo, atque insuper sponsa
 libus amicitiam firmare properaret. Dicebatque Cæsar Ceurium non
 animi iudicio inductum, sed Gallico corruptum auro, aliena à salute di-
 gnitateq. Belgicarum rerum & apertæ penè perfidiæ plena consilia pro-
 tulisse. Nec detrectauit id munus Pompeius, quum se grauissima ea le-
 gatione suscepta plurimum honestari perspiceret, arbitrareturque am-
 pliorem, neque ab se quæsitam dignitate, patrui negocia opportune atque fa-
 cillime confecturum. Per eum modum dimissus à Cæsare & regulis li-
 berisque ciuitatibus per quorum agros iter erat facturus, per literas ma-
 gnoptè commendatus ad Carolum in extremis Belgarum terris ad Ocea-
 num peruenit. Ibi Pompeius quum magnam partem aulæ ad inu-
 dum cum Gallis fœdus ualde propensam & inclinatam competisset, &
 multi in adulationem prompti decora atque salubria reticere quàm Ce-
 curio parum secundè obsequi mallent, in quo uno summæ potentiæ iura,
 & regni sceptrâ uiderentur, officii sui munus ingenti animo, & libero ore
 implere constituit; honestissimum enim atque pulcherrimum ratus, si
 Cæsarianarum partium decus quarum Columnii in Italia principes esse
 uiderentur aduersus Gallicæ gentis potentiam, quæ Romano nomini
 infesta semper fuisset, à Columnio Romanoque homine defenderetur.
 Sed appositè differendo orandoque Pompeius frustra egit, plerisque
 proclinatorum rem adiuantibus, qui Ceurii uotis in spem certissimi quæ-
 stus fauebant. Quibus de causis Pompeius iam planè Ceurio inensus,

hæc ad Cæsarem ardentissimo studio perscripsit, monuitque, ut si flagitiosis corruptorum hominum cõsiliis resistendum, nepotisque dignitati omnino consulendum arbitraretur, iter mature susciperet, ueniretque in Belgium ut ipso præsentè demonstranteq. aduersariorum animi frangerentur. Nec protectionem distulit Cæsar, extensisque itineribus Macliniam peruenit. Caterum eius aduentu nihil amplius de veteribus consiliis est impeditum, quàm ne Carolus cum Gallis una connubii sponso ne iungeretur. Fœdus itaque percussum Nouioduni necessariis potius quàm honestis conditionibus. Vnde postea exortum est id bellum quo Europa omnis per uiginti annos deflagrauit. Fuere qui existimarent Maximilianum egentem pecunia, occulta Ceurii largitione, cui ea pecunia ex Gallorum legatis prodiisset, facile expugnatum atque placatum assensisse fœderi, quoniam non prius Carolo in Hispaniam ad obtinenda regna nauigandum uideretur, quàm Belgicas ciuitates omni belli suspitione liberaisset. Nec multo post Pompeius quum prolixa Maximilianum auctoritate adiutus Prosperi patruum negocia confecisset, essetq. adhuc in Sicambriis, ab Vrbe latissimum collati sibi honoris nuncium accepit. Deteſta nanque Alfonso Petrucii cardinalis coniuratione, quum reliqui senatores fermè omnes ea sceleris atrocitate parum commoueri uiderentur, leuiioresque sententias dicerent. Leo pontifex expedito uirilique iudicio insignis, alio senatu sibi opus esse existimauit; atque ita Alfonso in carcere necato, & consiliis quoddam conceptum auditumque facinus minime detulissent, pecunia damnatis, unum & triginta cardinales ex lectissimo genere hominum una pronuntiatione creauit; In quibus fuere Romani nominis octo, ipseque in primis Pompeius, facile impetrantibus Prospero atque Fabritio, ut suus honos Columniæ familiæ redderetur; qui aliquandiu pontificum callida frustratione aut malignitate, ut tempora tulerunt, intermissus, continuata serie ferè perpetuus esse consuesset. Nec multo post purpureis insignibus de manu Ludouici Aragonii cardinalis qui tum aderat, magna eius dici celebritate & gratulatione omnis generis hominum susceptis, in superiorem Germaniam urbibus uisendis cognoscendisque earum gentium moribus ascendit; ab Augustaque Vindelica Cæsaris uestigia subsecutus, postquàm vulgabatur eum uenandi cupiditate, uagis atque impeditis itineribus ad Herciniam usque syluam penetrasse, in Italiam rediit, exceptus passim insigni partium studio. Romæ uerò publico ei senatu dato, sessum suo ordine, inter patres receptus, breui ostendit, se omnibus naturæ atque ingenii dotibus, tanto muneri parem, ac multum antea eius ordinis honore, qui familiæ deberetur, dignissimum fuisse, Sacrorum enim cerimonias, & numeros salutationesque sacerdotum exactissime quidem & mira celeritate perceperat; nec quisquam erat, uel uetus etiam senator, qui eo grauius aut eloquentius sententiam dicere, solennia sacra præclarior atque decentius operari familiæque ordine & comitatu, atque mensarum elegantia, con-

uiuorumque delectu, personarum dignitatem luculentius atque lautius tueri uideretur. His moribus obiter apud Leonem perillustrem gratiam & beniuolentiam quaerebat, promerebatur studia hominum, quum grauius simis susceptis officiis, lites dirimeret; ueteres componeret similitudines; miseris & afflictis intercedendo, iuuandoque certum ad salutem periculum praeberet. Et id quidem ampliore nominis existimatione, quod pontificem ad beneficentiam ornandamque uirtutem natum, educatumque, opportune admodum nactus, cuncta quae polliceretur, facile praestare consueisset. Secutum est demum uixdum exacto triennio Gallicum bellum; quod ingenti animo coniunctus Carolo Caesari Leo pontifex suscepit, ut urbes Parmam atque Placentiam recuperaret, partes antea à Iulio, & sibi demum ereptas, quum Franciscus in eo uictoriae cursu deserentibus pontificiis tanquam suas Mediolanensique adscriptas imperio recepsisset. In tanto armorum apparatu, quum pontifex M. Antonium Columnam qui pro Gallorum rege militabat, diuellere, atque traducere in partes uel militaris imperii pactione nequiuisset, Hieronymo Columnae cataphractorum turmas duas liberali stipendio ductandas dedit. Is erat Marcello Pompeii fratre genitus, itemque leuis armaturae alam Iacobo Zambecario Pompeii uterino fratri attribuit; adeo ut pontificem nihil non facturum in gratiam Pompeii appareret. M. enim Antonius generosi pudoris maxime flagitiosum putarat à beniuolentissimo rege in eo erumpentis belli motu, parum honesta de causa discedere, à quo auctus esset cataphractorum alae praefectura, ornatusque insigni honore torquati, consecratique ordinis, qui praecipuis tantum amicorum, lectissimisque ducibus, à Galliae regibus demandari erat solitus. Ceterum Gallico bello haudquaquam felicibus initiis cepto, maturè letissimus finis impositus, Mediolanumque autoritate & consilio Prosperi, ingentique uirtute Piscarii, profligato expulsoque Lotrechio captum. Ad cuius uictoriae nuncium Leo pontifex incredibilem, sed omnino breuissimam letitiam cepit. Febribus enim ad Manlianam uillam ex pestilenti aura conceptis, aut certe ueneno, uti in eius uita perscripsimus, quinto die correptus interiit, saepe nouissimis sermonibus repetens, supremæ necessitatis casum, quo sibi immerenti intempestiue admodum uita eriperetur, se uel ob id æquiore animo ferre, quod Parmam atque Placentiam pontificio imperio reddidisset. Audita fratris morte Iulius Medices apud exercitum legatus, magnis confectis itineribus, ad comitia Romanam rediit. Is hortatu suorum omnium, senatorumque aliquot insigni usus studio prodierat candidatus. ex aduerso autem plerique seniores pontificatum petebant, quum ætatis honorem & uariarum uirtutum, ac literarum ornamenta praferrent. His magnopere fauebat Pompeius, oppugnabatque Iulii partes, quum illum paulò antè praehensantem singulos, & grati animi officia reposcentem praeclare adiuturus uideretur. Nouos siquidem cardinales ferè omnes Iulii iudicio & commendatio-

ne Leo pontifex in senatum legerat. Sed multis de causis quas hic referre minime necessarium putamus, Pompeius à Iulio discedens, & subinde apud seniores aduersarum partium effectus princeps, id unum uehementissime contendebat, ne exæquatis & mox aduëctis suffragiis Iulius Pontificatu potiretur. Cui uero ipse maxime suffragaturus esset, agre poterat reperiri, quum nemo esset è senioribus qui alteri quicquàm de dignitate concedendum putaret, uel ex merito non speraret fore ut ipse in tantis comirorum æstibus ad pontificatum eueheretur. At iuniorum globus fide constantiaque firmissimus (suffragiis scilicet miro consensu ad unius arbitrium reuocatis) nullis omnino artibus aut machinis disici labefactarique poterat. Ob id præclare omnes intelligebant; neminem quem non probaret Iulius, bis tertiam suffragiorum partem, uti ex lege opus esset, esse consecuturum. Sed ubi nunciatum est Franciscum Mariam, Urbino ac Pisauo potitum; Balaenofque fratres Malatestam & Horatium, pulsos inde pontificiis præsiidiis, Perusiam recepros, ualidis in unum coactis copiis Senam atque Florentiam petituros; animum despondit Iulius, ne si spes suas adipiscendi pontificatus diuius alendas censeret, uertente se Fortuna totius Ethruriae principatu & concupiro simul honore excluderetur. Itaque fatali quadam inuidia & inusitata patrum obstinatione, Thoma Caietano commendante, & miris attollente laudibus, Hadrianus ex ultima Baraorum insula, quem nemo unquam eorum antea uidisset, pauci qui uir esset audissent, Pontifex est creatus, suffragante Iulio & Pompeio seniores maximè cohortante, qui eundem tradendis literis, formandisque moribus Cæsaris magistrum atque nutrimum, ex usu Columniae familiae & partium necessitudine cunctis anteferendum putabat; ac item Iulio maxime probaretur, postquam ipse ex repulsa quam tulerat, neminem Hadriano reb. suis commodiorem, amicioremque futurum prospiceret, utpote qui Cæsaris studia securus facile sperare posset uetere nouoq. beneficio obstrictum, & dignitati suae & Florentinis reb. Cæsarianae causae inclusis nunquam defuturum. Cæterum redeuntes è comitio cardinales, uti hostes Italici nominis probrosis appellationibus, maledictisq. populus onerauit, adeo ut exhibendo, exprobrandoque dirum insanumque eorum consilium uix ab inferenda iniuriatemperarint; quod nefaria ambitione, immanique liuore corrupti, oblique publici decoris, pontificem ab ulimo petitem Oceano, multis qui aderant ætate & uirtute conspicuis prætulissent. Erat tum Hadrianus in Hispania, quam dudum populari tumultu exorto rebellatē, regulum adiutus armis, cū insigni uirtutis & Christianae pietatis laude pacauerat. Itaq. Pompeius in Tusculanū ac demum ad Sublaqueum secessit urbem relinquens orbatam pontifice, mæstamq. & subortam etiam pestilentia infamem. Constituerant cardinales ex ipsorum ordine, triumuiralis imperii menstruum potestatem. Sed eam grauis inuidia sequebatur, quum plerique uel media in urbe, tanquam inanem contem

nerent, irridereturque passim in provinciis, quæ veterum tyrannorum, exulumque armis, renouatis factionum nominibus uexabantur. Quibus de causis pontifex frequentibus collegii literis, atque urbium legationibus accitus Romam, post septimum mensem consensu triremibus, in Italianam nauigauit. Excepere eum Genuæ Hieronymus Aduinius, & ad Liburnum Pisano in portu Iulius Medices cum septem cardinalibus, quorum comitatu auctior, ornatorque Centumcellas peruenit. Ibi à Pompeio, qui cum aliquot cardinalibus multisque episcopis ad mare descenderat, salutaris est, deductusque in templum, ut antea aram Deo & superis quod incolumis aduenisset, de more hymni canerentur. Quo in loco Pompeius orationem habuit luculentam, publico priuatq. nomine ei gratias, quod pontificatum Dei summi, Diuorumque omnium monitu ab optimis senatoribus delatum suscepisset; aduenissetq. opportunissimo tempore quo seisis rebus, afflictaeq. Vrbi, & tumultuantibus provinciis opem ferret; mores saluari censura corrigeret, darétq. operâ ut obsessæ Rhodo ingentibus Solymani copiis auxilia mitterentur. Ad ea pontifex miti oratione sed paucis admodum uerbis respondit, & uultu quidem parum familiari, quum ore & gestu Christianæ disciplinæ se ueritatem præferret; Se Dei optimi maximi certissimo instinctu suscepisse pontificatum in Italianamque uenisse: propterea se sperare, ut reliqua eodem numine gubernata, felicissime succederent; ita ut nihil futurior ordini se debere, omissa gratiarum actione fateretur. Quum uero inde ad Tiberina ostia peruenisset, & subito repente coro triremes ab importuoso littoŕe ad Caietæ portum raperentur, Pompeius in scapham desiliens, ut pontificem sequeretur, fluctibus penè obrutus magnum uitæ periculum adiit. Nec multo post, quum in Vrbe componendis diuinis pariter atque humanis rebus, pontifici operam præstaret, in longe maximum salutis discrimen est coniectus, intimis scilicet familiarium re pentina pestilentia correptis, adeo ut in Tusculanum, atque inde ad Sublaqueum aufugere cogeretur. Eo etiam libentius quoddam iam euulgaris contagione morbis Vrbs ipsa funeribus complebatur, metuque pontifex Vaticanis hortis se concluderat, ita ut nec cardinales nisi maximis de causis, in colloquium admitteret, utpote qui eorum ingenia fide pietateque uacare existimabat, & uix paucorum consilio ureretur, necessitate quadam, uti imperitus Romanarum rerum, sed nec his quidem suprema rerum arcana committeret. Initio autem ætatis eius anni qui secutus est, restincta ea morborum lue urbeque demum omnibus diuinis atque humanis remediis salubritati restituta, Pompeius ad urbem rediit; quo & Iulius etiam Medices ab Etruria paulò antè iam venerat, cum quo statim in gratiam rediit, haud dubie pœnitentia ductus, ita ut præteritæ contentionis insaniam detestari, pollicerique præclarum studium uideretur, si seni ad insolitum cœlum traducto, & insalubri quidem ætate, fata uitæ finem attulissent. Renouabant tum Galli ingens bellum

bellum; Duceque Guliermo Gofferio, quem à præfectura maris Anirantem uocabant, traſiciente alpes Mediolani inita fuerat coniuratio, è qua Bonifacius Vicecomes, Franciſcum Sfortiam illato leui uulnere fruſtra aggreſſus fuerat, & in Ethruria interceptæ Soderini cardinalis literæ, quibus Gallos admonebat docebatque quibus modis eſſet eritendum, ut Cæſariani Italia atq. Sicilia pellerentur. Quibus de cauſis pontifex Soderiui in carcerē duci iuſſerat, tanquàm & inſidum ſibi & partium Cæſarianarum hoſtem. Vnum enim cum opinione ſcientiæ humani diuiniq. iuris, & exactæ peritiæ rerum urbanarum grauiſſimis conſultationibus adhibuerat, querebaturq. propterea ſe ab eo tãquàm à maligno ſpeculatore fuiſſe deceptum, cui tanquàm uiro probo atq. beniuolo rationum ſuarum decreta communicaffet. Suapte etiam ingenio Hadrianus Cæſari alumno principique ſuo fauendum, atque omnino repugnandum Gallis exiſtimabat, ne ſi medius in neutram omnino partem ſtudia atq. arma inclinarent, Parma demum atque Placentia uictori Gallo dederentur. Itaque cum Cæſare Venetiſq. ac Florentiniſ aduerſus Gallos fœdus renouauit, ſolenniſque feſto Deiparæ uirginis ad Aefquilinum tēplum ſacra fecit, recitaturmq. eſt ex tabulis id fœdus, quo Gallos ab Italiæ finibus arcendos decernebant. Eo die Pompeius Cæſarianarum patrium princeps Iulio Medici, atque item principum liberarumque ciuitatum legatis lauſiſſimum epulum præbuit, ad ædem Antonianam, quòd pontifex feruidiſſimo die operatiſ ſacris, ad curandam laſſitudinem, in proximis Mellini nobiliſ poëtæ hortos tranſierat, ut in priuato ſecretio reque coenaculo, cibum caperet: & deinde cubitaret. Amicitia itaque illuſtribus argumentis inter Pompeium & Iulium renouata, Hadrianus leui ſed tabifica febre, ex eius diei labore concepta, decubuit; adulatio neque medicorum eò perductus eſt ut penè prius quàm uenæ tangerentur, nihil propiſſa morte petierit. Tum uero inter Nouendiales ceremonias, quibus deſuncto pontifici iuſta perſoluuntur, quum Iulius facile primus omnium, ex profeſſo ipſius ſectæ candidatus prodiret, & præhenſando ſingulos ſenatum ſibi conciliaret, Pompeius aut commutata, aut certe detecta uoluntate, reſpōdebat ſe in itis comitiis illi ſuffragaturum, qui bonus reipub. futurus pontifex optimorum iudicio cēſeretur. Quæ uerba parum propenſi, & plane alienati animi indicia præſerebant. Ob id Ludouicus à Corduba Cæſaris legatus ſeuera quadam & parū familiari obreſtatione uſus à Pompeio poſtulare cœpit, ut ſtadium atque ſuſfragium ſuum in attollendo Iulio cōferre uellet; ſi ſecus feciſſet, eum aduerſus Cæſarem facturum, à quo unus omnium Iulius maximè probaretur. Ad ea Pompeius, arrogantia hominiſ plurimū offenſus, nihil aliud reſpondit, quàm ſe daturum operam, ut plane intelligeret nequaquam legatorum iuſſu, ſed liberis ſenarorum ſuffragiis, pontifices creari. Inerat enim Pompeio ea uis ingenui, ut ſi quid ab eo impetrandum foret, demiffis ac blandioribus alloquiis, leuenda potius, quàm ulla ſuperba

denunciacione exagitanda uideretur. Nemo enim eo superbius arroganti-
 am elatorum hominum contempnit atque irrisit, quum ex aduerso er-
 ga modestos iocundosque demissè & comiter omnibus humanitatis of-
 ficiis uteretur, utpote qui in tota uita humanitate uinci longe turpissimū
 esse dicere confuisset. Fuere qui existimarent Pompeiū à Iulio studium
 suum his maxime de causis auertisse, quòd pontificatum in una domo,
 duobusq. fratribus, cōtinuari parum æquum & maxime ambitiosum pu-
 taret, quòd Florentinorum ingenia quæstui pecuniæque dedita, quibus
 necesse esset aulam repleri, magnopere fastidiret, quòd senioribus iure
 optimo suffragandum arbitraretur, quòdque demum ualde dignū cen-
 seret, cum Christiano orbi, & sacrosanctis ceremoniis ante omnes patrū
 iudicio præfici, qui parum certa, neque propalam legitima Iuliani patris
 uxor e natus esse diceretur. Quanquā eius rei notam, quum ille inter se
 natores ascisceretur, proluxa iuris testificatione sacrati iudices aboleuis-
 sent. Itaque summa contentione comitiis initis, in duas partes scinditur
 senatus, Seniorum prerogatiuam Pompeius uehementissime tuetur. Iu-
 niores in unum densati globū constantissime Iulio fauent; & eo quidem
 firmitus atq. felicius, quòd nemo eorum ferè esset, qui uel occulte ambi-
 ret, quum ex aduerso corpore seniorum plerique essent qui flagrantibus
 animis ad pontificatum aspirarent, fiebatq. ut quū obreftatione atq. inui-
 dia alienæ felicitatis, & dolore simul frustra susceptæ petitionis angere-
 tur, inter se nequaquam syncera fide suffragia ferrent; colludentesq. syn-
 grapharum nominibus rem impedirent, magnisque propterea ætibus
 comitia iactarentur. Adauxere seniorum spes Galli senatores, hiberno
 & procelloso mari, cunctis inopinantibus Romam delati, qui id unū cō-
 tendebant, ne Medices Gallici nominis apertus hostis pontificatu poti-
 reretur. Ii fuere Claramotius, Lotharingus atq. Borbonius; quibus cū Pom-
 peius frequenter epulabatur. Extraftaq. iam erant comitia ad quinquā-
 gesimū ferè diem cū inuidia generis humani, & summo dolore constern-
 atæ ad arma urbis; adeo ut pleriq. magnopere timerent, ne dira patrū
 obstinatione, senatus in diuersa secederet, comitii claustra frangerentur,
 creatisq. inde duobus pontificibus supremam cladem sacris, & reipubli-
 cæ allatam conspicerent. Sed in ipsos præsentim contentionis authores
 & principes Iulium atq. Pōpeium inuidia uertebatur, lacerabaturq. am-
 borum fama acerbissime, atq. liberrime, quū quisq. in periculo publico,
 priuatim salutis suæ fortunisque metueret: Adeo ut quū in maledicētissima
 ciuitate probrosis carminibus uti lasciuiresq. liceret, Crotus è Regio Le-
 pidi, poëta amarulentus, hoc epigramma in foro legendum affixerit.

Ecce iterum è summo deestiam culmine Romam

Pompeij & Iulij mens furiosa premit:

Brute pium, Photine pium nunc stringite ferrum,

Quid seruasse iuuat, si periura fuit?

Neque uati demum fides defuit, quum paulo post ex eorū dissidio, urbs
 Roma

Roma, summæ calamitatis cladem penè funditus euerfa subierit. Porro Iulius ad declinandam inuidiam, superiorum comitiorum euentu doctior & constantior effectus, se iturum in suffragia dixit, cohortaturumque amicos suos ut idem facerent, si quispiam è senioribus, supremo honore dignus uirtuteque animi insignis nominaretur. Erant dignitate, gratia, atque ætate pares plerique, & in his Fliscus, Farnesius, Montanus, Crassus, Soderinus & Caruallus, qui uel occulto suo, uel publico iudicio sibi neminem præferebant, æquali ambitu spes alebant, ita ut consilia, uotaque uariis animi recessibus implicarent. In eo æstu occultarum uoluntatum, Pompeius quum Iacobatium nominasset exactæ ætatis senatorem, uitæ innocentia, & iurisdicundi laude conspicuum, illumque minus probari à Gallis senioribusque earum partium uideret, commutata consilii ratione, sibi maturè prospiciendum esse constituit. Nam quum Iacobatiū uti Columniæ familiæ clientē, & Cæsarianæ factionis studiosum repudia re uiderentur, etiam Claramontius Franciottum Vrsinum uti nobili & moderato, tractabilique ingenio hominem, cum laude cum laude nominarat. Quamobrem commotus cæca bile & eo motu Pompeius ne Vrsinus familiæ suæ Cæsarisque ex professo hostis pontificatu potiretur, ad Iulium se conuertit, quem si ei obstinatius obniteretur procul dubio Vrsino suffragaturum uidebat, uti amico ueteri, beneficiarioque, & artissimæ cognatione Mediceæ domui coniuncto. Iam enim ex insolito tetroque odore, nonnullos senatores inuaserat grauis morbus, senioresque macie deformati & exangues, cupiditati & reliquæ spei consequendi honoris finem imponere quàm pestilentissimi carceris tædia ad certum uitæ discrimen diutius perpeti malle uidebantur. Galli eo tempore compulsi in urbem Cæsarianis, & tum ægre sustinentibus Mediolanum oblidebant; Prosperque Columna ex morbo qui ei supremus fuit, decumbēs, frequentibus literis Pompeium obtestabatur ut pertinaciæ & contentioni finem faceret, uertereturque totus ad subleuandum Iulium, quo uno pontifice creato propter amplissimas Etruscæ imperii facultates, & insignis eius studium defendi res Cæsaris & profligari Gallorum copiæ possent. Itaque Pompeius ubi seniores magna ex parte Gallicæ factionis studiosos esse comperiit, secretò Iulium adiens: An non mihi, inquit gratiam habebis, si te iam ad pontificatum extulero? At ille, si serio dicis, egregie profectò tecum agam, respondit; & tu cum priuatis rebus tuis honestè seruias, tum publicis, Cæsarique in primis præclare atque opportune cōsuleris. Tum Pōpeius altitudine generosi animi honestissimam laudem querens, id unum enixè postulauit, ut Soderino ueteri inimico, & plerisque item cardinalibus à quibus acerbissimè atque inimicissimè fuerat oppugnatus, sincera fide parceret, eosque omnes in gratiam reciperet. Fore enim et ex clementiæ laude quæ nihil esset in sacrosancto pontifice præstantius, insignem apud omnes Christiani orbis nationes gloriam adsequeretur. Dextram tum Iulius Pompeio dedit, prolixè pollicitus id se

præstaturum, obligauitque ea in re fidem suam Clementis Septimi nomine desumpto, qua una nominis professione, tanquam edicto, inimicos aduersariosque omni metu liberare uideretur. Nec mora authore atque hortatore Pompeio, quum is nudatis conuersi animi consiliis comitiorum haud dubie princeps prodiret, illustrique autoritate quam plurimos adduceret, cuncti ferè cardinales Iulium adorarunt, tanta seniorum mœstitia ut non multos post dies, ex egritudine animi cōceptis morbis, Soderinus ipse & Crassus, itemq. Caruall & Fliscus perierint. Nauarum autem operæ Pōpeius præmiū tulit, luculentissimas ædes à Raphaële Riario, regio sumptu extructas, atq. item uicecancellarius est effectus. Is acta senatus perscribit, estq. eius officii dignitas ab insigni prouentu exercendæq. liberalitatis potestate longe omnium amplissima. Paucis inde diebus Pompeius, Prosperū patrum audiit ex diuturno morbo, cum ingenti seruari ab se Mediolani, gloria desiderioque improbabili, & luctu totius Galliarum Cisalpinarum, decelsisse; cui mutata ueste, maioribusque cerimoniis, sumptuosissime parentauit. Nouo autem Clementis pontificatu Cæsarianorum Venetorumque armis, uirtutisque maximè Piscarii summi ducis, Guliermus Amiras, duobus ad Sesithem amnem uictus præliis, Italiæ finibus est depulsus. Ab ea uictoria tantos sibi spiritus Cæsaris duces desumpserunt, ut Borbonio exule concitante, in Galliam penetrarint. Borbonius enim coniuratione detecta, qua Galliarum Imperium affectasse credebatur ad Cæsarianos se contulerat. Quibus de causis Franciscus, quum pro salute imperii & totius Galliarum dignitate ingentes copias comparasset, hostesque ad oppugnandam Malsiliam progressos, Prouincia expulisset, in Italiam transcendit, positusque Mediolano, Ticinum obsedit, Formidolosam iam Cæsaris arma pontifici ac Venetis esse caperant, uidebatur enim Cæsar immodica animi cupiditate, totius Europæ imperium concepisse, quum Galliam demum ipsam, non contentus Italia, qua Gallos dudum exuerat, protinus inuasisset. Ob id occulto consternati metu & de libertate Italiæ ualde solliciti, studia erga Cæsarem sua non modo remiserāt, uerum nequaquam transmissis auxiliis cunctabantur; ex sociisque & fœderatis, spectatores facti, dabant operam, ut inter Gallos & Cæsarianos induciæ multorum mensium fierent. Pontifex enim Cæsarinorum impetum retardare, confirmare Gallum regem, pacem honestis conditionibus parare contendeat. Sed dum intempestiuè neque harum neque illarum partium fauorē sese ostendit, Cæsariani Germanorum auxiliis adacti, harentem Ticino regem ingenti edita pugna, suo atque equi uulnere tardatum, ceperunt. Tum uero Clemens ad tantæ uictoriæ nuncium perturbatus Albaniū è Sabino & Furconensibus reuocauit. Is enim Clementis consilio è regis castris cum ualida parte copiarum ad Aquilā usq. peruenerat; haud dubie in Neapolitanū regnum nudatū copiis, fauente Andegauensium factione peruasurus. Quum itaq. Gallorum auxilia ex Corsis, Italicisque delectibus cō-

scripta

scripta ad urbem reuenterentur, in ea Latini populi Columntiæ factionis adpredam exciti, atque item Cæsariani equites impetum fecerunt, protracto certamine per Lanuuiam viam usque ad diui Pauli templum. Quod ubi in Vrbe auditum est non dubitauere Hispani è familia Ludo uici à Corduba Cæsaris legati, atque item Columnii, in quibus etiã fuit Iacobus, Pompeii uterinus frater, quin correptis armis Ostiensis porta erumperent, atque interclusos hostes adorirentur. Horum aduentu Albanianæ cohortes fuscæ profligatæque sunt, cæsis nonnullis, multis captis, atque omnibus ferè armis & ueste exutis. Ad eam enim capti regis famã Hispani atque Columnii adeo insolenter sustulerat animos, ut per ipsam quoque Urbem fugientes Gallos persequerentur; & Camillus Columna Marcelli filius, uti Piscarii alumnum decuit, ad Iordanem usque, mōtem atque Vrsinas domos penetraret, utpote qui Clementem cōtemnerent, nihilque uel ob id irati minas timerent, quod is à Gallis stetisse uideretur. Id facinus pontificii imperii autoritatē magnopere cōuellit; aded ut profunde in Clementis pectus descenderit, & tot cladibus, quæ mox sunt subsecutæ, initiū haud dubie præbuisse censeantur. Non multo post Clemens multo auro exoluto cum Cæsarianis ducibus antiquum fœdus renouauit, ea conditione ut Regium Lepidi quod Hadriano mortuo Alfonso Atestinus receperat, à Carolo Lanoio sponfore fœderis pontificio imperio redderetur. Celebratum est id fœdus Calendis Maii in templo Apostolorum ad Columnias ædes, fecitque sacra solennia Pompeius, qui etiam pontifici patribusque & principum legatis summo apparatu epulum dedit. Verum id fœdus Cæsar nequaquam ratū habuit, quod pontificis opes eius urbis accessione adaugeri nolebat, Ita ut Lanoius à quo beneficium pontifex expectabat, Hispanorum cohortes in æstiuam trans Padum mitteret à quibus Parmenses, Placentinique ueluti hostili quadam populatione tantis affectis sunt detrimentis, ut ad deprecandam agrorum uastationem, crebræ legationes cum lachrymis ad Urbem mitterentur, ita ut Clemens sua spe deiectus, circumscriptusque pecunia, & tot iniuriis extimulatus; consilio cum Venetis Gallisque proceribus occulte inito, Cæsarianos Mediolano exturbare cogitarit. Videbant enim Cæsaris uires in Gallia Cisalpina confirmari, eoque suorum omnium hortatu, cōsilia uerti, ut expulso Sfortia, eius imperio potiretur. Præbuerat occasionem Piscarius, qui à Lanoio elusus traductusque ex magnis offensionibus, alienatum à Cæsare animum præferebat. Nam Lanoius Franciscum regem secus ac dixerat, repentina navigatione in Hispaniã aduexerat neque ipse uti optasset potius quàm petisset, ex pronentu uictoriæ præmia tulerat, cuius ipse ab insigni uirtute præclarus auctor fuisset. Ei itaque agnitio animi plurimum æstuanti Moronus Sfortiæ inimicus fœderatorum nomine Neapolitanum regnum obtulit, quod sum morum pontificum esset beneficium, si ipsius manu ductæ Italia omnis externarum gentium iugo liberata, pristinae quieti dignitatque

redderetur. His consiliis annuisse Piscarius ab initio est uisus. Sed demū nudata simulatione in gratiam Cæsaris, Moronū sub fide ad se uocatum cepit; Franciscumque Sfortiam perfidiæ insimulatum, occupatis eius imperii urbibus, graui tum morbo laborantem, in arce obsedit. Id Piscarii facinus Italix principes uehementer exterruit, quum publica libertas summum omnino periculum adire uideretur. Et eum quoque subeundæ seruitutis metum adauxerat Cæsar dimisso Francisco rege, his conditionibus, ut sex milia peditum, tria equitum, decemq. rostratas naues sibi auxiliorum specie daret, quibus auctior atque ualidior ad desumendam Augustalis imperii coronam eadem ætate in Italiam transiret, ut demum compositis ibi rebus, indictoquo sacro bello, in Turcas Christianorum arma uerterentur. Verum Franciscus eo inito foedere, celebratisque nuptiis cum Heleonora Cæsaris sorore, liberisque obsidibus traditis, ubi primum Aquitanix fines attigit, uti iam planè liber, negauit se his conditionum tabulis subscripturum, quod grauissimæ, quod inusitata, quod denique ultima carceris necessitate expressæ censerentur. Nec multo post cum Clemente Venetisque, ad tuendam Italix libertatem, & Sfortiam obsidione liberandum, amicitiam foedusque percussit. At Pompeius consiliis Clementis diligenter exploratis & prouiso Cæsarianarum rerum periculo, uehementer fluctuasse agitalleque animo dicitur, an in officio senatoriæ dignitatis pontificisq. amicicia perseverandum foret, pertinereq. ad ipsius, totiusque familiæ decus Cæsarem de serere undique circumuentum armis, atque insidiis eorum principum, qui obtreccatione alienæ felicitatis, ruptis repente foederibus fidem fefellerent. Sed in generoso militariq. ingenio ea sententia facile peruenit, ut priuatae dignitati, publicum decus, quod cum salute familiæ coniunctum uideretur, præferret; quum ab aduerso Cæsarianorum euentu Columeniorum omnium fortunæ, trahente ueluti ruina, pessundari atq. eueri penitus iudicaretur. Atque ita nequaquàm occultato animi decreto simulata molestiore podagra in Tusculanum se recepit. Interea Veneti admotis de improviso copiis Laude Pompeia potiti sunt, introducente Vistarino, qui patriam acerbissima Cæsarianorum militū avaritia, immanisque ingluuie liberandam iudicarat. Quo successu pontificiæ copix Venetis iunctæ sunt, ac demum Gallorum Heluetiorumque auxilia ab Alpibus descendere, ut obsessio, fameq. laboranti Francisco Sfortiæ opem ferrent. Sed uirtute Alfonsi Valtii qui Piscario patrueli morte surrepto pedestribus copiis præerat, industriæque Antonii Leuæ equitum præfecti, adeo egregie cōtinuata est Iouiæ arcis obsidio, urbsq. ipsa Mediolanū uel nudata muro fortiter defensa, ut Frānciscus certa pactione arcem relinqueret, & Feltrius Venetorum dux, desperatione potiundæ urbis adductus, à conspectu hostis castra reducere cogeretur. Quibus cognitis rebus Pōpeius aliquid suo nomine auferens, ut studium suum erga Cæsarem edito aliquo facinore præclarius uideretur, in Tusculano

sculano copias parare cœpit. Aderat Ludouicus Corduba regulus Sues-
 fanus, qui legatus apud pontificem, cœpto bello cum Hispanorum &
 Germanorum manu, urbe excesserat. Hæc quum à Pompeio pararen-
 tur, Clemens tria milia peditum & quingentos equites præsidii causa
 conscripsit, quibus Pompeium noctu opprimere, aut certe copias eius
 delere potuisset, cohortantibus ut id faceret Stephano Columna uiro
 impigro prudentique, & Salamone Siculo, uetere peditum præfecto,
 quos copiis præfecerat. Sed Clemens eo animo cum Cæsare gerebat
 bellum, ut nihil ei planè nocere uellet cuperetque solum ut Gallia Cis-
 alpina Francisco Stortiz redderetur, uti antiquo in fœdere discretè cau-
 tum à Leone fuerat; ad exæquandas scilicet in Italia principum uires,
 quibus singuli ab æquitate quadam & metu, suis contenti imperiis stabi-
 lem & securam pacem tuerentur. Propterea postulabat à Columniis,
 ut armatos quos cœgissent, extra pontificii imperii fines educerent, &
 uti haberet Neapolitani regni terminos armis defenderent. Authore
 itaque Valleio cardinale, Vespasianus Columna Prosperi filius ad Cle-
 mentem uenit, compositæque res in eum sunt modum, uti supra dixi-
 mus, scilicet ut Columnii pontificio in solo armis abstinerent; si Cæsari
 præstare operam uellent, intra regni fines regrederentur. Gibertus eo
 tempore in grauissimarum rerum consiliis Clementi intimus, id factum
 ut probaret, diuino quodam iudicio adduci non potuit; utpote qui Co-
 lumnios præsentis exercitus metu, nulla uerò æquitate animi, aut sacro-
 sancti pontificis respectu permotos, pacem appetisse existimabat. Sed
 ea erat natura pontificis, ut bellico sumptu mirum in modum angere-
 tur, nihilque magis cuperet, quàm milites missos facere, ut ærario par-
 ceretur. Improbantibus itaque cunctis & detestantibus, dimissæ sunt co-
 hortes, fatalique secordia exutus omni præsidio pontifex sese iniuriæ
 inimicorum, atque adeo hostium opportunum præbuit. Itaque Pompe-
 ius ubi Clementem confisum nouo fœderi nudatumque omni præsidio
 conspicit, patrandæ rei tempus adesse idoneum ratus, cum Vgone Mon-
 cata colloquitur; decernitque, ad urbem reuocato coactoque exercitu,
 protinus esse conuolandum. Ostendebat etiam literas Moncata, quibus
 ex Hispania monebatur, ut sedulo operam daret, ne pontifex commo-
 uere se posset; utque si Cisalpinæ Galliæ rebus studeret, domestico bel-
 lo implicaretur, pellereturque urbe Roma, atque etiam uti indignus &
 parum legitimus sacrorum princeps, ipso honore summi pontificatus
 ex concilii censura, suffecto altero priuaretur. His de causis rogauit Asca-
 nium, ipsumque Vespasianum nomine Cæsaris, ut sibi adesse uellent; si
 secus fecissent, aduersus Cæsarem esse facturos. Sed dum copias con-
 trahunt, & tormenta currulia coaptant, quanquàm ea quàm occultissi-
 me pararentur, & intercisse essent, obsessæque custodibus uix omnes,
 quæ è Latio ad Urbem ducebant, certior tamen fiebat Clemens parari
 arma atque aliena prorsus à quiete fœderæque consilia à Pompeio Co-

lumniisque omnibus agitari . Sed de his, Vespasianoque præsertim, ut quicquàm hostile crederet, adduci non poterat; consingique ea à militibus, quos, quòd ad stipèdia reuocari cuperent, maiora uero nunciare, aut ementiri penitus existimabat . A deo ut quum iam Pompeium ad Murenæ uillam, Albanumque lacum peruenisse nunciaretur, uix demum aliquot prætorianos equites emitteret ad explorandum; qui Cælimontana egressi porta, segni excursione intra suburbanas uineas facta, quum signa acielque aduentantium hostium facile conspici possent, retro equos uerterint, falsò cuncta pacatà renunciantes . Dixerat enim decurio nequaquàm longius esse præcorrendum, postquàm ea essent Clementis stipendia, quibus neque equi hordeo pasci, neque ipsi absque inedia & uestium sorde uitam traducere posse uiderentur . Armellino enim Clemens avarissimo quæstore, & naturæ similitudine sibi coniuncto usus, ita extenuarat equitum stipendia, ut nemo, ne militia quidem, nedum corporis atque prætorii custodia dignus conspiceretur . Ita Pompeius adaperita, nec ab ullo custodita Cælimontana porta irrupit, tanta celeritate, ut quum eius aduentus in Vaticano à nemine sentiretur, facile pontificem nihil tale credentem in cubiculo opprimere potuerit; nisi tormenta ægre conuecta Bubalorum iugis expectanda censuisset . Quibus adductis per mediam Urbem, armata instructaque sub signis agmina Xysti ponte & Septimiana porta ad Vaticanum contenderunt . Tum uero Clemens ex conscientia pudore, & metu magnopere confusus in arcem profugit, frustra in auxilium aduocatis militibus quos paulò antè dimiserat; quum aurei nummi etiam profusa manu in nomina dantes, ridenter foro spargerentur; quòd nemo esset uel aspectu uel cultu capiendis armis idoneus, nec ulli mens esset pontificis protegendi, cuius nomen ueluti ad decipiendos fallendosque homines, ab initio desumptum esse uideretur . Eo die turmas cohortesque suo ordine; & composito quidem succedentes gradu, populus Romanus ociosè spectauit, atque etiam salutauit; ipsique opifices, uti in nullo metu, nec oëclusis quidem tabernis, effusi in Tiberinam ripam, sub Ianiculo transeuntes spectauere; quum à Pompeio præcones in fora & compita dimissi pronunciarent, nemini esse timendum, quando nulla grauiore de causa intulissent arma, quàm ut Romanum populum avarissimi pontificis tyrannide liberarent, Fœdum id omnino & miserabile bonis pariter ac malis uideri potuisset, si reputatione sacrosanctæ maiestatis id facinus pudore aliquo ad Christianæ pietatis censuram uocaretur . Sed Clemens alioqui prudentia & usu rerum nemini secundus, quum fatali adductus auaritia omnes ordines afflixisset, usque adeo hominum uoluntates auerterat, ut misericordia omnis, in tanta publicarum rerum deformitate atque in tanto principis periculo, inuidia atque odio uinceretur . Sacerdotes enim inuitatis decumis onerarat, officiorum collegiis redditus auerterat; salariæque in gymnasio antiquitus ex certo uetigali liberaliter constituta, liberalium artium

artium professoribus, cum perenni infamiae nota subtraxerat. Irata quoque plebs uidebatur, quod nequaquam agrorum malignitate, sed certis conuectionum atque horreorum monopolis, magno fisci quaestu, anno na ad triplum creuisset. Dirutae etiam funditus, aut miserabilem in modum deformatae fuerant multorum domus, ignobiliumque praesertim atque egentium, aequandis scilicet frontibus, dirigendisque ad normam urbis regionibus, tanta duumviralis magistratus auaritia stuitisque, ut non maiorem Barbari immanes uastitatem attulerint. Et eo quidem grauiore Clementis inuidia, quod nequaquam ad reuocandam antiquae Urbis elegantiam, quod infelici saeculo ineptissimum uidebatur, sed ut alterum de duumviris famoso nomine conciliarum, vel iniqno oblato quae istu exleret; cui etiam magistratum contra consuetudinem impotenter continuarat. Commouebant tum sese triumuiroi cōseruatores, in Capitolio, ut opem ferrent; sed nulla inerat iussis aut cohortationibus eorum autoritas, quod in his essent Scarsius argenti ingenio, faciēque leguleius; & quidam ignobilis scurra, cui Saccogelato cognomen fuit. Huic Marius Peruscius praefectus fisci, & rerum capitalium truculentus iudex, Clementi carus, indignante populo magistratum impetrarat, ut in eo mitigaret iniuriam, quod post multa pocula, stragulae impositum seruum lacertis in laquearia per iocum ac uoluptatem excussisset. Per hunc modum Marcello Pompeii fratre peditum ductante ordines, praecunteque cum ala equitum Hieronymo Sarnensi comite qui Marcelli gener erat, Vgo Moncata & Vespasianus & Ascanius in Leoninam urbem irruerunt, paucis qui ad portam iuxta Sancti Spiritus templum constiterant, in fugam coniectis. Ita Vaticana domus momento temporis occupata, direptaque est; neque prohiberi miles potuit, quin sacra omnia & in augustissimo quidem diui Petri templo semper antea inuiolato, nefariis manibus attrectaret. Cessit & auaritiae militum cum priuatus, tum publicus pontificiae aulae apparatus, adeo ut aulea etiam ingentia eximii operis discissa raperentur. Vasa quoque nobilia figulini operis quae mitit India, solo illis frangerentur. Aberat inde Pompeius quod in domo sua constitisset. Quibus cognitis grauissimo dolore est affectus, quod milites pontificia etiam praeda expleti onustique, a sacrario de mum templique altaribus arceri nullo ducum imperio potuissent. Porro Clemens ubi nullum in arce frumentum, nulla cibaria, quae uel in paucos dies tolerandae obsidioni sufficerent, eadem quaestoris auaritia esse comperit; neque in Urbe hostium armis occupata milites parari, uel de Tuscia, Umbriaque, opportunè acciri posse uidet. Vgonem ad colloquium magnis precibus aduocauit, missis ad eum obsidibus Innocentio Cibo & Nicolao Rodulpho cardinalibus, quibus Leo pontifex auunculus fuerat. Non grauiatur Vgo nec aduentum suum differt, uel improbane & dissentiente Pompeio qui de obsidenda oppugnandaque arce cogitabat, ut Clemente in potestatem redacto, de sententia Caesaris, bello finis imponere-

tur. Itaque Moncata cum paucis in arcem receptus, salutato pontifice, ei supplex lituum pastorem argenteum, atque item gemmatam mitram, insignia pontificatus, militibus erepta restituit; officii sui necessitatem excusat; nefariam militum temeritatem detestatur; orat demum, ut ab oppugnando Cæsare desistere uelit, pro quo Dii atque homines, nusquam aduersante fortuna feliciter propugnarent. Eam uero insitam esse animo Cæsaris pietatem, iustitiam, moderationem, ut non alio arbitro quam ipso pontifice sit usus in pacanda Italia; cuius imperium nunquam affectarit, quanquam ad id iure optimo, uti partum possessumque ab antiquis Cæsaribus aspirare posse uideretur. Ad ea Clemens parum de Pompeio, & id quidem ironice, de Vespasiano autem plurimum & uehementer oblocutus, quod ab eo impudentissimè se deceptum atque impiè proditum quereretur, respondit se omnibus temporibus Cæsaris dignitati amplitudinique studuisse, neque in posterum studia in eum sua remissurum, modo ille adulatione malignitateque consiliariorum planè deprauatus ad ingenium suum rediret, sequereturque æquitatem & iura fœderum, quorum tabulæ uigerent, & Galliam Cisalpinam ipsi Sfortiæ impotentibus circumuento armis restitueret. Decere enim eum qui tot auitis regnis adauctus, totque insignibus potius uictoris ad summam auctoritatem augusti Imperii summamq. opum & uirium amplitudinem peruenisset, liberali animo non modo antiquis possessoribus suas ditiones, sua iura non adimere, sed etiam de integro largiri atque concedere, ipsumque Sfortiam per summam inuidiam falsi criminis insimulatum, totius Italiæ precibus condonare. Cæterum post multos secretioresque sermones, res in hunc modum composuit sunt, ut pontifex à Gallia Cisalpina copias reuocaret, Pompeio & Columniis parceret, mitteretur à Clemente Neapolim datæ fidei obses Philippus Strozza uir pecuniosus, cui Petri Medicis eius patruelis filia nupsisset. Vgo ipse cum omnibus copiis in Regnum proficisceretur, daretque operam ut quæ ex sacranis ablata essent, pertinerentue ad apparatus factorum, facta conquisitione redderentur. Cautum quoque est; ut Camillus Columna sine pretio dimitteretur. Is enim paucis ante diebus Senensi in pugna dum intemperantius profligatos hostes persequeretur, à Braccio Baleono Florentinorum equitum præfecto captus fuerat. Atque ita Vgo Moncata urbe excessit, grauius indignante Pompeio, atque id factum detestante, quod sub inanibus simulatæ concordiæ promissis, interpellari, eripique certam uictoriam uideret. Fuere qui existimarent Vgonem multo corruptum auro, pontificem tanto periculo liberaisse, eoque maturius atque libentius, ne eo capto, ac demum aliquo forte casu, aut Columniorum insidiis sublato, ex ea re Cæsari qui religionis & pietatis laudem quæreret, inexpressibilis inuidia constaretur. Ferebant enim Pompeium adiutorem Cæsare paratis iam seniorum suffragiis, pontificatu haud dubie potiturum, si Fortuna Clementem in eo armorum stre

strepitu conturbatisque rebus abstulisset. Interea Clemens præfenti solutus metu in spem vindicandæ iniuriæ suorum omnium hortatu, uehementer accenditur, in Pompeiunq. præsertim & Columnios omnes. Reuocat tamen Mediolano copias, ut initæ concordia, præscriptis legibus stare, pacatoque animo, ab æquitate Cæsaris pacem sperare uideatur. Nec mora Heluetiorum duo milia & Italicas cohortes septem uirtutis eximie, ex his quibus ad Mediolanum præerat Ioannes Medices dux egregie fortis atque audax; ad urbem accersit. Præterea magnam equitatus partem, & in his Federici Gonzaghæ ducentos circiter cataphractos: Stephanum etiam Colvinnam Prænestinum, à cæteris Columniis dissentientem, cuius fidei uirtutisque plurimum fidebat, conscribere quatuor cohortes iubet; atque item Valerium Vrsinum, & Ioannem Baptistam Sabellum, Ranucciumque Farnesium magnæ spei adolescentes, singuli equitum alis præficit. Negabant enim Pontificii pacem confici posse cum Cæsarianis arma tenentibus, nisi pariter ab armatis & ad gerendum bellum instructis pax ipsa peteretur. In eo rerum motu Carolus Cæsar consiliis atque armis hostium, maiore uirium mole occurrendum ratus; Lanoium proregem Neapolitanum cum sex milibus Hispanorum, & triginta onerariarum nauium classe, in Italiam misit; scripsitque ad Ferdinandum fratrem, ut Georgius Franispergus, summæ dux auctoritatis apud Vindelicos, cum tribus Germanorum legionibus in Italiam mitteretur. Occurrere Lanoio Gallicæ Venetæque triremes Cyrneo in mari, sed nullo consensu. Nam quum Ludouicus Armerius Venetus præfectus cum dimidia suarum triremium parte ad portum Veneris substiteret, serò admodum Andreas Auria, Petrusque Nauarrus & Paulus Iustinianus ad hostes peruenere; certatumque est tormentis maioribus. Sed Lanoius una atq. altera naue è suis cum milite demersa, tribus autem quassatis, & cum multa nautarum & militum strage uehementer afflictis, suaque demum prætoria pluribus colubrinarum pilis adeo perforata, ut penè mergeretur, ualido repente suborto uento, è conspectu se eripuit, tenuitque Herculis portum, atque inde Caietam incolumis peruenit. Pari quoque euentu apud Mantuam Cæsarianis Fortuna arrisit, quum Feltrius Veneti dux exercitus, expugnata iam nauiter Cremona, & cum eo Ioannes Medices Germanorum legionibus occurrissent, Nam quum hi iunctis copiis densata incedentium hostium agmina (ut eos Padi transito prohiberent) per expeditos Sclappettarios aliquandiu prosperè, minutis præliis retarlassent, ad Gubernulum demum uicem Medices, tormento ab ulteriore Mincii ripa, in incertum emissis, ictus occubuit, non tam priuato suo, quàm publico ruituræ mox urbis Romæ fato surreptus; quum nemo eo fortius atque felicius ab inusitata uirtute, libertatem Italiæ aduersus externas gentes defensurus esse uideretur. Interea Clemens Pompeium reipublicæ, pontificiique imperii hostem decernit, senatu mouet, addit diras, interdicat aqua &

igni, cæterosque Columnios eodem crimine damnatos armis persequitur. Inducto enim in Latium exercitu ad quatuordecim oppida insigni pontificiorum acerbitate direpta incensaque sunt; adeo, ut magna senum, puerorum, & sceminarum agrestium multitudo, alieni facinoris penas daret, paucique plesterentur ex his, qui è Vaticano templo altarium ornamenta rapuissent. Infecerat tamen ferè omnes is sacræ pecuniæ & prædæ contactus, ipsamque maxime Neapolim, ita ut in foro, sacræ uestes ad hastam propositæ spectarentur. Cæterum in Sublaqueum proprias Pompeii delitias atrocissimè fruitur, atque item ad Genatium, sed aliquanto remissiore ira, scilicet ut elegantioribus Vespasiani ædibus, quas Prosper extruxerat, dissimulanter parceretur. Porro Pompeius ubi Latina oppida incendiis fumare atque omnem armorum imperium in ipsos Columnios conuersum uidet, postulat à Lanoio, ut afflictis familiæ suæ rebus maturè opem ferat, hortatur ut productis copiis potius in hostili agro quàm propugnando ad regni limites, bellum ruptis iam planè fœderibus cœptum gerat. Concilii quoque indicendi, cuius nomen Clementi maxime terribile fore uidebatur, ex formula tabulas conscribit, noctuque Romæ per clientes suos affigendas templorum ualuis, publicisque in locis euulgandas curat, dictante instruentque Philippo Sergardo Senense. Per hos libellos pontifex ad concilium citabatur, quod Cæsar ad Spiram Nemetum urbem (ea est ad Rhenum sita) esset habiturus, ut facile intelligerent homines eum Balthasaris Cossæ exemplo, summum dignitatis & uitæ periculum, inimico Cæsare & infestis Lutheranorum animis aditurum. Nec multo post excitis ad id bellum regni proceribus, magno equitatu coacto, additisque Germanorum atque Hispanorum cohortibus, ad Frusinonem castra posuerunt; Quod ubi Clemens cognouit, uiditque eos iam nudato planè consilio, auspiciis Cæsaris bellum esse gesturos, ut grauiore metu injecto eos de terreret, è Gallia Valdemontium regia stirpe ortum accersiuit, hortatusque est, ut in spem potiundi regni, Neapolim classe inuaderet. Vigere enim adhuc toto regno Andegauensium regum memoriam, & præclarum studium multorum procerum in id nomen. Proinde ingenti animo arma capefferet, ut uirtute fortunæque maioribus suis æquaretur. Itaque Valdemontius singulari alacritate classem conscendit; Campaniarum metu complet: Salernum expugnat: signa ad ipsam Neapolim uertit, expositisq. cohortibus, ad pontem Sebethi amnis, effusum cum Neapolitana iuuentute Moncatam, intra portam compellit. Parte alia Lanoius atq. Pompeius, Frusinonis mœnia tormentis quatiebant; ibi præsidium inerat earum cohortium, quæ ob ducis sui Ioannis interitum, à funesto uexillorum colore, vulgo nigræ uocabantur, quarum ea erat constantia & uirtus, ut diffracta cadentiâq. mœnia, adiectis tumultuariis operibus repente refarcirent, & sæpe audaciter atq. feliciter eruptione dimicarent. Pompeii mens erat, quum primum aliqua muri pars concidisset, admo-
admo-
admo-

admoovere statim cohortes, & uera ui, trinisq. subdiis ex triplici nationum genere constitutis, supremum oppugnationis casum experiri. Per speculatores enim didicerat aduentare pontificios duces, ut obseis opem ferrent; providebatque si segniter oppugnare pergerent, ancipiti praelio dimicandum fore. Sed Lanoius haud sanè multum belli peritus quum uariis suorum sententiis distraheretur, nec facile consilium explicaret, potiundi oppidi occasionem corrumpit, adiitque discrimen accipiendi grauis incommodi, quum propinquo hoste mouenda castra uiderentur. Perueniant enim pontificiae copiae ad Ferentinum, Rentio Cerite, & Vitellio Tiphernate ducibus; aderatque legatus cardinalis Augustinus Triuultius, Clementis hortatu & suapte ingenio nauandae operae cupidus, quod studio à maioribus tradito, Gallicae factioni uehementer esset addictus. Nec mora pontificii quadratis agminibus Ferentino egressi patientibus in campis suorum pariter atque hostium oculis dispari animorum habitu spectaculum praebuerunt. Erat enim è collibus, ipsaque oppidi summa arce in subiectos campos despectus, ita ut peditum & equitum agmina distinctis & praefulgentibus uexillis enumerari posse uideretur. Non tulere subeuntium impetum Lanoii cohortes ponti Cosae amnis praesidio impositae, atque ita loco pulsae profligataeque, amissis tribus uexillis terga uertere, adeo ut perturbata magna parte exercitus, sola Germanorum phalanx immobilis imperterritaque constiterit; quod nigrae cohortes conspiceret, auctis spe uictoriae animis audacter eruperunt. Ita patrefacto aditu, commeatus affatim intromissus praesidiumque nouo cohortium aduentu renouatum. Abstenuit praelio Rentius quum uictoria in manibus esse uideretur, satis superque actum ratus, quod sine suorum uulnere, conditos obsidione atque periculo liberasset. Ea quae secuta est nocte Pompeius, Lanoio in re aduersa repentinusque perturbato, reducendi exercitus munus suscepit; ita ut ipse maiora tormenta, suismet humeris atque lacertis impelleret; minora enim singulis ducibus reducenda attribuerat; cuius implendae operae specimen atque exemplum dabat ne tale dedecus admitteretur, ut tormenta in potestatem hostium deuenirent. Ita singulari Pompeii cura, laboreque & diligentia exercitus incolumis in pacatum tutumque locum est receptus. Nullo quippe per noctem tenebris atque terroribus importunam accepto incommodo, nullo maiore minorque tormento, uel in summa uiarum asperitate deserto, nullisque postremo amissis impedimentis, quum hostis, uiribus, animis, loco, atque eius diei fortuna, abunde superior, abeuntium tergis instare, & non mediocrem omnino cladem asferre potuerit. Ea bene gerendae rei facultas, Pompeii celeritate & uigilantia, pontificiis erepta, magnam Rentio atque Vitellio (ipsius Triuultii legati & minorum ducum testimonio) constauit inuidiam, ut qui uacare quae stui, delectari imperio, odisseque belli finem, & pericula uniuersae pugnae deuitare, uel malignitate, uel ignauia dicerentur. Ceterum cognito Caesarianorum discessu, pro-

mouere serò castra, multosque dies nulla memorabili re gesta, circa Possum atque Cæcanum confedere. Ex aduerso Lanoius atque Pompeius, ad oppidum Castrum constiterant. Verum consumpto in his locis omni frumento, quum fame uterque exercitus laboraret; & equi deficientes pabulo, quod nullum gelida adhuc hieme gramen erumperet, inedia & macie conficerentur; applicuit ex Hispania Franciscus Angelius cucullatus, Diui Francisci sectæ princeps. Is opinione religionis Cæsarem nudato omni simulatione animo arcana crimina Christiano more confitentem, audire expiareque solitus, mandata Cæsaris de pace, ad pontificem afferebat. Eius uiri hortatu, quum singula ad religionem reuocaret, & summa omnia de lenitate æquitareque Cæsaris polliceretur, Clemens ad pacem inclinauit, quod ararium sumptu, animu uero cura & molestia bellicarum rerum leuare percuperet; indignareturque pulcherrimam omnino occasionem potiundæ uictoriæ, altuta, aut ignobili certe ducum suorum cunctatione, fuisse prætermittam; annamque demum non modo creuisse, sed in castris totoque Latio tantum non consumptam esse conspiceret; & Borbonius maxime formidandus uideretur, qui ingentibus lectissimisque instructus copiis, togatæ Galliæ & Ethruriæ urbes Romanæque urbis opes, in prædam militi se concedere prædicabat. Itaque Romam accitus est etiam Cæsar Feramulca Campanus Cæsaris familiaris, qui dudum ab Hispania uenerat, attuleratque ad pontificem à Cæsare humaniores literas, quibus se pacem expetere, odisse arma, & pontificiam maiestatem religiose colere significabat, testabaturque Deos immortales se regnis suis esse contentum, & ab se cuncta facile posse iustis precibus impetrari; sed minime passurum, ut sibi à quoquam in his quæ iuris atque arbitrii sui sint, arroganter præscriberetur. Non esse enim ex dignitate Augusti, longe maximi principis, leges accipere, minisque terreri, ab his maximè qui imperio suo subiecti, & diiudicante Fortuna toties bello uicti, ingratiue demum, grauiore pœna digni censerentur. Itaque Idibus Martiis, qui dies summarum calamitatum Vrbi atque Italiæ initium fuit, inita iterum pax est, conscriptæque renouati fœderis leges, ea conditione, ut Lanoius ad Urbem ueniret, scilicet præclara ad stipulationem tabulis rite confectis, grata omnium animis ea concordia sacris solennibus celebraretur. Nec multo post Lanoius recepto prius Cæsariana in castra Triumulto legato, ut fidei obses esset, ad Clementem uenit; notatusque est haud dubie Deorum monitu aduentus eius, ut lugubris & maxime funestus Vrbi futurus; quum ea pars Vaticanæ domus qua ipse fuerat hospitio exceptus, terribile uagoque fulmine icta tremuisset. Ab ea autem pace maxime auersus erat Pompeius; dixeratque discedenti Lanoio, ne magnopere laboraret, ut pontifici conciliaretur. Se enim acta Clementis, quibus galeri sibi honos adeptus esse uideretur, breui rescissurum; quod ille nequaquam legitimus sed uitio creatus pontifex, dignitatis suæ decus

cus eripere nequiverit; quod Leo X. diuini atque humani iuris sciens, ueræque uirtutis amantissimus, sibi absenti ex senatusconsulto detulisset. Solebat ille elaro contemptoreque animo Clementis ingenium, nomen, fortunamque despiciere, quum haud dubie commoda omnia rerum suarum, & dignitatis ornamenta, ex amicitia & liberalitate Cæsaris expectaret. At Clemens confirmata pace cum Lanoio, ut Florentinis rebus, quibus maxime timebat, opportunè cauere; ab eo postulauit ut in Ethuriam proficisceretur, præsentique autoritate atque imperii iure, Borbonii consiliis obuiam irer, impediretque iter, quod ab eo per pontificios fines, infesta ubique populatione susceptum esset; scilicet ut tot coactæ in unum audacissimarum gentium legiones, audito pacis nomine soluerentur; quum ipse Lanoius, ad quem summa militaris imperii respiceret, uti belli & pacis arbiter, præclara ante omnes autoritate, persuadere militi, atque ipso demum iure suprenæ potestatis, Borbonio præscribere facile posse uideretur. Sed milites in spem diripendæ urbis Romæ, consociatis animis tantos spiritus ex felicitate rerum gestarum desumpserant, ut quum superbia licentiaque corrupti, Borbonium, Lanoiumque contemnerent; neminemque esse interris qui ipsis resistere posset, existimarent; publico tantum, & tumultuario consilio regerentur. Quin & per eos dies, quum in Bononiensi euastatis agris fame laborarent; noctu in Borbonii domum irruperant; tanto ipsius periculo, ut uix ignobili latebra, quin interficeretur, sit seruatus; Quæsito tamen & pacatis animis iusso, ut prodiret, honoris nomen restituerunt, ut aliqua ducis imagine ad disciplinæ speciem uterentur; moreque militiæ auspiciis eius atque imperiis parere uelle simularent. Irridebant enim eum Hispani uti stolidum & exulem, quoddam ambitiosè expetitis Heleo noræ nuptiis, intercipientem demum Francisco rege, delusus repulsam tulisset, & ad Galliæ Cisalpinæ imperium aspiraret. Germani uero eum egentem, exutumque omnibus fortunis, & proditorem gentis suæ uocitabant. Itaque Cæsariani ab Alfonso Ferrariensi, commeatu omnis generis abunde adiuti, recreatique, euastatoque demum atque incenso Bononiensi agro, egressi hibernis per Flaminiam uiam, nullo hostium occurrente, ad Apenninum supra Fauentiam contenderunt, Feltrio Venetorum duce, & Michaële Salasso regulo, qui Gallicis præerat auxiliis, in aciem prodire non ausis: quanquam his magnæ adessent copiæ, tormentorum apparatu, atque urbium opportunitatē superiores. Borbonio ab Amandula oppido subeunte ea alpium iuga, quæ Aretinos de spectant campos; Feltrius atque Salassus per Petram malam breuiore itinere in Ethuriam transcederunt, rati hostem (uti euulgatum fuerat) Florentiam continenti cursu petiturum. Sed is læuorsum in Senensium agros deflexit; uix tantisper moratus, dum ex insigni illorum studio ac liberalitate exercitus duorum dierum cibaria acciperet. Edicebatur enim toto agmine cunctis esse festinandum, quum præcepta animis ui-

Atoria, spesque omnis, uberrimæ prædæ, in una celeritate, posita uideretur. Præbuerat spem Borbonius Florentinorum legatis incundæ concordia, si ipsorum sumptu stipendia militi soluerentur. Sed in immensum augebat in dies eam petitæ pecuniæ summam, nec institutum tamen iter ulla in parte remittebat: ut iniectâ spe pacis, ab apparatu belli hostes auerteret, quos imparatos & nec opinantes inuadendos esse censebat. Lanoius quoque qui ad Aretinas alpes occurrerat, ludibrio habitus, quum Borbonium ex itinere monuisset, ut retentare agmen uellet, idoneoque ad colloquendum loco subsistere; postquàm Romæ pace celebrata ex sententia Cæsaris fœdus cum pontifice esset renouatum. Sed Borbonius miliresque, cum Lanoium ipsum, tum etiam pacis nomen impensè oderant: adeo ut irrisus atque repulsus, non mediocre uitæ periculum adiret, quum in subalpinos agrestes incidisset. Porro Borbonius ænea tormenta à Senensibus oblata paratæque minime secum aduelhenda iudicans, ut instituta celeritate ueretur in opprimendo pontifice, anteuertendisque hostibus qui iisdem uestigiis secuturi uiderentur, ad Pompeium scripsit ut sibi aduentanti tormenta muralia, & commeatum affatim apud Romam pararet: Se enim secretiora à Cæsare mandata nuper habuisse, quibus iuberetur, ut strenuam operam daret, ut occupata Vrbe Cæsariani nominis hostes deleerentur. Paruit Pompeius, è Fundanoque agro ad Palianum profectus præstitit officium in his rebus, uti opus erat, maxime liberaliter ac diligenter. Cæterum tanta fuit in Cæsariano milite duceque celeritas, in superandis præaltis fluminibus conficiendoque itinere, uel per imbres maxime luctulento, ut aliquanto citius quàm opinione hominum expectari possent, ad mœnia Vaticana peruenerint. Tum uero Clemens repentino instantis periculi metu consternatus, summæque rerum & saluti plurimum diffidens, diuersa perturbato animo consilia volutare, modò constanter, modò trepidè à patribus & à Romanis, ducibusque suis opem, consilium atque operam postulare; ambigere an ad mare, ubi triremes erant sese proripere præstaret, an deserto uaticano intercisisque pontibus intra Urbem se recipere, opperiri suorum auxilia, cum Borbonioque aliqua pactione, oblata magna uide pecuniæ, pacem mercari, ut qui se omnia alia spe destitutum uideret. Paucis enim ante diebus Heluetiorum duomilia, atque item mirificas ad tuendam urbem nigras cohortes, deprecantibus cunctis ne id faceret, atque re clamantibus, importune dimiserat, ut ætario prudentiæ præsidii instructo ad elidendam uirtutis aciem, avaritia fatalis inhaerarat, ut cuncta quæ publico omnium iudicio timebantur, ipse unus nequaquàm timeret; fideretque his maximè, in quibus nullam omnino spem reponendam, summi pariter atque infimi homines existimarent. Extruxerat Rentius Ceres dux patriæ suæ admodum funestus tumultuariam munitionem in ipso Vaticani dorso, irridendam hosti

hosti, nobis autem summo cum dolore & lachrymis spectandam. Armauerat item imbelles Romanas tribus, & paucos collegerat milites ex his qui nuper dimissi, diuenditis armis in urbe remanserant; Prostitutebaturque se Leoninam urbem, ipsamque Romam, unum atque alterum diem egregie defensurum. Putabat enim Clemens Feltrium ipsumque præsertim Guidonem Rangonum, magnis sibi obstrictum beneficiis, per Flaminiam uiam, uitata Cælia qua hostis iter intenderat, ad urbem cum expeditis copiis aduolaturus. Sed Borbonius antecessit, urbemque Romani subiectam oculis, è monte Mario militibus ostendens, ubi ex præda multo opulentiore quàm opinione audiatæque ipsorum conceperant perpetuo ditarentur, edixit ut corpora tanti itineris labore fessa, & enecta fame paululum curarent; solitaque celeritate murum subirent. Erat enim ab ea præsertim parte qua in meridiem obuertitur, ueritate consumptus atque humilis. Inuasere itaque loca nequaquam munita sub auroram, pridie Nonas Maias; dimicatumque est utrinque acriter minoribus tormentis: quum pauci ueterani & prætoria Heluetiorum cohors, constanter irruentes, conscendentesque repulissent. In ea parte quæ Obeliscum respicit, Borbonius dum cohortatur suos & scalam conscendit, in inguine plumbea glande traictus occubuit; multique ingentis tormenti pila, è summis collibus in latera densissimi agminis emissa discepti sunt: raptaque in præalta mœnium parte duo Hispanorum uexilla signiferis è muro præcipitatis. Sed repente nebula crassior palustri exorta campo, ita hostium aciem intexit, ut tormentorum usus dirigendis ictibus fatali nostrorum incommodo, penitus eriperetur. Irumpere itaque facile Hispani per coniunctis muro ignobiles casas, ubi Borbonius amissa uoce defecerat: Diis haud dubiè concepto sceleri poenam maturantibus: ne uir perfidiosus atque impius, direptæ atque euastatæ sacrosanctæ urbis spectaculo lataretur. Parte alia Germani munitiones in tolles transcenderunt; circumuentamque in medio Romanam plebem quæ sub uexillis regionum intra Turrioniam portam constituerat, tanta sæuitia immanitatæque trucidarunt: ut imbelles homines proiectis ad terram armis; suppliciter uitam deprecantes, crudelissimè caderentur. Nunquam enim ab ulla memoria, maiore truculentia uel in barbaros qui Mahometis sectam colerent, uel in perperuos hostes atque inimicos, uindictæ libidine sæuitum est. Nemini enim fuga patuit, quum refugientes non in ipso tantum celeberrimo templo, sed in adytis, ante sacrosanctam aram inermes trucidarentur: Quibus antea immanes ex ultima barbariæ Totalis Gothus, & Genferichus Vandalus religiosè pepercissent. In eo strepitu: Clemens frustra auersos Deos precibus ad aram fatigans, audito hostium clamore, citato gradu per oblongam duplicis muri munitionem è Vaticano in arcem confugit, gemens & crebro se ab omnibus proditum querens: ita ut toto eo itinere è fenestellis miserabilem nostrorum fugam, & cru-

enti maxime tumultus faciem, barbarorumque furentium hastas & se-
cures impressas fugientium tergis despectaret. Clementi autem ple-
nis passibus euadenti proximus aderat Paulus Iovius qui hæc consecri-
psit; sustuleratque ei ab tergo talaris togæ sinus, ut expeditius iter confi-
ceret; suumque item uiolaceo colore pallium, & pileum capiti atque
humeris iniecerat; ne pontifex à candore uestis agnitus, dum aperto
demum & ligneo ponte in arcem transiret, à Barbaris accuratiores for-
te glandis ictu sterneretur. Persuasere intra pontis portam, quum in-
curia & trepidatione nostrorum cataracta demitti nequiuisset, signife-
ri duo Hispani, tanta audacia ut petiti undique tormentis, nihil mortis
metu terrentur, quin per pontem in forum proximum excurrerent,
conatusque est pari temeritate Falcus centurio Hispanus, portæ ar-
eis ualuas propellere, atque ibi cum paucis est interfectus, Tota itaque
Leonina urbe, quam suburbium uocant, pontificiisque ædibus, & sa-
cro sancto augustissimoque templo, incredibili immanitate cruentatis,
atque direptis, ad Septimianam portam signa uertere; primicie omni-
um Itali, duce Ludouico Gonzaga, cui ab insita uirum ferocia, iactan-
tiaque, Rodomonti cognomen fuit, transcendere eum murum, qui
ab Aurelia porta per decliues Ianiculi uineas ad Septimianam proten-
ditur, paruo admodum negotio depulsis defensoribus & occupato
Xyflino ponte; ita edita fugientium multa cæde, septem milibus ho-
minum trucidatis; supra quadraginta milia hostium in urbem irru-
erunt. Nam ad Germanicas legiones tres, sex milia Hispanorum Ioanne
Dorbino duce, atque item Italicæ cohortes accesserant, ex itinere pas-
sim latronum & damnatorum concursu adauctæ, quas ductabatur Fabritius
Maramaldus; Sarra Columna; & is, quem diximus Rodomontes. Ve-
teranos quoque equites non exigua leuis armatura equitum manus, ex
uario nationum genere, sine vexillis, in spem ingentis prædæ sequeba-
tur. His præerat Ferdinandus Gonzaga, & Filibertus Auranus Bel-
ga; qui Borbonio interfecto, à militibus imperator est appellatus. Ea
nocte nihil unquam lugubrius aut funestius fuit Romanis pariter & In-
quilinis; ædite enim omnibus in locis ad satietatem in nihil tale meritos
inuitatæ cædes; nobilissimi senes pariter ac iuuenes tormentis ex-
cruciati, uiolatum ubique matronarum & uirginum decus: uestales in ipsis
templis constupratæ; cardinalium porro, principumque domus, tan-
ta furentium rabie ferro atque ignibus expugnatæ, ut nec regum lega-
tis parceretur, nemoque demum ex his, qui latebra gladios effugerint,
sit seruatus, nisi uitam ac libertatem, uniuersa bonorum substantia re-
demerit. Feritate & truculentia terribilis erat Germanus: sed à primo
impetu quo armatos deleuerat, à gladiis temperabat, usque adeo remissa
animi ferocia, ut exiguo facile pretio libertatem captiuis daret, & præ-
sentibus tantum spoliis & compotationibus lataretur, uerteretque de-
mum furorem in templa & antiqui operis statuas, deformando cuncta at
que

que euasando, quòd plerique eorum irrisis pontificum legibus, Luthera
na dogmata sequeretur. Hispani autem astuta & implacabili crudelitate
acerbiores, ut abdita arcanaq. familiarium eruerent; tormentis atq. sup
plicis in nobilissima corpora grassabantur; tanta auri cupiditate, ut Iulii
pontificis cadauer, multa exelum carie eruere, & annulo spoliare non
dubitarint. Sed eius etiam gentis facinora, Itali, Brutiiq. præsertim
decerptis uitis, nec ullis omnino admistis uirtutibus facile æquabant;
& eo grauiore cum inuidia, quòd in obsequium barbarorum longe
promptissimi, æmulatione scelerum, ab amore charitateque commu
nis patriæ discessissent. Obsidendæ uero arcis circumuallandæque per
ducta in gyrum fossa Philippus Cerbellio & Mendanius Hispani, nego
cium susceperunt, tanta acerbitate, ut uetulam in arcis fossam lactucas
deferentem, quæ expetenti pontifici donò darentur, laqueo immani
ter strangulatam, in conspectu arcis suspenderint; puerosque item qui
olera funiculis extrahenda alligabant, sclopettis interfecerint. Biduo
pòst affuit Pompeius Clementis quidem incommodo, periculòque læ
tatus; sed quum plena omnia cadaueribus, luctuque conspiceret, mul
tòque mulierum & puerorum eiulatu, atque insignium ciuium sacer
dorumque, in tormentis frustra opem implorantium, regiones & do
mus omnes miserabili geminu complerentur, lachrymas tenere non po
tuit; eo etiam uehementiore dolore perculsus, quòd cadente patria,
elapsòque secus atque ipse opasset, incolumique pontifice, qui tantæ
cladis causam præbuisse uideretur, ad insontes tantum ac miseros, sum
mæ calamitatis pœna recidisset. Itaque uti generosum & sacratum ui
rum decebat, insigni pietate & misericordia adductus domum suam as
sistis & miseris aperuit; & quanta maxime ualebat autoritate apud du
ces ac milites operam dedit, ut inuiolatum decus fœminis seruaretur;
cruciati eriperentur ciues, & de redimendis captiuis, tolerabili condi
tione leges ferrentur. In his rebus humanitate, diligentia & liberali
tate tanta fuit, ut superiora cœnacula ad summas conignationes, hone
stissimis matronis atque uirginibus complerentur, cardinales plures ad
se confugientes uestiret atque aleret; controuersias inter captiuos &
milites sua pecunia dissolueret; cunctisque uitæ periculo circumuentis,
uadem se præberet; ita ut in ea fortunæ acerbitate captæ & euerse urbi
nihil Pompeii aduentu opportunius fuerit aut melius. Nemo enim mi
ser ab eo frustra opem implorauit; nemo aut militum metu, aut ine
dia compulsus, salutaris atque hospitalis domus foribus eiectus fuit.
Singulari quoque animi magnitudine simultatum & contentionum obli
tus, non aduersæ modo factionis nomine, aut peculiari ex causa uete
res inimicos præsentis ope adiuuit; sed & Sanctæ crucis etiam familia, à
qua Hieronymum ipsius patrem interfectum diximus, nobilem matro
nam, eiusque filiam conspicuæ formæ uirginem, ad se recepit, atque
auro redemit. Vna in re tantum uindictæ libidinem effudisse est uisus,

libertate, odio persequi erat solitus. Sed in his æquissimo iure uenit excusandus, quum nonnulli ab eo liberaliter sacerdotiis, uariis beneficiis honestati, ingrato demum animo uti pecunia corrupti, in amore ac fide turpissimè defecissent. Susceptus est à Clemente vultu ad hilaritatem maximè composito, nec ficto quidem, quum periculi magnitudo, & concepta spes ingens libertatis, omnem penitus simulationem excluderent. Deplorauere tum uerissimis lachrymis euerse urbis calamitatem, sacerdotalis dignitatis amissum decus, & denique communem insaniam, cui pertinacius quàm sacratis hominibus expediret, usque ad conturbationem diuinarum atque humanarum rerum seruiuisent. Interea pestilens morbus ex fœtore cadauerum & fame inequalique cæli temperie subortus, multos Hispanorum absumpserat, & in his Antonium Gambourti, à quo templum uirginis Deiparæ ad Mineruam exërcitatis fœde sacerdotibus fuerat direptum. Sed Germanicas legiones multiplicatis funeribus maxime deuastabat; allatumque erat Gallos Odetto Lotrechio duce transisse alpes eo consilio, ut uindicatis iniuriis, sacrosanctum pontificem, abrupta fide deceptum & proditum in libertatem assererent. Rex enim Franciscus suoapte ingenio maxime pius & generosus, pro dignitate Christiani nominis cuius ipse titulum præferret, ualde pulchrum & decorum existimarat custodia & carcere sacrosanctum pontificem eripere, atque impios, & execrabiles latrones, uti militum nomine indignos armis persequi, qui sceleratis manibus, templa, aras, ipsa denique sanctissimorum pontificum sepulchra uiolassent. Implorare enim undique opem Clemens demississimis precibus à Francisco rege per Saluiatum cardinalem legatum; atque item ab Henrico Britanniarum rege, ad quem Vbertum Gambaram miserat: Accendebat etiam Heluetios uehementer Ennius Philonardus antistes Verulanus, uetus apud eam gentem legatus, uel uno maxime argumento, quod Iulius secundus ab insigni beneficii accepti memoria eos honestissimi nominis titulo pontificis libertatis defensores appellasset. Nam Clemens satis superque explorata Cæsaris uoluntate, quum se in potestate barbarorum esse conspiceret, neque ipsius salus atque libertas ad arbitrium Cæsaris reuocaretur, aliunde sibi auxilium quærebat. Per literas nanque & nuncios propenso Cæsaris animo utebatur, sed milites Germanique præsertim minacibus oculis truces, efferique stipendia atque aurum deposcabant. Quibus Cæsar non obscure indulgendum arbitrabatur, postquam tantis rebus gestis, sua præmia merebantur: Putabat quoque ex conscientie pudore Clementem uti grauissimis affectum iniuriis, ubi primum custodia liberatus euolaret, in omnem uindictæ libidinem sese effusurum; ita ut tantis adiunctis sociorum præfidiis resumpturus arma, & ad Christianas imprecationes dirasque aduersum se descensurus esse uideretur. In his rei nummarie difficultatibus coactus est pontifex obseques dare, quos ipsi milites delegissent. Li fuere cardinalium pro-

pinqui, virique maximè pecuniosi Ioannes Marius Montanus Sipontinus, Honofrius Bartholinus Pisanus archiepiscopi; Antoniusque Pucius Pistoriensis & Ioannes Mattheus Gibertus Veronenfis episcopi; itemque Iacobus Saluianus, cardinalis pater; & Laurentius Ridolphus, Nicolai cardinalis germanus frater. Horum sacratis manibus ferreæ cathenæ statim iniectæ, uinctique in Pompeiana domo custoditi. Hos Pompeius uidere, aut alloqui humanitate sua indignum putauit, ne quum præstantes uiros familiaritate superioribus temporibus sibi coniunctos, in libertatem uindicare non posset, ad non dubiam inuidiam, eorum calantitate latari uideretur. Verùm per familiares suos id benigne & liberaliter præstabat, ut nihil quod ad subleuanda præduræ captiuitatis incommoda, tristitiamque minuendam pertineret, omnino desiderarent. Quum uero à Barbaris aurum immaniter supplicii metu iniectum exprimere properantibus, in Floræ campum, ad furcas cathenati, latronum more traherentur, bisque sententiis de eorum supplicio in corona militum graui & infesto concionis fremitu esset disputatum; adeo Pompeius, eo atroci illustrium sacerdotum periculo, & Germanorum feritate commotus est, ut non multo post ipso commiserante & prorsus conuiiente, per uaporarium foci tubum subleuati, extræque furnibus euaserint; quum Germanos custodes opipara in cœna, multo falerne consopitos egregie fefellissent. Transierat paulò antè Pompeius in Alfonso Vastii domum, ut eius doli suspicionem ab se penitus auerteret, & deceptorum & furentium imperum sua absentia frustraretur. Horum fuga Clementem incredibili affectu uoluptate, libertatemque eius magnopere maturauit. Nam Germani ad nouas pactiones descendunt, ut pecunia certius atque facilius expediretur. Audiebant enim Lotrechium properare, ut liberati ab se pontificis gloria potiretur. Is ad Boscum oppidum expugnatis Germanorum cohortibus Alexandriaque urbe in potestatem redacta, & Ticino demum terribili tormentorum apparatus capto, dirèptoque, Padum transierat; Parmæ atque Bononiæ aliquandiu substiterat, ut Heluetias & Germanicas legiones expectaret; quibus receptis, per Togatam Galliam ad Truentum annum contendebat. Aderant ei Venetorum copię, accesserant magni roboris auxilia Florentinorum. Ii enim ad famam capti pontificis exciti ad arma, Mediceis adolescentibus Hippolyto atq. Alexandro Florentia eiectis, sese in libertatem uendicant. Andreas quoque Auriæ Gallicæ præfectus classis, ad Delphini portum Hispanicas triremes oppresserat, ciectisque Adurniis Genuenses Gallorum imperium acceperant. Quibus de causis Casariani duces in propinquum summæ rerum discrimen adducti relinquendam omnino urbem Romam, & hosti obuiam eundum censebant. Id maxime cupiebat Pompeius quum patriam à Barbaris funditus euertere conspiceret, deformatis passim ædificiis atque omni laquearium & tectorum exusta materia collabentem.

Sed

Sed negabant milites Germanique præsertim se ab urbe, pontificisque custodia discessuros, nisi stipendia soluerentur. Id uero se præstare non posse aiebat Clemens, nisi custodia educeretur; capto enim sibi atque alieni iuris facto, non credi à mensariis & publicanis; libero autem & suæ dignitati restituto, præclaram fidem redituua potestatis existimatione, confestim assuturam. Porro Cæsar ab Hispania perplexe rescripserat, sibi æquum uideri, ut pontifex custodia educeretur; sed darent ipsi operam ut alicunde militi stipendia præberentur, cauereutq. ne pontifex ex captiuo liber & hostis factus; si id uellet, partium consiliis multum noceret. Interpretandis autem literis, diuersæ sententiæ à ducibus dicebantur; Aurantijs, Alarcon, Vercius atque Moronus cautiore uideri uolebant. Pompeius uero & Columnii omnes cohortantur, ut per honestam pactionem sacrosanctum pontificem carcere; ipsum uero Cæsarē infamia liberarent. Aduenerat Franciscus Angelius præclarū de Cæsarisificentia uoluntatēque testimonium ferens. Itaque Clemens mirifice adiuuante Pompeio, pecuniam à cupediariis ditibus mutuam impetrauit per Bernardum Sanctium Reatinum iurisconsultum, urbis prætorem. Hunc Pompeius Anioerio Mottæ Gallo collegam addiderat, ut miseris ciuibus de uita & fortunis cum milite litigantibus præsidio esset, atrocitatemque publicæ calamitatis humani iuris artibus emolliret. Francisco demum Angelio insigni adipiscendæ libertatis auctori purpureum galerum est pollicitus, itemque Moroni filio episcopatum Mutinensem dedit; concessit & ipsi quoque Pompeio Piceni legationem; omnesque promissis aut presentibus donis, qui auctoritate ualerent sibi conciliauit. Præterea ut milites ampliore pecunia mitigaret, Grimanum & Cornelinum Venetos; Sanseuerinum, Caraffam, & Palmirinum Neapolitanos, Cardoniumque Hispanum, pretio legerat in senatum; ut quæ sanctius atque syncerius Cæsari fidem obligaret; quinque cardinales obsides dedit, è quibus Triuultius, Pisanus, & Gaddius Neapolim sunt perducti. Ursum autem & Cæsum ipse Pompeius uadem pro his genereose admodum se præbens; ad Sublaqueanos secessus perduxit, atque maturè ingentibus munificentia; atque humanitatis officiis obstrictos dimisit. Quum nero pontifex amici pacatiq. animi data fide, atque ex tabulis confectis confirmata, excessurus arce, & Orbitum Tusciæ oppidum, comitante parte exercitus, petiturus esset, Pompeius ei dono dedit nobilem Turcam equum, itemque insignes sarcinarios mulos, & niuei coloris asturconem, quo sacra, arcule purpureæ inclusa cum perpetuo igne pontificibus maximis præferri solita ueherentur. Sed pontifex mutato habitu, ita ut unus ex familiæ præfecti familiaribus uideretur, intempesta nocte ex arce atque urbe exiuit, uerius si lucem expectaret Vgonis Moncatæ sententiam, qui Lanoio pestilentia absumpto Neapolitano regno præerat, uirque ab ingenua subtili calliditate uersutus & uariis, ab his facile dissentiebat, qui pontificem mili-

tum manibus ereptum uolebant, & Cæsaris inuidiam honestiore decre-
to lenire cupiebant. Ludouicus autem Gonzaga educendi pontificis ne-
gocium suscepit, feliciterque perfecit, frustra petente Aurantio, ut in
itinere subsisteret, quum is è Galeria oppido ubi erat in hibernis, trans-
uerso itinere salutaturus, in certum an retenturus cum ala equitum adue-
ntaret. Pontifice post septimum mensem libertati restituto, Pompe-
ius Neapolim contendit, ut bellicis partiū consiliis interesset. Iam enim
Lotrechius ferè totam Italiæ longitudinem emensus in Apuliam perue-
nerat. Quo rerum periculo adducti Cæsariani, obtestante educente-
que Alfonso Vastio, urbem absumptis omnium fortunis, domibusque
fœda testorum strage, deuastatam reliquere. Discesserat è castris Vastius
ab initio priuquam Roma caperetur, ne sceleratis militum consiliis
interesset, ueneratque deinde in urbem, ut suo ueteris imperii iure utere-
tur, frenataque militum licentia, uigiliisque & singulis militiæ muneribus
ad disciplinam reuocatis, in hostes legiones educeret, certatum sub-
inde est equestri prælio ad Luceriam superantibus Gallis, quo Martius
Columna adolescens alacriter pugnans, & ardentius excurrrens est inter-
ceptus. Hunc Pompeius ex Octauiano fratre genitum, confestim mille
aureis redemit, scripsitque ad eum, ut nihil ab eo incommodo, innatæ
uirtutis impetum remitteret, sed etiam atque etiam intrepidè progredere-
retur; aurum in promptu semper futurum, modo uti ea familia & eo pa-
tre natum deceret, ad parandam laudem & militare decus eniteretur.
Ostentauit demum copias Lotrechius & dispois in aduersos tormen-
tis, sub Troiæ urbis colle pugnandi potestatem fecit. Sed Aurantius &
Vastius, Dorbino comprobante, ex æquissimo loco, in æquam plani-
ciem minime descendendum putauerunt. Nec aceliuem locum Gallus
subiit Ethruscorum auxilia expectans, quæ de aduentu suo per Apenni-
ni colles inter diu fumo, & noctu ignibus significabant. Cæterum in Cæ-
sariano milite multum refrixerat uetus ardor, illeque impetus celeritate
audaciaque semper felix. Tanta enim ditati præda, & uoluptatibus atque
delitiis emolliiti, pauere uulnera prælii casum defugere, & præter con-
suetudinem nimia uitæ cupiditate distineri uidebantur. Vertè itaque
signa Neapolim, silentio motis castris per noctem profecti. Nec Lotre-
chius abeuntium uestigii institit, suadente Nauarro, ut Melpham ur-
bem ualido firmatam præsidio prius expugnaret quàm hostes insequere-
retur, ne obsessis demum itineribus, commeatus eriperetur, qui Neapo-
lim oppugnaturus è Samnio foret expectandus. Dum itaque Galli Mel-
phiam magnis uiribus expugnant atque diripiunt, Cæsariani Neapo-
lim concessere; Lotrechiusque demum ad urbem uallatis castris con-
sedit: Longa admodum instituta obsidione, nec intermissis quotidia-
nis incursionibus, quibus ab initio aduersus erumpentes adeo profecit,
ut interfecto Vereio Belga, qui liberandi pontificis decretum improba-
rat, Germani Hispanique tumultuariis uicti præliis magnopere terre-
rentur,

rentur nam primo ad Diui Antonii templum iterumq. ad Sebethi am-
 nis munitiones, & demum ad Pausilipi montis cryptam quum interclusi
 fuissent, amissis multis equitibus & duobus Germanicis vexillis, intra ur-
 bem trepide refugerant. Acciuerat quoq. Lotrechius è Liguria classem,
 Philippo Auria præfecto, ut hostes, ipsaque Neapolis, terra, marique ob-
 siderentur. Nec dubitauere Moncata & Vastius quin rostratas suas com-
 pletas ueterano milite ad pugnam educerent. Concurrere terribili &
 maxime cruento inito certamine ad Vrsium promontorium, citra Sa-
 lernum; Cæsarianisq. Ligurum virtute & nauali peritia superatis, Vgo
 Moncata est interfectus, Vastius ipse & Ascanius Columna equitum ma-
 gister, in prætoria capti. Cecidit & Cæsar Feramusca, qui perfidiosis pa-
 cis cum pontifice author fuerat, & cum eo Hispanorum promptissimi.
 Deuenit & in potestatem hostium Camillus Columna Marcelli filius,
 quem Pompeius pecunia mature è manibus Ligurum redemit. Eo tem-
 pore Pompeius Caietam se contulerat, ut iude commeatus expediret,
 urbem portumq. tueretur, & bellum in Minturnensi & Fundano aduer-
 sus Caietanos regulos administraret. Multi enim regni procures in Sa-
 mnio, Lucania, Brutisque, & Salentinis, Hispanorum odio, & præsentis
 exercitus metu commutata uoluntate defecerant, & castra Gallica seque-
 bantur, ut studio Andegauensis factionis alacriter ostentato, in parandâ
 victoria Lotrechii gratiam promererentur. Per eos etiam dies Pompe-
 ius, ad ea belli detrimeta domestico vulnere idus, infensæ Fortunæ acce-
 bitatem sensit. Scipio enim Columna Marcelli fratris filius, cui episcopa-
 tum Reatinum detulerat, quum iuuenili ardore exuta striata stola, non
 contemnendas copias ex amicis & clientibus comparasset, & in Marso-
 rum finibus cum Neapoleone Vrsino, ætate, audacia atq. opibus pari,
 collatis signis dimicasset, in prima acie ceciderat. Sed cum dolorem
 adeo constanter tulit, ut eum, postquam ita in fatis fuisset, nequaquam
 honestius mortem oppetere posse diceret, quum aduersus publicos &
 priuatos hostes fortiter pugnando pro Cæsare & Columnæ familiæ di-
 gnitate cecidisset. Ausus subinde est episcopatu Auerfano, Clemen-
 te proclinata iam belli Fortuna, eum concedente; quo Fabium Octa-
 uiano fratre genitum, tum iuris ciuilis scientiæ operam dantem hone-
 stauit. Interea graui iam autumno letalis morbus Gallorum copias
 inuaserat, ex palustri nebula, & tetro castrorum odore haud dubie con-
 ceptus; adeo multiplicatis funeribus, ut ipse Lotrechius & Valde-
 monius, qui superiore bello dux fuerat, atque item nobilissimi alarum du-
 ces & præfecti legionum, paucis diebus interierint. Exiêre demum ob-
 sessi, tentatisq. præaltis hostium munitionibus, quum eas nemo arma-
 tus defenderet, in languentes, & lurida macie deformatos hostes impe-
 tum fecere, persecutique demum reliquias eorum, vix manibus atque
 humeris arma gestantes ad Auerfam, bello finem imposuere; capto Pe-
 tro Nauarro, & Michaële Salasso in deditionem accepto, qui paucos

post dies eodem morbo, simul & dolore animi, hic in libera custodia, ille in carcere perierunt. Andreas quoque Auria quibusdam offensio-
nibus inductus, mutata fide à Gallis ad Cæsarianos se contulerat, perse-
cutusque Gallicas triremes earum partem cepit, ingressusque Genuæ
portum eiecit Gallis, ueterem libertatem patriæ restituit. Fortuna
itaque pro Cæsare ubique feliciter depugnante Pompeius Neapolim
uenit, in consilium grauiissimarum rerum ascitus ab Aurantio. Hunc
enim Cæsar in regni præfectura Vgoni Moncatæ suffecerat, quæreba-
turque acerbissime in eos, qui spe uictoriæ partium Andegauensium de-
cepti, fluxa fide ad Gallos intempestiue defecissent, ita ut damnatorum
regulorum ingens numerus, publicatis eorum bonis atque oppidis fis-
cum repletet, & plerique uiri nobiles capitali supplicio punirentur,
multi uero afflati suspitione criminis, metu auarissimorum iudicum in
exilium abierint, quorum omnium oppida ad hastam uendebantur;
in his addicendis Aurantio plurimum liberali, qui spectatam uirtutem
militum, donatiui nomine, ingentibus præmiis uel castigante Cæsare,
ornandam susceperat. In his Federicus Caietanus Honorati filius,
quum à Cæsare defecisset, ut paterna oppida à Columniis possessa repe-
reret, Minturnensibusque arma intulerat, in foro securi percussus est,
Murconio eius patruo Pompeii precibus haud dubie conseruato, qui
eandem damnationem subierat, & penè productus ad supplicii locum,
similem uitæ exitum expectabat. Retulit hanc gratiam misero seni, ex
ueteris beneficii memoria, quod uir generosus uiginti annorum spatio
nunquam obliuione deleuerat. Quum enim iuuenis in Volscorum syl-
uis quotidiana consuetudine uenaretur, ab Honorati equitibus ex insi-
diis captus, & Fundana in arce in imum turris carcerem detrusus fu-
erat; sed demum insigni Murconii pietate mortem effugit; quum Ho-
noratus frater eum uti iuuenem præferocem & Caietanæ familiæ infe-
stum ueneno tollere decreuisset. Seruum enim suum Murconius fideli
obsequio facile parentem, sed conficto damnatum crimine, in eundem
carcerem demitti iusserat, ut Pompeium moneret, ne alio uteretur ci-
bo, quàm eo qui sibi sportula demissus foret, humaniter interposita sa-
lutari mora, donec Honorati consilia lenirentur. Nec multo post Pom-
peius ex morte cardinalis Cardonii, Montis regalis in Sicilia insigni sa-
cerdorio ditatus est, facile id ingentibus ipsius meritis tribuente Cæsa-
re. Eodemque anno quum aliquandiu in Brutiis, & deinde in Apulia
cum Veneris atque reliquiis Gallorum uario euentu esset dimicatum,
pax inter Gallum & Cæsarem inita est; ex cuius legibus excessere Galli
& Veneti omnibus Apuliæ oppidis, & rex Gallus liberos obsides, ui-
cies centenis milibus aureorum persolutis cum incredibili totius Gallie
lætitia incolumes recepit. Ea quoque æstate, inter Clementem & Cæ-
sarem, amicitia renouata est, iis conditionibus ut Cæsar Margaritam fi-
liam in celibatu susceptam, Alexandro Medici iunioris Laurentii filio
despon-

desponderet; bellum aduersus Florentinos susceperet, ut Mediceis uetus in patria dominatus redderetur. Florentini enim natura Gallici nominis studiosissimi, eiectis statim Mediceis Lotrechio adhæserant; miserant ad eum Neapolim auxilia ualidissimarum cohortium: professique Gallorum amicitiam, Cæsarianos cunctis opibus oppugnabant, nunquam futurum existimantes, ut pontifex tantis affectus detrimentis, & tantis iniuriis exacerbatus, animum ad Cæsaris amicitiam reuocaret.

Venit inde in Italiam Cæsar, triremibus ab Auria Genuam deuectus. Nec multo post Cæsar Bononiæ à Clemente susceptus coronatusque est solenni pompa, ipso natalis sui die, quum precibus pontificis, Venerumque, Franciscum Sfortiam in complexum & gratiam recepisset, reddito ei Galliæ Cisalpinæ imperio, de quo tantis inuectis cladibus, omni deuastata Italia dimicant. Venerat per eos dies Solymanus ad Viennam oppugnandam, innumerabiles copias ducens. Sed ea urbe frustra, utpote sine tormentis muralibus oppugnata, & deuastato demum Norico, Pannoniæque agro Bizantium redierat, ita ut Germanis & Ferdinandò Cæsaris fratri, qui Pannoniæ regnum armis petebat, grauiore fama quam exitu formidinem incussisse uideretur. His enim de causis Cæsar moderato animo uictoria usus, quod ab armatis eripere quierat, æquitati & precibus ab eximia magnitudine animi concessit. Profectus est demum in Germaniam, tribuitque summam potestatem apud Neapolim Pompeio, quum Aurantius exercitibus in Ethruria præfesset. integrum uero annum Florentini libertatem suam constantissime defenderunt, bellum administrante Malatesta Baleono, callido & forti duce, atque item Stephano Columna, uiro uigilanti atque impigro, qui Galliæ regis nutum atque imperium sequi dicebatur. Binis castris urbem obsidebant, à citeriore parte Aurantius, ab ulteriore uero Vastius, interfluente Arno. Erantque his in castris præter Ascanium & Sarram ætate maiores, Camilli duo & Martius Columnii iuuenes cohortium alarumque præfessi, tanta militari cum laude, ut Pompeius ea sobole iam planè adulta & strenuè exercitata in castris, magnopere lætaretur. Cæterum uertente se anno, Florentini fame domiti ditionem fecerunt, quum ipsorum auxilia quæ ad opem ferendam Pisis aduentabant, Aurantius in agro Pistoriensis profligasset. Sed in ea tamen uictoria ipse dux cecidit, uacuamque & liberam præfecturam regi Neapolitani Pompeio reliquit. Itaque biennium in administratione rerum publicarum uersatus, eum in reddendo iure, recreandaque prouincia & pecuniis exigendis iustitiæ, humanitatis & temperantiæ modum tenuit, ut quum seueritatem facilitate misceret, & recentium cladum incommoda refarciret, publicæque egestatis & æriarii pariter causam ueretur, singularis ei apud omnes ordines laus pararetur. Exhauserat enim Cæsar frequentibus tributis totius regni urbes, Gallico

etiam bello afflicta; ipsamque Neapolim, quæ multo grauiora ab Hispanis & Germanis quàm ab ipsis Gallis hostibus detrimenta acceperat. Nec tamen deerant è Neapolitanis qui priuatam gratiam bono publico præferrent, & inusitata rapacitate cogendæ pecuniæ rationes inuenirent, ut ea Barbari milites explerentur, qui & aliquot Campaniæ urbes, insignisque oppida auarè & crudeliter diripuissent. Sed Pompeius vultu, sermone, sententiâ expeditoque consilio supra quàm dici possit admirabilis, singulis rebus remedia celeriter afferebat; castigabat acriter Hispanorum arrogantiam, Neapolitanorum iuuenum insolentiam frenabat, Procerum superbiam seueritate præsentis imperii ita contrundeat, ut ex magistratus potestate maxime timeretur; quum priuatus in colloquio, ioco, uenatione, conuiuio, ceteros mortales exquilita & nobili morum iocunditate superaret. Inerat enim ingenio eius factus planè regius, quum insolenter urgeretur; ex aduerso autem si quid molliter postulares, ciuilis humanitas, adeo ut is omnium seuerissimus simul atque lenissimus haberetur. Mirificam etiam dignitatem rarissimo quodam naturæ munere, in omni negotio adioneque semper afferebat. Erat enim amplo corpore, atque eo quidem animi similitudine ad decus plurimum erecto, serena fronte, uiuacibus oculis, pleniore ore, eloquentia uero tanta, ut in ea, quum expediret, senatoria grauitas, libertas militaris, urbana comitas, optimarum literarum, & ueterum exemplorum conspersa floribus ad admirationem eminerent. Sed eo irato nihil tumidius, aut truculentius, cui tamen amici & familiares semihoræ silentio feliciter occurrerant, adeo ut ipse deferuescente sensim iracundia, sese ratione contineri, confutarique æquo animo pateretur. Sed ubi negotium potestatis ac imperii decus respiceret, erat egregie constans & inexorabilis, quum iustissimi regis personam omnino representandam arbitraretur. Adeo ut Ioannem Contumacium, qui populi tribunus fuerat, falsi & peculatus reum, in foro præalta in furca suspendi iusserit, quum ille ad mitiorem poenam haud dubie in custodia seruatus, crebro & impudenter, ut sibi ius redderetur tanquam insons & inique detentus flagitaret. Comminatus quoque est Salernitano principi summa familiaritate sibi coniuncto, tanquàm reo læsæ maiestatis, supremi imperii uim, nisi extemplo maleficum hominem ad carcerem statuisset, qui è manibus præfecti uigilum elapsus, tanquam ad Asylum in domum eius perfugerat. Annibalem quoque militem Formianum, ignis poena seuerè admodum affecit, quum impotenter & graui quidem cum iniuria, adolescentuli pudicitix uim intulisset, quanquàm in huiusmodi flagitio, si uis abesset, sæpissime conuiuendum existimaret, & tum non amatorem, sed uiolatorem ingenui corporis, se punire proficeretur. Detruncari etiam iussit leuam manum, (dextra ægrè impetrata) honestissimo equiti Neapolitano, & qui tum in ala Camilli fratris fi-

liti militabat, quum ex iurgio gladium in atriis domus, in altercantis caput sine vulnere distrinxisset; Idque unum poenam deprecantibus amicorum præcipuis respondit. Ni ita fecisset, ueluti alita, auctaque audacia quæ Neapolitanorum animis insita uideretur, non defuturum qui cubiculo ipsius ferrum inferre, & ad eadem enudare minime dubitaret. Seruauit tamen plurimos, quum ex seueritate legum capitis poenam meritos, ad triremes relegare esset solitus, egestati, iracundiæ, & corrupti etiam sæculi licentiæ, plurà omnino cōdonanda, militibusque præsertim clementer indulgendum existimans. Villam non longe à maris litore qua in occasum plaga illa hortorum amœnitatem pernobilis ad Cocceii cryptam extenditur, citriorum sylua & marmoreis fontibus exornata; in eaque adeo multus erat ut sua manu agriculturæ peritissimus & semper purpuratus arbusculas infereret, spectanteque populo, cum Neapolitanis hortorum amœnitati impensè studentibus, de uario seminum genere, deque olerum nobilium, & peregrinorum florum plantatione dissereret. Cæteras horas, sobriusque præsertim Musis dabat, quibus adeo oblectabatur, ut & stilum feliciter exerceret. Composuit enim lepidis argumentis aliquot minuta poemata, in quibus Isbellæ Villamrinæ Salernitani principis uxoris formam atque delicias elegantissimè depinxit. Hanc enim studiosè colebat, atque ea ingenii libertate, ut nihil unquam turpè à castissima femina cupiuisse testaretur. Scripsit demum grauiore consilio laboreque, iustum uolumen de laudibus mulierum à multis prisce uirtutis exemplis atque orationis iocunditate eruditorum lectione dignissimum: quod se in honorem Victoriæ Columnæ gentilis suæ composuisse dicebat; cui & non pari studio, ob excelsum nobilissimæ eruditissimique ingenii uirtutem, eximiamque Christiani animi pietatem septem libros de uita & rebus gestis Piscarii mariti ipsius inuictissimi ducis dicauimus. Quum in publico negotio priuatoque ocio, intermissa repetitaque ex occasione clarissimorum hospitum, uenationum, aucupiorumque & piscationum uoluptate liberaliter frueretur, sequi inuidiæ procerum ex amplissima regii imperii potestate expositum cōspiceret, (Nam multi ex Hispanis & Belgis, ambitione & spe quæstus ad eius præfecturæ munus aspirabant) à Clemente postulauit, ut sibi in Tusculano rusticari liceret. Respondebat pontifex se sincera fide erga ipsum post tantas clades in amicitiam receptum, dum uita supereretur, inter præcipuos habiturum, modo urbem potius quam rura colere & se natoris muneribus interesse uellet. Sed Pompeius nullam suspensionem de salute superfluum ratus, nullis pignoribus, aut uadibus adduci potuit, ut ad urbem regrederetur. Nec multo post Cæsare è Germania ad Panoniæ fines properante aduersus Solymanum, ut uniuersis copiis cum rege Barbaro dimicaret, Pompeius Camillum & Martium fratrum filios cum delectis peditum cohortibus in Germaniam misit, duce Vastio

qui ueteranos Hispanos & legiones Italicas ad Cæsarem perducebat. Inciditque paucos post dies in morbum ab initio contemnendum, sed qui mox occultis insidiis letalis atque supremus fuit. Vtebatur à prandio ita tim æstate pariter atque hieme, frigidæ potu ardente scilicet stomacho, qui à multo calore uel prædura cibaria perficere erat solitus. Sed uinum ineunte statim ætate niue de Samnii montibus quæsitâ affatim miscebat, frustra dominantibus medicis, quorum placita serio & ioco, uti ancipitia atque incerta sæpissime tefellebat. Comederat & biferas ficos indulgenter. Itaque uix dum paratis remediis, permeante ad præcordia feruidæ febris ueneno ad quartum Calendas Iulias, intergerrimis sensibus de uita discessit; ita ut in eo festinata mortis cursu, uitæ exitum intrepidus sentiret, commendaretque animum superis; nec ulla se grauiore molestia affici diceret, quàm quoddam ante diem exactæ ætatis, præoccupante fato, familiaribus gratus esse nequiuisset; cogereturque discedere inuitus ex eo eruditorum iocundissimorumque amicorum cœtu, quo se tum maxime incomparabili percepta uoluptate, plurimum oblectare cœpisset. Aderat enim expiranti Augustinus Niphus Sueffanus de sectâ Aristotelis philosophorum ætate nostra celeberrimus, & plerique alii uiri graues, in liberalibus disciplinis cum laude uersati, qui morientem, uti patrum in exaultæ liberalitatis, parentemque omnium uerissimis lachrymis luxerunt; Intempestius enim uidebatur interitus, quoddam nondum quinquagesimum tertium ætatis annum expleuisset. Nec defuere qui ueneno sublatum suspicarentur perfidia Philippi Galli qui ab ætatis flore & musicæ artis peritia domino charus, epularum demum structor euaserat, & à pontifice patrati sceleris præmia expetisse dicebatur. Sed tum medici & pollinctores, exenterati uiscera nullo ueneni indicio notata retulerunt. Nec ad mortis nuncium Clemens ullum omnino lætitæ signum uultu prætulit, quanquàm à sacerdotio ualde opulento, insignique inter senatores officio adornandum Hypolitum Medicem ei perampla hæreditas obueniret. Verùm seuerè contraxit frontem, uel ob id quod Pompeius eodem anno menseque, quo ipse natus, immaturè atque hominum opinione celerius, de uita discessisset, quum præsertim tanta uis spiritus, & ea quidem aduersus morbos indomita, robusto in corpore uigere uideretur. Magnopere enim Clemens ex alienis fati ominibus concepto, mortem timebat, quum alioqui nihil saluti molliter indulgendo, uitam contemneret. Prorupit tamen in longos sermones de Pompeii moribus ex animo iudicium ferens, quum honestissimi uiri qui tum aderant, amore uel odio mortui famam diuersis sententiis excuterent; & ipse ante omnes Pompeium ab eximiis ingenii naturæque dotibus uerè magnum fuisse testaretur, sed aculeatè subiungeret Pœni Annibalis exemplo, uel maximas eius uiri uirtutes, ingentibus uitiiis adæquari. Appellarat enim eum nonnulli ingenio repentinum & inconstantem, natura factiosum &

tumi